

**MANUDUCTIO AD
CONUERSIONEM
MAHUMETANORU
M IN DUAS PARTES
DIUISA. IN PRIMA...**

Tirso González de Santalla,
José Maria Fonseca de Evora







MANVDVCTIO
A D
CONVERSIONEM
MAHVMETANORVM.
TOMVS PRIMVS.

A
R. P. THYR SO GONZALEZ.
DE SANTALLA E SOCIETATE
J E S U.



MANUFACTURED BY

A. D.

JOHN R. FLETCHER

MANUFACTURED BY

JOHN R. FLETCHER

A

JOHN R. FLETCHER

JOHN R. FLETCHER

JOHN R. FLETCHER

MANVDVCTIO
AD CONVERSIONEM
MAHVMETANORVM
IN DVAS PARTES DIVISA.

IN PRIMA
VERITAS RELIGIONIS CHRISTIANÆ
Catholicæ Romanæ manifestis argumentis
demonstratur.

IN SECUNDA
FALSITAS MAHVMETANÆ SECTÆ
conuincitur.

TOMVS PRIMVS.

SS^{MO} DOMINO NOSTRO
INNOCENTIO XI^o
PONTIFICI MAXIMO.

POST SACRORVM PEDVM OSCVLA,
consecrat M. Thyrsus Gonzalez de Santalla è Societate
Jesu, in Salmanticensi Academiâ Sacræ Theo-
logiæ Primarius Antecessor emeritus:

VT CVIVS COPIOSISSIMIS SVMP TIBVS, SOLERTISSI-
ma industria, infatigabili zelo, precibus, lachrymis, & gemitibus
Mahumetismum cernimus subiugatum, eiusdem quoque faustissimo
auspicio tot Barbaris Nationibus sedentibus in tenebris, &
vmbra mortis, viâ Ricem Christianæ veritatis lucem
tandem affulsisse lætemur.

MATRITI. M.DC.LXXXVII.

MANV DACTIO

AD CONVERSIO NEM

MANV METANORV

14 DAS PARTIS IVISA

IN FIRM

VERITAS RELIGIO

CONVERSIO NEM

CONVERSIO

CONVERSIO

CONVERSIO NEM

CONVERSIO

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

CONVERSIO NEM

SANCTISSIMO,
ET BEATISSIMO D. N.
INNOCENTIO XI.
PONTIFICI OPTIMO

MAXIMO,
TOTIVS ECCLESIAE CAPITI, PASTO-
ri, & Principi clarissimo, B. Petri Successori exi-
mio, legitimo Christi Vicario, Christiani Orbis
supremo Primati, verum ius, & plenam po-
testatem in Ecclesiam Catholicam à
Christo D. habenti,

BEATISSIMÆ PATER.



V M Inclytum Impera-
torem Leopoldum, Se-
renissimum Poloniae Re-
gem, Strenuum Lotharingiae Du-
cem, aliosque Inuictissimos Prin-
cipes in ipso vertice periculi con-
stitutos tot Victorias ab Otho-
manis reportare audio, quot pug-
nas ineunt, dum expugnatas Vrbes
florentissimas, fugatos hostes, &
vel solo armorum strepitu perter-
ritos; dum victrices Germaniae A-
quilas Turcarum Lunam proprio
sanguine foedatam vnguibus dis-
cerpere, dum immensam ferè illius
Imperij molem hinc lapsam, illinc
prolabentem contemplor, non
possum, Sanctissime Pater, non
gra-

gratulari aureo Beatitudinis vestrae
saeculo, pietatemque, magnificen-
tiam, zelum, & sollicitudinem
tanti Pontificis extollere; utpote
qui non tantum profusis lachry-
marum, sed aureorum etiam im-
bribus, sacrum hoc bellum foue-
rit in Turcarum extremam per-
niciem, ut Imperium illud fundi-
tuseuerteretur, propriaeque ruinae
cineribus sepultum iaceret. Ele-
gantius enim de hac, quam de
Gratiani Magnificencia diceret
Ausonius: *Spem superas, vota prae-
curris, cupienda praeuenis, praestare
tibi est, quam illis optare, velocius.*

Deinde non minus lachrymae
S. Vestrae, quam Imperatoris arma
hostem laceſſunt, fugant, proster-
nunt,

nunt, quasi lachrymæ illæ efferam
Barbarorum duritiem emollirent,
vt facilius armis cederent. Dum
enim ardens Lotharingiæ Dux
equo sublimis, hinc inde omnium
ferro decertans ex alto victoriæ
monte præcipitem fortunæ ro-
tam agitabat, vt triumphus non
cæco fortunæ arbitrio, sed Deo,
& militari virtuti adscriberetur,
erectis in Cœlum manibus eni-
xè Deum orabat B. Vestra. Et vt
luculentiùs antiquos Triumphos
superaret militans Ecclesia, cum
Sol olim stetisset, non stetit
hîc solùm Luna, sed & cecidit.
Proh faustissimum omen! dum
Turcarum astra è Cœlo cadunt,
quid nisi vasti illius Imperij rui-
nam expectare fas est? Er-

Ergo dum V. Beat. zelo, & assidu-
is curis cernimus subactas mu-
nitissimas Pannoniæ Arces, Vien-
nam ab obsidione vendicatam,
captam Strigoniam, expugnatam
Budam, vrbs cum esset inexpug-
nabilis; immó etiam superba Cō-
stantinopolis mænia, & metu, &
vicino armorum fragóre concus-
sa tremere. Cum inquam, hæc
mente lubentissima euoluo, au-
deo dicere (â blando adulationis
periculo omnino securus) zelum,
& eximiam sedulitatem B. V. lon-
gè, latèque superare decantatum
illum Religionis amorem, quo
prisci Summi Pontifices exarsere,
adeó vt plerosque Christianos
Principes accenderent ad bellum

Tur-

III

III - III

Turcis inferendum. Urbanus II. Siciliae, Calabriae, & Apuliae Principes mutuo cruore respersos pulchro foedere iunxit, ut arma in Sarracenos verterent: fecitque, ut Germanorum, Belgarum, & Polonorum ciuilia bella dormirent, ut ad praelium sacrum excitarentur. Urbanum constanter imitati sunt, praeter egregios alios Pontifices, quos breuitati, silentio, & venerationi confesco, Innocentius III. Innocentius IV. Innocent. VI. Innocent. VIII. qui in hoc Turcicum bellum fide, & pietate accincti conspirarunt, quasi illustre hoc facinus Innocentios omnes ad se secreto quodam influxu traheret. Eugenius IV. qui ma-

ri classẽm, terra exercitum Duce
strenuo Ladislao Poloniae Rege
misit, & innumeras Turcarum co-
pias ad oram Danubij fugauit,
protriuitque. Callixtus III. voto ad
bellum hoc suscipiendum adstri-
ctus insignem triumphum egit
apud Belgradum, dum Mahome-
tes tyrannus ingenti vulnere exã-
guis turpi fuga vitam quæsiuit.
Pius V. celebrem illam victoriam
in sinu Lepantino totius Orbis
stupore reportauit.

Cœterum, B. Pater, vicisti;
vicisti sanè non tantum victos
hostes, sed relatos hostium victo-
res: vicisti, inquam, numero, &
magnitudine victoriarum; vicisti
auxilij præstitis, & felicitate; &
vel

vel sublimiores æquasti feruore,
diligentia, zelo, pietate. Euoluan-
tur, rogo, Historiarum volumina,
nullibi profectó inuenitur Sum-
mus Pastor ex his, qui Turcicum
bellum iniere, tot spolijs onera-
tus, tot Triumphis plenus, tanto
hostili sanguine madens. Ideóque
septem Romana montium iuga
altius eriguntur, vt victorias, &
palmas ex alto vertice videre pos-
sint, & statim superbam frontem
demittunt, vt victorem Innocen-
tium, inclinata ceruice, adorent.

Ergo cum nusquám vberior
animarum fructus speretur, quám
hoc tempore, quo Othomani in-
felices perfidiam suam calamita-
tibus noscunt, vt infensissimi illi
Ec-

Ecclesiæ hostes armis domiti, Catholicae Fidei veritatibus iterum subiugentur, & colla iugum Imperatoris sustinentia, mitissimo etiam Christi iugo submittantur, opus hoc iam diu elaboratum Sanct. V. supplex offero; quod equidem solidissimis refertum est fundamentis, quibus stulta Mahumeti dogmata penitus eneruantur, & comentitij Paradisi flores marcescunt: quibus Sole clarius euincitur, Alcoranum innumeris erroribus scatere, & horridis monstris affluere. Quod non semel expertus fui, cum ad Mahumetanos publicè conciones habuissem in florentissima Beticæ Prouincia, Matriti, & alibi; ferèque ducenti
ar-

argumentorum pondere devicti
ad salubres vndas, velut ad portum
feliciter appulere. Igitur cum ne-
queam ipse cominus hostes illos
appetere, & viva voce convince-
re, eminus contendere statui non
armis, sed rationibus, non telo, sed
calamo. Ideoque libellum hunc
seorsim evulgare decreui, ut Con-
cionatores, & Ministri Evan-
gelij, qui ibidem degunt, vberem
argumentorum segetem, arma-
que præstò habeant ad victos Tur-
cas convincendos, ut felicius victi
dicantur, quam essent victores:
tunc enim superbientis fortunæ
arrogantia elati Christi humilita-
tem despicerent; nunc verò è cul-
mine felicitatis deiecti, & iam sub
di-

ditione inuictissimi Imperatoris
Leopoldi venientes, aptiores ad
excutiendas tenebras Mahumeti,
& suscipiendū fidei iubar reddun-
tur.

Igitur, Sanctissime Pater, exci-
pe non tam parvum hoc opus,
quā magnum desiderium ser-
uiendi causæ publicæ; immó nec
opus ipsum, quod accuratius
recognitum denuo in lucem pro-
fero, parvum, ignotumvê esse po-
terit, cum à magno Innocentij
XI. nomine, & celsitudine lucem,
& vmbra accipiet. Si tamen non
habuerit ynde Beatitudini V. pla-
ceat ex venustate, aut elegantia; ex
pietate obiecti, & zelo scribentis
displicere non poterit. Viue San-
ctif-

ctissime Pater ad Ecclesiæ solatium, ad Fidei incrementum, ad coercendos effrænatos veræ Religionis hostes, ad reuocandas desperditas oues in vnum Christi ouile. Viue pietati, viue ccelo, viue tibi. Salmanticæ 20. Martij, anno Domini 1687.

BEATISSIME PATER

Post deosculatos sacros pedes, obsequen-
tissimus Sanctitatis vestræ famulus.

THYRSVS GONZALEZ
DE SANTALLA.

LICENTIA ORDINIS.

Andreas Reguera, Societatis Jesu, in Prouincia Castellana Præpositus Prouincialis potestate ad id mihi facta à Reuerendo admodum P. N. Carolo de Noyelle eiusdem Societatis Præposito Generali; facultatem facio, vt Tractatus aduersus Mahumetanos à P. Thyrso Gonzalez nostræ Societatis Doctore Theologo: & in Salmantina Academia Primario Theologiæ Antecessore compositus: & Salmanticæ excussus anno Domini 1680. ad finem Tomi tertij Selectarum Disputationum ex vniuersa Theologia Scholastica: sub titulo *Disputationis* de Diuinitate Christi, & demonstrationum contra Mahumetanos; nunc denuo seorsim recudatur pro maiori legentium commodo sub hoc titulo: *Manuductio ad conversionem Mahumetanorum: in qua veritas Religionis Christianæ aduersus omnes eius hostes manifestis argumentis demonstratur.* Cum fuerit grauium, doctorumque hominum eiusdem Societatis iudicio approbatus. In quorum fidem has litteras manu nostra, & Secretarij nostri subscriptas, & sigillo nostro munitas dedimus. Vallisoleti in Collegio S. P. N. Ignatij, die 11. mensis Januarij, anno Domini 1687.

Andreas Reguera.

Antonius Caraneo, Secret.

b

APRO-

APROBATIO EMINENTIS-
simi D. D. Fr. Iosephi de Aguirre,
S.R.E. Cardinalis, &c.

Methodum hanc, quàm Mahumetani
ex crassis erroribus, quibus alte cali-
gant, & cæcutiunt, ad lumen Euangelicæ
doctrinæ convertantur facilius, iam antè
vidi, & suffragio meo probavi, dum ex præ-
scripto Regij Senatus Superioribus annis
Censor essem Selectarum Disputationum
Reuerendissimi Patris Magistri Thyrsi Gõ-
zalez, Primarij Theologiæ Professoris in
Salmanticensi Academia. Cùm autem plu-
ribus doctrinà, & eruditione præstantibus
Viris conveniens visum fuerit, vt illa seor-
sim edatur ad commodiorem vsum eorum,
quibus curæ est, aut erit Mahumetanorum
conversio; censui pariter vtilissimum, vt in
eundem Scopum recudatur. Quippè ad
manum habebunt pervias demonstratio-
nes, & vrgentissimas prætereà coniectu-
ras, quibus occæcatam eorum mentem il-
lustrare, & affectum inflammare possint, vt
tan-

tandem emergant è tenebris, & veram salutis viam insistant. Quapropter non modica mihi spes affulget ingentis vtilitatis reportandæ ex noua editione huius Tractatus, quæ sanè oportet per omnes Christiani orbis plagas distrahi, & publici iuris fieri; illas præsertim; in quibus inveniuntur errores Barbaræ illi Sectæ dediti. Ita attestabar Matriti in Monasterio Benedictino S. Martini die 15. Decembris, anno Domini; cæ Incarnationis 1686.

*Josephus Cardinalis de Aguirre,
Benedictinus.*

APROBATIO ILLVSTRIS-
simi D.D. Didaci de la Cueva, Epif-
copi Vallisoletani, Consilia-
rij Regij, &c.

IAm pridem magno cum splendore pri-
mam lucem vsurpauerat Manuductio ista
ad conversionem Mahumetanorum: Et ego
placidos ipsius radios grato lumine hausi,
cum pro munere Censoris iniuncto ab Il-
lustrissimo Domino D. Francisco de Seixas
& Lofada, tunc Episcopo Salmantino, &
postmodum Compostellano Archiepisco-
po, Selectas ex vniuersa Theologia Dispu-
tationes Reuerendissimi Patris Magistri
Thyrsi Gonzalez de Santalla è Societate
Jesu, Primarij Theologiæ Professoris in Sal-
manticensi Academia, meis probavi calcu-
lis; candidissimis quidem, & pro mea in Au-
thorem beneuolentia, & pro Authoris ad-
versus Censores meritisimo iure. Nunc
vero, quod in Sole intuemur, qui nullo cõ-
tentus Emisphærio plagas supergressus im-
men-

menſas, novum apud alios accolas mundum
ſplendori ſuo, ambitu perpetuò ſollicitat,
neque vno quieſcens volumine iteratis or-
bibus magno mortalium beneficio propi-
tios radios diſpenſat: id ipſum huic Manu-
ductioni accidit, quæ recto tramite ad ſu-
peras lucis plagas, & ducit, & euolat. Nem-
pè, quaſi eſſet ipſis ſolaribus radijs ſcripta
in eam claritatem excreuit; vt illo *Selecta-
rum* volumine non coercita propriam ſibi
ſphæram quâ ocyus in orbem circumfera-
tur, & noua volumina, queis liberalius diſ-
fundatur, expoſcat. Hic primum ſacram
myſteriorum fidei obſcuritatē claris adeo
ſplendoribus Author inaurat, & tam perſ-
picuâ ſubtilitate diuidit diem à tenebris,
vt verè nox ſicut dies illuminetur, & fides
quæ cæca eſt, planè ſimul appareat oculata,
& tota oculus. Tum errores Mahumetanæ
Sectæ triumphans aggreditur; & Prædica-
toribus Euangelicis zelum accendit, me-
thodum tradit, arma miniſtrat, quibus per-
tinaciam Barbaræ gentis, licèt Aſpidis ſur-
dæ, & obturantis aures ſuas, ſuperna veri-
tatis luce feliciffimè expugnaturi ſint, vt

spero. Quidni sperauerim? Nouit omnis Hispania indulgentissimam Dei prouidentiam, quâ dum Author inter Sacras expeditiones ingentem spiritum zelo Deiplenissimum fatigaret, se ipsum sensit velut extemporaneo Spiritus Sancti afflatu correptum, & inopinato iuxta, ac vehementi agitatum impulsu, vt ad Mauros conciones suas converteret: quorum in prima concione quinque, in secunda octo, in tertia decem profilierunt in medium, & baptismum publicè postularunt; & sic deinceps alij sine numero Religionem Christianam, incredibili omnium fidelium gaudio, amplexati sunt. Nec cuiquam dubitare fas est, quòd idem ipse Religiosissimus Pater testatur, dum ad eas conciones pergeret in Theatrum, subito sibi inopinatam eo usque demonstrationem affulxisse de cælo, qua indomitam Mahumetanorum cervicem Evangelio subiugauerit: vt planè, quam Salomon habebat in votis assitricem sibi de cælo sapientiam, quæ secum laboraret, hanc cælitus delapsam Author habuerit, quæ cū illo pugnaret, ac vinceret. Opportunissimum

mum

num igitur meo iudicio , & saluberrimum
consilium est, vt Manuctio ista ad Mahu-
metanorum conversionem, denuò , & seor-
sim in publicam lucem prodeat , cùm tot
regiones à Turcarum Tyrannide creptæ,
& Christianorum Principum , ac præsertim
Augustissimi Leopoldi Imperio subiectæ,
albæ iam sunt ad mesem. Suppetit hic Euā-
gelicis Missionarijs, quos Author, & exem-
plo vocat, & calamo manuducit, vnde am-
plissimam palmarum segetem sibi spon-
deant: Suppetunt arma, quibus de Mahu-
meti erroribus, & fabulosis delirijs fœlicif-
simè triumphare possint, sunt enim verè au-
rea, sunt triumphis sæpè sæpius assueta, sunt
trophæis iterum atque iterum coronata, ac
dum igneus est illis vigor, & celestis ori-
go. Vallisoleti die 22. Martij, anno Domini
1687.

Didacus Episcopus Vallisoletanus.

LICENCIA DEL ORDINARIO.

NOS el Licenciado D. Alonso Portillo y Cardos, Inquisidor Ordinario, y Vicario desta Villa de Madrid, y su Partido; por la presente, y por lo que à Nos toca, damos licencia para que se impriman los Libros intitulados, *Manuductio ad conuersionem Mahumetanorum*, compuestos por el Reuerendissimo Padre Tirso Gonçalez de Santalla, Catedratico de Prima Jubidado de la Vniuersidad de Salamanca, y Preposito General de la Compañia de Jesus, atento nos consta, que por las aprobaciones que hemos visto no contiene cosas contra nuestra Santa Fè Catolica, y buenas costumbres. Dado en Madrid à veinte y vno de Agosto de mil seiscientos y ochenta y siete años.

Lic. Don Alonso Portillo
y Cardos.

Por su mandado,

Juan Alvarez de Llamas,
Notario.

APPRO-

APPROBATIO REVEREN-
dissimi P. M. Ioannis Cortès Ossorio
in Collegio Imperiali Matritensi pro
Scholis Regijs Primarij Theologiæ
Professoris, Sacræ Catholicæ Maie-
statis Theologi, Supremi Inquisitionis
Senatus Qualificatoris, & pro eo-
dem Tribunali Librorum
Censoris, &c.

CVM Celsitudo vestra dignata fuerit
hanc *Manuductionem* ad conuersionem
Mahumetanorum, mihi censendam com-
mittere, facultatem simul concessam præ-
sumo, & mihi, & auctori de huiusmodi com-
missione gratulandi. Manifestum enim do-
cumentum est eius bonæ existimationis, &
Christianæ sapientiæ conceptæ securitatis,
quòd sua causa non magis integrum iudi-
cium exposcat, quàm conciuis, amici, subdi-
ti, & filij. Talem me ergo cum profitear; nō
dubito, quin vestra Celsitudo magis elo-
gium,

gium, quàm censuram expectet. Scilicèt cū
Author Matrilo transiret in Comitia Ro-
mana ad noui Præpositi Generalis electio-
nem indicta, hunc præclarissimum tracta-
tum pro ea benignitate, qua omnium ani-
mos sibi deuincit, mihi perlegendum in-
dulsit; & testor tantam voluptatem eius le-
ctione percepisse, vt nihil ardentius deside-
rarim, quam quod opus adeo consentaneū,
& vtile Religioni Christianæ quantocyus
publicam lucem videret, optasseque de eius
prærogatiuis interrogari, vt illas referen-
do, adeo proficuum editionē quadantenus
vrgerē. Spirat enim hoc opus eximiā pieta-
tem, ferventissimum animarum zelum, cha-
ritatem erga Deum, & proximos, profun-
dam eruditionem, ingeniosum acumen, &
tantam claritatem, efficaciam, & eloquen-
tiam, qualis decebat celeberrimum Magi-
strum, sapientissimum Theologum, & Apo-
stolicum Concionatorem, sicut iurè opti-
mo reputatur Admodum R. P. N. Pater
Dōctor Tyrsus Gonzalez de Santalla, cuius
celeberrimi nominis fama maximum om-
nium elogiorum est. Verum cum authorem

reducem sperabat hoc opus, vt ipsum ab-
solveret, & integrum ex omni capite pro-
diret, Præpositi Generalis dignitas eum ni-
hil tale cogitantem intercepit; quapropter
neceffe fuit libri editionem differri non si-
ne aliquo publicæ vtilitatis detrimento,
quod tamen longè compensauit Ecclesiæ
bonum, totius Societatis Jesu vniuersale
solatium, & omnium bonorum gaudium ob
virtutis præmium. Quid, inquit, bono-
rum? Imò nullus etiam malignantium fuit,
qui de viri doctissimi, pientissimi, & humil-
limi exaltatione non gauderet. Eius sanè
electio tam cōmuni plausu in Hispania ex-
cepta fuit, vt manifestam exceptionem fe-
cerit illius vniuersalis sententiæ, quæ negat
vllum Prophetam acceptum in patria sua: si-
quidem vir modestissimus omnes populos
Hispaniæ, quibus ob Apostolici Missionarij
munus notus erat, ea fœlicitate promeruit,
vt cuncti à minimò vsque ad maximum tã-
quam decus proprium, & approbationem
bonæ existimationis de ipso conceptæ Præ-
laturam ipsius celebrauerint. Miraculo pro-
ximum videtur, ne minem fuisse, qui liuore
ta-

tactus vel minimum popularibus præconijs detraxerit , vel publicam gentis lætitiā agris oculis aspexerit. Tanta est aliquando meritorum vis, vt supra omnem æmulationem se extollat; sed impræsentiarum alia, ni fallor, est causa: etenim ea submissio modestissimi animi, qui nullum contemnit, & ea Religiosa humilitas, qua sibi cæteros præfert, prorsus exarmauit inuidiam. Non defuerē quidem viri præclari, qui Romam proficiscenti precati sint, vt eius virtus exteris lateret, ne Academia Salmaticensis tanto Præceptore, & vniuersa Hispania tali lumine priuaretur; verumtamen, quia huiusmodi votum non ex maligno erat, facile se Diuinæ prouidentię conformarunt congratulātes Ecclesiæ, quod in dies pulchriores triumphos sperare possit ab inuictā Societatis Militiā tam egregio duce animatā, & instructā. Prodeat ergo hæc *Manuductio* non solum Regia facultate commendata, sed omnium Catholicorum laudibus prædita, & munita, vt fideles Operarij Vineæ Domini habeant ad manum aptiora instrumenta quibus illam excolant, augeant, &

fœ-

foecundent. Ita videtur. Matriti in Colle-
gio Imperiali Societ. Iesu 13. Augusti
1687.

Ioannes Cortès Ossorio.

LICENCIA DEL CONSEJO.

Diego Guerra de Noriega, Escriuano de Camara del Rey nuestro Señor, de los que residen en su Consejo. Certifico, que por los Señores del se ha concedido licencia á Juan de Goyeneche, vezino desta Corte, para que pueda imprimir dos Tomos pequeños, que compuso, y dexò para este efecto en su poder el Maestro Tirso González, Preposito General de la Compañia de Jesus, intitulado, *Manuductio ad conversionem Mahumetanorum*, por el original, que vâ rubricado de mi rubrica, y firmado al fin de mi firma, con q̃ auiendo se hecho la impresion se trayga al Consejo cõ certificacion del Corrector de estàr conforme à el, para que se tasse el precio à que se ha de vender. Y para que conste, doy esta certificacion. En Madrid à diez y nueue de Agosto de mil y seiscientos y ochenta y siete años.

Diego Guerra de Noriega.

ERRA-

ERRATA SIT CORRIGITO.

Pag. 11. num. 11. lin. 9. confluerint, lege, confluerunt.
 Ibid. lin. 14. tataque, lege, tantaque. Pag. 12. num. 12.
 lin. penult. se madidos, dele se. Pag. 23. num. 27. lin. 9. esse,
 lege, esset. Ibid. num. 28. lin. 2. parte, lege, partem. Pag.
 27. num. 33. lin. 7. promissione, lege, permissione. Pag. 32.
 num. 39. lin. 11. Non quòd, lege, Nam quòd. Pag. 34. num.
 42. lin. 14. imbusti, lege, imbuti. Ibid. lin. vlt. lubantur, le-
 ge, lucrabantur. Pag. 36. num. 44. lin. penult. insignei, le-
 ge, in signis. Ibid. num. 45. lin. 18. caput, lege, capite. Pag.
 46. lin. 6. haud inferius, lege, haud in glorijs. Pag. 48. num.
 58. lin. 5. occasione, lege, occisione. Pag. 52. num. 62. lin.
 11. expellendem, lege, expellenda. Pag. 61. num. 73. lin. 6.
 villorum, lege, vi illorum. Pag. 103. num. 111. lin. 3. Pa-
 tet, lege, Potest. Pag. 131. lin. 21. tunc, lege, hunc. Pag.
 138. num. 20. lin. 9. probare, lege, probari.

Este Libro intitulado, *Manuductio ad conversionẽ Ma-
 humetanorum*, con estas Erratas, concuerda con su ori-
 ginal. Madrid, y Agosto veinte y quatro de mil seiscien-
 tos y ochenta y siete.

Don Martin de Ascarça,
 Corrector general por su Magestad.

SVMA DE LA TASSA.

Diego Guerra de Noriega, Escrivano de Camara del Rey nuestro Señor, de los que residen en el Consejo. Certifico, que por los Señores del se ha tassado el Libro intitulado, *Manuductio ad conversionem Mahumetanorum*, compuesto por el Reuerendissimo Padre Tirso Gonçalez, Preposito General de la Compañia de Jesus, à ocho maravedis cada pliego, y no mas. Y para que conste doy esta certificacion. En Madrid à veinte y tres de Agosto de mil seiscientos y ochenta y siete años.

Diego Guerra de Noriega.

IOANNES DE GOYENECHE

Benevolo Lectori.

I



Vm Reverendissimus P. Tyr-
sus Gonçalez de Santalla,
Romam ad electionem no-
vi Præpositi Generalis pro-

peraret, huius operis editionem mihi vr-
gendam, & properandam iniunxit, credens
se citò rediturum, & ultimam manum ei
impositurum, vt vndequaque perfectum,
& absolutum lucem videret. Verùm cum
eius præclara merita, quibus socios super-
eminet omnes, Romæ detinuerint, coege-
rintque munus Præpositi Generalis subi-
re, & tanti oneris supportationi omnes
suas vires impendere, meum esse omninò
putavi, eius absentiam supplere, & hunc
tractatum producere, prout mihi Auctor
commendatum reliquit, ne tanti viri ami-
cabili confidentiæ desim, indignusque vi-
dear inter eius subditos reputari, imme-
morque devotionis, quâ vniuersæ Societa-
ti Iesu addictus sum, vtpotè concivis Apo-

AD LECTOREM.

foli Indiarum Francisci Xaverij, cuius se se egregium imitorem exhibet Auctor. Ut autem Lector benevole, melius percipias aliqua, quæ in hoc opere dispersa leguntur operæ pretium duxi, tam in tui gratiam, quam in Optimi viri commendationem nonnulla prænotare.

2 Hærebis enim fortassis, quisquis in hoc opus incideris, dum eius in fronte, ipsius Auctorem primum esse Theologiæ Emeritum Salmanticensem adverteris, cum ad emeriti honorem assurgere nemo possit, quin prius per viginti integros annos, Cathedram, quam Proprietatis vocant, obtinuerit: quod illi per tempus licere non potuisse censebis, si ad alia, quæ non semel insinuat, mentem feras: Eum nempe Missionum sacro muneri dicatum totam ferme Hispaniam peragrassæ, quatuorque integri folij volumina ex vniuersa Theologia in lucem publicam edidisse. Quibus sanè dubijs, ut plenam responsionem exhibeam, expendere necessum est suæ ad missiones vocationis initium, temporis, quo ipsarum ministerio vacavit, spatium,

AD LECTOREM.

tium, causam ad Mauros conciones Sacras instituendi, & tandem, quà ratione ductus tertio selectarum volumini insertum contra Mahumetismum Tractatum, modò longius auctum in libello hoc novam lucem subiturum, producat, necdum perfectum, prout, ex ipso, & aliorum fidedignis testimonijs planè compertum habeo.

1653. Postquam in Regali Salmanticensi Societatis Collegio quatuor annos in ad-discenda Theologia consumpsit, illam repiturus, duos ad annos superiorum imperio permansit. At secundo repetitionis suæ anno, scilicèt 1653. ad præfatam Universitatem accessit mirus ille vir omnium huius sæculi per Hispaniam Missionariorum Magister Pater Hieronymus Lopez, quem alterum Vincetium Ferrerium nuncupare haud ægrè feret, qui sanctissimam eius vitam virtutis eximie plenissimam exemplis, Evangelicæ quæ prædicationis seriem, cui per 39. annorum curriculum prorsus dicatus Hispaniam, ferè universam percurrit, sedulà consideratione perpendat; quem enim in admirationem

AD LECTOREM.

non rapiat (vt innumera, apud Patrē Martinum de la Naja videnda, qui integri folij Tomum; in tanti viri virtutibus referendis impendit) quod ex ipsius ore didicisse testatur vitæ suæ Historiographus, numerum videlicet confessionum ex necessitate generalium, quas excepit, octogesimum millesimum attigisse? Prius igitur quam V. ille Pater Salmantinæ Missioni primordia tribuisset, operæ pretium duxit Seraphicæ D. Theresiæ corpus, quod apud oppidum de Alva quatuor leucis ab illa vrbe dissitum, maxima populorum frequentia colitur, adorare, vt tantæ Divæ auspiciū gerenda quæque prosperaret. At Seraphicæ Matris in honorem oppidum illud Missionē formare decrevit, cui tunc fortunatissima Auctori sorte obigit, adesse, vt ocularis tanti animarum proventus testis, regulam illam Apostolicæ prædicationis magnopere sibi probaret. Adeo ergo sacro illi muneri, & V. Patri adstrictus adhæsit, vt omnes illius conciones propria manu transcriberet, & arctissimum cum ipso amicitiae foedus contraxerit, qui, vtpote
ani-

animarum zelo flagrantissimus, omnes ad evangelium spiritum promoveri infudabat, eosque, quorum aptiorem ad id indolem iudicabat, consilijs, epistolis, precibus pertrahere & pertractos firmare conabatur. Hinc in Toletanam Provinciam divertens, Matritum se contulit, ubi æterno se charitatis fœdere sociavit cum ferventissimo P. Didaco Ludovico de San Vitores, qui postea Occidentis Indiam transfiliens omnium primus Marianas Insulas Evangelica luce illustravit, non aliam, quam martyrij fabricaturus coronam, quam ab incultis illis gentibus, dum illis æternam salutem deferbat, mutuavit, anno 1672. cuius mirabilem vitam, miraculosum planè in Societatem ingressum, ad Indos transfretandi vora, singularia in illorum impletione prodigia P. Franciscus Garcia in Historiæ seriem digessit: quam sanè qui attentè evoluerit, Magni Xaverij aptissimam retulisse imaginem, advertet.

4 Huic ergo Sanctissimo viro familiari per litteras Patrem Tyrsum consuetudine sociare curavit V. P. Hieronymus Lopez.

pez, quam in æternum duraturam exoptabat, at vsque ad annum 1660. dumtaxat perstitit, quo navigationem in Novam Hispaniam destinavit: verum ne votorum suorum ardor tantæ flammæ absentia frigeret, ferventissimum P. Ioannem Gabrielem Guillen, vt in amico Missionum obfirmaret studium, substituit, qui eo tempore in Toletana Provincia, sicut & Auctor Salmanticæ publicum Theologiæ professorem agebat, eos enixè ad hortatus, arctissimo charitatis fœdere coniungi. Ex Hispali ad vtrumque litteras direxit, sed, cum plene Patri Guillen, quæ P. Tyiso conscripserat, retulisset, hæc verba supposuit:

Reverentia vestra, arrepta hinc occasione, ad ipsum scribat, noscatque necesse est, quàm plurimum hanc communicationem interesse. E Gadibus vero, postquam fructus ex nocturno contritionis actu percepti certiores illum reddidit, hæc adiunxit: Hoc totum nihil aliud reputo, quam leuem dispositionem ad tempus, quo Reverentia vestra ad illum instituentum advenerit; nec ideo hoc accipiat in Missionis indicæ præsagium, aliter enim perfici valet.

Quo-

AD LECTOREM.

Quorum verborum sensus tunc prorsus aufugit, sed cunctis post modum innotuit, cum anno 1665. Cathedris *desertis*, ministerium Apostolicæ prædicationis subituri, Hispaniam pervagati, & sub anno 1671. Gaditanam insulam concedentes post Resurrectionis Dominicæ Pascha, plurium post ædium ruinam, naviumque in statione portus quiescentium stragem, ex fervido ventorum turbine concitatam, vberri mi proventus Missionem instituerunt.

5 Itaque V.P. Hieronymi Lopez, & Didaci Ludovici San-Vitores suasionibus, precibus, vaticinijs impulsus, cuiusque anni æstate Missionem aliquam aggredi apud se firmiter statuit, vel etiam, cum è suggestu Philosophiam traderet Compostellæ: unde à plenissimi muneris impedimentis ægre expeditus, per trium Hebdomadarum spatium vicos, & tuguria vicina singulis annis percurrerebat. Enim vero, cum subortum fructum ex Apostolici illius viri prædicatione iam pridem miratus esset, adhuc Compostellæ degēs anno 1653. validis illum precibus commovit, ut ean-

dem urbem suæ prædicationis radijs illustraret, & post Missionem Matriti, Abulæ, Compluti confectam, Compostellam iter petiturus se accinxit. Verum, ò miram Divini numinis providentiam! Dum ad Moniales Agustinianæ Recollectionis apud Villafrancam del Bierzo concionem haberet, insperato Paralyptis morbo correptus iter præcidere, imò & ab eo prorsus deficere coactus fuit: quoniam, dum iam iam viribus restitutus ad iter per agendum, se accingebat, sui Provincialis imperijs Aragoniam repetere necessum fuit. Interim tamen Missionem instituturus Villa-Garfiam divértit, ut Tyronum Societatis animos ad Sacri huius instituti studium alliceret.

6. Verum priusquam viæ se dedisset, Patri Tyrso per litteras strictissimè ut eius loco sub rogatus Missionem ageret, commendavit: hæc verba propriæ manus stylo supponens: *Credere non possum præces, ac vota pro Compostellana Missione habita, vacua quidem evasura, quin potius Deum Dominum nostrum aliter optatum fructum prosperaturum*

spe-

AD LECTOREM.

spero. Nec spem fefellit eventus ; quippe anno 1672. sub Adventus Dominici Tempore, suadente Excellentissimo, & Illustrissimo Domino D. Andræa Giron Compostellano Antistite eam Urbem Missionem obiturus, adivit cum Patre Ioanne Rubi, viro utique magnis animi dotibus, ac naturæ ornamentis decorato, quam sane copiosum adeo fructum animarum peperisse, compertum est, ut die ad Communionem generalem designata triginta duo millia Eucharistici panis Sacra frustra distributa fuerint.

7 Igitur anno 1654. post Augustum exactum ad Missionem processit, & fructus, quem satis vberem reportavit, altius ipsius animum, in ministerij tanti amore acuit, excitavit, allexit, cuius eventus cum Patrè Hieronymum Lopez certiozem reddidisset, epistolam rescripsit, in qua Missionarij munus ipsi obeundum fere clarissime prænuntiabat, tunc videlicet, cum talia, nec mente quidem moliebatur, & tantam in eum deinceps benevolentiam impendit, ut, cum absoluto iam cursu Philosophico, &

& post peractam Missionem æger decubisset, eo fuerit animi dolore commotus, cui fidem facere nemo posset. ni ipse in litteris ad eum directis verbis gravissimis testaretur: *Grates Numini feci* (ait V. Pater) & *Te Deum laudamus, recitavi coram Ss. Sacramento, Deiparam quoque pro Reverentia vestra salute fui deprecatus, & eidem ita sum allocutus: si hoc mihi à Numine proponeretur, vel Tu decessurus es hac nocte, vel Tyrsus, quod malueris elige; mori assumerem, ut Tyrso vitam mea morte deferrem. Scit probè Deus, scit & Deipara, non hoc semel fuisse deprecatum, sed sæpius etiam, ac sæpissimè. Cum alijs pariter coram Ss. Sacramento grates effudi, nam tali nuntio singularem letitiam accepimus. Vix enim ex litteris Reverentia vestra cognovi febribus defatigari, cum orare decrevi per me, & alios non ter, aut quater, sed centies. Quis ergo in dubium vertere possit, huius Apostolici viri Orationibus Reverendissimi Patris Tyrsi ad Missiones vocationem adscribendam?*

8 Cum igitur in Salmanticensi Collegio Theologiæ publicum professorem ageret,

ret, Divino afflatus spiritu Cathedræ moderamini renuntiare constituit, ut se totum Evangelico Missionum instituto consecraret: sui Consilij protinus Patrem Guillen participem voluit, enixe illum adhortatus, ut secum Sacram hanc expeditionem aggrederetur. Miros illi motus Epistola amici creavit, & ut Divinam disceret voluntatem, ad exercitia Magni Parentis Ignatii se recepit, in quibus planè cognovit, cælitus splendore demisso, sacrum hoc munus sibi suscipere necessum esse, si divinæ vellet voluntati obtemperare. Conventione facta hi duo egregij viri, diu agitarunt, qua via votorum compotes reddi possent, & quamvis Patri Guillen non parum probabatur, ut utriusque Provinciæ moderatoribus molimina aperirent, Auctori tamen placere numquam potuit, agebat namque suæ Provinciæ Præful, ut Magistri laurea in Salmantina Academia præcingeretur, eumque minimè latebat rem totam ad Generalem Præpositum detulisse; & cum post laureæ susceptionem nulla ultra suis conatibus spes, vel levissima ap-
pa-

pareret, Patri Præposito Generali vota sua
 renuntiare satius, & securius censuit, & li-
 bentissimè consentiens Pater Guillen, am-
 bo per litteras satis rationum plenas R. P.
 Ioannem Paulum Oliva, tunc Vicarium
 Generalem exoraverunt, ut eos Aposto-
 lico Missionum ministerio, exhibita facul-
 tate, dicaret. Annuit ferventibus votis,
 argumentorum pondere coactus, litteris-
 que protinus emissis, Evangelicum munus
 obeundi, & totam Hispaniam peragrandi
 ipsis fecit potestatem, quas illicò Patri
 Guillen tradidit Provincialis Toletanus;
 verùm Castellanae Provinciae Præsul cun-
 cta subditi conscientia subripuit, donec
 Præpositus Generalis suis Epistolis addu-
 ctis, potestatem, quam fecerat, revocaret;
 plura optimo iure, de illo sperans: cense-
 bat quippe, opportunius, foelicioque Mis-
 sionum proventu vocationi operam præ-
 stitutum, si Salmanticae Doctoratus laurea
 insignitus studiosiorum Societatis iuve-
 num, & intellectum sapientia collustraret,
 & voluntatem amore proximorum accen-
 deret; atque sic quamplures in prædica-
 tio-

AD LECTOREM.

tionis munere Ministros sua efformatos industria substitueret. At Deus, qui illum huic Sacro Instituto destinaverat, non alijs usus est artibus, vt potestas ad id sibi fieret, quam eis, quas id ipsum impediturus Provincialis contulerat.

Quapropter post nonnullos menses in transmittendis epistolis exactos, P. Præpositus Generalis illi præcepit, vt antequam Provinciæ moderamen relinqueret, Patrē Tyrum Magisterio exoneraret, aliquos etiam menses elargitus, vt in Villa-Garsia Tyrocinio concionibus elaborandis insudaret, spirituales expeditionem illam aggressurus. Itaque Pater Provincialis Dominicæ Resurrectionis in per-vigilio Provinciæ moderamen absoluit, sexque ante diebus vir Apostolicus Villa-Garsiam petiit; Octobris autem mense Salmanticam repetijt, vt cum Patre Guillen, qui vt ei iungeretur, illuc advenerat, conveniret, & vterque die 23. eius mensis Salmanticam deferentes, Estremaduram, Baticamque percurrere susceperunt modo coniuncti, divisi modò;

Cum

AD LECTOREM.

10 Cum Patre Guillen quinque, vel sex annos Missionibus incumbens, exegit, donec ad Matritensis Tyrocinij Rectorat-um Patris Generalis imperio conscendit, ubi è vita cessit anno 1675. Januarij die 19. eximiam sanctitatis famam meritissi- mè adeptus. Porro Auctor vndecim an- nos in Missionibus instituendis exegit, ab anno scilicèt 1665. ad annum 1676. in quibus quinque Archi-Episcopatus, Gra- natensem nempè, Hispalensem, Toleta- num, Burgensem, & Compostellanum, vi- gintique pariter Episcopatus, Cauriten- sem nimirum, Pacensem, Placentinum, Ma- lacensem, Gaditanum, Salmantinum, Za- morensem, Pallétinum, Segoviensem, Val- lisoletanum, Civitatensem, Pompeiopoli- tanum, Legionensem, Asturicensem, Lu- censem, Mindonensem, Abulensem, Tu- densem, Ceutensem peragravit, ter Ma- triti, totiesque Hispali Missionem insti- tuit, ad Astures, Cantabros, & Lusitanos, imò ad Siciliam, Neapolim, Mediolanum transilire meditatus. Sed hisce Deus co- natibus obstitit. Namque, cum anno 1676.

men-

AD LECTOREM.

Mense Maij iniquus lapsus illi brachium
gravi læssione contudisset, Villagarsix sub-
stitit, donec & sanitatem, & vires medica-
mina restituerent: quo iam peracto, dum
Pallentinæ Missioni incumberet, obiit R.
Pater Ioannes Barbianus in Salmanticensi
Academia primarius Theologiæ modera-
tor, eius olim in Philosophia præceptor,
sanguine quidem clarissimus, quippe qui
Comites de Beljoioso Mediolani in Insu-
bria Parentes fortitus est, longè tamen
virtutibus conspicuis clarior, & altissima
planè sapientia, quæ potissimam commen-
dationem inter præstantes Academiæ
tantæ Doctores comparavit. Primus, qui
ex inclyta Societate Iesu primariam Ca-
thedram obtinuit, postquam Serenissima
Hispaniarum Regina Mariana Austriaca
propter minorem Caroli Secundi filij
ætatem Suprema Monarchiæ Hispanicæ
Gubernatrix, vniuersitatis consensu, anno
1668. decrevit, vt Regale Salmanticæ
Collegium à suis maioribus constructum,
primariam, Vespertinamque Cathedram,
illis prorsus æquales, quas Patribus Do-
mi-

AD LECTOREM.

mimicanis Ducis Lermæ precibus Philip-
pus Tertius concessit, moderaretur. Hu-
ius ergo tanti viri Pater Provincialis om-
nium Consultorum suffragio Magistrum
Tyrsum successorem designavit, remque
tamdiu illum latere curavit, quamdiu ne-
cessum fuit, ut ad exitum duceretur, ne
suis conatibus eius posset eludere confi-
lia: quare tunc ipsi rem ipsam denuntia-
vit, cum nec vel levissima spes Cathe-
dram subterfugendi apparebat: sed ta-
men institit quantum valuit, quamquam
incasum laborans, cum omnium aures
eius precibus obturatæ resisterent. Tunc
tandem æternam veneratus providen-
tiam, ne in proterviam sua declinaret op-
positio, à Societatis liminibus longè de-
turbatam, Præsulis imperijs se se quam-
quam invitum subiugavit, & anno 1676.
Vespertinam Cathedram obtinuit, &
Doctoris gradum suscepit, anno vero pro-
ximo ad primariam conscendit, eamque
usque ad annum 1687. moderatus fuit,
quo Regia Maiestas, exorante Academia,
concessit, ut ad Emeriti honores assurge-
ret,

AD LECTOREM.

ret, quamvis vix dimidium annorum spatium ab Academiae Statutis exactum, explevisset. Res ita se habuit. Iam decem anni cucurrerant, ex quo Regiæ gazæ Ministri de decimalibus tertijs, in quibus totus Academiae census est situs, eidem litteram intulerant, in qua quinque mille aureorum impensas iam fecerat, perpetuamque sarcinam sustinebat, Causidicum, Agentem, & Procuratorem alendo. Quibus mota Universitas Commissarium elegit Doctorem Tyrsum, anno 1685. ut eius nomine ad Regis pedes provolueretur, tot tam gravesque molestias ipsi illatas præcum, & rationum virtute redempturus, & foelix adeò cessit eventus, ut brevissimo temporis spatio impetraverit, quidquid Academia poterat exoptare, Regiam nactus schedulam, in qua census Regij Ministris perpetuum indicitur silentium, & omnes Academiae facultates ipsi de reliquo obfirmantur. Ut igitur eiusmodi officium maximo beneficio referret, se se in claustrum coegit, & refragran-

te nemine decrevit, ut adeò foelici Vni-
 versitatis Procuratori Emeriti honores
 tribuerentur, ac si tempus constitutum
 expleviffet.

II En iam tibi liquidò constabit,
 quo pacto ad Emeriti honorem conscen-
 derit, cum vndecim annos Missionibus
 agendis collocasset, & non obscurè quo-
 que clarebit, quo pacto tam brevi tem-
 pore Theologiæ Scholasticæ volumina
 quatuor ediderit, præter plures alias elu-
 cubrationes iam iam publicam lucem su-
 bituras. Decem enim annis, quibus è sug-
 gestu Theologiam tradidit, antequam ad
 Missiones egrederetur, ex istis non pau-
 ca concinnaverat, & postquam Missiona-
 rij munus suscepit, ad ipsius commenda-
 tionem eiusmodi studia luci donare de-
 crevit, ideoque, quin vel vnum diem mi-
 nisterio subtraheret, æstivo tempore, quo
 illud necessario cessabat, ab Amanuensi
 transcribenda curavit, & à Præposito
 Generali, tunc existente, potestatem na-
 ctus, binis in voluminibus apud Gallos
 eden-

AD LECTOREM.

edendis impressionem paraverat. At à Missionibus ad Cathedram vocatus, ut in volumina quatuor excrescerent, ibique Typis mandarentur insudavit, quorum gemina anno 1680. fuerunt excusa; alia vero gemina anno 1686. in lucem producta sunt, & edere multo plura potuisset, si ipsi minimè vitabilia impedimenta fecissent potestatem. Petivit namque Hispalim Missionem instituturus, à D. D. Ambrosio Spinola accersitus; anno 1679. die Purificationis Deiparæ, nec Salmanticam repetijt, usque ad diem Præcursori Ioanni sacratum, sed ita viribus destitutus, octoginta concionibus obrutus, quas ad populum continuatas habuerat, ut illa æstate lætho proximus extiterit. Anno 1681. ad Regiam ipsam Regis revocatus decreto ad ipsam Academiam destinato, ut tertiam ibi Missionem institueret, divertit. Nec licuit post illam expletam, Matritum relinquere usque ad Divi Lucæ notissimum diem. Anno 1682. Matritum iterum adivit Patris Caroli de Noyeles,

AD LECTOREM.

Præpositi Generalis locumtenentis imperio ad Societatis negotia, non cum alijs, quam cum Rege, regijsque primarijs Ministris agitanda. Anno 1683. vltterius Dux Medinæ Cæli primus Regis Minister illum accersivit, & tota æstate continuit. Et tandem anno 1685. vt proximè dixi, ab Academia designatus eius negotia tractaturus repetijt. Hisce quoque annis, quibus in Academia Cathedrali moderabatur, pluribus etiam Missionibus incubuit; Segoviæ nimirum, Pintiæ, Mirobricæ, Arevaci, & quinquies, vel sexties Salmanticæ: quamobrem multo plus posset elaborare, nisi huiusmodi obstaculis distineretur.

12 Iam nunc, quâ motus occasione, ad Mauros conciones habuerit, aperire necessum est. Cum in Collegio Granatensi anno 1669. degeret, protinus Malacam Missionis instituendæ causâ profecturus, in familiari sermocinio quidam ex illius Collegij Patribus, ex Stephæ Marchionis Bibliothecâ se habere librum dis-

ser-

AD LECTOREM.

seruit, cui titulus inerat *Secta Mahumetana confutatio* à Domino Ioanne Andrea elaboratum, qui olim Maurorum Alfaqui, vel Sacerdos, & postea Religionem Christianam amplexatus, ferventissimum Christi proclamatorem egit. Antequam ad Malacensem Missionem proficisceretur, quinque, vel sex dierum spatio compendium libelli illius extraxit, quà tantum ope armatus Malacam tenuit, ibique Missionem ad integrum mensem produxit, quà demum expletà, Episcopalis illius Ecclesiæ Canonicus illi denuntiavit, ancillam se habere Mahumetanae sectae tenacissimam, cui iam iam mors per ægritudinem correptura imminebat, sibi que admodum dolori fore, si infidelitas animam decedentem comitaretur: illuc Pater Tyrsus protinus accurrens Sermone cum ipsa eo ordine disposuit, quo in secundà huius operis parte, lib. 2. cap. 7. & 10. recenset. Faustissimus Africanæ illius foeminæ decessus, quæ niueis Sacri fontis vestibus induta in cælum beanda

conscendit, maximos exercendæ ad Mau-
 ros prædicationis in ipso conatus excita-
 vit, quibus votis impulsus Ecclesiæ Ma-
 lacensis Antistitem adivit, Illustrissimum
 videlicet Dom. D. Fr. Ildephonsum de
 Sancto Thoma, ex Sacra Prædicatorum
 Familia, virum planè eximijs dotibus or-
 natum, sanguinis claritudine præstantis-
 simum, oculatissimæ mentis, rectoris-
 que prudentiæ, ac litterarum ornamen-
 ta pleno animo concludentem : eaque
 propter postquam Philosophiam, Theo-
 logiamque tradidit, integræque Provin-
 ciæ moderator adfuit, primùm in Oxo-
 mensem, mox Placentinæ Sedi designa-
 tus, Sacræ tandem Malacæ Cathedræ
 adscitus est, qui tum Missionibus, tum &
 ipsarum Ministris, singularia credidit be-
 neficia, illas miro animarum studio fo-
 vens, hos ferventissimæ charitatis auxi-
 lijs protegens, quos eis benevolentia
 operibus ligavit, vt numquam liberam
 à gratitudinis debito memoriam audeant
 sperare, & cui nunquam Iesu Societas
 de-

AD LECTOREM.

debitas repensura grates ob Apologeticum illud opus, quod anno proximè elapso luci concessit, cui titulus inest: CATHOLICA QVERIMONIA. Libellus sanè est aureus, in quo quicquid Sapientia in Thesauris habet, ad delicias videtur compendio inclusisse. Porro si verba spectes, gravia sunt, & Præsule digna; si eloquentiam, animis legentium imperat; si eruditionem, varietate delectat; si Theologiam, argumentis evincit; si Scripturam, roborat; si Patrum testimonia, & pondera, confirmant; si vim ad extricandas Hæreticorum thecnas, inferni ora obstruit: denique, si omnia, ingenij miraculum. Quidam ergo, Præsuli, qui eximio Religionis zelo, pro Societatis fama afferenda totum se dederit, totam se offerat Societas æternum devota?

13 Ad hunc ergo Præsule in Illustrissimum sua detulit consilia, qui quamquam zelum maxime sibi probari testatus est; verum gentem illam non minus

AD LECTOREM.

moribus, quam Sermone barbaram laborem illum proventu exortem præstaturam insinuavit. Periculum tamen, suggestit vir Dei, virtutis Divinæ efficiamus, quæ, si infidam Maurorum proterviam non deturbaverit, Christianorum saltem constantiam hisce concionibus obarmabit, qui frequentissimis hoc in littore Africanorum incursibus in prædam abiguntur, & argumentis fidei nostræ præcincti animam à ruinà, & dæmonis servitute immunem, foelicius propugnabunt. His dictis acquievit, sed quia Ecclesiam concionibus destinare recusavit, ne infideles profanis derisionibus Eucharisticum Mysterium polluere tentarent, Comediarum Theatrum communi suffragio designarunt, quò, indicta ad tempus Missione, copiosæ populi turbæ convolarunt. Ibi Mauros viros inter mixta Urbis equitibus, & Ecclesiæ Canonicis sedilia receperunt; foeminas vero inter Hispanas præcipuas inseruimus; ne fortè sibi ipsis tantum propinqui, vel metus,

pu-

AD LECTOREM.

pudorisve catenis adstricti, totque notissimorum id detrectantium testium præsentia Baptismum publice efflagitare non auderent.

14 Hoc cælitus demissum consilium eventus ipse comprobavit; prima enim ex concionibus, quam habuit Apostolicus contionator, tres ex Mahumetismi tenebris ad Christianam lucem conduxit, qui se lustralibus undis prolui exorantes clamoribus, in altiora tabulata confilierunt, & in signum, quod iam Catechismum profiterentur, rosaria è collo per humeros ad pectus defluentia conseruit. In secundâ autem concione quinque, & in tertiâ decem priorum vestigia secuti sunt. Et demum usque adeo converforum numerus excrevit, ut præter alios, qui privatim Sacramentalibus undis abluti fuere, sub festo Divi Ioannis Evangelistæ anno 1670. propria Illustrissimi Antistitis manu candidam Christi stolam tres supra triginta Mauri in Baptismo susceperint. Erecto ad id ex
com-

AD LECTOREM.

compactis lignis amplissimo Theatro ianuæ Cathedralis propinquo, conspicuis vestibulis ornatum Societatis Collegio Catechumeni processerunt eo ordine, eoque comitatu, quem in secundâ istius operis parte Auctor describit.

15. Fructus hos vberrimos expertus, novam illam prædicationis methodum ad plures alias Civitates protendit, ex quibus omnibus biscentum Mahumetanam perfidiam deferentes, Christianæ Religionis tutissimum portum tenuerunt, quorum baptismati sollemnis fuit pariter exhibita pompa, Hispali præsertim cuius descriptio typis dedita ubique fuit exaudita, cuius per brevem notitiam tertij Selectarum voluminis nuncupatoriæ epistolæ ingessit, alloquens Illustrissimum Dominum D. Ambrosium Ignatium de Spinola, & Guzman, qui, etsi eximia, tum nobilitate, tum gloriâ illustris admodum cunctis inclaresceret, magnarum tamen proprij animi virtutum splendoribus visus est Gentilitiæ prosapiæ lumi-

AD LECTOREM.

mina obscurasse, qui sublimiorem se se,
etiam, ab adolescentiâ Sacro Compos-
tellæ Senatui adscriptus, Orbis sedibus
prædixit, quem Ovetensis Episcopatus
tantis virtutibus impar, vt suam tenuita-
tem vendicaret, in Valentinam Metro-
polim transmisit, quæ tanti Præsulis so-
lo nomine fortunata in Compostellam
fecit viam detorquere; ista brevi tantum
munus venerata Hispali concessit exi-
mium Archi-Præsulem, quem sibi dig-
nius cælum è terris eripuit, seu potius
ipse tot virtutum agmine stipatus vim
cælo intulisset, ni eius charitati, & mise-
ricordiæ cæleste ostium libentissimè pan-
deretur. Hic igitur Maximus Antistes,
designata ad id muneris die, triginta &
octo Mauros in Baptismum admisit,
pompa, fastuque longè celebriori omni-
bus, quos vniquam Hispalis mirata est,
postquam illam Sanctissimus Ferdinan-
dus Tertius Castellæ Rex ex Barbaro Sa-
racenorum Imperio vendicavit.

Hu.

AD LECTOREM.

16 Huius ergo prædicationis utilitatem, cum tot foelicitatum experientia ostendisset, quæ ad illam Auctor apta suo labore comparaverat, prælo evulgare constituit. Quapropter postquam extream Hispanis Missionem absolvit, anno millesimo sexcentesimo septuagesimo nono, & è publico Cathedralis, Professæque domus Ecclesiæ suggestu cum Mauris Sacras conciones inseruit, ægris quamvis viribus interceptus Salmanticam repetijt, & protinus ac in sanitatem revertit, materiam è Cathedrâ discipulis tradendam elaboravit, tractatumque demonstrationum adversus Mahumetanos efformavit, tertiæque Selectarum parti contexuit, quod celeris fuisse suæ ad vires restitutionis causam Optimus Pater censuit, quasi sic Divina providentia gratum sibi opus, eum meditari ostendere voluisset. Verùm illam paritèr Patris Antonij Thomæ è Societate Iesu sanctitati, in Deumque precibus non sine gravi fundam-

AD LECTOREM.

damento adscripsit. Is Indicam navigationem aggressurus, aliquot annorum moras passus est, interimque Conimbriæ Mathematicas exponebat, donec Matritum contendit, votis annuens Excellentissimæ Dominae Ducissæ de Aveiro, foeminæ Maiorum imaginibus, sed multo magis claro virtutum, ac dotum splendore conspicuæ, cuius etiam mandatis obtemperans Salmanticam concessit, ut cum P. Tyrso nonnulla ad Orientis expeditionem subeundam, agigaret. Apostolici illius viri fervorem miratus fuit, qui maximè conquerebatur, ad Mahumetanam profligandam perfidiam concionum sibi tela non suppetere, quamvis sibi plura proprio labore comparaverat, & ut Barbara Gentilitatis castra subiugaret, & ut versutas Hæreticorum subtilitates disturbaret. Tunc Auctor prælo commiserat contra Mahumetanos tractatum, in quo, opportuna auxilia se ipsi præbiturum spondit, trigintaque philuras iam typis expressas exhibens, reliquas ipsi po-

postea missurum promisit, quarum, dum in navim iam iam conscenderet, ultimam excepit. Postmodum litteris Goæ obfignatis amico renuntiavit, illud opus Patribus Societatis illic commorantibus singulare solatium peperisse, vtilissimumque fore ad convincendos Mahumetas, qui Sancti Francisci Xaverij corpus adoraturi, in Insulam illam defiliunt. Etenim, cum tractatus iste magno adeo volumini insertus in cunctorum manus incidere non posset: idcirco illud locupletiori doctrinâ cumulatam geminis libellis committere, quos facile quicumque evoluat, decrevit, eiusque votum sic executioni mandatur. In primo Catholicæ Religionis adversus omnes sectas, se se oppugnantes, veritas comprobatur. In secundo autem iniqua Mahumeti perfidia refertur, & profligatur, iterumque Catholicæ fidei veritas firmissimis argumentis stabilitur: quare opportunissimum huius operis fuisse consilium iudicavi, lucemque prætuli, ne in aliquibus, quæ in
hoc

AD LECTOREM.

hoc opere leguntur offendens, ò Lector,
cæspitare possis. Sed ne etiam aliquam ti-
bi dubitationem ingerat, quod facultas
opus præcedens sit à Provinciali, qui mo-
do subditus est, & quòd facultas Regij
Consilij Auctorem iam Præpositum Ge-
neralem appellet, scias oportet, eam va-
riationem diversis tribuendam tempo-
ribus, quibus huiusce rei Procura-
tores facultatem à superio-
ribus impetrandam
curarunt.



LIBER PRIMVS,

PRIMÆ PARTIS HVIVS

Manuductionis.

IN QVO SENSIBILIBVS ARGV-
mentis Diuinitas Christi Domini euidenter
demonstratur, & euidens credibilitas
Religionis Christianæ pro-
ponitur.



PROEMIVM.

BASIS, & fundamentum Religionis
 Christianæ est Diuinitas Christi Do-
 mini Saluatoris nostri: quâ ritè pro-
 batâ, de falsitate convincentur om-
 nes sectæ Religioni Christianæ oppositæ, nimirum
 Mahumetana, Hebraica, & Etnica, seu Gêntilica, &
 convincetur, vera esse dogmata, quæ Christus Do-
 minus mundo manifestauit; Deus enim nec fallere,
 neque falli potest. Vnde postquam sufficienter con-
 stiterit, Deum aliquod mysterium mundo reue-
 lasse, & hominibus manifestasse; tenentur omnes
 illud firmissimè credere, quamuis sit supra caput

humani intellectus. Infinita enim Dei authoritas obligat omnes creaturas rationales, vt sibi aliquid affirmanti firmissime credant; sicut obligat, vt sibi aliquid præcipienti omnes obediant: tenetur enim creatura rationalis intellectum, & voluntatem Deo subijcere: intellectum, firmiter credendo, quæ dicit: voluntatem, promptè exequendo, quæ præcipit. Vnde vnâ operâ convincemus in hoc libro perfidos Hebræos, & cæcos Mahumetanos, qui, in neganda Diuinitate Christi inter se conveniunt, licet valde dissideant in motiuo illam negandi. Nam perfidi Judæi Jesum Nazarenum, quem Christiani omnes, vt verum Christum, & verum Mesiã in lege promissum, & vt verum Dei naturalem filium, proindeque vt verum Deum adoramus, existimant seductorem fuisse, & propter blasphemiam faciendi se filium Dei merito à maioribus suis crucifixum esse. Mahumetani verò credunt fuisse virum sanctissimum, & Mesiã in lege antiqua promissum, magnumque Prophetam, vt videbimus part. 2. ceterum dicunt fuisse purum hominem, quia impossibile censent, Deum fieri hominem.

2 Quare argumenta probantia, Diuinitatem Christi non tantum deseruiunt ad convincendos Mahumetanos, sed etiam ad confundendos perfidos Hebræos. Quia verò tractatus iste non dirigitur primario ad conversionem Judæorum, sed Mahumetanorum, non hic multum insistam in prophetijs veteris Testamenti, quibus Doctores Christia-
ni

ni probare solent, Christum Dominum esse Mes-
 siam in lege promissum, quia prophetias perfidi Ju-
 dæi vanis, & ridiculis interpretationibus eludere
 tentant: sed utrarumque argumentis sensibilibus, quæ mun-
 do sunt nota, quorum vim omnes etiam rustici ca-
 pere possint, & quorum efficaciam eludere non va-
 leant etiam acutiores Judæi. Et hac arte convin-
 cendi Judæos usus sum in Vrbe Ceuta sub initium
 anni 1670. quando ibi Missionem feci. Nam fini-
 ta Missione Christianorum, ad Synagogam Judæo-
 rum in foro publico coram Marchione de Asien-
 tar illius arcis, & urbis Gubernatore concionem
 habui, in qua ad emollienda sæxea Hebræorum
 corda proposui motiua credibilitatis, quæ in hoc
 libro exhibeo, & experientia didici, hanc esse viam
 aptiorem ad expugnandam Hebræorum pertinaci-
 tatem; & illi potissimum insistendum esse Missiona-
 rijs Euangelicis. Et ideo ubicumque ad convin-
 cendos Mahumetanos probavi Diuinitatem Chris-
 ti; concionem quoque dirigebam ad He-
 bræos, si forsam aliqui occulti ibi
 adessent.



CAPVT PRIMVM.

*Introductio disputationis de Christi Diuinitate, eius-
que maxima utilitas.*

3 **S**I non credideritis, quia ego sum, moriemini in peccato vestro, tonabat Christus ad Iudæos, Joan. 8. v. 24. id est, si non credideritis me esse Dei Filium, verumque Christum in lege, & Prophetis promissum, moriemini in peccato vestro, vt ad litteram explicant Toletus, & Maldonatus. Itaque credere, quod Iesus Nazareus, quem Iudæi crucifixerunt, est Messias, seu Christus promissus in lege, verusque Dei Filius naturalis, ac proinde Deus, est medium necessarium ad æternam salutem, sicut est necessaria fides in vnum Deum, & propterea Christus, Joan. 17. v. 3. aiebat: *Hæc est autem vita æterna, vt cognoscant te solum verum Deum, & quem misisti Iesum-Christum:* id est, hæc est causa vitæ æternæ, & hac sola via obtinenda est, nempe fide diuinitatis, & mysterij Incarnationis, vt credatur Deus, & credatur Christus, vt exponit Toletus: Articulorum enim fidei hæc summa est, nempe veritas Diuinitatis, & mysterium Incarnationis Christi, per quam redemptio perfecta est, quorum sine fide, nemo vitam habet æternam.

4 Probat verò optimè D. Thomas 2.2. quæst. 2. art. 7. fidem mysterij Incarnationis esse necessariam

Demonstratur Diuinitas Christi. 5

riam ad salutem, *Quia illud* (inquit) *per se pertinet ad obiectum fidei* (sine qua iuxta Apostolum impossibile est placere Deo) per quod homo beatitudinem consequitur : via autem veniendi ad beatitudinem est mysterium Incarnationis, & Passionis Christi: dicitur enim Actor. 4. *Non est aliud nomen datum hominibus, in quo oporteat nos saluos fieri.* Vnde infert mysterium Incarnationis aliquo modo fuisse creditum apud omnes habentes veram Dei fidem. Ante aduentum Christi sufficiebat hoc mysterium sub velis, & figuris credere: at post tempus gratiæ reuelatæ (inquit D. Thom.) tam maiores, quam minores tenentur habere fidem explicitam de mysterijs Christi, præcipuè quantum ad ea, quæ communiter in Ecclesia solemnizantur, & publice proponuntur.

5 Firmissimè ergo sibi persuadeant omnes peccatores infideles, se nullatenus posse ad vitam æternam appellere, nisi credant, quod Christus est Filius Dei viui : nam qui non credit (inquit ipse Joannes 3. v. 18.) iam indicatus est, quia non credit in nomine vnigeniti Filij Dei, id est, iam sententiæ damnationis est ipse subiectus, & adiudicatus, quia non accepit salutis remedium, per quod ab illa sententiâ mortis liberaretur, vt exponit Toletus. Est autem hæc doctrina vtilissima non solum ad convertendos Iudæos, & Mahumetanos, qui in neganda diuinitate Christi conspirant; sed etiam ad piam fidelium consolationem, & maiorem fidei firmitatem

tem ingenerandam, quamvis enim argumenta credibilitatis, etiam evidētia, non sufficiant ad generandum assensum, tam firmum, quam est assensus fidei, qui firmius adhæret veritati rerum revelatarum, quam intellectus adhæreat conclusionibus, quas per evidētia principia cognoscit, sed ad id sit necessarium donum supernaturalis fidei, tamen ad maius fidei robur præstandum maximopere conferunt argumenta credibilitatis ritè perpenſa.

6. Considerans nanque homo testimonia, quibus mysteria nostræ fidei redduntur evidēter credibilia, deprehendit dignam esse doctrinam Evangelicam, cui fides adhibeatur cum summa adhæſione, & certitudine, tanquam rei à Deo summè veraci revelatæ: & quò altius introſpicit motiva credibilitatis, maiori accenditur desiderio assentiendi rebus fidei cum summa adhæſione: ut enim optimè explicat P. Coninch de actibus supernaturalibus disp. 9. num. 73. re credendâ sufficienter proposita, ita ut intellectus videat hanc rem esse talem, quam merito credat, esse à Deo revelatam, voluntas ex pio erga primam veritatem affectu, & ipsius reuerentiâ tacta magno conatu intellectum illicò impellit ut illius maiestatem atque authoritatem vehementer apprehendat, eamque hic, & nunc postulare, ut propter eam firmissimè credat, quod sibi tanquam ab ea revelatum tam evidēter proponitur: atque ita partim illa apprehensione, partim imperio, & impulsu voluntatis suadentibus sine ullo discursu

Demonstratur Diuinitas Christi. 7

ex divinâ authoritate, & testimonio intellectus mouetur, vt mysterio revelato firmitus assentiat, quam vlli rei naturaliter cognitæ assentire fas sit.

7 Nec vllum est incommodum quod homo Christianus his testimonijs, & motivis adiuvetur ad credendum maiori cum firmitate; ad hoc enim data sunt à Deo, vt eis infideles inducerentur ad volendum credere; & ad petendum à Deo auxilium ad firmissimum fidei assensum, & vt fideles in fide magis confirmarentur, & ad id monet Petrus Epist. 1. cap. 3. v. 15. illis verbis: *Parati semper ad satisfactionem omni poscēti vos rationem de ea, quæ in vobis est fide.* Quo testimonio vtitur D. Thom. 2. 2. quæst. 2. art. 10. ad probandum, rationem inductivam ad ea, quæ sunt fidei, non minuire meritum fidei; quamvis enim non debeat quis ea, quæ sunt fidei credere propter rationem humanam, sed propter authoritatem divinam; tamen potest cum laude expendere motiva credibilitatis, quibus manifestum fit Deum esse Authorem Religionis Christianæ, vt maiori cum affectu, & fervore imperet voluntas intellectui assensum mysteriorum nostræ fidei propter authoritatem Dei revelantis, & facilius possit vincere tentationes contra fidem, & infideles inducere ad eam amplectendam, fideles vero in ea confirmare, & roborare.

8 Confirmatur: quia nemo potest credere fide divina, & supernaturali mysteria, quæ sunt supra captum, & discursum naturalem hominis, nisi prius

præcesserit prudens fundamentum, ut sibi quisque persuadeat Deum illa mysteria revelasse, non enim sufficit obiectum ut cumque proponi tanquam dictum à Deo : nam Mahumetus, & alij Seductores etiam dicebant suam doctrinam esse divinam, & à Deo revelatam; necessarium ergo saltem est, ut doctrina fidei divinæ proponatur cum talibus circumstantiis, ut prudenter appareat credibilis eo modo quo proponitur: *Nam qui citò credit levis est corde*, inquit Spiritus Sanctus Ecclesiastici 19. Dicitur citò, & leviter credere, qui credit imprudenter, & quin videat sufficiens fundamentum ad sibi persuadendum, doctrinam illam esse à Deo revelatam; ergo ut quis credat prudenter, & actum fidei supernaturalis eliciat, circa aliquod mysterium, debet prius iudicare iudicio prudenti illud obiectum esse credibile. Vnde accedit alia magna huius disputationis utilitas: nam hoc iudicium prudens de credibilitate mysteriorum debet esse evidens; ut enim inquit D. Thomas 2. 2. quæst. 1. art. 4. ad secundum: *Omnis, qui credit, debet evidenter discernere credibilitatem mysteriorum; & ea videre sub ratione communi credibilis: non enim crederet nisi videret esse credenda, vel propter evidentiam signorum, vel propter aliud huiusmodi.* Ut autem exponit ibi Caietanus, S. Thom. loquitur de visione propriæ, eiusque sensus est, quod verè, & virtuosè credere exigit evidentiam, quod illud sit credibile, ita quod nullus aliquid verè, hoc est, absque formidine alterius parvis, & virtuosè, hoc est, prudenter credit, nisi eviden-

ter cognoscat illud esse credibile. Ad hoc autem ut quis formet iudicium evidens de credibilitate mysteriorum nostræ fidei, multum omnino refert, ut fideles noverint motiva præcipua credibilitatis, & utilissimum est ea populo proponi.

9 Consulatur P. Coninch de actibus supernaturalibus disp. 13. dub. 1. num. 3. ubi docet ante omnem actum fidei Theologicæ debere præcedere iudicium certum, & evidens, id est, conceptum per argumenta moraliter certa, quod res sit evidenter credibilis tanquam à Deo revelata, ita ut prudenter omnino certò iudicem eam verè esse talem: aitque, hoc iudicium esse necessarium, ut voluntas prudenter applicet intellectum, ut rem illam propter divinam auctoritatem firmissimè credat. Idem docet Eximius Doctor disp. 4. de fide sect. 5. num. 8. ubi dicit, se convinci hac ratione ad asserendum, quòd iudicium credibilitatis debet esse certum, ut ad fidem certam, & indubitatam inducat. Nam si quis potest prudenter dubitare, vel formidare de credibilitate obiecti, poterit etiam de ipsa fide dubitare, aut formidare, & ita non erit fides perfecta, & Christiana; iudicium autem credibilitatis non potest esse certum, nisi sit evidens; ergo in quocunque verè credente debet supponi tale iudicium. Hinc infert, quod si quis credat ante iudicium certum, & evidens credibilitatis, concipiet quidem quandam fidem humanam de rebus divinis, quæ interdum potest esse prudens, & honesta; non tamen concipiet propriam fi-

fidem Christianam, id est, omnino certam, & immutabilem: quia stante sola probabilitate, & prudentia in illa fundata, posset quis propter maiorem probabilitatem de novo apparentem, iudicium prudentiæ mutare, & consequenter fidem, vel de illa prudenter dubitare, quod de vero assensu fidei nullo modo admittendum est. Quomodo autem in personis simplicibus, & rusticis præcedat sufficiens evidentia credibilitatis, explicat ipse ibidem, & Caietanus 2. 2. quæst. 1. art. 4.

ro Vnde Ecclesia Catholica media incedit via inter errorem Gentilium, & Mahumetanorum: ut enim refert Basilius in Psalm. 115. solent infideles reprehendere Christianos eo, quod sine ratione, velut ipsi existimant, contra rationem credant, qua de causa Paulus 1. Corinth. 1. aiebat: *Christum Crucifixum Iudeis esse scandalum, gentibus autem stultitiam* Et ut refert Hieronymus in cap. 9. Matthæi, Porphyrius, & Iulianus Apostata ob hanc causam irridebant eos, qui Christi doctrinam sequuntur. Hæretici autem Manichæi, ut hanc reprehensionem vitarent, in aliud extremum inciderunt, dicentes nihil esse credendum, nisi quod ratione ostenditur, ut refert Augustin. lib. de utilitate credendi, & Bernardus Epist. 109. Catholica autem Ecclesia media incedit via, nam & levitatem animi eorum, qui citò, & sine sufficienti fundamento credunt, accipientes ut doctrinam Dei, quæ ab ipso revelata non est, reprehendit, & pariter duritiam cordis eorum, qui nihil credere volunt, nisi quod per

Demonstratur Diuinitas Christi. II

naturalem discursum assequuntur, docetque, quamvis non semper possimus reddere rationem propriam eorum, quæ credimus, posse nos semper reddere rationem, cur credamus, sic enim dixit Petrus Epistola 1. cap. 3. *Paratos nos esse debere ad reddendam rationem eius, quæ in nobis est, fidei.*

II Est autem tam utile ad piam fideiū consolationem, & ad eorum fidem roborandam, expendere, & pulpito argumēta illa, quibus probatur, Religionem Christianam esse evidenter credibilem, & in illa unitè posse inveniri salutem; ut cum anno 1670. conciones publice facerem in Curia Matritensi in templo Domus professæ Societatis Jesu pro conversione Mahumetanorum, tanta auiditate has conciones audiendi confluxerint viri primarij, ut necesse fuerit cohortem Prætorianorum, qui ad custodiam Regis armati excubias agere solent, ad fores templi, & domus apponere, ut turbam irrumperere volentem coacerent, & loca vacua reseruantur, ocupanda à Magnatibus Curia, & principibus fœminis: tataque erat accurrentium hominum ad has conciones audiendas multitudo, ut vix Magnates ingressum invenirent. Me concionantem ad Mahumetanos, & Diuinitatem Christi persuadentem audiuit vnus, & Magnatibus quos Hispani *Grandes*, vocant, tantoque gaudio, & consolatione affectus est, audiens argumenta evidentia, quibus ostendi Christi Diuinitatem, ut post concionem ad cubiculum properans, quo ad abstergendum sudorem me receperam, con-

tinere se non potuerit, quin me arctè complexus sit gratias agens pro doctrina tradita.

12 Et cū anno 1669. in hac Salmanticensi Academia discipulis ē Cathedra dictarem hanc de Christi Diuinitate disputationem, tanta consolatione aliqui ex illis perfusi sunt audientes evidentiam, qua veritas Religionis Christianæ comprobatur, vt præ gaudio lachrymas continere non potuerint. Et dum Hispali in amplissimo atrio Domus nostræ Professæ sub dio ad Mahumetanos viros verba facerem, tanta auiditate fidei nostræ fundamenta audiebant viri nobiles, & plebeij (nam sœminis socius meus intra templum eadem horâ concionabatur) vt quamuis interdum plueret, & per canales, & regulas aqua decurreret, ab audienda concione dimoveri noluerint, nec permisisse, vt propter pluuiam interrumpetur concio; sed stantes, & pedibus insistentes, per duas horas veritates has, immobiles audiebant, tanta animi voluptate, vt nihili facerent totam pluuiam humeris excipere, & ad proprias domus, se madidos redire.

CAPVT SECVNDVM.

Primum caput probandi diuinitatē Christi ex miraculis, quæ fecit in huius veritatis confirmationem.

13 **A**NTE probationem exponendum est nomen, & natura miraculi. Miraculi vocabulum ab admiratione sumptum est; admiratio autem

tem confurgit, quando effectus sunt manifesti, & causa est occulta; vbi autem causa est manifesta aliquibus, & alijs ignota; quamvis hi, qui ignorant causam, mirentur effectum, vt rusticus miratur Ecclipsim solis, quia ignorat causam, hoc non est miraculum, quia Astrologus, qui eam novit, non miratur Ecclipsim. Vt autem inquit D. Thom. 1. part. quæst. 105. art. 7. *Miraculum dicitur quasi admiratione plenum, quod habet causam simpliciter, & omnibus occultam, nempe Deum.* Vnde quæ sunt à Deo præter causas omnibus notas, miracula dicuntur. Hinc vbi effectus continetur in virtute naturali alicuius causæ creatæ quæ ignota est nobis, si cognoscamus effectum illum, qui est præter ordinem omnium causarum, quas cognoscimus, erit miraculum quoad nos; non autem simpliciter. Vnde miraculum proprie dictum est: *Effectus, seu opus superans vires omnes creatas*, vt definit S. Thomas 1. part. quæst. 114. art. 4. ac proinde solus Deus potest esse causa principalis veri miraculi, vt probat idem S. Doct. quæst. 110. art. 4.

14 Secundò supponendum est, præcipuum scopum miraculorum, quæ Christus fecit, fuisse stabilire hanc veritatem tanquam basim, & fundamentum veræ Religionis, nempe ipsum esse Messiam in lege promissum, & à Prophetis prænuntiatum; esse verum, & naturalem Dei Filium, verumque Deum. Id constat ex Ioann. vltimò: *Multa quidem, & alia signisecit Iesus, quæ non sunt scripta in libro hoc: hæc autem scripta sunt, vt credatis, quia Iesus-Christus est Filius Dei,*

Dei, & vt credentes vitam habeatis in nomine eius. Non contentus autem Evangelista hæc in generali notasse, cum in speciali miracula Christi enarrat, hoc ipsum animadvertit. Vnde cum cap. 2. retulisset miraculum conversionis aquæ in vinum, addidit: *Hoc fecit initium signorum Iesus in Cannâ Gallilææ, & manifesta-uit gloriam suam.* Illa utique de qua cap. 1. dixerat: *Et vidimus gloriam eius, gloriam, quasi vnigeniti à Patre.* Effectus autem consecutus hoc miraculum fuit, quod Discipuli crediderunt, ipsum esse Christum in lege promissum, verumque Dei Filium; & crediderunt, inquit, Discipuli eius in eum.

15 Inter miracula omnia, quæ Christus edidit in confirmationem suæ Divinitatis, maximum fuit resurrectio Lazari, iam quatuor dies in monumento habentis, vt expendit Toletus notatione 14. in cap. 11. Ioannis: hoc autem miraculum præcipuè in eum finem direxit, vt constat 1. ex illis verbis Ioann. 11. vers. 4. *Infirmetas hæc non est ad mortem, sed pro gloria Dei, vt glorificetur Filius Dei per eam.* Quasi diceret, hoc opere, mea divinitas est maximè confirmanda, & ex infirmitate hac procedet argumentum eius efficacissimum, vt ad litteram exponunt Toletus, & Maldonatus, 2. ex vers. 42. *Pater gratias ago tibi quoniam audisti me: ego autem sciebam, quia semper me audis, sed propter populum, qui circum stat, dixi, vt credant, quia tu me misisti.* Quasi diceret, causa propter quam, ô Pater, has tibi nunc publicè gratias ago, ea est, vt populus, qui adest, & coram quo opus tam insigne tua

Demonstratur Diuinitas Christi. 15

tua virtute molior, credat me esse Filium tuum à te in hunc mundum missum; credent autem dum vident me virtute tua talia facere, quæ facio: vident autem me virtute tua ea facere, dum te confiteor, & tuæ potentiae hoc tribuo factum.

16 Celeberrimum etiam fuit miraculum illud, quod narrat Ioannes cap. 9. de illuminatione cæci à natiuitate, quod præcipuè destinatum fuisse ad manifestationem diuinitatis Christi, constat 1. ex versu 3. *Nec hic peccauit, nec Parentes eius: sed vt manifestentur opera Dei in illo.* Quod teste Toletio perinde fuit, ac dicere: *Causa, cur hic cæcus natus est, nec est peccatum aliquod eius, neque Parentum ipsius, sed vt opera diuinitatis meæ in ea cæcitate expellenda declarentur, & mundo manifestentur;* ac si clarius diceret, vt me esse Deum in eo sanando ostendam, quia tale opus faciam, quod à solo Deo esse potest. Constat secundo, quia cum Judæi eiecissent cæcum à Synagoga, quia palam prædicabat miraculum, Christus in eum incidens versu 36. ait: *Tu credis in Filium Dei? & cum ille respondisset, quis est Domine, vt credam in eum? Dixit ei Iesus, & vidisti cum, & qui loquitur tecum, ipse est.* Tertio, quia post patratum hoc miraculum cum Judæi Joann. 10. vers. 25. Dominum suo interrogassent: *Si tu es Christus, dic nobis palam;* eis respondit, loquor vobis, & non creditis: opera, quæ ego facio in nomine Patris mei, hæc testimonium perhibent de me. Ergo Christus illud miraculum fecit, vt probaret se esse Filium Dei naturalem, verumque Deum.

Quæ

17 Quæ magis constant ex his, quæ addidit
 vers. 31. *Ego, & Pater unum sumus.* Quo audito sus-
 tulerunt lapides Judæi, vt eum lapidarent tamquã
 blasphemum, *De bono opere (inquiunt) non lapidamus*
te, sed de blasphemia, quia tu homo cum sis, facis te ip-
sium Deum. Constat denique ex his, quæ Christus
 subiunxit vers. 37. *Vos dicitis, quia blasphemas: quia di-*
xi, Filius Dei sum? Si non facio opera Patris mei, nolite
credere mihi: si autem facio, & si mihi non vultis crede-
re, operibus credite, vt cognoscatis, & credatis, quia Pater
in me est, & ego in Patre. Ex quibus verbis aperte
 constat Christum Dominum opera miraculosa edi-
 disse, vt comprobaret se esse Filium naturalem Dei,
 eiusdemque naturæ cum Patre. Quia ob identita-
 tem naturæ verificatur Patrem esse in Filio, & Fi-
 lium in Patre per circum inuersionem.

18 His suppositis sic argumentor: Iesus Naza-
 renus de seipso dicebat, se esse Filium Dei natura-
 lem, verumque Deum, & in huius doctrinæ confir-
 mationem euidencia edidit miracula: ergo certum
 est ipsum esse Filium Dei naturalem, verumque
 Deum. Pater consequentia, quia vera edere mira-
 cula solus Deus potest: Deus autem nequit ea fa-
 cere in confirmationem doctrinæ falsæ. Nam, vt in-
 quit August. Epist. 49. quæst. 6. sicut humana con-
 suetudo verbis; ita divina potentia factis loquitur.
 Deus ergo loquitur operibus mirabilibus, vnde si-
 cut nequit falsum loqui; ita miraculis nequit falsum
 confirmare. Et vt inquit P. Suarez tom. 2. in 3. part.
 disp.

Demonstratur Diuinitas Christi. 17

disp. 3. 1. sect. 1. evidens est opera miraculosa nō posse fieri, nisi virtute divina: evidens rursus est, non posse Deum sua auctoritate, singularique virtute mendacium confirmare: & ideo mira opera in veritatis confirmationem facta vocantur à Patribus quasi *sigillum Dei*, quo talem doctrinam consignat. Idem docet disp. 4. de fide sect. 3. n. 10. citans pro eadem sententia D. Aug. & D. Th. Canisum; & alios plures.

19 Quod Christus vera ediderit miracula in confirmationem suæ divinitatis, constat; quia in eum scopum Lazarum suscitavit: suscitatio autem mortuorum opus est solius Dei proprium: nulla enim causa creata vim habet suscitandi mortuos; & hæc res proposita Mahumetanis, & infidelibus statim assensum conciliat, ut rem enim certissimam apprehendunt, solius virtutis infinitæ proprium esse hominem verè mortuum ad vitam revocare. Vnde August. tract. 91. in Ioan. inquit: *Nulla in operibus Christi videntur esse maiora, quam suscitatio mortuorum.* Et propterea Ambrosius lib. de fide resurrect. aiebat: *Ideo resurrectio difficile creditur, quia Dei munus est.* Et hac de causa Actor. 26. vers. 23. & 25. Festo Proconsuli, *Insanire visus est Paulus, eo, quod resurrectionem predicaret.* Consulatur Pater Suarez tom. 2. in 3. part. disp. 43. sect. 6. Hoc etiam confirmant miracula in præcedentibus adducta, præsertim visio cæco à natiuitate restituta.

20 Quæ opera à Dæmone fieri non possunt, ut enim ait Augustinus lib. 3. de Trinitate cap. 8. *Dæ-*

*non non aliter opera sua mirabilia facit, quam applicando virtutem naturalem causarum naturalium; vt etiam explicat D. Thomas 1. p. quæst. 114. art. 4. Cum ergo in natura non detur virtus aliqua potens visum repente tribuere homini à nativitate cæco, consequens est, vt illius cæci illuminatio non potuerit à Diabolo fieri. Et vt Christus ostenderet fieri opus illud virtute divina, linivit luto oculos cæci: quamvis enim Diabolus posset restituere visum, id solum præstaret applicando causas naturales proportionatas: lutum verò non est causa proportionata ad illuminandos oculos, sed potiùs ad obcæcandos. Vnde Ioan. 9. v. 34. dixit cæcus, *A sæculo non est auditum, quod quis aperuit oculos cæci nati; nisi esset hic homo à Deo, non poterat, &c.* Viderunt, & ipsi Judæi Joann. 21. vers. 37. ibi.*

CAPVT TERTIVM.

*Roboratur præcedens ratio ostendendo Deum non posse
facere miracula in confirmationem doctrinæ falsæ.*

21. **Q**Uòd autem doctrina, in cuius confirmationem vera miracula conficiuntur, vera necessariò sit, constat, quia nec Deus potest facere miracula ad confirmandam doctrinam falsam, vt nuper ostendi, nec potest communicare homini potestatem faciendi miracula, & illi permit-

Demonstratur Diuinitas Christi. 19

mittere, vt eis abutatur ad confirmandam doctrinam falsam. Hoc enim perindè esset, ac permittere, vt seductor consignaret mendacia sigillo illo, quo Deus ipse veritatem consignat, vt inquit Bellarminus lib. 4. de notis Ecclesiæ cap. 14. quod confirmat Venerabilis Cardinalis ex Marci ultimo, & ad Hebræos 2. *Contestante Deo signis, & virtutibus.* Hinc deducit SS. Cardinalis, necessarium esse, vt vera sit doctrina, quæ veris miraculis confirmatur: siquidem vera miracula non possunt fieri, nisi Dei virtute; dicitur enim miraculum, quod superat vires omnium creaturarum; & ideo omnibus creaturis est mirabile, & propterea etiam in scripturis dicuntur testimonia Dei: quare quod miraculo confirmatur, Dei testimonio confirmatur: Deus autem nequit esse testis mendacij, igitur quod miraculo confirmatur, verum sit, necesse est.

22 Nec solum iuxta leges ordinarias providentiæ supernaturalis nunc præsentis nequit fieri miraculum in probationem doctrinæ falsæ, etiam sola creatura intendente errorem, vt contra Bañez rectè probat Ripalda disp. 4. de fide sect. 5. num. 45. sed neque potestate absoluta Dei; & seclusis legibus præsentis providentiæ, contra quam falsò affirmat Durandus quæst. 1. Prologi n. 47. & Michael de Medina de recta in Deum fide lib. 5. cap. 5. & alij pauci cum ipsis.

23 Probatur autem nostra, & communis sententia; quia Deus debet habere in thesauris sua

omnipotentiae modum manifestandi divinitatem Filij sui in humanitate latentis, qui modus nequeat deservire ad conciliandam auctoritatem homini iniquo, qui fingens se esse Filium Dei naturalem, vellet confirmare miraculis hoc mendacium. At non est alius convenientior modus manifestandi divinitatem, quam per ea, quae sunt propria Dei, ut docet Div. Thom. 4. contra Gentes cap. 55. numer. 8.

„ Est autem Dei proprium (inquit) quod naturae
 „ leges immutare possit supra naturam aliquid
 „ operando, cuius ipse est Author : convenientissi-
 „ me igitur probatur aliquid esse divinum per ope-
 „ ra, quae supra leges naturae fiunt, sicut quod caeci
 „ illuminentur, leprosi mundentur, mortui susci-
 „ tentur, &c. Et ideo Christus suam divinitatem
 per hæc media manifestavit; ergo nec de potentia
 absoluta potuit Deus alicui homini iniquo tribuere
 facultatem fingendi se esse Christum, & confirman-
 di similibus miraculis illud mendacium.


24 At si de potentia absoluta posset Deus tri-
 buere facultatem patrâdi miracula homini illa abu-
 sivo ad confirmandam doctrinam falsam in his cir-
 cunstantijs, in quibus illa redderetur prudenter cre-
 dibilis, potuisset homini seductori, & fingenti se esse
 Messiam in lege promissum, tribuere potestatem
 confirmandi mendacium suum mortuorum resur-
 rectione, & reliquis omnibus miraculis, quibus
 Christus suam divinitatem manifestavit. Vnde cor-
 rueret primum principium probandi veritatem

Re-

Demonstratur Diuinitas Christi. 21

Religionis Christianæ ex miraculis factis à Christo, & ab Apostolis: Gentiles enim, & Judæi, quibus diuinitas Christi miraculis ostenderetur, responderent, nescire se, an Deus tribuerit potestatem patrandi miracula homini in confirmationem erroris. Potuisset etiam Lutero, & Calvino prædicantibus suos errores potestatem tribuere confirmandi suam doctrinam eiusmodi signis: quod est planè indignum summa Dei sanctitate, & veracitate: non enim solum Deo repugnat falsum loqui, sed etiam falsam locutionem creaturæ suo testimonio confirmare, & suo quasi sigillo munire.

25 Vnde miracula ex se, & ex natura sua sunt sigillum Dei ordinatum ad consignandam eam rem, in cuius confirmationem eduntur. Et ideo Christus Dominus vt se esse Messiam, & Filium Dei naturalem probaret, ad opera miraculosa in huius rei confirmationem patrata recurrebat, ad illa inquam, secundum se, & quasi ex terminis accepta, non ad illa vt provenientia ex providentia particulari ab ipsis separabili: aiebat enim Joann. 10. *Si mihi non vultis credere, operibus credite, & cap. 5. opera quæ ego facio, testimonium perhibent de me.* Et cap. 15. *Si opera non fecissem in eis, quæ nemo alius fecit, peccatum non haberent.* Vbi (vt inquit Ripalda vbi supra num. 47.) significat excusabiles fore Judæos, & alios quoscumque contrariæ Religionis sectarios respicientes nostram Religionem, si eorum ministri operarentur, quæ Evangelici operantur, obligationemque sc-



ctandi nostram Religionem fundari in miraculis pro illa comprobanda patratis, quæ nemo alius fecit. Quæ ratio ex terminis probat omnino repugnare, quod ministri falsæ Religionis suos errores confirmant illis miraculis, quibus Christus, & Apostoli veritatem Christianæ Religionis comprobant; non repugnaret autem ex terminis, si semel Deus posset communicare potestatem patrandi verum miraculum homini iniquo, de quo sciret illo confirmaturum doctrinam falsam in his circumstantijs, in quibus redderetur credibilis, quia si semel non repugnat Deo edere vnum miraculum in confirmationem doctrinæ falsæ, neque repugnaret edere omnia, quæ Christus fecit in confirmationem suæ divinæ doctrinæ.

26 Quare ad supremam Dei Maiestatem, & dignitatem pertinet, ne ipsius nomine aliquid falsum ita proponatur, & miraculis confirmetur, ut homines secundum rectam rationem compellantur credere illud esse dictum à Deo, eique assensum firmum præstare. Quia si Deus hoc permetteret, & miracula patraret in his circumstantijs, in quibus mendacium ita confirmaretur ut sine hæsitacione credi posset, ac deberet, ageret contra suam dignitatem, ob quam fide dignus est. Si enim tot concurrentibus signis, & operibus miraculosis in confirmationem veritatis, posset adhuc subesse falsitas, Deus loquens nobis per homines, & edens signa ad confirmandam veritatem, dignus non esset fide; siquidem ad-

Demonstratur Diuinitas Christi. 23

adhuc posset subesse dubium, an miracula illa fiant à Deo permittente, vt eis abutatur homo ad decipiendum. Quare non minus repugnat Deo miracula facere in confirmationem falsæ doctrinæ quam si repugnat non esse dignum fide.

27 Hinc merito D. Thom. 2. 2. q. 5. art. 2. docet hominem, qui videret edi miraculum in confirmationem alicuius dicti evidenter intellecturum eam locutionem esse veram: *Si aliquis (inquit) Propheta pronuntiaret in sermone Domini aliquid futurum, & adhiberet signum, mortuum suscitando: ex hoc signo: conuinceretur intellectus videntis, vt cognosceret manifestè hoc dici à Deo, qui non mentitur, licet illud futurum, quod videtur, in se evidens non esse.* Et ibidem ad 1. docet, Dæmonum fidem esse quodammodo coactam ex signorum euidentiâ. Et art. 2. ait: *Hoc ipsum Dæmonibus displicere, quod signa sint tam euidentiâ, vt per ea credere compellantur.* Et 3. part. quæst. 76. art. 7. affirmat Dæmones præsentiam Christi in Sacramento credere, non fide voluntaria, sed coacta: *Quia ad eam (inquit) euidentiâ signorum conuincuntur, prout dicitur Iacobi 2. quod Dæmones credunt, & contremiscunt.*

28 Hinc etiam Pater Suárez tom. 2. in 3. parte, section 3. affirmat, si Dæmones speciali Dei providentiâ impediti non fuerunt, vt Christum cognoscerent, convictos esse ad credendum, & assentiendum illum esse verum Messiam à Deo promissum, quia evidenter cognoscebant veritatem miraculorum Christi, & quod magis est,

si à Deo non fuerunt impediti, cognoverunt evidenter conceptum fuisse sine opera viri, & natum ex Virgine, Matris integritate servata, & in eius natiuitate audire potuerunt Angelos annuntiantes natum esse Salvatorem, qui est Christus Dominus, quos evidenter sciebant non posse mentiri, utpotè beatos. Rursus evidenter cognoscebant innocentiam, & puritatem vitæ Christi; insuper audiebant ipsum expressè dicentem, se esse Messiam promissum; Joannis 4. *Ego sum qui loquor tecum.* Et Matthæi 15. cum Petrus confessus esset: *Tu es Christus Filius Dei vivi*, ipse confessionem approbavit dicens, beatus es, &c. Et cap. 11. cum Ioannes Baptista nuncios misisset ad quærendum, an ipse esset Messias, satis clare affirmavit, ostendens miracula.

29. Et Joannis 11. cum Martha dixisset: *Ego credidi, quia tu es Christus*, ipse tacitè approbavit, & iam iam facturum miraculum dixit: *Vt credant quia tu me misisti*, intelligens se esse illum, qui quasi per anthonomasiam mittendus expectabatur. Quod clarius dixit Joannis 17. *Vt cognoscant te solum verum Deum, & quem misisti Iesum-Christum*: quæ verba tam clara sunt, & aperta, ut nullam amphibologiam, vel violentam, aut falsam interpretationem patiantur. Præterea clare intelligebant Dæmones, Christum facere miracula in confirmationem huius veritatis, iuxta illud, *Vt credant homines, quia tu me misisti*. Denique sciebant scripturas, signa, & miracula, quæ de Messia prædicta erant, & evidenter cognoscebant

omnia compleri per Christum; ergo vel inuiti cogebantur fateri ipsum esse Christum, si à Deo non essent impediti, ne ipsum agnoscerent. An vero defecto impediti sint, non attinet ad nos hic disputare. Consulatur Pater Suarez ibidem fusè hanc contro- versiam tractans; nobis satis sit cum Augustino lib. 9. de Civitate cap. 21. dicere: *Christus tantum innotuit Dæmonibus, quantum voluit; tantum autem voluit, quan- tum oportuit.*

30. Quoties ergo homo docet aliquam doctri- nam, & in confirmationem illius facit verum mira- culum, convincit illam esse veram, & à Deo: vt enim ait Gregorius lib. 27. Mor. cap. 8. *Miraculum est in defectu probationis, & est auxilium rationis humane, vt assensum præstet alicui veritati,* supplentque argumen- torum defectum, suntque velut Dei sigillum, vt quòd affirmatur, à Deo esse credatur. Sic cum Deus misit Moysen Exod. 4. ad populum de Egypto educendum, vt ille persuadere posset, se à Deo mis- sum, concessit ei facultatem confirmandi suam le- gationem miraculis, & Exod. 7. cum iussus esset no- mine Dei Pharaoni dicere: *Dimitte populum meum,* &c. Vt sibi asserenti, se à Deo missum, Pharaon cre- deret miracula edidit. Deinde Elias 3. Reg. 18. vt Deum Israel verum Deum esse ostenderet, ignem de Cælo super holocaustum descendere fecit. Et 4. Reg. 1. vt probaret se esse Prophetam Dei: *Si homo,* inquit, *Dei sum, ignis de Cælo descendat, & deuoret te, & quinquaginta tuos: & descendit ignis, &c.*

31 Ipsi etiam Scribæ, & Pharifæi videntes, Iesum Nazarenum palam dicere, se esse Christum, & Messiam in lege promissum, & in huius dicti confirmationem opera mirabilia facere, ne cogerentur fateri, illum esse verum Messiam, callidè ad blasphemiam confugerunt, dicentes eum virtute Dæmonis opera illa facere: planè sentientes, non posse negari, veram esse eius doctrinam, si semel concederent miracula ab ipso facta in eius confirmationem Deum habere Authorem. Ergo vel Pharifæi ipsi certum arbitrabantur, non posse Deum facere miracula in confirmationem doctrinæ falsæ, seu in his circumstantijs, in quibus doctrina falsa redderetur prudenter credibilis: sed vero cum manifestum sit, miracula multa à Christo facta in confirmationem suæ divinitatis non potuisse à Dæmone fieri; manet inconcussum ex confessione ipsorum Judæorum, Christum verum dixisse, dum affirmavit, se esse Filium Dei, & Messiam in lege promissum.

32 Immodò Dæmon ipse satis agnovit hanc veritatem, dum Matthæi 4. miraculum vnum, & non ad modum magnum, sufficiens existimavit, ut eum Filium Dei esse cognosceret, si in huius rei probationem esset patratum: *Si Filius Dei es, aiebat, dic, ut lapides isti panes fiant.* Cum enim sciret lapidem non posse virtute Dæmonis in panem converti, certoprehenderet, illum esse Filium Dei si in confirmationem huius veritatis miraculum illud efficeret: ergo ex confessione ipsius Dæmonis repugnat Deum fa-

cere miraculum in confirmationem falsæ doctrinæ.

33 Vndè alia est ratio de potestate supernaturali consecrandi, quam Deus hominis libertati committit; qua potestate licet homo abutatur in prauum finem; tamen Deus, supposita illa prava intentione, supernaturali auxilio concurrit ad faciendum opus miraculosum. Alia, inquam, est ratio, quia ex hac promissione, nihil contra divinas perfectiones sequitur; immò hic elucet maximus amor Christi erga homines, siquidem vt eos certos omnino redderet de sua præsentia in Sacramento voluit miraculum illud patrare, quoties verba illa consecrationis proferrentur à legitimo ministro cum vera intentione supra legitimam materiam, licet Sacerdos in finem prauum ordinet miraculum illud.

34 Alia etiam est ratio de miraculis apparentibus, quæ patrata sunt à Magis Pharaonis, & fiunt ab Anti-Christo. Et si enim Deus concurrat ad illa miracula; concurrit tamen dumtaxat vt causa vniversalis, & non vt causa specialis, quia illa miracula sunt opera naturalia, & habent specialem Authorem Diabolum; vnde Deo non tribuitur testificatio falsi, quia opera illa astutia Diaboli perpetrata non essent quasi sigillum Dei testificantis veritatem, sed sigillum Diaboli persuadentis mendacia. Pro quo adverte Dæmones multa posse facere supra humanas vires, quæ miracula videantur. Ea verò omnia dupliciter fiunt, aut in apparentia tantum per sensuum illusionem, aut in rei veritate: sed quæcunque hoc po-

posteriori modo Dæmones faciunt, non aliter fiunt, quam per virtutes naturales causarum, quas notunt, & velocissimè, & occultissimè applicant vt supra diximus ex Augustino, & Thoma: vbi autem non est virtus aliqua creaturæ, quæ eiusmodi effectum producere valeat, cessat omnis Dæmonum opera, & ad sensuum illusiones se convertunt. Quare vbi Magi virtute Diabolica applicando actiua passivis aliqua opera mirabilia faciunt ad suadendum errorem, Deus illum non confirmat authoritate sua; quia non est author specialis illorum mirabilium, sed dumtaxat concurrit vt causa vniversalis; sicut concurrit ad motus indeliberatos concupiscentiæ inclinantes in peccatum, quin propterea in peccatum inclinet; sicut revera inclinaret, si illos motus per se vt causa particularis excitaret, vel habitum vitiosum directè inclinantem ad peccandum infunderet.

35 Eiusmodi opera mirabilia edet Anti-Christus, de quo loquitur Apostolus 2. ad Thesalon. 2. *Cuius est aduentus secundū operationem Satanz in omni virtute, & signis, & prodigijs mendacibus, & omni seductione iniquitatis.* Sicut namque Christus in confirmationem veritatis vera fecit miracula; ita Anti-Christus in confirmationem falsitatis fallacia edet signa, & prodigia; sicut Christus miracula vera faciebat virtute Dei qui est prima veritas, ita Anti-Christus miracula falsa peraget virtute Diaboli, qui est Pater mendacij: quia vel mirabilia ab ipso facienda non erunt res veræ, sed phantasticæ; vt si vī-

dea-

deatur suscitare mortuum, qui antea mortuus non erat, vel postea vere vivus non remaneat: vel si interdum faciat res veras, quæ mirabiles appareant, illa non erunt vera miracula, quia soluni exhibebit hæc opera, occultè, & velocissimè applicando causas naturales illorum effectuum, qui apparebunt hominibus miraculosi, quia ignorant causam, quæ reipsa datur. Id explicat benè Caietanus exponens verba „ illa Christi Matth. 24. Surgent Pseudo-Christi, & „ Pseudo-Prophetæ: & dabunt signa magna, & prodigia (quæ Diabolica potestate fieri possunt.) „ Quæ secundum veritatem (inquit) non excedunt „ facultatem naturalium agentium nisi pro quanto „ Dæmon, & movere potest aliqua quæ naturalia „ agentia non movent, vel ad mixtionem, vel ad „ locum, & celerius agere, aut ad contraria statim, „ aut applicando ad effectus ad quos natura nunquam applicaret huiusmodi. Et propterea apparebunt mirabilia, & existimabuntur vera miracula. „ Facile enim erit tantæ multitudini Dæmonum „ liberæ in suo posse (quòd modo ligatum est) sanare ægrotos, etiam quos incurabiles appellamus, quasi subito: & curare vulnera incurabilia à nobis quasi subito: movendo quæ intus sunt in corpore, & vtendo intus secretis naturalium corporum, tanquam atomorum, quæ non percipimus. „ Et sic de similibus.

36 Aliam rationem reddit Eximius Doctor tom. 2. in 3. part. disp. 31. sect. 2. cur licet Deus non

possit facere verum miraculum, quando per illud redditur prudenter credibilis doctrina falsa; possit tamen permittere apparentia miracula, quamvis videat per illa decipiendos homines sub specie divinæ virtutis, & authoritatis? Respondet enim, non esse eandem rationem; quia quando fiunt falsa miracula, semper, inquit, relinquitur aliquis modus, quo moraliter possint diiudicari, si homines quod in se est, faciant ad cognoscendam veritatem. Primò benè considerando ipsamet opera, & circumstantias eorum. Secundò considerando personam, vitam, & mores eius, qui sic loquitur, & operatur. Tertio considerando doctrinam ipsam, an aliqua in parte rationi adversetur, vel alijs revelationibus divinis sufficienter propositis per Ecclesiam. Denique orando Deum, & consulendo scripturas, & prædictiones in illis factas, & signa data, ne in errorem inducamur.

37 Afferit itaque Magnus Suarez non pertinere ad providentiam Dei, non permittere falsa signa, quæ ad probationem, & profectum electorum profunt, sed pertinere ad providentiam Dei dare auxilium, ac modum quo possint diiudicari, & cognosci, quia non est divinæ bonitatis, & sapientiæ permittere hominem tentari ultra id, quod potest: ac propterea quando facta morali diligentia, & investigatione, adhuc constat evidenter vera esse miracula, quæ sunt in confirmationem doctrinæ, nullam relinqui dubitandi rationem de talis doctrinæ veritate, præfer-

fertim si miracula sint frequentia, & magna auctoritate, atque potestate facta, & vitæ innocentia, ac sanctitate confirmata, & in ipsa doctrina, nihil contra honestatem, nihil contra rationem rectam, nihil denique contra alias divinas revelationes appareat. Quæ omnia cum in doctrina, & miraculis Christi cumulatifsimè inventa sint; constat miracula Christi evidenter, evidèntia morali, ipsius doctrinæ veritatem comprobauisse.

38 Addit idem Author quando Deus dat potestatem ad supernaturale opus faciendum, considerandum esse modum, & finem eius: quando enim datur modo stabili, ac permanenti, non ad confirmandam veritatem; sed ad aliquam publicam utilitatem, ut interdum datur gratia sanitatis, vel alia similis, tunc licet quis diceret se illa uti in confirmationem veritatis, non ideò statim adhibendam esse illi fidem, sed potius attendendum esse ad alias regulas fidei certas, & infallibiles. Si verò potestas hæc, & usus eius, datur singulari, & extraordinario modo, ita ut non appareat alius finis, & utilitas eius præter veritatis confirmationem; tunc certè maximè spectare ad divinam providentiam non concurrere specialiter ad tale opus, quando homo per illud intendit falsitatem persuadere, ac alios decipere.

CAPVT QVARTVM.

*Occluduntur frivole euasiones, quibus infideles eludere
conabuntur argumentum petitum à mira-
culis Christi.*

39 **E**X dictis constat, miracula à Christo patra-
ta in confirmationem suæ Divinitatis,
eam evidenter evidentiâ morali convincere, & infi-
deles obligari ad eam credendam, si eis ritè propo-
natur. Nihil enim solidum huic argumento respon-
dere poterunt. In primis enim frivolum est, quòd
pagani respondent apud Originem lib. 1. contra
Celsum, nimirum miracula, & signa Christi fuisse
præstigias, & sensuum ludificationes quasi non veri-
tate, & effectû, sed apparentiâ tantum, illa omnia
conficta fuissent. Non quòd Lazarus, qui quatuor
iam dies sepultus iacebat, vivus ex sepulchro pro-
dierit, & postea multo tempore vixerit, item quòd
cæcus à natiuitate postea viderit, non erat sensuum
delusio: nam hic verè experiebatur se videre, & ille
se vivere; & miraculum ipsum fatebantur, idque
manifestum erat omnibus, non minus, quam est
manifestum me vivere, & vobiscum loqui: vnde non
minus evidens erat illos esse veros, & reales effe-
ctus, quàm nunc evidens est vivere homines, qui
permanentè exercent opera viventium propria:
præstigiæ nanque sensuumque ludibria statim eva-
nes-

nescūt, & ille, quem alij delusoriè existimant vivere, & videre, id non experitur, sicut Lazarus, & cæcus experiebantur.

40 Idque vel inde patet, quòd Scribæ, & Pharisei, qui præ invidia, & odio infensi erant Christo, & per blasphemiam sæpè dicebant, eum virtute Diaboli miracula patrare, nunquam ausi sunt effutire, opera eius mirabilia effectum non habuisse: nam post diligentissimum examen, evidenter deprehenderunt verè videre, qui à nativitate fuerat cæcus; verè vivere, qui diù iacuerat mortuis & repente ambulasse, qui per multos annos se movere potens non fuerat.

41 Nec item dici potest, Christum virtute Diaboli miracula patrassè, tum quia multa fecit, quæ omnem creatam virtutem excedunt, ac proinde à Diabolo fieri non possunt. Tum quia licet fecerit aliqua, quæ si secundum se considerentur, Dæmon potuit facere; eo tamen modo fecit, qui omnem virtutem Diaboli superat: nam Christus fecit solo verbo sine applicatione alicuius virtutis naturalis: fecit etiam in instanti, & sine vlla mora, quòd Diabolus facere non potest. Rursus Christus opera illa mirabilia faciebat sæpè orando ad Deum, & imperando, & simul secreta cordis pandendo, quòd extrà ditionem Diaboli est. Deinde si finem miraculorum Christi inspiciamus, manifestè deprehendimus, illum virtute divina, non Diabolica ea fuisse operatum. Nihil enim temporale, nihil præ-

vum per illa intendebat, sed vnicè rectitudinem morum, Veri Dei cognitionem, & ipsius Dæmonis exterminationem: quæ omnia satis probant, ea opera non à Diabolo, sed à Deo processisse. Diabolus nanque morum integritatem, vitiorum exilium Veri Dei cognitionem, & sui Regni destructionem intendere non potest.

42 Nec denique dici valet, Christum reipsa non fecisse opera illa mirabilia, quæ Evangelistæ narrant, sed eius Discipulos ad sui Magistri commendationem ea finxisse, & litteris vulgavisse. Id enim per se apparet manifestè falsum, & incredibile. Tum quia simili audacia dicere posses, Moysen non patrasse miracula, quæ in Exodo narrantur, nec extitisse Alexandrum Magnum, & similia. Tum quia sanctitas Apostolorum hoc piaculo fadari non poterat: quomodo enim comminiscerentur miracula ad probandum Jesum esse Filium Dei naturalem, quem tamen purum esse hominem scirent? Quorsum igitur hæc machinarentur viri Judæi, lactè imbuti Mosaycæ legis, quàm à Deo latam, pœnitentiusque abrogandam sciebant, si Evangelica prævaleret doctrina. Sanè honores, vel lucra temporalia minimè aucupabantur, quia ex huius doctrinæ prædicatione nihil honoris, nihil emolumenti, nihil denique humanum præter verbera, persecutiones, & mortem lucrabantur: quia ex prædicatione huius doctrinæ nihil in hac vita lubantur, nisi verbera, persecutiones, & mortem.

Nec

Demonstratur Diuinitas Christi. 35

43 Nec item intendebant lucrum spirituale, si scienter fingebant, nouerant enim, gravissimum esse peccatum, merum hominem allere Deo æqualem, & per ficti Euangelij prædicationem legem Moysis à Deo datam evertere; scienter ergo volebant æternam damnationem incurrere sine spe ullius temporalis commodi, ut hominem purum, à quo nihil sperare poterant, deprædicarent, Deum: hoc autem est evidenter incredibile: nec in homines rationis compotes cadere potest. Unde, vel dicendum, omnes Euangelistas, & Apostolos, qui Christi miracula scripserunt, & prædicarunt, ut mundo persuaderent, eum esse Filium Dei naturalem; fuisse prorsus stolidos, vel commentos non fuisse illa miracula, sed gesta sincere narrasse. Primum dici non potest, alioqui cogere rem incredibiliorem deglutire, nempe homines omnino stolidos totum mundum convertisse per ficta miracula ad recipiendam fidem tantopere repugnantem carni, & sanguini, & mysteria creditu difficilissima proponentem nullumque præmium Sectatoribus præsentantem, sed omnia in futurum sæculum promittentem: ergo debet dici secundum.

44 Aliud etiam argumentum conficere possumus ex Chrysostomo in oratione *quod Christus sit Deus*. Nam Evangelistæ, qui referunt Christi ignominias, eius etiam miracula narrant: quomodo ergo dignos fide putant infideles in illis; in istis vero arguunt, quasi dixerint non facta? Et si ad gratiam

sui Magistri hæc scripssissent, stultè, & frustra iactassent, si non tacuissent, quæ multis ignominiosa, & dura videntur: nunc autem horum veritatem monstrarunt, dum in illis maximè immorati sunt, omniaque valde diligenter, & magna copia tractarunt, neque parvum, neque magnum prætermittendo, sed insignis; & miraculis plura transierunt: ergo sincerè, & sine dolo scripsere.

45 Deinde manifestè convincitur, Apostolos, & Evangelistas hæc miracula non finxisse, quia res narrabant non in angulo, sed immedia Jerusalem factas: verbi gratia illuminationem cæci nati, qui oculis luto linitis, iussus est per mediam Civitatem ire ad natatoria Siloë ad abluendos oculos, ut in longa via, quàm plurimos, & cæcitatibus, & curationis suæ testes colligeret, ut notant Chrysostomus, & Theophylactus: Resurrectionem Lazari, quam Christus operatus est coram multis Judæis, qui à Jerusalem venerant in Bethaniam, ut Mariam, & Martham consolarentur de morte fratris: curationem repentinam paralitici, quem in probatica Piscina coram magna languentium multitudine sanavit, & iussit, ut tolleretur grabatum suum, & ambularet, ut de veritate miraculi omnibus constaret: & tenebras illas, quas in morte Christi super universam terram factas narrat Matthæus caput. 27. quæ miracula cum narrentur facta coram magna hominum, multitudine, facile de falsitate poterant convinci Evangelistæ, si falsum narrarent: unde miracu-

cula falsa prædicantes ab omnibus irriderentur, & tanquam fabularum fabricatores reijcerentur, & nulli fidem in Christum persuaderent.

46 Constat autem multos ex Judæis ad fidem Christi convertisse Apostolos prædicando hæc miracula; vt patet ex Actorum 2. versicul. 22. vbi Petrus loquens cum Judæis aiebat: *Viri Israelitæ audite verba hæc: Iesum Nazarenum Virum approbatum à Deo in vobis virtutibus, prodigijs, & signis, quæ fecit Deus per illum in medio vestri, sicut vos scitis; &c.* Constatque ex illo capite versicul. 42. in hac prima concione convertisse Petrum circiter tria millia Judæorum. Et ex Actorum 4. versicul. 4. constat in secunda concione convertisse quinque millia: ergo argumentum evidens est, Apostolum Petrum vera miracula narrasse, dùm ea narrando tanquam rem apud audientes notam, tantam multitudinem convertit. Sanè si quis seductor peregrinam doctrinam hodie in hac civitate prædicaret, & ad commouendos auditores diceret, se heri coram ipsis suscitasse mortuum in confirmationem suæ doctrinæ; si falsa narraret, nihil apud audientes obtineret, nisi irrisionem, & ignominiam: ergo pariter, &c.

47 Id ipsum ex alio capite manifestè convincitur: quia cum Scribæ, & Pharisei odio æstuant contra Iesum, sanè si falsa essent miracula, quæ Evangelistæ de ipso narrant, palam detegerent mendacium, & scripto confutarent, idque innumbris testibus convincerent, & facile obtinerent, ne

fides Christi propagaretur. At nemo Judæorum
 ausus est hanc exceptionem Evangelistarum nar-
 rationi, & Apostolorum prædicationi verbo, vel
 scripto opponere; ergo evidens signum est Chri-
 stum ea miracula edidisse. Idque patet ex ipsa ad-
 versariorum confessione: nam gravissimus Scrip-
 tor Josephus Judæus, qui proximè post Christum
 „ floruit lib. 13. antiquitatū cap. 4. sic scribit: Fuit
 „ autem his temporibus Jesus sapiens vir, si tamen
 „ virum eum nominare fas est. Erat enim mirabi-
 „ lium operum effector, & Doctor omnium eo-
 „ rum, qui libenter audiunt, quæ vera sunt. Et mul-
 „ tos quidem Judæorum, multos etiam ex genti-
 „ bus sibi adiunxit: Christus hic erat. Hunc accu-
 „ satione primorum nostræ gentis Virorum cum
 „ Pilatus agendum in Crucem decrevisset, non
 „ deservierunt hi, qui ab initio eum dilexerunt:
 „ apparuit enim eis tertia die iterum vivus, secun-
 „ dū quod divinitus inspirati Prophetæ, vel
 „ hæc, vel alia innumera miracula futura prædi-
 „ xerant. Sed & in hodiernum diem Christiano-
 „ rum, qui ab ipso nuncupati sunt, & nomen
 „ perseverat, & genus. Huc usque

Josephus.

CAPVT QVINTVM.

Secundùm caput probandi diuinitatem Christi ex vindicta, quàm Deus sumpsit de Iudæis, quia illum Crucifixerunt, cui annectitur tertium caput inde petitur, quòd post necem Christo illatam iam diabolus non tentet Iudæos de Idololatria sicut antea faciebat.

48 **P**RO conficienda ratione supponendum est, propterea Iudæos Jesum crucifixisse, quia dicebat se esse Filium Dei naturalem, verumque Deum. Constat id primò Joannis 5. 18. Propterea ergo magis quærebant eum Judæi interficere, quia Patrem suum dicebat esse Deum, æqualem se faciens Deo. Et Joannis 10. De bono opere non te lapidamus, sed de blasphemia, & quia homo cum sis, facis te ipsum Deum. Et ex Matthei 26. 41. Adiuro te per Deum vivum, vt dicas nobis, si tu es Christus Filius Dei vivi? Et cum respondisset affirmativè, tunc Princeps Sacerdotum scidit vestimenta sua, dicens, blasphemavit, quid adhuc egemus testibus? Et Joannis 19. 7. Nos legem habemus, & secundùm legem debet mori, quia Filium Dei se fecit

49 Hoc supposito sic argumentor : Jesus Nazarenus de seipso dicebat, se esse Filium Dei

naturalem, verumque Deum; & hac de causa Judæi necem ipsi machinati sunt: ergo si ille non esset Filius Dei naturalis, sed purus homo, Judæi eum crucifigendo non iniuriam Deo irrogassent, sed obsequium exhibuissent; nec supplicio digni forent, sed præmio. At Judæi Christum eo titulo crucifigentes, non obsequium Deo exhibuerunt, sed atrocem iniuriam irrogarunt: ergo quia non blasphemia, sed summa veritas erat, quod Jesus Nazarenus de seipso dicebat, se esse Filium Dei naturalem. Minor patet ex vindicta, quam de ipsis sumpsit Deus ob illatam Christo: nam propter hoc delictum Civitas Jerusalem; eiusque Templum à Tito, & Vespasiano destructa sunt, & Judæi ut vilia mancipia venditi, & in varias mundi plagas dispersi; miserrimam patiuntur captivitatem, sine Rege, sine Templo, sine Sacerdotibus, & sine Sacrificijs, facti in derisum, & opprobrium omnibus nationibus.

50 Assumptum constat 1. ex Danielis v. 26. quem locum sect. sequenti dabimus. Secundò ex Lucæ 14. 42. vbi Christus videns Civitatem fleuit, & prædixit eius destructionē eo: *Quòd tempus visitationis sue cognoscere nolisset*, hoc est, oportunam salutis suæ occasionem amplecti. Tempus primi adventus sui appellat Christus tempus visitationis: *Quia visitavit nos veniens ex alto*, ut dixi Zacharias Lucæ 1. 68. & quia veniens visitavit. *Et fecit redemptionem plebis suæ.* Constat tertio ex Lucæ 21.

Demonstratur Diuinitas Christi. 41

24. vbi Christus de hoc supplicio loquens (vt probat P. Galpar Sanchez in cap. 9. Danielis numer. 169.) dixit: *Et cadent in ore gladij, & captiui ducentur in omnes gentes, & Ierusalem calcabitur à gentibus.*

51 Constat denique ex Matthæi 24. 7. vbi Christus prædixit omnimodam destructionem Templi in pœnam illius peccati: *Videtis hæc omnia? Amen dico vobis, non relinquetur hic lapis super lapidem, qui non destruat.* Significat his verbis Christus (inquit Maldonatus) etiam, atque etiam structuram Templi considerent, quo magis eversionem admirarentur, non enim relinquetur lapis super lapidem: quòd etsi per exaggerationem dictum videri potest, vt ingens tantum ruina, & vastatio declaretur, qualem Iosephus describit lib. 7. de bello Judaico cap. 9. & 10. tamen non est passà divina providentia, vt existimare quis posset Christum, vel in vno lapide per hyperbolem loquendo fuisse mentitum. Scribunt Chrysostomus orat. 2. & 3. adversus Judæos, Nazianzenus orat. 3. contra Julianum. Theodoretus lib. 3. Hist. Ecclesiasticæ cap. 20. Julianum Apostatam, dum imperaret, Judæis concessisse, vt Hierosolimitanum Templum restaurarent, id Judæos incredibili alacritate præstitisse, effodisse fundamenta veteris Templi, vt nova reponerent, ignem eximis fundamentis exiluisse, multosque consumpsisse ex his, qui ædificabant, ita Judæos suis manibus Christi prædictionem complevisse. Verus enim Templum, siquidẽ supererat, ita diruerunt, vt lapis super la-

la-

lapidem non remaneret, novum vero, ne inchoare quidem divinitus prohiberi, potuerunt. Constat ergo Jesum Nazarenum, cuius in verbis veracitatem tantopere Deus zelavit, & cuius mortem illi, ut blasphemum illatam tam severè punivit, non eum fuisse, quem Perfidi Judæi existimant, sed quem ipse se dixit esse, & Christiani firmissimè credimus.

52 Quòd confirmare possumus ex Chrisostomo in orat. *Quòd Christus sit Deus*. *Ædificavit Ecclesiam Christus, & nullus eam destruere poterit: destruxit Templum, & nullus illud ædificare poterit, idque in tam longo tempore. Nam & illam destruere conati sunt, & non potuerunt; & hoc ædificare attentavere, & nec id ipsum potuerunt; hoc autem permissum est, nec ullus dicere posset, si attentassent, potuissent: ecce attentarunt, & nihil potuerunt. Subditque, solam virtutem Christi potuisse impedire Templi reædificationem: nam quamvis olim Templum illud fuit destructum; tamen ubi post septuaginta annos redierunt, statim excitatum est, fuitque priore multo præclarius. Nunc autem supra 400. ann. est (modo supra millesim. sexcentef.) & nulla, vel cogitatio, vel expectatio, sed nec spes, ut instauretur. Et quid obstabat, si non divina virtus oblectata est? Nonne multa erat illis pecuniarum copia? Patriarcha, qui omnium vnde quaque colligebat tributa, & immensos Thesauros possidebat? Nonne temeraria erat natio? Nonne impudens? Nonne seditiosa? Nonne ad audendum præcepta?*
Non-

Nonne bellorum ferax? Nonne multi erant in Palestina? Nonne multi in Phœnicia? Nonne multi vbiq; passim? Quomodo ergo non potuerunt vnum Templum struere, præsertim videntes cultum suum alioqui vbiq; residere quasi ligatum, & Judaicos ritus aboleri, & Sacrificia, & oblationes, & alia legitima auferri? Immò non licebat eis excitare, vel Templum, vel Altare, aut Sacrificium offerre, aut immolare ovem, aut imponere timiam, aut instruere festa citra illa vestibula. Attamen nunc vident, quòd desolatio eius loci ab his omnibus se excludat, & quòd attentaverunt quidem, sed temeritatis pœnam luentes non potuerunt locum, in quo hæc omnia licebant legitimè erigere, & constituere. Nam virtus Christi, quæ ædificavit Ecclesiam, eadem Templum destruxit.

53 Deinde Iudæorum nationem hanc vniuersalem captiuitatem, & dispersionem pati ob delictum occisionis Christi; probat efficacissimè Paulus Burgensis part. 2. Serutini Scripturarum dist. 6. cap. 1. & 2. Vt autem argumentum conficiat, probat in peccato illo, ob quòd tam longam captiuitatem patiuntur Iudæi, debere tria concurrere, quæ non nisi in occisionem hominis Dei quadrare possunt: nempe, & peccatum illud esse maius eo, ob quòd per septuaginta annos captiuitatem Babylonicam passi sunt: & peccatum hoc esse commune omni genti Hebræorum, & demum esse illis occultum, & ignotum.

Quòd

54 Quòd hoc peccatum debeat esse longè maius peccato captivitatis Babylonicæ inductivo, probatur: quia pœna proportionatur culpæ, & vt dicitur Deuteron. 25. *Iuxta mensuram delicti erit, & plagarum modus.* At pœna huius peccati, est longè maior pœna alterius: ergo & peccatum debet esse longè maius. Probatur minor, quia captivitas præfens longè superat Babylonicam: nam illa duravit dumtaxat septuaginta annis; hæc vero ultra mille, & sexcentos iam protensa est: illa fuit vnus dumtaxat tribus Judà, ista vero est captivitas vniuersalis omnium Tribuum Israel. In primâ captivitate Ioachin Rex Judà magno in honore habitus est à Rege Babyloniæ, & in Throno Regum sedit, vt constat ex 4. Reg. ultim. vers. 28. Similiter, & alij illius generis in honore fuerunt constituti, vt constat ex 1. & 2. Danielis: in præsentem autem captivitate nullo Regem habent, nec notabili fruuntur honore, sed vbique despecti, & contempti sunt. In captivitate ista ingens eorum multitudo à Romanis intercepta est, plerique alij facti sunt captivi.

55 Audiamus Iosephum lib. 7. de bello Judaico cap. 17. vbi sic inquit: Et captivorum quidem omnium, qui toto bello comprehensi sunt, nonaginta & septem millium comprehensus est numerus: mortuorum vero per omne tempus obsidionis undecies centum millia: ab omnibus enim regionibus ad azimorum diem festum congregati bello subito circumfusi sunt. Et post

Demonstratur Diuinitas Christi. 45

modum subiungit : Itaque superat omnem humanam, & diuinitus emissam pestem numerus peremptorum, quos partim palam occidere, partim cepere Romani. Inuenti autem sunt ibi quodque plusquam duo millia, quorum alij manu sua, plures autem mutuis se vulneribus interfecerunt, cum alios fames corrupisset.

56 Deinde in captiuitate Babylonica multos habuerunt Prophetas, qui eos Dei nomine de peccatis præteritis increpabant, ad pænitentiam hortabantur, & spe redemptionis levabant, quod præstiterunt Hieremias, & Ezechiel. Propè finem autem cautiuatatis inter eos floruerunt Daniel, Esdras, Zacharias, & Aggeus, deditque illis Dominus Salatiel Ducem, & Principes, & Sacerdotes, cum quibus exierunt de Babylonia peracta pœnitentia, & placato Deo: & ædificauerunt Ierusalem, & Templum, aliasque ciuitates, & effudit dominus super illos copiosè misericordiam suam. Quod signum est, eos tunc puniussè ut Patrem, & ut populum proprium tractasse. In hac autem vltima captiuitate nullus vnquam inter eos Propheta surrexit iuxta illud Psalmi 3. *Iam non est Propheta, & nos non cognosceat amplius.* Quod argumento est, eos à Deo reprobatos, & non esse iam populum Dei; in eisque adimpleri illud Danielis 9. *Non erit eius populus, qui ipsum negaturus est.* Ex quo enim dixerunt : *Non habemus Regem nisi Casarem: & nolumus hunc regnare super nos,* à Deo deserti sunt; constat ergo supplicium

cium huius captivitatis esse longe maius supplicio captivitatis Babylonicæ. Propterea namque hæc ultima captivitas appellatur à Daniele desolatio: prima vero appellata est transmigratio, quia post modicum tempus Jerusalem reduces venerant haud inferius: ergo inflictum est ob aliquod peccatum longe maius: hoc autem nequit esse aliud, quàm occisio hominis Dei. Nam Judæi captivi ducti sunt Babylonem, quia adorauerunt idola, Prophetas Dei occiderunt, & legem eius abiecerunt. Peccato autem idololatriæ nullum est maius, quàm occisio hominis Dei: qui enim idolum, ut Deum colit, est sicut Subditus, qui proprium Regem offendit, ei tributa denegando, & aliam Principem, ut Regem salutando. Qui vero Christum occiderunt, sunt sicut hi, qui in ipsam personam Regis offensam committunt, eum blasphemando, & turpiter occidendo.

57 Rursus peccatum, in cuius poenam inflictæ est hæc ultima captivitas, debet esse commune omnibus Hebræis, qui per totum orbem dispersi sunt: cum enim Deus iustus sit, non potest punire Judæos nunc existentes ob peccatum suorum maiorum, qui vitulum in Deserto adoravere, ut somniant aliqui Rabini huic applicantes illud Exod. 32. *Ego autem in die ultionis visitabo hoc peccatum eorum.* Nec ob peccata commissa in primo Templo, ut alij fingunt. Non inquam, potest Deus hoc facere; nam ut ipse dixit Exodi 20. 5. *Ego sum Dominus.*

Demonstratur Diuinitas Christi. 47

Deus tuus fortis, Zælotes, visitans iniquitates Patrum in filios in tertiam, & quartam generationem eorum, qui oderunt me. Ex quibus verbis constat non plus se extendere iustitiam divinam in puniendis peccatis prædecessorum, quàm ad tertiam, & quartam generationem. Vel quia, vt exponit Burgensis, filij, & nepotes pluries inveniuntur imitatores paterni sceleris: vnde in translatione Chaldaica dicitur, hoc esse, quia filij sequuntur opera patrum, vel quia peccata parentum solum possunt puniri in descendentibus, quatenus parentes torquentur, dum vident afflictionem eorum, & quia communiter solum vident post se quartam generationem. Vt enim inquit D. Thomas 1. 2. quæst. 87. art. 8. ad „ primum: Ided additur in tertiam, & quartam ge- „ nerationem, quia tantum consueverunt homines „ vivere, vt tertiam, & quartam generationem vi- „ deant; & sic mutuo videre possunt, & filij pecca- „ ta parentum ad imitandum, & patres pœnas fi- „ liorum ad dolendum. Cum ergo Judæi modo existentes nullatenus commiserint peccatum ado- randi vitulum, nec illud approbent, sed potius abominentur, & cum longissimè distent à suis maioribus, qui illud commiserunt, consequens manifestè est, eos non puniri, tam dira, & longa captivitate propter peccatum adorationis vituli, vel propter peccata commissa in primò Templo. Quod vel inle patet: Nam si Deus placatus est illis ipsis Judæis, qui peccatum illud commiserunt, & post septua-
gin-

ginta captivitatis annos eorum filios in Ierusalem reduxit magno cum honore, & ingentibus cumula-uit beneficijs: quomodo tan dirè punirè potuit eorum descendentes post sexagesimam, vel for-
 san centesimam generationem propter alienam-
 culpam, quàm ipsi videre non potuerunt, nec vn-
 quam imitati sunt, sed potius abominantur ex
 corde?

58 Restat ergo vt hanc captivitatem patian-
 tur propter crimen crucifixionis Christi: vt enim
 „ inquit Burgenfis, Licet Iudæi, qui post destru-
 „ ctionem secundi Templi fuerunt, non intervene-
 „ rint in occasione Christi; omnes tamen, quicun-
 „ que sunt sub Hebraica perfidia, consentiunt,
 „ approbant, & laudant peccata, quæ commissa
 „ fuerunt à suis maioribus in personam Christi; vt
 „ patet per omnes Magistros eorum, qui conve-
 „ niunt in hoc, quòd occisores Christi secundum
 „ veram iustitiam legis eum occiderunt. Vnde
 Rabbi Moyfes in lib. de Iudicijs tit. de Regibus, &
 Mefsia sic dicit: *Circa finem Templi secundi Nazareus*
ille iactauit se esse Mefsiam, & ideo Sapientes, & Ma-
gistri nostri fecerunt de eo, seu in eum, quòd debebat
fieri.

59 Denique peccatum hoc, ob quòd tam
 acerba, & longa puniuntur captivitate perfidi Ju-
 dæi, est eis omnino ignotum. Hoc autem patet ex
 libro quodam Tmudico valde authentico apud
 illos, qui dicitur *magnila*: vbi inquitur rario, quare

Ju-

Demonstratur Diuinitas Christi. 49

Judæis existentibus sub captivitate Babylonica revelatus fuerit à Deo terminus illius, vt pater Hieremiæ 29. Judæis vero existentibus sub hac secunda captivitate nunquam revelatus sit eius finis? Ibique respondetur, propterea prioribus revelatum fuisse terminum captivitatis, quia revelatum ipsis fuit peccatum, ob quod illa à Deo immissa fuit, vt de illo dolentes mererentur veniam: posterioribus vero idcirco non revelari terminum captivitatis, quia omnino est ignotum ipsis peccatum, ob quod sic puniuntur. Ex quo concluditur, peccatum hoc esse blasphemiam in Christum, & iniquam eius occisionem: nam tantum abest, quod hoc peccatum cognoscant, vt potius pertinacissime sibi persuadeant maiores suos obsequium magnum præstitisse Deo, Nazareni mortem machinando. Cum ergo constet in solo peccato persecutionis, & occisionis Christi concurrere illas tres condiciones, nempe, & quod sit longe maius peccato Idololatriæ, & quod sit omnibus Judæis commune eisque occultum, & incognitum; manifestum relinquitur eos propter hoc peccatum à maioribus suis commissum, & ab ipsis approbatum pati hanc severissimam penam, & manifestam Dei vindictam: ac proinde convincitur Jesum Nazarenum esse Filium Dei naturalem, verumque Deum.

60 Id ipsum confirmat Chrysostomus ex illa
,, prophetia Moysis Deuter. 18 15. Prophetam
,, vobis excitabit Dominus Deus de Fratribus

„ vestris : sicut me ipsum audietis : & erit , omnis
 „ anima , quæ Prophetam illum non audierit , ex-
 „ terminabitur de populo suo. Quæ verba in nullo
 Prophetæ sunt impleta nisi in Christo. Etenim
 multi Prophetæ surrexerunt , & omnes parùm au-
 diti sunt ; attamen propterea Judæi nihil sunt passi :
 hunc autem quia non audierunt , vagantur erratici ,
 fugitivi , & exules , oberrantes vbique , exclusi à sua
 Civitate , & à Paternis legibus , & cōsuetudinibus in
 ignominia & ultionis pœna. Propter hoc omnia ,
 quæ illorum fuerunt , in solitudinem sunt redacta ,
 quia Prophetam illum non audierunt.

61. Hic noto paucis ab hinc annis conversum
 esse Romæ Judæum ad nostram Sanctam Fidem
 hoc argumento : Diabolus ante adventum Christi
 frequentèr tentabāt Judæos de idololatria : postquā
 autem Jesum Nazarenū , vt Blasphemum occide-
 runt , non ampliùs eos in hoc peccatum impulit.
 Vnde hoc ? Sanè non aliunde , nisi quia ante adven-
 tum Christi remedium habebant in observatione
 legis Mosaicæ , cuius ceremonialia præcepta , &
 sacrificia Christum præfigurabāt : vnde vt eos in
 infernū duceret , à vera fide ad idololatriam pertra-
 hebat. Postquam autem Christus venit , quia iam
 illa sacrificia , & præcepta sunt inutilis vmbra , Dia-
 bolus de hoc sollicitus non est : quandoquidem loco
 Idolorum succedunt vanæ iam , & inutiles ceremo-
 niæ , quas cum non minore impietate modò colunt ,
 quam ante adventum Christi , colerent Idola.

Hinc

Demonstratur Divinitas Christi. 51

62 Hinc etiam manifestum aliud argumentum eruitur ad convincendam incredulitatem Judæorum. Evidens enim est Jesum Nazarenum veri Dei cognitionem in totum mundum invexisse, & idololatriam exterminasse à Populo Israel, quia, ut advertit Chrysostomus, post adventum Christi Judæi meliores sunt facti quàm dum à Prophetis erudirentur, & prodigia viderent. Nullus enim ipsorum vel pueros nunc immolat, vel ad Idola currit, vel vitulum adorat. Incredibile autem est, quòd ad expellendam idola etiam à Populo Judaico Deus uti voluerit tanquam instrumento homine iniquo, & blasphemus, qualem fuisse Jesum Nazarenum, Judæi blasphemant: ergo non fuit blasphemus, sed verus Deus, siquidem de seipso hoc sæpè dicebat, quod sine blasphemia dicere non poterat, si esset falsum.

CAPUT SEXTUM.

*Quartum caput probandi divinitatem Christi ex miranda
correspondentia inter vetus, & novum Testamentum.*

63 **E**VIDENS est lumine naturæ solum Deum posse infallibiliter cognoscere futura contingentia, quæ dependent à causis liberis, præsertim ab ipsius Dei nutu, & potentia. Hinc autem manifestè concluditur prophetias de rebus futuris à Dei Omnipotentia pendentibus, si veræ

sint, à Dei spiritu esse: cognoscitur autem esse veras, postquam videntur impletæ. Si ergo prophetiæ de adventu Mesiæ ad litteram impletæ sunt in Jesu Nazareno, liquidò constat ex testimonio Prophetarum eum esse Mesiam in lege promissum. Quòd autem ita res se habeat, patebit expendenti correspondentia inter prophetias veteris Testamenti, & vitam, & mortem Christi.

64 Testamentum vetus dicit Isaia 7. *Ecce Virgo concipiet, & pariet filium, &c.* Respondet novum Matthæi 1. *Quod in ea natum est, de Spiritu Sancto est.* Dicit vetus Michææ 5. *Et tu Bethlehẽ Ephrata paruulus es in millibus Iudà: ex te enim egredietur, qui sit dominator Israel, & egressus eius ab initio, à diebus æternitatis.* Quæ verba Prophetæ sic exposuerunt Sacerdotes Herodi Matth. 2. vers. 6. *Et tu Bethlehẽ terra Iudà nequaquam minima es in Principibus Iudà, ex te exiet Dux, qui regat Populum meum Israel.* Respondet Novum Testamentum Matth. 2. *Cum natus esset Iesus in Bethlehẽm Iudæ.* Numerorum 24. *Orietur Stella ex Jacob.* Matthei 2. Vidimus. Stellam eius in oriente. Isaia 2. *Omnes de Sabà venient aurum, & thus deferentes.* Matth. 2. *Obtulerunt ei aurum, thus, & myrram.* Isaia 62. *Dabitur ei nomen novum, quòd os Domini locutum est.* Lucæ 2. *Vocatum est nomen eius Iesus, quòd vocatum est ab Angelo.* Isaia 19. *Eccẽ Dominus ascendet super nubem levem, & ingredietur Ægyptum.* Matth. 2. *Accipe Puerum & Matrem eius,*

Demonstratur Diuinitas Christi. 53

„ eius, & fuge in Ægyptum. Psalm. 76. In Mari viæ
„ tuæ, & semitæ tuæ in aquis multis. Matth. 14.
„ Venit Jesus ambulans supra mare. Hieremiæ 16.
„ Mittam ad eos Piscatores, & piscabuntur mul-
„ tos. Matth. 4. Venite post me, faciam vos fieri
„ Piscatores hominum Deuteron. 18. Prophetam
„ suscitabit tibi. Dominus de medio fratrum tuo-
„ rum. Ioann. 6. Quia hic est verè Propheta, qui
„ venturus est in mundum. Psalm. 77. Aperiam
„ in parabolis os meum. Lucæ 7. locutus est eis
„ multa in parabolis. Isaïæ 35. Deus ipse veniet, &
„ salvabit vos: tunc apperientur oculi cæcorum,
„ &c. Matth. 11. Euntes renunciate Ioanni quæ
„ audistis, & vidistis: cæci vident, &c. Zachariæ 9.
„ Ecce Rex tuus veniet tibi iustus, & Salvator, &
„ ascendens super asinam, & super pullum filium
„ asinæ. Matth. 21. Et adduxerunt asinam, & pul-
„ lum, & imposuerunt super eos vestimenta sua, &
„ eum desuper sedere fecerunt. Zachariæ 11. Ap-
„ penderunt mercedem meam triginta argenteis.
„ Matth. 26. At illi contulerunt ei triginta argen-
„ teos. Danielis 9. Post hebdomadas 70. occidetur
„ Christus. Ad Philip. 2. Christus factus est obe-
„ diens vsque ad mortem. Thren. 3. Dabit percu-
„ tenti se maxillam, saturabitur opprobrijs. Matth.
„ 26. Tunc expuerunt in faciem eius, & colaphis
„ eum cæciderunt. Danielis 9. Non erit eius Po-
„ pulus, qui ipsum negaturus est. Ioann. 19. Clama-
„ verunt omnes: non habemus Regem, nisi Cæsa-

„ rem. Isaia 53. Et cum sceleratis reputatus est,
 „ Matth. 27. Crucifixi sunt cum eo duo Latrones.
 „ Psalm. 21. Diviserunt sibi vestimenta mea, &
 „ super vestem meam misserunt sortem. Matth. 27.
 „ Dividentes verò vestimenta eius misserunt sor-
 „ tem. Exod. 12. Os non comminuetis ex eo. Ioan.
 „ 19. Ut viderunt eum iam mortuum, non frege-
 „ runt eius crura. Psalm. 15. Nō relinques animam
 „ meam in Inferno. Actorum 2. Deus verò suscita-
 „ vit eum à mortuis tertia die. Michææ 2. Ascendet
 „ pandens iter ante eos Actor. 1. Videntibus illis
 „ elevatus est. Joelis 2. Effundam de spiritu meo
 „ super omnem carnem. Actor. 2. Effudit hoc do-
 „ num Spiritus Sancti, quòd vos videtis, & auditis.
 „ Isaia 49. Posui te in lucem gentium, ut sis salus
 „ mea usque ad extremum terræ. Actor. 13. Au-
 „ dientes autem gentes gavisi sunt, & credide-
 „ runt, &c.

65 Omnia ergo, quæ de Messia prædixerant
 Prophetæ, in Jesu Nazareno adimpleta sunt: ergo
 ipse est Messias: ergo non seductor, & blasphemus,
 ut perfidi Judæi blasphemant, sed *Doctor iustitiæ*,
 ut eum appellat Hieremias cap. 23. siquidem fieri
 non potuit, ut Deus hominem iniquum, & blasphe-
 mum eis omnibus signis ornaverit, per quæ voluit
 Messiam dignosci, quia hoc esset ipsum Deum ho-
 mines decipere.

66 Quia testimonia Prophetarum adimpleta
 esse in Nazareno est medium efficacissimum ad

con-

Demonstratur Diuinitas Christi. 55

convertendos infideles, disposuit Deus, vt antequam Evangelium prædicaretur in vniverſo mundo Testamentum vetus ex Hebræo in Græcum verteretur, vt Gentiles, apud quos familiaris erat lingua Græca, poſſent legere prophetias, & in illis prænuntiata videre multis retrò ſæculis, quæ ipsis annuntiabantur, vt notat Auguſtinus lib. 18. de Ciuit. cap. 42. & in hunc finem ordinauit, vt Romani Judæos ſubiugarent, vt illi hac occasione diuagarentur inter Gentiles per diuerſas orbis partes; & ſic ſecum aſportantes Scripturas Sacras, quæ testimonium perhibent de Chriſto, & ipſi converterentur, dùm eis prædicaretur Evangelium, & eſſent occaſio conuerſionis gentium. Vt enim inquit Auguſtinus ibidem cap. 46. *Si cum illo testimonio Scripturarum in ſua tantummodo terra, non vbique eſſent, proſecto Eccleſia, quæ vbique eſt, eos Prophetiarum, quæ de Chriſto præmiſſe ſunt, teſtes in omnibus gentibus habere non poſſet.* Hac de cauſa Apoſtolus Rom. 11. verſ. 17. ait: *Quòd delictum eorum diuitiæ ſunt mundi, & diminutio eorum diuitiæ ſunt gentium.* Quia nimirum, vt explicant ibi Anſelmus, & Caietanus, delictum Judæorum manentium in ſua infidelitate occasionaliter eſt ſalus, & diuitiæ gentium, quia diſperſi inter gentes afferebant ſecum Scripturas, in quibus continebantur Prophetiæ de Chriſto. Et ideo gentiles opponere non poterant ilas eſſe confectas à Chriſtianis, videntes eas eſſe in poteſtate inimicorum Chriſti: vnde ex illis con-

vincebantur Apostolos vera prædicare.

67 Ex his apparet, quàm deflenda cæcitate laborent Iudæi, dùm sunt in perpetua expectatione Messia, quem iam dudùm Deus misit. Et ad id convincendum ex prophetia Danielis conficitur evidens argumentum. Loquens enim cum eo Gabriel Archangelus cap.9.verf.25.aït: Scito ergo,
 „ & animadvertite, ab exitu sermonis, vt iterùm
 „ ædificetur Ierusalem vsque ad Christum Ducem
 „ hebdomades septem, & hebdomades sexaginta
 „ duæ erunt; & rursum ædificabitur platea, & mu-
 „ ri in angustia temporum, & post hebdomades
 „ sexaginta duas occidetur Christus, & non erit
 „ eius populus, qui ipsum negaturus est. Et Ciuita-
 „ tem, & Sanctuarium dissipabit populus cum
 „ duce venturo: & finis eius vastitas, & post finem
 „ belli statuta desolatio. Confirmabit autem pa-
 „ ctum multis hebdomada vna, & indimidio heb-
 „ domadis deficiet hostia, & sacrificia, & erit in
 „ templo abominatio desolationis, & vsque ad
 „ consumationem, & finem perseverabit desola-
 „ tio. Hucusque Propheta.

68 Cuius verba ad litteram sic exponit P. Gaspar Sanchez ex communi consensu Doctorum.
 „ Hoc itaque certò tibi persuade, & septuaginta
 „ hebdomadam tempora, de quibus nuper, hunc
 „ in modum partire; ab eo tempore, quo primum
 „ facultas erit instaurandæ Civitatis, & Templi,
 „ ad Templi, Civitatisque consumatam fabrican-
 „ sep.

Demonstratur Diuinitas Christi. 57

„ septem erunt hebdomades ; inde verò ad Chri-
„ stum Doctorem, & ducem, id est, ad tempus vs-
„ que baptismatis sexaginta duæ intercedent an-
„ norum hebdomades. Ædificabuntur autem mu-
„ ri Civitatis, & quæ in illorum circuitu continen-
„ tur, plateæ scilicet, & eius habitacula cum
„ magna perturbatione, ac metu obstrepentibus
„ vndique, & vrgentibus hostibus. Ab Vrbe porrò
„ iam instaurata per annos 49. ex quo facta est
„ ædificandi potestas ; cum aliæ sexaginta duæ
„ hebdomades exactæ fuerint, occidetur, quem
„ multa sæcula iam pridem expectant, Christus
„ Dominus. Nec cladem effugiet populus, qui cum
„ ipsius sit, illum tamen sceleratè negaturus est.
„ Nec enim execrabile facinus impunitum oport-
„ uit. Aderit autem post completas hebdomadas
„ septuaginta Dux Romanus cum exercitu nume-
„ roso, ac forti, qui Civitatem, ac Templum à fun-
„ damentis eruet, quorum talis erit desolatio, &
„ vastitas, vt nullum supersit superioris molis, aut
„ gloriæ vestigium. Nec absoluto bello instaura-
„ buntur Civitatis ruinæ ; nam eo finito perseve-
„ rabit tamen perpetua desolatio. In vltima autem
„ hebdomada ex septuaginta, & in eius dimidio
„ moriens Christus Testamentum statuet, confir-
„ mabitque novum, & abrogabit antiquum ; defi-
„ cient enim sacrificia, atque hostiæ. Erit autem
„ in Templo execrabilis abominatio, nec vllò
„ tempore illius instaurabuntur ruinæ, aut cessabit
„ vastitas.

Has

69 Has septuaginta hebdomadas, de quibus Propheta, esse annorum ac proinde efficere 490. annos, impletasque fuisse paulò post mortem Christi, convincunt ex hoc loco Nicolaus de Lyra in Glosa ordinaria, & Paulus Burgenſis 1. part. Scrutinij distinct. 3. cap. 3. Id autem facile probatur, quia, ut inquit Burgenſis, in tota Sacra Scriptura non invenitur aliqua hebdomada diei, nisi vel dierum, ut Levitici 23. vers. 3. ubi de festo hebdomadarum agitur, vel annorum, ut Levitici 25. 8. ubi de iubilæo agitur. At hebdomadæ illæ 70. non sunt dierum, quæ vix efficiunt annum, & dimidium, ut per se est manifestum: ergo sunt hebdomadæ annorum. Deinde sic argumentor: vel hebdomades illæ sunt millenariorum, vel centenariorum, seu sæculorum, vel hebdomades iubilæorum, seu quinquagenorum, vel annorum, vel mensium, vel dierum. Non millenariorum: sic enim quælibet hebdomada septem mille annos ambiret, & septuaginta ultra quatuorcenta millia constituerunt. Nec hebdomadæ sæculorum, quæ constituunt quadraginta novem millia annorum, nec iubilæorum, quæ constituunt viginti quatuor millia, & quingentos annos: constat enim manifestè non posse sic supputari, quia secundum hanc supputationem nondum fuisset destructa Jerusalem, eiusque Templum: constat autem manifestè diruta omninò fuisse à Tito, & Vespasiano 42. annis post mortem Christi. Nec item illæ hebdomadæ sunt mensium, vel dierum, quia

quia constat à tempore, quo Daniel prophetavit vsque ad destructionem Ierusalem transiisse multò plures, quàm septuaginta hebdomadas mensium, quæ vix vnum supra quadraginta annos coniti-
tuunt. Restat ergò à sufficienti partium enumera-
tione illas septuaginta hebdomadas esse annorum.
Quomodocunque autem incipiant numerari, ma-
nifestum est multis iam sæculis fuisse completas, ac
proinde iam Messiam venisse.

70 Sciendum autem est verba illa Prophetæ:
Ab exitu sermonis, vt iterum ædificetur Ierusalem, va-
riè exponi à Doctoribus: aliqui enim exponunt de
exitu sermonis Dei ad Gabrielem Angelum, de
quo dixerat vers. 23. *Ab initio precum tuarum egressus
est sermo.* Alij à vicesimo anno Regni Artaxerxis,
quando idem Rex præcepit, vt reædificaretur Ieru-
salem, vt habetur Neemiæ 4. Alij verò affirmant
hoc initium fuisse anno 4. Sedechiæ Regis, in quo
exiuit sermo Dei ad Hieremiam dicens: *Cum cepe-
rint compleri in Babilonia septuaginta anni, visitabo vos,*
&c. Hieremiæ 29. vers. 10.

71 Denique ex prophetia Patriarchæ Jacob,
Genes. 29. *Non auferetur sceptrum de Iudà, nec dux de
femore eius, donec veniat, qui mittendus est, &c.* aperte
conficitur, Messiam iam venisse, cum certum sit,
sceptrum iam dudum ablatum fuisse, non solum à
Tribu Iudà, sed ab omni gente Iudæorum. Vide
genuinam huius prophetiæ explicationem apud
Cornelium à Lapide ibi: futes verò, & ridiculas

evasiones Rabinorum convincit Burgensis 1. part.
Scrutiniij dist. 3. cap. 2. Et Lyra in Glosa ad caput
49. Genesis.

CAPVT SEPTIMVM.

*Quintum caput probandi diuinitatem Christi ex eius
Resurrectione.*

72 **C**VM Christus zelo Patris sui incensus
eiecit è Templo ementes, & ven-
dentes, dicens: *Nolite facere domum Patris mei do-
mum negotiationis*; Judæi indignabundi dixerunt:
Quòd signum ostendis nobis, quia hæc facis? Quasi dice-
rent, quo signo nobis probas, te habere authorita-
tem faciendi, quæ facis? Christus verò tanquam
signum efficacissimum ad id probandum, ostenden-
do se esse Filium naturalem Dei, Resurrectionem
suam prædixit dicens: *Solvite Templum hoc, & in
tribus diebus excitabo illud.* Ioann. 2. 19. Quod tunc
nec Judæi, nec Discipuli intellexerunt, existiman-
tes cum loqui de Templo materiali, cum tamen
loqueretur de Templo corporis sui per mortem à
Judæis solvendo, & ab ipso per Resurrectionem
tertia die excitando, & postea Discipuli cognove-
runt. Et Ioann. 8. cum Christus sub varijs metapho-
ris dixisset, se esse Filium Dei, & eis æternam dam-
nationem minatus fuisset, nisi hanc veritatem cre-
derent, & cum illi non cognovissent, quia Patrem
suum

Demonstratur Diuinitas Christi. 61

suum dicebat esse Deum, dixit eis Iesus: *Cum exaltaueritis Filium hominis, tunc cognoscetis, quia ego sum,* id est; quando in Cruce me ut hominem exaltaveritis, tunc cognoscetis, me esse Filium Dei: humanitate enim mea per vos morti tradita, tunc referabitur divinitas mea per carnis meae Resurrectionem.

73 Inquirat Toletus annot. 23. in cap. 2. Ioan. Cur Christus dederit Judæis Resurrectionem corporis sui, ut signum divinitatis suæ? Et responderet, licet alia miracula essent sufficientissima ad hanc comprobendam veritatem, exiguiam habuisse efficaciam, quia pauci villorum in Christum crediderunt. Resurrectionem verò prædicatam multis persuasisse Christi divinitatem, & idè ipsum dixisse: *Cum exaltaueritis Filium hominis, &c.* Hoc expertus est Thomas, qui manu tangens Christi redivivi vulnera, plenus fide exclamavit Ioann. 20. vers. 28. *Dominus meus, & Deus meus:* in his enim verbis: & suam incredulitatem, & eius præcipuam causam confessus est, ac si diceret: non credidi prius, quia nesciebam te esse Deum; at nunc credo te esse Deum, quia resurrexisti te video: prius quia non credidi divinitatem, negabam Resurrectionem; at nunc credens Resurrectionem, confiteor tuam veram divinitatem.

74 Quia ergo Resurrectio Christi est tam potens argumentum ad persuadendam eius divinitatem; & huius mysterij fides est fundamentum Christianæ Religionis: nam Christum mortuum esse, & Iudæi,

&

& Pagani credunt: Christum verò resurrexisse, est propria Christiani fides? ideò Dominus tot circumstantijs credibilitatis singulari providentia circunvallavit Resurrectionem, vt sint inexcusabiles, quia eam credere noluerint.

75 In primis enim, ne infideles dicerent Christum re vera non fuisse mortuum, ac propterea non resurrexisse, sed conualuisse à vulneribus: Deo sic permittente ad manifestationem Resurrectionis Christi: *Unus militum lancea latus eius aperuit, & continuo exiuit sanguis, & aqua, & qui vidit, testimonium perhibuit.* Inquit Ioannes cap. 19. vers. 35. quæ lancea secundum Ciprianum cor transfixit, vt extraheret modicam sanguinis portionem, quæ ibi remanserat. Quo evidenter probatum est Christum re vera mortem obiisse, cum impossibile sit vivere hominem, in cuius corpore nulla manet gutta sanguinis.

76 Rursus, ne perfidi Judæi Resurrectionem Christi tribuerent virtuti alicuius hominis sancti iacentis in ipsius sepulchro, sicut 4. Reg. 13. vers. 2. resurrexit homo, quem sepelierunt in sepulchro Elisæi: divina providentia disposuit, vt sepeliretur: *In monumento nouo, in quo nondum quisquam positus fuerat,* Ioann. 19. vers. ultimo, Deinde, ne Judæi fingerent venisse Discipulos, & clam terram suffodientes furatos fuisse corpus sui Magistri, voluit, vt sepulchrum illud esset in dura petra elaboratum: *Nam Iosephus ab Arimathia accepto corpore inuoluit illud*

Demonstratur Diuinitas Christi. 63

illiud syndone munda, & posuit illud in monumento suo nouo, quòd exciderat in petra. Matth. 22.

77 Quarto, quia si Christi sepulchrum non custodiretur, poterant Iudæi fingere. Apostolos illud sustulisse; vsus est Deus malitia, & inuidia Iudæorum, vt fidem Resurrectionis stabilitet. Nam, „ vt narrat Matthæus cap. 27. vers. 62. Conuen- „ runt Principes Sacerdotum, & Pharisei ad Pila- „ tum dicentes: Domine recordati sumus, quia se- „ ductor ille dixit adhuc viuens: post tres dies re- „ surgam; iube ergo custodiri sepulchrum vsque in „ diem tertium, ne forte veniant Discipuli eius, & „ furentur eum, & dicant plebi; resurrexit à mor- „ tuis, &c. Et nè possent obtendere, Discipu- „ los muneribus corrupisse custodes, disposuit Deus, vt Pilatus eis committeret custodiam se- „ pulchri dicens: *Habetis custodiam, ite, custodite, sicut* „ *scitis.*

78 *Illi abeuntes munierunt sepulchrum, signantes lapidem cum custodibus, id est, munierunt sepulchrum cum custodibus, cum antea lapidem obsignassent:* vt autem notat ibi Maldonatus, credendum est, eos aliquo annulo, vel sigillo signasse lapidem, nè aut dormientibus militibus, Discipuli aperire possent, quin furtum ex sigilli violatione deprehenderetur, aut nè milites ipsi pecunia à Discipulis corrupti corpus illis traderent, quemadmodum Darius lacum Leonum, in quem Daniel coniectus fuerat, annulo suo obsignasse dicitur Danielis 6. ne aut

illi dicerent se Daniele furtim liberaſſe, aut illi in lacum ingreſſi eum occiderent, & à leonibus occiſum evulgarent.

79 Admirabilis in obſcuranda Chriſti diuinitate, & gloria, Sacerdotum ſedulitas, (inquit Maldonatus) admirabilior diuina prouidentia, quæ ipſorum diligentia, atque artificio ad illam illuſtrandam uſa eſt. Timebant Sacerdotes, ne plebi Discipuli perſuaderent Chriſtum, ſicuti dixerat reſurrexiſſe, adhibent ea de cauſa cuſtodes: illi ipſi non iam plebi, ſed ipſis, à quibus adhibiti fuerant, Sacerdotibus, & Phariſæis Chriſtum reſurrexiſſe teſtati ſunt Matth. 28. verſ. 11. *Ecce quidam de cuſtodiſus venerunt, & nuntiauerunt Principibus Sacerdotum omnia quæ geſta ſunt.* Obſignarunt ſepulchri lapidem, ne quis corpus furari poſſet; & ille ipſe tam diligenter obſignatus lapis fidem fecit corpus Chriſti non vi, non fraude de ſepulcho ſublato fuiſſe, ſed diuina virtute fuiſſe ſuſcitatum, vt verifi- ca retur illud: comprehendam ſapientes in aſtutia eorum.

80 Cùm à militibus audierunt Principes Sacerdotum Chriſtum ſurrexiſſe, pecuniam copioſam dederunt illis, vt dicerent veniſſe Discipulos eius noctu, & furatos fuiſſe corpus ipſis dormientibus, vt narrat Matthæus cap. 28. verſ. 11. ſed vt acutè arguit Auguſt. in Pſalm. 63. *Qui dormientes teſtes adhibuerunt, verè, & ipſi obdormierunt,* ſiquidem ſi milites ſomno dediti erant, quando venerunt Discipuli, illud

Demonstratur Diuinitas Christi. 65

illud testificari non potuerunt, & facile de mendacio convincuntur. Manifestum deinde erat Discipulos pauperes, timidos, & inermes, & qui tempore passionis fugerant, non habituros animum ad hoc facinus aggrediendum, nec potuisse sepulchrum ingenti lapide munitum, & obsignatum sine strepitu, qui custodes excitaret, aperire. Præterea si Discipuli furati fuissent corpus, in illo de nudando detinerentur: constat autem Ioann. 20. 7. quod Petrus: *Introiuit in monumentum, & vidit lintheamina posita, & sudarium, quod fuerat super caput eius, separatim involotum.* Deinde vt observat Maldonatus, credendum est, illos ipsos milites, qui ad mentiendum empti fuerant, & gloriosam Christi Resurrectionem, & Sacerdotum, qui vt eam obscurarent pecuniam dederunt, facinus inter familiares suos evulgasse.

81 Vt fidem suæ Resurrectionis Christus firmaret, eam manifestavit primò per Sanctos, qui cum ipso surrexerunt, *Et exeuntes de monumentis post Resurrectionem eius venerunt in sanctam Civitatem, & apparuerunt multis.* Matth. cap. 27. vers. 53. Secundò per Angelos, qui eam manifestarunt mulieribus euntibus vngere corpus defuncti Matth. 28. Tertiò per seipsum apparens non solum Matri suæ, sed multis alijs. Apparuit primò Magdalenæ. Marci 16. 9. Deinde mulieribus redeuntibus ex sepulchro Matth. 28. vers. 9. *Ille autem accesserunt, & tenuerunt pedes eius, & adorauerunt eum.* Apparuit Petro Luc. 24. 34. *Surrexit Dominus verè, & apparuit Simoni.*

Apparuit Discipulis euntibus in Emaus Lucae 24. cumque paulo post, *cognouerunt in fractione panis.* Apparuit vndecim simul congregatis in Hierusalem: *Et ostendit eis manus, & latus,* in ipsa Resurrectionis die. Ioannis 20. 19. Et cum Thomas narrantibus Christi Resurrectionem nolisset credere: octo post dies cum esset cum reliquis: *Venit Iesus Clausis ianuis,* & vulnera sua contrectanda ostendit Thomæ, qui priorem infidelitatem agnoscens, Christi divinitatem credidit. Ioann. 20. 28. Deinde manifestavit se Discipulis piscantibus in mari. Ioann. 21. & vt narrat Lucas 1. Actor. 2. *Præbuit seipsum vivum post Passionem suam in multis argumentis per dies quadraginta apparens eis, & loquens de regno Dei.* Et coram ipsis, alijsque multis in Cælum ascendit. Hanc Christi Resurrectionem tanquam testes oculares Apostoli prædicaverunt. Et idè Petrus omnium nomine dixit Actor. 2. 32. *Hunc Iesum resuscitavit Deus, cuius omnes nos testes sumus.* Hinc autem evidens conficitur argumentum divinitatis Christi: nam postquam ignominiosè crucifixus est, quia dixit se esse Filium Dei, Deus ipsum tertia die suscitavit, & eius Resurrectionem tot invictis argumentis manifestam fecit.

82 Nec infideles dicere possunt vera non esse, quæ Evangelistæ narrant, sed ea finxisse ad commendationem sui Magistri. Hæc enim evasio falsitatis convicta manet lect. 4. Deinde ab effectu evidens est Apostolos Resurrectionem, & Ascensionem

Demonstratur Diuinitas Christi. 67

nem Christi mundo persuasisse tanquam rem à se
visam, & in testimonium huius doctrinæ marty-
rium pro Christo sustinuisse; id autem non face-
rent, si Christus non surrexisset, sed potius se de-
ceptos dolerent, & eum tanquam impostorem exc-
crarentur. Dixerat enim illis palam Lucæ 18. 32.
Se illudendum, flagellandum, & crucifixendum; cæte-
rum tertia die surrecturum, idque dixit, cum ascen-
dit Ierosolimam ad passionem subeundam. Certè si
Apostoli viderent, eum quidem vera nunciasse,
cum ignominias suas prædixit; falsa autem, cum
prædixit Resurrectionem; eum falsum fuisse Pro-
phetam, & verum impostorem depræhenderent,
nolentque tot labores pati, vt falsam fidem in mun-
dum inueherent cum magna Creatoris iniuria, &
certo propriæ salutis detrimento, & sine spe alicu-
ius temporalis emolumenti, & eo solum sine, vt
Filium Dei esse persuaderent hominem iniquum,
à quo nihil sperare poterant. Quomodo Deus do-
num linguarum communicaret imperitis piscato-
ribus, vt tam insigne mendacium, ipsi Deo tan
iniuriosum, toti orbi persua-
derent?

¶ (S!S) ¶

¶ (S!S) ¶

CAPVT OCTAVVM.

*Sextum caput probandi diuinitatem Christi ex mirabili
mundi conuersione.*

83

PRÆDICATIONE Piscatorum conver-
sus est mundus ad credendum homi-
nem crucifixum esse Deum, aliaque mysteria diffi-
cillima, & amplectendum legem carni, & sanguini
repugnantem: ad deferendam maiorum Religio-
nem, & ad deferendos maiorum antiquos mores,
& novos induendos. Hoc autem non minùs mirum
est & supra humanas vires, quàm si per duodecim
pueros totum mundum Imperator aliquis subiuga-
ret, vel per decem agnos Pastor aliquis magnum
luporum exercitum vinceret. Vnde Aug. lib. 22. de
„ Civitate Dei cap. 7. optimè probat. Quòd mun-
„ dus in Christum credat, virtutis fuisse divinæ,
„ non persuasione humanæ. Nam fides Christi
„ sub Augusto, & Tiberio, quo tempore maximè
„ eruditio florebat, prædicari cæpit, & tunc non
„ solùm populus, sed multi ex sapientibus credi-
„ derunt Resurrectionem Christi, atque in Cælos
„ Ascensionem, aliaque mysteria, quæ mens huma-
„ na respuisset, nisi eam fieri potuisse, atque factam
„ esse, divinitas ipsius veritatis, vel veritas divini-
„ tatis, constantiaque miraculorum signa mon-
„ strarent, vt terrentibus, & contradicentibus tam
mul-

„ multis , tamque magnis persecutionibus præce-
„ dens in Christo , deinde ad novum sæculum in
„ cæteris secutura Resurrectio , atque immortalitas
„ carnis, & fidissimè crederetur, & prædicaretur
„ intrepidè , & per orbem terræ publicaretur,
„ ac sæcundiùs cum Martyrum sanguine fereretur.
„ Legebantur enim præcedentia signa Prophetarum,
„ concurrebant ostenta virtutum , & persuadebatur
„ veritas nova consuetudini , non contraria rationi,
„ donec orbis terræ, qui persequabatur
„ furore, prosequeretur fide.

84 In Apostolis prædicantibus Christi Resurrectionem, & Ascensionem, eiusque divinitatem, verificatur ad litteram illud Psalm. 67. Dominus dabit verbum Evangelizantibus virtute multa, vt expendit Chrysost. in orat. Quòd Christus sit Deus : Non enim moverunt arma, nec expenderunt pecunias, neque robore corporis, neque exercituum multitudine vsi sunt, sed verbo simplici, & multam habente virtutem, ac miraculorum ostensionem. Crucifixum enim prædicantes, & miracula facientes totum orbem sibi subiecerunt. Propterea dicit: dabit virtutem evangelizantibus virtute multa : miracula significans. Et enim mira virtus erat, Piscatorem, publicanum, tabernaculorum opificem nudis præceptis mortuos suscitare, Dæmones expellere, mortem abigere, Philosophorum linguam mutare, tam facere, Rethorum ora constringere, Principes

„ pes ac Reges superare , Barbaris , Græcis , &
 „ omni generi hominum imperare. Nam omnia
 „ hæc verbo illi perfecerunt & virtute multa
 „ mortuos in vivos mutaverunt , peccatores in iu-
 „ stos , cæcos in videntes , & morbos naturæ , ac
 „ malitiam animæ expulerunt. De Apostolis etiam
 „ verificatur illud Psalm. 18. Constitues eos Prin-
 „ cipes in omni terra. Quod autem Regibus , &
 „ Principibus maiores sint Petrus , & Paulus , de-
 „ claravit eventus: nam Regum leges , etiam ipsis
 „ viventibus abrogantur : at Piscatorum illorum ,
 „ etiam mortuis ipsis ratæ sunt , & immobiles ma-
 „ nent , licet multis legibus , animadversionibus ,
 „ armis , supplicijs , argumentis , verborum elo-
 „ quentia , cognitionibus , amicitijs , Dæmonibus ,
 „ Diabolo , consuetudinibus , malis moribus , vo-
 „ luptatibus , & infinitis alijs refringere plurimi
 „ conati sint. Hinc merito S. Thom. lib. 1. contra
 „ Gent. cap. 6. dixit : Hanc tam mirabilem mundi
 „ conversionem ad fidem Christianam , indicium
 „ certissimum esse præteritorum signorum , vt ea
 „ ulterius iterare necesse non sit , cum in suo effe-
 „ ctu appareant evidenter. Esset autem , inquit ,
 „ omnibus signis mirabilius , si ad credendum tam
 „ ardua , & operandum tam difficilia , & ad speran-
 „ dum tam alta mundus absque mirabilibus signis
 „ inductus fuisset , à simplicibus , & ignobilibus
 „ hominibus. Quamvis non cesset Deus , etiam
 „ nostris temporibus , in confirmationem fidei per
 San-

Demonstratur Diuinitas Christi. 71

Sanctos suos miracula operari. Haussit hanc doctrinam D. Thom. à S. August. lib. 22. de Civitat. cap. 5. vbi subtiliter redarguit eos, qui credere nolunt carnis Resurrectionem, sumitque argumentum à mundo iam credente Resurrectionem Christi eiusque in Caelos Ascensionem: formatque hoc dilemma; Vel mundus hoc credendo, credit rem credibilem, & sic inexcusabiles sunt, qui rem credibilem credere nolunt; vel credit rem incredibilem; & sic iam admittitur aliquod incredibile, nempe mundum tam firmiter credidisse, id quod erat incredibile. Si ergo iam factum esse videmus vnum duorum incredibilium, cur non credemus futurum alterum, nempe nostrorum corporum Resurrectionem?

85 Prætereà ipse modus, quo credidit mundus, si consideretur, incredibilior invenitur: in-eruditos liberalibus artibus, & omnino, quantum ad istarum doctrinas attinet, impolitos, non peritos gramaticâ, non armatos Dialecticâ, non Rethoricâ inflatos, Piscatores cum retibus fidei ad mare huius sæculi paucissimos misit, & ita ex omni genere multos pisces, & tantò mirabiles, quantò rariores, etiam ipsos Philosophos cepit. Iam ergo tria sunt incredibilia, quæ tam facta sunt. Incredibile est Christum Resurrexisse in carne, & in Cælum ascendisse cum carne. Incredibile est, mundum rem tam incre-

„ dibilem credidisse. Incredibile est, homines ig-
 „ nobiles, infimos, paucissimos, imperitos rem
 „ tam incredibilem, tam efficaciter mundo, & in
 „ illo etiam doctis, persuadere potuisse. Horum
 „ trium incredibilium primum nolunt infideles
 „ credere: secundum coguntur, & cernere, quòd
 „ non inveniunt unde sit factum, si non credunt
 „ tertium. Resurrectio certè Christi, & in Cœlum
 „ in carne, cum qua resurrexit, ascensio, toto iam
 „ mundo prædicatur, & creditur: si credibilis non
 „ est, unde iam toto orbe credita est? Hinc dedu-
 „ cit August. Christi Resurrectionem, eiusque di-
 „ vinitatem, propterea mundum credidisse, quia
 „ Apostoli hanc doctrinam prædicantes eius verita-
 „ tem signis, & miraculis ostendebant. Eloquia
 „ namque persuadentium (inquit) quæ dicebant,
 „ mira fuerunt facta, non verba. Qui enim Chri-
 „ stum in carne resurrexisse, & cum illa Cœlum
 „ ascendisse, non viderant, id se vidisse narranti-
 „ bus, non loquentibus tantum, sed etiam mirifica-
 „ facientibus signa, credebant. Si verò per Aposto-
 „ los Christi, & ut eis crederetur, Resurrectionem,
 „ atque Ascensionem prædicantibus Christi, etiam
 „ ista miracula facta esse non credunt; hoc unum
 „ nobis grande miraculum sufficit, quòd iam
 „ terrarum orbis sine miraculis credidit.

86 Ex qua doctrina hoc conficitur dilemma:
 vel Apostoli prædicantes hominem crucifixum à
 Judæis, esse Filium Dei & mundi Salvatorem, verè-

que

que resurrexisset, & in Cœlum ascendisset, mundo persuaserunt hanc doctrinam medijs signis, & miraculis; vel sine miraculis? Si primum, convincitur, illam doctrinam esse veram, Deumque habere Authorem, quia Deus nequit facere miracula in confirmationem doctrinæ falsæ. Si secundum? Hoc ipsum certius convincitur quia solus Deus potuit dare efficaciam nudis piscatorum verbis ad persuadendam veritatem doctrinæ, quæ humanæ rationi divina luce destitutæ videbatur omninò incredibilis, & vt permoverent homines ad tam arduam, & moraliter impossibilem morum mutationem.

87 Sed quærunt infideles apud August. lib. 22. de Civitat. Dei cap. 8. *Cur modò non fiant illa miracula, quæ facta esse prædicamus?* Cui interrogationi secundo loco respondet: *Nec modo deesse miracula,* Quorum aliqua ipse narrat, quæ suo tempore acciderant. Sed primo loco respondet: *Miracula necessaria fuisse prius quàm crederet mundus, ad hoc vt crederet.* Nam qui (inquit) adhuc prodigia, vt credat, inquit, magnum est ipse prodigium, qui mundo credente non credit. Additque illam interrogationem ab infidelibus fieri, quia non credunt extitisse miracula, eosque redarguens subiungit. *Vnde ergò tanta fide Christus vsquequaque cantatur in Cœlum cum carne sublati? Vnde temporibus eruditis, & omne, quod fieri non potest, respuentibus, sine vllis miraculis nimium mirabiliter incredibilia credit mundus? An fortè credibilia fuille, & ideò credita esse, dicturi sunt?* Cur ergò ipse

non credunt? Vnde breve hoc dilemma conficit: Aut incredibili rei, quæ non videbatur, alia incredibilia, quæ tamen fiebant, & videbantur, fecerunt fidem: aut certè res ita credibilis, vt nullis, quibus persuaderetur, miraculis indigeret, istorum nimiam redarguit incredulitatem. Hoc ad refellendos vanissimos dixerim. Nam facta esse multa miracula, quæ attestarentur illi vni grandi, salubrique miraculo, quo Christus in Cælum in carne, in qua surrexit, ascendit, negare non possumus. In eisdem quippe veracissimis libris cuncta conscripta sunt, & quæ facta sunt; & propter quod credendum facta sunt. Hæc vt fidem facerent, innotuerunt, hæc per fidem, quam fecerunt, multò clarius innotescunt. Leguntur quippe in populis vt credantur, nec in populis tamen, nisi credita legerentur.

88 Est autem hoc argumentum, à conversione mundi petatum, tam efficax ad persuadendum, Christum esse Deum, vt Chrisost. in orat. *Quòd Christus sit Deus*, initio asserat, hoc argumento con-
 ,, vinci possè Gentilem, quantumvis idiotam. Neu-
 ,, tiquam enim inquit) contradicet, quòd omnes
 ,, vnde quaque Ecclesias orbis Christus fundavit.
 ,, Hinc faciemus demonstrationem virtutis Chri-
 ,, sti, & ostendemus, ipsum Deum. Etenim non est
 ,, puri hominis in tantis rebus orbem terra, mari-
 ,, que tam brevi tempore comprehendere, & tam
 ,, absurdis moribus, tantisque malis irretitum li-
 ,, berare humanum genus: insupèr quod hæc con-
 ,, fecit nullis vsus armis, nullos faciens sumptus,
 nul-

„ nullos mouens exercitus , nulla prælia commit-
„ tens , sed per vndecim Viros principio ignobi-
„ les, viles, rudes, Idiotas , inermes , calceamentis
„ nudos, vnica tunica rectos, &c.

CAPVT NONVM.

*Septimum caput probandi diuinitatem Christi ex per-
manentia Christianæ Ecclesiæ quam
fundauit.*

89

MATH. I 6. vers. I 8. dixit Christus: *Tu es Petrus, & super hanc petram ædifi-
cabo Ecclesiam meam , & portæ inferi non præualebunt
aduersus eam.* Hoc sanè Christus nec affirmare nec
adimplere potuit , nisi esset Deus omnipotens:
huiusque proculdubio dicti verus exitus ipsum
quoque summè veracem summèque potentem
indicat. Ex hoc loco nervosè, & eloquentissimè
probat Chrysost. diuinitatem Christi in orat. sæpè
„ citata: Quid igitur (inquit) Christus dixit, & or-
„ be toto fermè impietate detento prædixit: *Su-
„ per hanc petram, &c.* Examina vt libet, quid sibi
„ hoc verbum vult, & videbis perspicuam eius
„ veritatem. Nam non solum hoc mirum est, quod
„ ædificauit eam per totum mundum, sed quod
„ inuictam fecit, & inuictam licèt tot bella insur-
„ gant. Hoc enim est, quod portæ inferi non præ-
„ valebunt aduersus eam. Vidisti prædictionis

„ veritatem? Vidisti eventus certitudinem, ac ro-
 „ bur? Vidisti verba in operibus relucencia; & vir-
 „ tutem absque armis omnia facile conficientem?
 „ Nec idèd, quia paucis dicitur: *Ædificabo Eccle-*
 „ *siam*; transcurras obiter, sed considera, & cogita
 „ tecum, quid sit in tam brevi tempore omnem
 „ sub sole terram tantis Ecclesijs impleri, tantas
 „ gentes ad fidem transferri, populos persuaderi
 „ vt proprias leges abrogent, consuetudinem sta-
 „ bilitam, & radicatam evellant, Imperium volup-
 „ tatis, nequitia vim tanquam pulverem abijciant,
 „ Altaria, Tempia, & Statuas, & Sacrificia, & pro-
 „ fana festa, & immundum odorem, sicut fimum
 „ aliquem aboleant: & excitent Altaria vbique
 „ gentium.

90 Magna res planè, & supra modum magne,
 diuinaque virtutis, etiam si nemo inturbaret, essetque
 pax summa, & multis simul admittentibus, & reluctan-
 te nullo posse intra tam breue tempus totum orbem à
 consuetudine mala sua, qua præoccupatus fuit, liberari,
 & ad aliam induci: verùm hoc multò maius, quod non
 solum in aliam inducitur, sed in multò difficiliorem:
 Non solum enim diuersa consuetudo erat, sed & volup-
 tate firmata, duo violenta. Quæ enim acceperat à Patri-
 bus, auis & proavis, alijsque superioribus progenitori-
 bus, & Philosophis, & Rectoribus, ea respuere doceba-
 tur, quod sanè difficillimum erat: at difficilius, nouam
 accipere consuetudinem, quæ nuper irrepserrat, illamque
 valde laboriosam. Abduxit enim Christus à voluptate, &

Demonstratur Diuinitas Christi. 77

induxit ad ieiunium: abduxit ab amore opum, & induxit ad amorem paupertatis: abduxit à luxu, & induxit ad temperantiam: abduxit ab ira, & induxit ad mansuetudinem: abduxit ab inuidia, induxit ad benignitatem: abduxit à via lata, & spatiosa, & induxit in angustam, & arctam, & prærumptam, & induxit assuetos viæ latæ; nec enim alios homines extra huius mundi consuetudinem viuentes assumpsit, sed illos ipsos, qui in talibus vitijs computruerant, & luto meliores erant, iussit vt angustam, & arctam viam, asperamque illam, & duram ambularent & persuasit eis.

91 Quot autem persuasit? Non duobus, vel
,, decem, vel viginti, vel centum, sed omnibus ferme
,, sub sole habitantibus. Et per quos persuasit?
,, Per Viros vndecim illitteratos, privatos, inelo-
,, quentes, obscuros, pauperes, patria, facultati-
,, bus, robore corporis, præcellentia gloriæ, digni-
,, tate progenitorum, vehementia Rectorices,
,, eminentia scientiæ carentes, per Piscatores, per
,, Tabernaculorum opifices, per barbaros. Nec
,, enim eadem illis, & auditoribus vox: sed extra-
,, neum planè, & peregrinum sermonem à linguis
,, eorum, quibus prædicabant, sortiti erant: He-
,, braicum dico: atque per hosce ædificavit Eccle-
,, siam hanc, quæ à finibus vsque ad finem ex-
,, tenta est.

92 Neque hoc solum mirabile, quòd privati,
,, & pauperes illi, & parvi, & ignobiles, & illitte-
,, rati, & viles, & exotici sermonis, & contemptibi-
,, les,

„ les, totius orbis corruptionem attentarunt, sed
 „ & quòd ad longè difficiliora opera ipsum duce-
 „ re iussit; quòdque non hoc in pace fecerunt, sed
 „ infinitis bellis hinc inde excitatis. Nam in via
 „ quaque, gente, & civitate, & quid dico gente, &
 „ civitate? In singulis domibus peragebatur bel-
 „ lum. Radicata enim hæc doctrina, & puerum
 „ sæpè à patre divisit, & nurum à socru, & fratrem,
 „ à fratre, & servum à Domino, & Subditum à
 „ Principe, & virum ab vxore, & vxorem à viro, &
 „ patrem à filijs: neque enim simul omnes credi-
 „ derunt.

93 *Ad hæc, quotidianas inimicitias, continua bella, multasque ipsis mortes attulit, & fecit vt Apostolos quasi communes hostes, & inimicos, plerique auersarentur, abigerentque eos à se omnes Reges, principes, priuati, liberi, serui, populi, & vrbes: & non solum ipsos sed & (quod grauius) nouitios in fide, & eos qui ab ipsis instruebantur, eodem enim bello, & premebantur, & discipuli, & Magistri. Videbatur enim doctrina hac contraria edictis Regijs, & consuetudini, & Patrijs moribus. Et tamen Apostoli orbi persuaferunt, hominem crucifixum esse Deum, & sic Ecclesiam edificauerunt. Sed quo pacto, & qua ratione? virtute scilicet Christi omnipotentis Dei, qui eos ad prædicandum misit. Ille dixit: fiat Cælum, & monstrauit opus. Fundetur terra, & illius substantia producta est: Fulgeat Sol, & indicauit astrum, omniaque verbo operatus est. Eodem modo ille, & Ecclesias plantauit: & Verbum hoc: ædificabo Ecclesiam meam, hæc omnia operatus est.*

Demonstratur Diuinitas Christi. 79

94 Verbum Dei condidit opera tam mirabilia; & hoc Verbum Christi, *Ecclesiam meam edificabo*, Ecclesiam indicavit, & in æternum duraturam plantavit, etiam contra illam Tyranis se armantibus, & millibus arma moventibus, populis plus valido igne insanientibus, & obluente consuetudine, etiam oratoribus, & sophistis, & divitibus, & principibus insurgentibus, sermo Dei velut ignis validus adveniens spinas consumpsit, agros repurgavit, seminavit Verbum prædicationis. Et licet ij, qui crediderunt, in carceribus servarentur, in exilium relegarentur, despectui essent, amitterent substantias, occiderentur, traderentur igni, submergerentur aquæ, & omne tormentorum genus sustinerent cum summa ignominia, & persecutionem paterentur vt hostes publici, plures tamen semper acrescebant: non solum nihil ex afflictionibus aliorum facti ad credendum segniore, sed & multò alacriore, ad hanc pulchram piscationem assiliebant, sicque à piscatoribus capiebantur non coacti, non vim passi, sed spontè accurrentes, gratiamque habentes adducentibus. Et quamvis viderent fluere torrentes sanguinis credentium, ferventiores tamen reddebantur in fide, & fidentiores. Non Discipulis solum, sed & Magistris vinctis, fugatis, flagellatis aliaque mille mala passis Discipuli plures fiebant, & magis studiosi, habebant enim adiutricem, & commilita-

tem

CAPVT DECIMVM.

*Octauum caput probandi diuinitatem Christi ex testi-
monio martyrum, & ex mirabili conuersione multorum
infidelium ad amplectendam eam fidem, pro qua
videbant eos tam dira tor-
menta pati.*

96 **E**X hoc capite sumitur validum argu-
mentum, vt enim inquit Aug. lib. 22.
de Civitate cap. 6. *Quis enumeret, quàm multi quan-
talibet sæuitia crudelitatis occidi quàm Christum Deum
negare maluerunt? Ligabantur, includebantur, cædeban-
tur, torquebantur, urebantur, trucidabantur, & multipli-
cabantur.* P. Franciscus Arias 1. part. de imit. Christi
tract. 3. cap. 35. in fine cum Genebrardo reputat
verisimile, tantam vsque ad sua tempora extitisse
martyrum multitudinem, vt si illorum festa per to-
tius anni dies distribuerentur, singulis diebus oc-
currere possint celebrandi triumphi triginta mil-
lium, qui vitam pro Christo Domino obtulerunt.
Inter quos reperiabantur pueri, & teneræ Virgi-
nēs, à quibus, vt inquit Lactantius lib. 5. diuinarum
institutionum cap. 13. *Exprimere gemitum nec ignis
potuit.* Et sanè morum integritas in Sanctis Marty-
ribus reperta, inuicta eorum patientia, nec non in
medio tormentorum ineffabilis consolatio, lætitia-
que mortem obeundi protuenda crucifixi. Diuini-
tate, veritatis argumentum est insigne.

97 Mirabilis etiam conuersio multorum infidelium spectantium Martyrum atrocissima tormenta ad eam fidem amplectendam, pro quâ tam dirâ videbant tormenta homines pati, clarissimum est veritatis Christianæ Religionis argumentum. Quis enim nisi Deus omnipotens potuit subito cor infidelium ita mutare, vt eam Religionem amplecterentur, pro qua videbant homines igne torreri, lique factò plumbo aduri, vncis ferreis dilaniari, & alia atrocissima tormenta tolerare? Huiusmodi autem conversiones passim leguntur in actis martyrum. Talis fuit conuersio S. Romani militis, qui videns Angelum abstergentem sudorem Beati Laurentij in craticula positi clamavit: *Videò ante te iuvenem pulcherrimum, festina me baptizare.* Et vt testatur Martyrologium Romanum die 9. Augusti propter Baptismum publicè petitem, *fustibus cæsus, ad vltimum decollatus est.* Talis quoque fuit conuersio illius fœlicis Janitoris, qui cùm quadraginta milites Cappadoces tempore Licinij Imperatoris post vincula, & carceres teterrimos, post cæsas lapidibus facies, in rigens stagnum missi essent, vbi gelu constricta eorum corpora disrumpebantur, solus vigilabat, cæteris custodibus somno deditis, & videns Angelos è cælo descendentes cum coronis triginta novem, sic secum ratiocinabatur: *Quadráginta hi sunt, quadragesimi corona vbi est? Quædum cogitaret, vnus ex illo numero, cui animus ad frigus ferendum defecerat, in proximum patefa-*
ctum

Demonstratur Diuinitas Christi. 93

Etum balneū defiliens, sanctos illos summo dolore affecit. Verūm Deus illorum preces irritas esse non est passus, quorum omnium vna fuerat oratio: *Quadraginta in stagnum ingressi sumus, quadraginta item, Domine, corona donemur, nec vna quidem huic numero defuit.* Nam rei euentum admiratus ianitor, mox custodibus è somno excitatis, detractisque sibi vestibus, ac se Christianum esse clara voce professus, martyribus se adiunxit, & cum illis martyrio coronatus est. Vt habes in Breviario Romano die 9. Martij.

93 Talis etiā extitit conuersio S. Genesij celebris inter Romanos, mimi seu comædi faceti & lepidissimi, cuius vitam habes apud Petrum de Ribadeneira tom. 2. Floris Sanctorum extrauagantium, die 25. Augusti, de quo Martyrolog. Romanum ad illum diem: *Romæ Sancti Genesij Martyris*, qui primum sub gentilitate mimus, cum in theatro spectante Dioclegiano Imperatore, mysterijs Christianorum illuderet, à Deo inspiratus, repentè conuersus ad fidem, & Baptizatus est, mox Imperatoris iussu fustibus crudelissimè cæsus; deinde in equuleo suspensus, & vngularum diutissima laceratione vexatus, lampadibus etiam inflammatus, cum in fide Christi persisteret, dicens: non est Rex præter Christum, pro quo si millies occidar, ipsum mihi de ore, ipsum mihi de corde auferre non poteritis, martyrij palmam, capitis obtruncatione promeruit. Idem Martyrologium, die 14. Idem Mar-

tyrologium, die 14. Aprilis memoriam colit S. Ardalionis mimi, qui cum sacris Christianorum in theatro illuderet, de repente mutatus eam non solum verbis, sed testimonio sui sanguinis comprobavit. Item die 15. Septemb. memoriam facit Sancti Porphirij mimi, qui coram Juliano Apostata per iocum Baptismum suscipiens, Dei virtute de repente mutatus, Christianum se esse professus est, ac mox iubente eo, secuti percussus martyrio coronatus est.

99 Cum præsens adesset martyrio Sanctorum Chrysanthi, & Dariae Claudius Tribunus, qui eos torquebat, cum sexaginta militibus, animadvertens quanta lætitia Sancti Martyres perferrent atrocissima tormenta, quousque viuentes terra, & lapidibus obruti sunt, ipse cum militibus illis ita firmiter Christo adhæsit, ut pro Christo omnes mortui sint, ut habes apud Surium tom. 5. Octo crudelissimi milites, qui sub Alexandro Severo Sanctam Martinam Virginem diversis tormentorum generibus cruciarunt, & tandem gladio iugularunt; Sanctæ Virginis constantia, & sanctitate ita permoti sunt, ut Christi fidem amplexi pro ipso vitam martyrio dederint. Ut habes apud Surium tom. 1. Martyrologium Romanum, die 21. Augusti memoriam celebrat Anastasij Cornicularij (id est in castrensi militia nobili equite) qui cum videret B. Agapytum constanter tormenta perferentem conversus est ad fidem, & pro confessione

Demonstratur Diuinitas Christi. 95

nominis Christi iubente Aureliano Imperatore, martyr migravit ad Dominum.

100 Et die 20. Septembris celebrat memoriam S. Evilasij idolorum Sacerdotis, qui intuitus constantiam, qua S. Fausta Virgo crudelissima tormenta sub Maximiano Imperatore pertulit, in Christum credidit, & vnà cum Sancta Virgine martyrio coronatus est.

101 Denique vt alia omittā, miles, qui S. Paulū Apostolum iugulavit, & triginta quatuor eius Socij, videntes spectaculum illud admirabile, quod nimirum Sanctus Apostolus, tam hilaritè pro Christo cervicem gladio supposuerit, & quod loco sanguinis lac è vulnere fluxerit, libentissimè fidem amplexi pro Christo martyrium subierunt. Celebrat hanc conversionem S. Joannes Chrysostomus, meritò admiratus, quod animus ferox illius militis tam celeriter factus sit melle suavior, & dulcior. Has & alias conversiones expendere poterit Christi minister coràm Mahumetanis, & ab illis quærat, an vnquam in sua secta simile quid contigerit? Inde concludat, non posse non esse veram Fidem illam, quæ Christum crucifixum vt Deum adorat, & Trinitatem personarum in Deo colit; quandoquidem solus Deus potuit hanc fidem internè persuadere ijs, qui videbant Christianos tam crudeliter torqueri pro confessione illius: Deus autem fidem falsam inspirare non potest: ergo verissima est hæc fides.

102 Audiamus S. Iustinū Philosophum & martyrem, qui ex alacritate, qua Christiani pro Christo patiebantur tormenta, optimè intulit eos esse viros probos & sanctos, & veram Religionem profiteri. Sic enim ait in Dialogo cum Triphone apud Baronium anno Dom. 130. Ego ipse (inquit) Platonis disciplinæ sectator, cum calumniosè audirem Christianos deferri; intrepidè autem ad mortem, & alia, quæ terribilia censentur, omnia adire conspicerem, statui ipse mecum, fieri haud quaquàm posse, ut illi vitijs & voluptatibus servirent. Quis enim voluptatum sectator, aut per animi impotentiam obtemperans in humanarum carniū dapes, pro bono ducens mortem amplecti queat; ut bonis suis seipsum privet, ac non potius bonis omnibus, ut hanc sibi perpetuo vitam agere, & celare Principes, & Magistratus fallere liceat, operam navet, nedum per denuntiationem, & indicium seipsum cædi offerat?

103 Finio materiā hanc exēplo admirabili, quod scribit Nicephorus Calixtus lib. 17. Eccles. Hist. cap. 6. In civitatē (inquit) cui Nigræ nomen est, egregium virilis animi specimen dedit quidam puer Martyr mulierculæ vnius ex ijs, quæ ad pyram accensam rapiebantur pro Christo, filius. Hunc etenim tenerum adhuc, tyrannus retinens distrahere à matre connabatur, demulcens illum, & quidquid ad animum adolescen-

„tuli alliciendum faceret obijciens. Ibi vero ma-
„trem puer aspiciens, femur Tyranni momordit,
„atque ad illam procurrit, atque ita vnà cum ma-
„tre sacrificium suave olens per litationem ad
„Deum est transmissus. Quis hic non agnoscat
„omnipotentiam Dei internè moventis puerum
„ad moriendum pro fide, quæ Christum vt Deum
„adorat?

CAPVT VNDECIMVM.

*Reliqua capita probandi diuinitatem Christi breui-
ter insinuantur.*

104 **C**Aput nonum, probandi diuinitatem
Christi sumitur ex miraculosa Sauli
conuersione ex persecutore Christi in prædica-
torem diuinitatis eius, & omnis sanctitatis Magi-
strum. Decimum ex sanctitate Apostolorum alio-
rumque Virorum similium, qui diuinitatem Chri-
sti mundo persuaferunt. Vndecimum ex sanctita-
te vitæ, quam hæc fides generat: fides enim falsa
veram sanctitatem generare non potest, neque ad
Deum ducere Religio, quæ à Deo non descendit,
neque ad Cælum euehere, quæ ab orco originem
traheret: vnde tot sunt manifesta testimonia diu-
nitatis Christi, quòt in Ecclesia homines florue-
runt insigni sanctitate, qui eò fuerunt virtute cla-
riores, quòd ardentius Christum dilexere.

105 Duodécimum: gloria miraculorum, quæ semper in omnibus sæculis floruit Ecclesia Catholica, vt ostendit Bellarm. tom. 1. lib. 4. de notis Ecclesiæ cap. 14. Consulatur P. Salmer. tom. 6. tr. 2. vbi egregiè probat veritatem miraculorum Christi Domini non solum ex autoritate Evangelicæ historiæ, sed etiam ex ipsis gentibus, & illarum Prophetijs: ea enim narrantur à Sybilla libica, & à Pilato in duplici Epistola ad Tyberium Cæsarem, à Philostrato, & à Mahum.

106 Decimumtertium, atque efficacissimum sumitur ex mira virtute, quam Christus Crucifixus ostendit in trahendo ad se homines, opere cõplens, quod promisserat: *Ego si exaltatus fuero à terra, omnia traham ad me*; non potuisset enim Christus tantam potentiam ostendere mortuus, nisi esset Deus: maiora enim facere pòst mortem, quam in vita, argumentum est divinitatis. Audiamus Chrysostomum in orat. quod Christus sit Deus: *Ante Crucem in luctu res erant*, Iudas prodidit, Petrus negavit, reliqui profugerunt, Iesus solus inter amicos comprehensus est, multi, qui crediderant, retrorsum abierunt. *Ceterum vbi occisus est, & mortuus, vt discas, quod non sit purus homo, non solum res eius non interciderunt, sed multò clariores, & sublimiores sunt redditæ.* Nam antè Crucem Princeps Apostolorum nec ostiarie minas tulit, & pòst tantam eruditionem aiebat, se nescire, quis esset. At pòst Crucem orbem terrarum peragravit, & infiniti Martyrum populi occi-

occisi, maleantes mori, quam dicere, quod Princeps ille Apostolorum formidans vnius ostiariae minas.

107 Decimumquartum caput sumitur ex Testamento veteri, in quo sæpè significabatur Messiam futurum esse Deum, vt probant Burgenf. 1. part. Scrutiniij dist. 10. P. Suarez disp. 2. de Incarn. sect. 2. & 3. & Chrysostom. in Orat. *Quòd Christus sit Deus.*

108 Expectabant Iudæi Messiam vt potentissimum Regem, qui ipsos à seruitute corporali redimeret, & magna bonorum temporalium copia cumularet, vt docent Rabini Hebræorū apud Burgensem 1. part. Scrutiniij dist. 5. cap. 2. & ideo Nazarenum pauperem, & humilem, vt Messiam recipere noluerunt. Manifestè tamen decepti sunt; nam Isaïæ 42. & Zachariæ 9. promittitur Messias, qui cum summa humilitate, & mansuetudine gentes doceat, & legem ferat: eiusque redemptio spiritualis promittitur, nimirum à seruitute peccati, vt patet Danielis 9. 24. vbi dicitur, septuaginta hebdomadas superesse: *Vt finem accipiat peccatum, & deleatur iniquitas, & adducatur iustitia sempiterna.* Effetque res planè Deo indigna, vt tantus apparatus miraculorum, tam magnificæ promissiones Messia, tam insignes de eo prophetia, tanta mundi expectatio, tot antiquorum Patrum suspiria, tot signa in eius Conceptione, & Natiuitate prænuntiata, tot denique prodigia promissa, desinerent in Rege temporali, qui filios Israel ab hostibus

bus visibilibus liberaret, & terrenis opibus locupletaret. Messias ergo promissus erat ad destruendum regnum peccati, ad eripiendos homines à potestate Diaboli, ad docendas iustitiæ vias, ad persuadendam veram sapientiam, & Dei imitationem; & ad hæc bona obtinenda debuit Messias esse Deus. Vt enim inquit Augustin. lib. de utilit. cred. cap. 5. *Sapiens, quantum datum est, imitatur Deum: homini autem stulto ad imitandum salubriter, nihil est homine sapiente propinquius; cum igitur, & homo esset imitandus, & in homine non spes ponenda, quid potuit indulgentius, & liberalius diuinitus fieri quam ut ipsa Dei sincera, æterna, incommutabilisque sapientia, cui nos hæere oportet, suscipere hominem dignaretur?* Et ut ait sermone quodam de Nativit. *Homo sequendus non erat, qui videri poterat; Deus sequendus erat, qui videri non poterat: ut ergo exhiberetur homini, & qui videretur ab homine; & quem homo sequeretur, Deus factus est homo.* Debuit item hominum Redemptor, & Salvator esse Deus, & homo, tum quia, ut inquit S. Leo serm. de Nati. *Nisi esset verus Deus, non afferret remedium, nisi esset verus homo, non præberet exemplum.* Tum quia, ut expendit Athanasius, si Creator, & Redemptor essent personæ diversæ, homo divideret cor amando Redemptorem, & Creatorem, cum tamen totum cor Deus sibi deposcat.

109 Rursus cum homo tendat in Deum per fidem, spem, & charitatem, Redemptor hominum
de-

debut esse Deus factus homo, vt sic virtutes Theologales promoveret, firmando fidem, erigendo spem, & accendendo charitatem: firmatur enim fides, dum homo Deo sibi visibiliter loquenti credit: vnde August. lib. 11. de Civit. cap. 2. *Vt homo fidentiùs ambularet ad veritatem, ipsa veritas Dei Filius homine assumpto constituit, atque fundauit fidem.* Erigitur spes, quia ex hoc mysterio discit homo, quantum diligat nos Deus, nihilque est, quod non possit sperare, à Deo: *Qui proprio Filio suo non pepercit, sed pro nobis omnibus tradidit illum.* Accenditur charitas: quodnam enim efficacius motivum ad excitandum amorem, quam sic amari? *Sic enim Deus dilexit mundum, vt Filium suum vnigenitum daret.* Quare vt inquit August. *Si amare pigebat, saltem redamare non pigeat.* Sanè vt Melsias hominibus persuaderet, vt per exercitia virtutum ad Deum tenderent, debuit omnium exemplar se exhibere: quomodo enim paupertatem spiritus persuaderet, si veniret dives: quomodo humilitatem, si veniret cum superbia, & fastu? Et sic de reliquis virtutibus. Non ergò talem se debuit exhibere, qualem expectabant Iudæi, sed qualem se mundo præbuit in præsepio nascens, & in Cruce moriens.

110 Vltimum denique caput probandi diuinitatem Christi sumitur ex testimonio tot Doctorum sapientia, & sanctitate illustrium, qui examinatis diligentissimè omnium hominum sectis, tam evidens censuerunt Religionem Christianam esse


veram, quàm evidens est Deum providentiam hominum habere, eorumque æternam salutem verè procurare. Vnde meritò dixit sapientissimus Richardus de S. Victore lib. 1. de Trinit. cap. 22. *Domine si error est, quod credimus, à te decepti sumus.* Quia non minùs impossibile est Religionē Christianam esse falsam, quàm impossibile sit Deum homines decipere. Reddiderat rationem paulò antea: *Mysteria nanque nostræ fidei tam multis, tam magnis, tam miris prodigijs diuinitus sunt confirmata, ut genus videatur esse dementiæ in his, vel aliquantulum dubitare.* Consonat Chrisost. qui postquàm expendit argumenta probantia Christi diuinitatem, sic concludit: *Nullus ergo his contradixerit, nisi qui valde insanus, & totus stupidus sit naturæque sensu priuatus.* Propterea Deum alloquens David v. 92. aiebat: *Testimonia tua credibilia facta sunt nimis, id est, magis quam prima principia scientiarum, ut explicat ibi Lyra.* Vnde August. lib. 10. confes. cap.

10. dixit: *Facilius dubitarem me viuere, quam*

vera esse, quæ audiui. Consulatur Bel-

larminus ad illum Psal-

mum.



CAPVT DVODECIMVM.

*Infertur ex dictis, veritatem Religionis Christianæ esse
evidenter credibilem, & omnes sectas ipsi oppositas
esse evidenter incredibiles.*

III **T**Vnc aliqua res est evidenter credibilis, quando evidens est, debere, seu posse credi, vel esse dignam creditu. Pater autem res esse evidenter credibilis, quin sit evidenter, imò absolutè vera. Nam hoc ipso, quod multi viri graues testentur, se aliquid vidisse, & ego nihil habeam in contrarium, neque vllum fundamentum mihi suppetat ad credendum vel illos deceptos fuisse, vel me decipere voluisse; evidēs est, me posse evidenter credere rem ita esse. Nec tamen evidens est, quod res ita sit; sed potest contingere, vt sit falsa. Vndè merito Caietanus 2.2. q.1.art.4. §. *Ad euidētiā*, notat differentiam inter videre, aliquid esse scibile; & videre aliquid esse credibile. Scibile enim est aliquid ex se; credibile autem ex testimonio; ac per hoc si constat aliquid esse scibile, constat illud esse verum, si autem constat aliquid esse credibile, non constat propterea, esse verum, sed solum constat, testimonia esse talia, vt possit propter illa credi. Non sunt itaque idem, aliquid esse evidenter credibile, & esse evidenter verum. Nam evidenter verum (inquit sapienter Bellarm. lib. de notis Ecclesiæ cap.

cap. 3.) dicitur, quod vel in se, vel in suis principijs videtur: evidentè credibile illud dicitur, quod non videtur, nec in se, nec in suis principijs, habet tamen tot, & tam gravia testimonia, vt quilibet vir sapiens meritò id credere debeat: vt si Iudex videat hominem à latrone vulnerari lethaliter, & postea mori, habet evidentiam veritatis, quod ille latro sit homicida: si autem cædem non videat, sed habeat viginti testes viros gravissimos, qui dicunt se vidisse, habet evidentiam credibilitatis. Est ergo Religio Christiana evidentè credibilis, quia tot sunt argumenta suadentia, Deum esse authorem illius, eiusque mysteria revelasse; vt qui hæc argumenta penetraverit, evidentè cognoscat, se posse imò, & debere eiusmodi mysteria cum summa adhærsione, & firmitate credere.

112 Quòd autem res ita se habeat, & quòd Religio Christiana Catholica Romana sit evidentè credibilis, probatur in hunc modum. Evidens est dari aliquod primum principium, quod sapienter omnia ex nihilo condiderit, & in esse conservat. Evidens quoque est, hoc primum principium esse vltimum finem, & omnia propter se ipsum operatum esse, & vsque modò operari; ac proinde evidens est, hoc primum principium, seu Deum optimum maximum hominem propter se met ipsum creasse, vt scilicèt cum colat, & super omnia diligat. Hinc evidens est etiam, hoc primum principium, siue Deum habere in mundo aliquam

quam religionem, in qua, & per quam ab hominibus coli velit. Et sicut evidens est, vnum solum esse Deum, ita evidens est, vnam solam esse veram Fidem, & religionem in mundo, reliquas autem ipsi oppositas esse falsas.

113 Ex his verò necessariò infertur, solam Religionem Christianam, & Catholicam esse veram. Religiones enim, vel sectæ in mundo existentes sunt Paganismus, Mahumetismus, Iudaismus, & Christianismus: & in hoc sunt variæ Hæreticorum sectæ, quæ Christum, vt verum Deum, & hominem adorant, & tamen Romano Pontifici obedire nolunt, nec omnia credere, quæ Romana Ecclesia, tanquam à Deo revelata credenda proponit: & insupèr est Ecclesia Catholica Romana per totum orbem dispersa; quæ Pontificem Romanum, vt verum Christi Vicarium, & legitimum Petri successorem veneratur, & indubitanter credit, tanquam articulos fidei ea omnia, quæ in Concilijs generalibus legitimè congregatis, & à Romano Pontifice approbatis, credenda proponuntur, vel quæ à Romanis Pontificibus è Cathedra Petri toti orbi Christiano, tanquam dogmata vera, vel in Scripturis contenta, vel ex ijs, quæ in Scripturis continentur, necessariò deducta, omnibus fidelibus repræsentantur, & credi iubentur. De Paganismo manifestè constat non esse à Deo, cùm idolis eum cultum deferat, qui ipsi Deo soli debetur. Mahumetismum verò, & Iudaismum nunc
stan-

stantem post Christi Domini adventum, non esse à Deo, probatur manifestè his omnibus argumentis, quibus in hoc lib. Divinitatem Christi ostendimus. Nam perfidi Iudæi, & Mahumetani conveniunt in neganda Divinitate Christi, licet ex diversis causis. Vnde argumenta omnia, quibus innititur vasis hæc, & primarium fundamentum Religionis Christianæ, nempe, quòd Christus Dominus sit verus Deus, & homo, manifestè concludunt, Mahumetismum, & Iudaismum nunc extantem esse religiones falsas, & à Diabolo inuectas.

114 Porro argumenta illa sunt adeò conspicua, vt stupidus sit, qui illis non vincatur, & eis penetratis, non experiatur in se evidens dictamen conscientix, qua iudicet, se obligatum esse ad suscipiendam Religionem Christianam Catholicam, si extra Ecclesiam sit, vel in illa firmiter perseverandum, si intra gremium sanctæ Ecclesiæ existat. Ea verò argumenta latè in hoc libro proposita, nunc in breuem epilogum redacta sunt hæc. Primum sumitur ex miraculis, quæ Christus fecit in huius veritatis confirmationem. Palàm enim dixit, se esse Deum, & in huius doctrinæ confirmationem mortuos suscitavit, hominem à natiuitate cæcum luto super oculos imposito, illuminavit, & alia opera mirabilia fecit, quæ evidens est, solum Deum posse habere authorem. Evidens autem est Deum non posse facere miracula in confirmationem doctrinæ falsæ. Secundum sumitur ex

vindicta, quam Deus sumpsit de Iudæis. Nam illi eo præcipue titulo, & ea de causa Christum crucifixerunt, quia dixit, se esse Deum: & tamen illos Deus propter necem Christo illatam severissimè punivit, & vsque modo punit: quod argumento manifesto est, Christum, dum se ipsum appellavit Deum, non blasphemiam protulisse, sed veritatem certissimam. Tertium ex mira correspondentia inter vetus, & novum Testamētum; nam omnia, quæ Prophetæ prædixerant de Messia venturo, ad litteram adimpleta sunt in Christo Domino. Quartum ex eius Resurrectione. Nam Christum eo nomine crucifixum, quia Filium Dei se fecit, Dominus tertia die suscitavit à mortuis, hoc opere evidenter manifestans, illum vera dixisse. Quintum ex mirabili mundi conversione; siquidem Apostoli innumeris miraculis mundo persuaferunt rem humanæ sapientiæ pœnitens incredibilem, nempe hominem crucifixum esse verum Deum. Sextum ex mirabili permanentia Ecclesiæ Catholicæ adversus mundi potestates, & adversus omnes Hæresiarchas, & sæculi Principes hæresi afflatos. Septimum ex eo, quod Christus maiora operatus est postquam à Iudæis crucifixus est, quam dum viueret. Octavum ex eo, quod Apostoli, & innumerabiles Martyres vtriusque sexus, & in omni ætate constanter, & alacriter mortem acerbissimam pertulerunt in testimonium Divinitatis Christi, Deusque illos manifestis illustravit miraculis. Nonum



ex eo, quòd fides falsa veram nequit generare sanctitatem, fides autem hæc de Divinitate crucifixi innumerabiles reddit Sanctos. Hæc, & alia argumenta in hoc libro expensa Divinitatem Christi reddunt evidentè credibilem, & omninò incredibiles omnes sectas illam negantes.

¶ 115 Restat probandum, inter sectas adorantes Christum, solam Religionem Catholicam esse veram: hæc autem veritas facilè demonstratur, reducendo omnes controversias cum hæreticis ad unam, an scilicèt Ecclesia Catholica Romana sit illa ipsa, quam Christus fundavit, & de qua dixit, *portas inferi non prævalituras adversus eam*: hoc enim semel posito, convincetur, veros esse omnes articulos, quos credendos proponit: nam vera Christi Ecclesia est *Columna, & Firmamentum veritatis*, teste Apostolo 1. ad Timotheum 3. quia nimirum est columna firma, & stabilis, quæ à veritate deflectere non potest, & sua firmitate, ac stabilitate sustentat suos filios, nè à veritate aberrant, ut explicat cum Patribus Becanus; vel provt exponit apud ipsum Theodorus Beza, dicitur Columna, & Firmamentum veritatis, quia non alibi habitat veritas Dei, quam in Ecclesia Christi, vel quia Ecclesia est fida custos veritatis Dei, ut interpretatur Calvinus: vndè etiam ex confessione ipsorum Hæreticorum, vera Christi Ecclesia nequit esse magistra errorum; atqui sola Ecclesia Catholica Romana est vera, & germana Christi Ecclesia: ergo

vèri sunt omnes articuli, quos filijs suis credendos proponit. Ergo verum est dari Purgatorium, dari septem sacramenta, Christum esse præsentem in Eucharistia, peccata exponenda esse in confessione auriculari, & omnia alia dogmata, quæ Ecclesia Romana iubet credi.

116 Minorem dilucidè, & nervosè probat P. Lessius in opusculo de vera Religione capessenda ex multiplici consideratione. Primò ex studio perfectionis, ad quod Religio Catholica inducit. Secundò ex eo, quòd licentiam peccandi excludat. Tertiò ex sanètitate cultorum. Quartò ex miraculis eorumdem. Quintò ex gentium conversione. Sextò, ex nomine *Catholica*, & re ipsa hoc nomine signata. Septimò, ex successione. Octauò, ex consensu Doctorum veterum, & controversiarum decisione, & quia extra illam nulla soliditas. Nondò, ex varijs causis, ob quas Lutheranismus, & Calvinismus, & aliæ sectæ convincuntur, non esse Ecclesiam Christi. Primò, ex novitate. Secundò, ex defectu successionis. Tertiò, ex defectu missionis. Quartò, ex defectu miraculorum. Quintò, ex vitæ, & morum conditione. Sextò, ex erroribus, & inconstantia doctrinæ. Septimò, ex dolo malo, & fraudibus, quibus vtuntur. Octauò, ex everfione bonorum operum. Nondò, ex licentia vitæ, quàm tribuunt. Decimò, ex eo, quod hæreses antiquas renouent. Vndecimò, ex defectu regulæ credendi. Hæc fuisse prosequi nostri instituti non est.

Consulantur Bellarm.tom.4.lib.4.de Ecclesia Militante, Bal.tom.3.disp. 1. quæst. 1.punct.4.Suarez disp.4.de fide sect.3.& 4.Becanus,& alij. Duodecimò,& vltimò, hoc ipsum convincitur ex absurdo:nam si Ecclesia Calvinistica,vel Lutherana esset Christi vera Ecclesia, sequeretur, omnes Catholicos, qui à tempore Apostolorum hætenus extiterunt,damnatos esse,nam iuxta harum Religionum primarium dogma,caruerunt fide iustificante,ac proinde permanserunt in peccatis suis,& in illis sunt mortui:fides enim necessaria ad iustificationem iuxta has sectas est illa, qua homo firmiter credit,se esse iustum coram Deo propter Christi satisfactionem, quæ ipsi per hanc fidem imputetur,& applicetur:constat enim hanc fidem ignotam orbi fuisse vsque ad Lutheri tempora,qui gloriatur,se illam mundo patefecisse:quis autem sanæ mentis hoc absurdum devorare audeat?Vnde in veritates Catholicas convenit celebris illa sententia Ricardi Victorini lib.1.de Trinit.cap.2.
Domine, si error est, à te decepti sumus: ita enim nobis sunt tantis signis,& prodigijs confirmata,
& talibus, quæ non nisi per te
fieri potuerunt.



CAPVT DECIMVM TERTIVM.

Brevis discursus, quo Cardinalis Sphortia evidentiam credibilitatis nostrae fidei proponit.

117 **H**Æc evidentia credibilitatis clarissima, inquit est, & maxima in fide Catholica, ex multis capitibus, quæ breuiter indicat in libello de fide cap. 7. Primò certum est ex Synderesi, quam omnes experiuntur, & ex consensu omnium ferè gentium, dari aliquod numen optimum, & benevolum erga creaturas rationales, cui aliqua nostra opera placeant, alia displiceant. Ideòque numen illud esse colendum, & amandum. Nec huic rationi adversatur experientia frequens, & calamitatis in probis, & prosperitatis in pravis, quasi contraria providentiæ: nam hæc ipsa est summa providentia, ut possimus exercere virtutem, & probare aliam solidiorem felicitatem: quæ enim virtus esset ea sectari, quæ etiã in hac vita semper, vel ferè semper afferrent delectationem, & prosperitatem. Porro si id eveniret, nullum esset discerniculum inter virtutis, ac voluptatis amatores. Certum ergo est dari aliquod numen providum, & colendum. Cùm verò sint va-

ris

ris cultus, & religiones erga huiusmodi numen, quarum religionum quælibet damnat alias, tanquam impias, & huic numini invisas, non potest inter huiusmodi sectas invicem pugnantes esse plusquam una, quæ sit vera, & huic numini accepta, quamvis possit evenire, ut aliqui propter ignorantiam invincibilem eo inoffenso, alias religiones sectentur.

118 Hoc posito, videtur indignum hoc numine si permittat, aliquam religionem falsam habere pro se argumenta sine vlla comparatione maiora, & graviora, quàm quælibet alia, ac proinde, quàm ea, quæ sit vera: quis enim prudens, & bonus hoc faceret? at nostra religio habet pro se plurima, & gravissima argumenta, quibus præstat cæteris omnibus religionibus; ergo ipsa solum est vera religio.

119 Ultima minor, quæ solum negatur ab adversarijs, probatur ex huiusmodi argumentorum enumeratione: Primò, enim nulla religio habuit, vel habet tot sectatores sapientes, ac nostra: sapientes autem voco illos, qui præscindendo à rē controversa, hoc est, à veritate Religionis, procul dubio ingenio, eruditione, & doctrina cæteris præstant omnium consensu. Sectæ enim distinctæ à Christiana vix vllum nominabunt sapientem, cum nostris Patribus, Theologis, & Philosophis comparabilem, qui eas re ipsa, & ex animo se-

secutus sit, quantū ex eius vita, & scriptis constare potest. Platonem quippè Aristotelem, Tulium, Senecam, aliosque veteres philosophos patet ex eorum libris fuisse à credendis Gentilium commentis alienissimos.

120 Secundò: Nulla religio habuit tot sectatores insignes, & ferè supra humana virtute præditos. Tertiò nulla fuit, pro cuius defensione, non solum fortitèr, sed alacritèr tot millia millium in quolibet sexu, ætate, & fortuna sanguinem, ac vitam profuderint. Quartò nulla, quæ habuerit tot contemptores omnium bonorum sensibilium, & humanorum ex sola spè illorum, quæ talis religio pollicetur. Quintò nulla, quæ habuerit tot feruentissimos Dei amatores, qui omnes suas cogitationes, affectiones, & curas sibi per totam vitam dicauerint supra omnem amorem, quo viquam, vel mater filium, vel maritus, vxorem, vel quilibet homo quodcumque obiectum sibi carissimum dilexerit. Sextò nulla religio est, in cuius explicatione tot sapientes vitam, ac studia impenderint cum tanto admirabilium contemplationum fructu: nulla siquidem scientia humana tantūdem ingenij, consonantiæ, ac mirabilitatis ostentare potest quantū Christiana Theologia. Septimò nulla est, cuius veritatem testentur tot prodigia supra omnes naturales effecta, & innumeris, ac gravissimis historiarum, ac testium Authoribus

confirmata, quæ omnia testimonia falsa esse; pro-
inde videtur incredibile, ac si quis contendere,
non exiitille Iulium Cæsarem, & omnes tra-
ditiones de illius existencia
mentiri.



LIBER SECVNDVS, PRIMÆ PARTIS.

*IN QVO OSTENDITVR, RELIGIONEM
Christianam non solùm esse euidentè credibilem, sed euidentè veram euidentia in attestante, quatenus euidentè demonstratur, Deum esse Authorem illius Vbi natura nostræ fidei latè exponitur, & ostenditur, ad credendum Fide Diuina, & obscura mysteria nostræ fidei, non debere per prius fide obscura credi authoritatem Dei loquentis, & existentiam reuelationis; sed posse fide obscura, & libera credi mysterium ab homine euidentè cognoscente, Deum illud reuelasse. Vbi etiam pro dignitate explicatur vltima fidei nostræ resolutio sine circulo, & mutua prioritate.*

CAPVT PRIMVM.

PRÆAMBVLÀ QVÆDAM AD PROBANDUM, Religionem Christianam non solùm esse euidentè credibilem, sed euidentè veram euidentia in attestante.

§. I.

Supponitur, pertinere ad excellentiam veræ Fidei, quòd contineat mysteria, quæ seclusa reuelatione Dei, nequeant per rationem naturalem probari.

I CVM Religio Christiana contineat mysteria altissima, quæ ex se ita sunt obscura om-

omni intellectui creato, & creabili, vt suis viribus, & proprio discursu nullus intellectus creatus possit assequi quomodo illa Deo cōveniant: v.g. Quomodò inter se cohæreant, Deum esse vnū in natura, & Trinum in personis, & Deū, qui est omninò immutabilis, ita vniri naturæ humanæ, vt verè Deus fiat homo, & homo fiat Deus: impossibile est quod Religio Christiana sit evidentè vera evidèntia mysteriorum in se ipsis, & per principia intrinseca. Cum enim eius mysteria sint ex se essentialiter obscura omni intellectui creato secundum se considerato, non possunt in se esse evidèntia; & cum sint supra omnem rationem, non possunt per rationem naturalem demonstrari, & ideò Doctor Christianus, & Prædicator Evangelicus, vt inducat infideles ad Fidem Christi amplectendam, non debet niti rationibus, quibus conetur probare mysteria Religionis Christianæ esse in seipsis vera, quasi per rationem naturalem possit eorum veritas persuaderi: vt enim meritò D. Thomas dixit 1. part. quæst. 32. art. 1. *Impossibile est per rationem naturalem ad cognitionem naturalem Trinitatis personarum pervenire: homo enim per rationem naturalem ad Dei cognitionem pervenire non potest, nisi ex creaturis; creature autem non ducunt in cognitionem Dei quatenus Trinus est; sed quatenus vnus; quia non quatenus Trinus; sed quatenus vnus, id est non ratione relationum; sed ratione Essentiæ est principium creaturarum; istæ verò solum ducunt in cog-*

Demonstratur Diuinitas Christi. 117

nitio[n]em Dei tanquam effectus in cognitionem suæ causæ. Quare stultè procederet Prædicator Evangelicus, qui ratione naturali vellet probare infidelibus veritatem mysterij Trinitatis, Incarnationis, Eucharistiæ, & aliorum, quæ sunt supra omnem discursum naturalem creaturæ, ut probat ibi S. Thomas: *Primò enim derogaret Fidei, quantum ad eius dignitatem. Nam dignitas, & excellentia Fidei est, quod sit de rebus invisibilibus, quæ rationem humanam excedunt, ut constat ex Apostolo ad Hebræos 11. dicente quod Fides est de non apparentibus. Secundò derogaret Fidei, quantum ad utilitatem trahendi alios ad ipsam. Cum enim proferre non possint rationes, quæ convincant, Deum esse Trinum: v.g. Sane qui ratione conaretur probare mysterium Trinitatis coram infidelibus, occasionem ipsis præberet irridendi Fidem nostram. Quæ igitur Fidei sunt (concludit ibi D. Thomàs) non sunt tentanda probare, nisi per auctoritates his, qui auctoritates suscipiunt; apud alios verò sufficit ostendere, non esse impossibile id, quod prædicat Fides.*

§. II.

Quomodò Prædicator Evangelicus debeat persuadere infidelibus, vera esse mysteria nostræ Fidei, quæ per rationem naturalem eis probare non potest.

2 **Q**uamquàm autem Doctor Christianus, vel Prædicator Evangelicus non de-

debeat intendere probare per rationem naturalem veritatem mysteriorum nostræ Fidei, nec per authoritatem Scripturarum apud eos, qui Scripturas non suscipiunt. Potest tamen, ac debet coram infidelibus adducere argumenta, & rationes, quæ persuadeant, Deum esse Authorem Religionis Christianæ, in medium proferendo ea credibilitatis argumenta, quibus ornata est Religio Christiana, & quod hæc argumenta viuidius proponentur, eò facilius, Diuina aspirante gratia, infideles adducentur ad Fidem. Ad hoc enim à Deo data sunt, vt per illa homines inducantur ad credendum, & fideles, qui iam Fidem habent, per illa in Fide firmentur, quatenus semel per illa argumenta convicti, quod Deus sit Author Religionis Christianæ, hinc assurgant ad firmissimè assentiendum mysterijs propter summam authoritatem Dei dicentis, & revelantis: & ideò Petrus epist. 1. cap. 3. v. 15. hortatur fideles vt in promptu habeant rationes, quibus prudens quisque persuaderi possit Religionem Christianam esse à Deo: *Dominum* (inquit) *Christum sanctificate in cordibus vestris, parati semper ad satisfactionem omni poscenti vos rationem de ea, quæ in nobis est spe.* Quæ verba sic ad litteram exponit noster Iustinianus in paraphrasi eius loci: *Deum, ac Dominum toto pectore religiosè veneramini, vosque aduersus impios ita comparete, vt quoties res postulet facile possitis Fidei, atque spei vestræ rationem redere, ac explicare.* Vt enim idem Author postea in

commentario illius versiculi postea num. 18. inquit: *Quod ait Petrus, Rationem de ea, quæ in vobis est spe, non perinde accipiendum est, quasi vnius tantum, nimirum spei reddenda ratio sit, omissa Fide, alijsque Religionis nostræ capitibus, sed cum spes seclussa Fide, nulla prorsus esse queat, eo nomine vniuersam Religionem intelligit.* Quò circa Syrus interpres transtulit de *spe Fidei*, hoc est de spe, quam beneficio Fidei concepistis, & Fulgentius lib. 1. ad Trasimundum constantèr legit de *Fide, & spe*; idque indicant verba illa: *Dominum Deum sanctificate in cordibus vestris, vt enim exponit Caietanus: Tunc in cordibus sanctificatur Deus, cum creditur absque immunditia alicuius erroris, atque peccati.*

§. III.

Antè assensum Fidei præsinitum mysterijs ob auctoritatem Dei revelantis, debet præcedere euidèntia creditibilitatis fundata in certitudine de eo quòd Deus ea mysteria revelauerit.

4 **Q**Uare licèt assensus Fidei non nitatur rationibus, sed vnicè auctoritate Dei revelantis, quia qui assentitur mysterio, quia rationibus probatur, non habet assensum Fidei Divinæ; sed assensum opinativum, si rationes conciliantes assensum sint duntaxat probabiles, vel assensum scientificum, si rationes illæ

illæ sint evidentes. Tamèn antè assensum Fidei præstitum mysterio propter authoritatem Dei revelantis debent præcedere motiva, & argumenta, quæ ita inducant ad iudicandum quòd Deus revelauerit illa mysteria, & consequentèr quòd illa sint credibilia, vt nullatenus sinant prudentèr dubitare, de eo quòd Deus illa revelauerit. Tantùmque abest vt rationes istæ, & argumenta prævia, quibus ostenditur, Deum revelasse mysteria, officiant Fidei, vt potius impossibile sit, vt quis Fide supernaturali, & Divina firmiter credat mysterium propter authoritatem Dei revelantis, quin præcedant talia motiva suadentia, Deum revelasse mysterium, vt non sinant virùm prudentem dubitare de hoc: qui enim certus non est quòd Deus revelauerit mysterium, non potest propter autoritatem Dei revelantis assentiri mysterio: nam vt docet D. Thomas 2.2.q.1.art. 4. ad 2. *Omnis qui credit, debet evidenter discernere credibilitatem mysteriorum, & ea videre sub ratione communi credibilis: non enim crederet, nisi videret, ea esse credenda, vel propter evidentiam signorum, vel propter aliquid huiusmodi.* Vt autem exponit ibi Caietanus, S. Thomas loquitur de *Visione propria*, cuiusque sensus est, quod verè, & virtuosè credere exigit evidentiam quòd illud sit credibile, ita quòd nullus verè, hoc est absque formidine alterius partis, & virtuosè, hoc est prudentèr credit, nisi evidenter cognoscat illud esse credibile. Quomodò autem potest quis evidenter cognoscere aliquid ef-

ſe credibile, quin adſint argumenta euidentia credibilitatis? *Vident autem Chriſtiani* (inquit Caietanus ibi §. *Ad obieſta*) *credentes, credibilia ea eſſe quæ ſunt Fidei, audientes à fide dignis, mundi ſcilicèt conuerſionem ad Chriſtum pauperem per pauperes piſcatores, idiotas inter tot perſequutiones, tormenta, & mortes, & poſtmodum à tot doctiſſimis viris cum vitæ propriæ caſtigatiōe, mūdique huius contemptu approbata, innumeriſque miraculis confirmata.*

ſ Vndè Prædicator Evangelicus, vt Gentilibus Fidem Chriſti perſuadeat, debet priùs rationibus demonſtratiuis probare, dari vnum Deum Creatorem Cœli, & terræ, qui omnia ex nihilo condiderit, & ſapienter gubernet: & probare providentiam Dei erga homines, & animæ immortalitatem perſuadere; & ſubinde probare, Deum homines condidiſſe, vt illi ſerviant, eum colant, & diligant: & inde concludere, neceſſarium eſſe quòd Deus tradiderit hominibus aliquam legem, per cuius obſervationem pervenire poſſint ad fœlicitatem æternam, ad quam animæ immortales creatæ ſunt. Et hinc gradum facere ad probandum, Deum eſſe Authorem Legis Chriſtianæ, & poſtquam hoc probaverit, non debet probare veritatem myſteriorum in ſeipſis; ſed perſuadere rationibus, hominem obligatum eſſe firma Fide credere omnia, quæ Deus dicit, quamvis diſcurſu ſuo comprehendere nequeat illa myſteria, vt patebit ex his, quæ infrà latè explicabo, quando narrave-

ro colloquium quòd habui cum Mahumethano
arguto, & ingenioso.

§. IV.

*Quomodo se gesserit S. Petrus cum Simone Mago, ut
ipsum pertraheret ad credenda mysteria
nostræ Fidei?*

6 **H**unc agendi modum observavit S. Pe-
trus cum Simone Mago, qui ante-
quam cum Apostolo de vera Religione disputaret,
volebat ante omnia disputationem instituere de
animæ immortalitate, quia nisi prius statueretur,
animam esse immortalem, frustra postea labora-
rent in inquisitione veræ Religionis. At Petrus
hanc disputationem detrectavit: *Non metu, sed iu-
re, utque utiliter negotium conversionis ageret*, ut in-
quit Clemens Romanus lib. 3. Recognitionum.
Quamquàm enim animæ immortalitas possit op-
timis rationibus probari; tamè quia Religio Chri-
stiana inter veritates credendas proponit quoque
animæ immortalitatem; sanè si Apostolus, ut indu-
ceret Magum ad credendam immortalitatem ani-
mæ, prius rationibus probare debuisset animæ im-
mortalitatem; pariter Magus ad credendum my-
sterium Trinitatis, & Incarnationis postularet, ut
prius probarentur rationibus. Quæ cum non pos-
sint per rationem probari, non posset Apostolus
hac

hac via Magum convertere. Vnde Apostolus ad
persuadendum, vera esse Religionis Christianæ
mysteria solum probare voluit, Deum esse eius
Authorem, & se esse à Deo missum ad veritatem
Religionis Christianæ persuadendam: quo semel
probato, consequens erat, vt Magus deberet cre-
dere vera esse mysteria Religionis Christianæ:
quia Deus falsum testificari non potest, atque adeò
Deo aliquid testificanti tenemur cum summa ad-
hæssione credere, quantumvis id quod testifica-
tur non possimus ratione naturali assequi; imò
quamvis nobis videatur, seclusso testimonio Dei,
penitus impossibile: quia lumine naturæ notissi-
mum nobis est, Deum neque fallere, neque falli
posse, & ex notissima experientia evidens quoque
nobis est, nos multa vera ignorare, & propter no-
stram ignorantiam nobis apparere aliqua impos-
sibilia, quamvis possibilia erant: atque adeò evi-
denter cognoscimus, stultum esse nolle credere
Deo aliquod mysterium testificanti eo precisè no-
mine, & ea de causa quia illud mysterium appa-
ret nobis difficile, & rationi naturali impossibile:
*Et ideò (dicebat Petrus Simoni Mago) ante omnia
fidem Prophetæ omni eum examinatione oportet proba-
ri: quem cum cognoveris esse Prophetam, de reliquo cun-
ctis ei credere oportet, nec ultra eum discutere per singu-
la quæ docet, sed habere firma, & sancta quæ dicit; quæ
quavis fide suscipi videantur, ante habita tamen ratione
creduntur: cū enim semel ab initio veritas Prophetæ exa-*

minata constiterit, reliqua Fide audienda sunt, & tenēda.

7 Quod hic fecit Petrus, omnibus Christi cultoribus facere suadet illis verbis: *Dominum Christum sanctificate in cordibus vestris parati semper ad satisfactionem* (idest *defensionem*, ut habet textus Græcus) *omni poscenti rationem de ea, quæ in nobis est fide.* In quibus verbis non suadet Apostolus fidelibus, ut parati sint ad reddendam rationem, qua probentur mysteria; sed ad reddendam rationem cur crediderint, seu cur sibi persuaserint, Legem Christi à Deo descendisse, & propterea inducti sint ad credenda mysteria Fidei cum tanta firmitate. Quæ ratio redditur per motiva credibilitatis, quæ reddunt Fidem Christianam evidentè credibilem; id est, quæ evidentè probant mysteria omnia Religionis Christianæ posse firmitè credi propter autoritatem Dei testificantis. Et hæc motiva credibilitatis facilè Christiani penetrare possunt: nam cum ad credendum Fide supernaturali mysteria debeat præcedere evidentia credibilitatis, seu iudicium evidens quòd mysteria illa possint, ac debeant propter autoritatem Dei credi cum summa adhæssione, ut ostensum est cap. 1. huius libri, & cum præceptum credendi omnes communiter obliget; possibile est omnibus habere iudicium illud evidens credibilitatis: Deus enim impotibilia non iubet. Et hinc deduces, valdè conveniens esse quòd Prædicatores Evangelici motiva hæc credibilitatis è suggestito populo explicent.

Ut

8. Vt enim cum Caietano, Aragon, & Zumel tanquam quid sibi omninò certum statuit noster Eximius Doctor Suarez disp. 4. de Fide sect. 5. n. 8. nullus homo præbet verum, & perfectum assensum Fidei, nisi prius aliquomodo assèquatur, vel participet euidèntiam credibilitatis: nam iudicium credibilitatis debet esse certum, vt ad Fidem certam, & indubitatam inducat: *Nam si quis* (inquit) *potest prudenter dubitare, vel formidare de credibilitate obiecti, poterit etiam de ipsa Fide dubitare, aut formidare, & ita non erit Fides perfecta, & Christiana; iudicium autem credibilitatis non potest esse certum, nisi sit euidens. Ergo in vnoquoque verè credente debet supponi tale iudicium. Quò circa si quis credat antè iudicium certum, & euidens credibilitatis concipiet, quidem fidem humanam de rebus Diuinis, quæ interdum potest esse prudens, & honesta; non tamèn concipiet propriam Fidem Christianam, id est omninò certam, & immutabilem: quia stante sola probabilitate, & prudentia in illa fundata, posset quis propter maiorem probabilitatem de nouo apparentem iudicium prudentie mutare, & consequenter Fidem, vel de illa prudenter dubitare, quod de verò assensu Fidei nullo modo admittendum est.* Huc vsque Eximius Suarez, cuius doctrina certa reddita est per Bullam Innocentij Vndecimi, in qua anno 1679. sexaginta quinque propositiones tanquam scandalosæ, & in praxi perniciosæ damnauit, & prohibuit, inter quas vigesima prima est hæc: *Assensus Fidei supernaturalis, & utilis ad salutem stat*

cum notitia solùm probabili reuelationis, imò cum formidine, qua quis formidet, ne non sit loquutus Deus. Ergò nullus potest credere mysterium per actum Fidei supernaturalis, & vtilis ad salutem, nisi antecedentè ad illum assensum sit omninò certus, seu certificatus saltem moralitèr, quòd Deus illud reuelauerit. Supposita autem hac certitudine potest, ac debet formare iudicium euidens quòd illud mysterium possit, ac debeat credi: euidens enim est, vnumquemque posse cum summa adhæssione credere mysterium illud, de quo certus est fuisse à Deo reuelatum.

§. V.

Quomodo in hominibus indoctis reperiatur euidètia credibilitatis antè assensum Fidei Diuinæ?

9 **N**OTAT autem optimè Eximius Suarez ibidem, hanc euidèntiam credibilitatis prærequisitam ad Fidem supernaturalem non esse æqualem in omnibus, nec eodem modo esse postulandam in simplicibus credentibus, ac sapientibus: *Nam isti (inquit) per se illam percipiunt, penetrando eius media & principia; illi verò in Fide, & traditione Ecclesiæ, & sapientum illam participant: nam illis satis est quòd videant sapientissimos viros, & multitudinem Christianorum hanc Fidem amplecti ut indubitatum, & infallibilem; & quòd audiant illam esse*

confirmatam multis miraculis, & quòd hoc fiat illis moraliter, & humano modo certum; ac denique quòd intelligant, talem doctrinam esse consentaneam rationi, nihilque contrarium in illa inueniant: nam hæc sufficiunt, vt respectu illorum fiat doctrina Fidei euidenter credibilis.

201 10 Addit verò Eximius Doct̃or, & probat ex D. Thoma quodlib. 2. art. 6. si contingat, exteriorem prædicationem Fidei, & propositionem non esse sufficientem ad formandum iudicium ita firmum, & euident de credibilitate Fidei, & homo faciat quod in se est, non de futuram Divinam inspirationem: quia Deus non deficit in necessarijs, & tunc illuminatio interior necessaria est: atque adeò tunc per Divinam inspirationem, & vocationem internam posse compleri huiusmodi credibilitatem. Quare licet simplices homines per se non sint capaces illius evidentie immediate, vt sic dicam, & speculativè deductæ ex suis principijs, & motivis, sunt capaces illius, mediante fide humana de miraculis, & alijs testimonijs, & testibus huius Fidei, & iuari possunt interna illuminatione, quæ nunquam deerit facienti quod in se est.

„ Et ob hanc causam (subiungit Magnus Suarez)
 „ Prædicatores Evangelici, qui versantur inter in-
 „ fideles, & catechizant adultos novè conversos,
 „ non malè faciunt, illos admittendo ad baptis-
 „ mum post sufficientem instructionem: debent
 „ autem imitari Philippum, qui Actor. 8. postquã

„ instruxit Eunuchum, & ille interrogavit, an li-
 „ ceret se baptizari, respondit: *Si credis ex toto cor-*
 „ *de, licet.* Pondero enim ibi particulam *ex toto cor-*
 „ *de*, per quam postulavit fidem super omnia, iux-
 „ ta phrasim Scripturæ, atque adeo omnino cer-
 „ tam. Hanc ergo Fidem debent postulare huius-
 „ modi Prædicatores à noviter conversis. & illos
 „ ita instruere partim docendo, partim excitando
 „ ad postulandum Divinum auxilium, ut possint
 „ illam concipere, & tunc credere possunt, & de-
 „ bent illis dicentibus, se ita credere, & confe-
 „ quenter illos baptizare sicut Philippus fecit.

¶ I I Dùm autem Prædicatores cathecumenos
 instruunt, & per argumenta credibilitatis effica-
 citer persuadent, Religionem Christianam esse à
 Deo datam hominibus, admonere illos debent, ut
 mysteria altissima Religionis Christianæ firmissi-
 me, & cum summa adhæssione credant, non iam
 propter authoritatem ipsorum prædicantium, nec
 propter rationes humanas, vel etiam propter sig-
 na supernaturalia, quæ persuadent, Deum esse
 Authorem Religionis Christianæ; sed vnicè ob
 summam authoritatem Dei revelantis, illos pau-
 latim pertrahendo, ut altissimam æstimationem
 concipiant de Dei authoritate, & in præstando as-
 sensu mysterijs non innitantur rationibus tan-
 quàm motivo assentiendi mysterijs, sed ut per il-
 las sibi firmiter persuadeant, Deum revelasse hæc
 mysteria, & postquam sic persuâssi sunt, iam vni-
 cè

Demonstratur Diuinitas Christi. 129
cè ob authoritatem Dei credant mysteria revela-
ta, quæ Religio Christiana credenda proponit.

§. VI.

*Quomodo se gerere debeat Catholicus rusticus cum hæ-
retico petenti ab ipso rationem suæ Fidei, & interrogan-
ti, cur credat: v.g. Purgatorium, vel præsentiam
Christi in Eucharistia?*

12 **N**OSTER Cornelius à Lapide expo-
nens verba illa D. Petri nupér ex-
pensa: *Parati semper ad satisfactionem omni poscenti
vos rationem de ea, quæ in vobis est Fide*, notat perpe-
ràm hæreticos ex hiscè verbis vrgere laicos indo-
ctos, vt secum de Fide disputent: *Hoc enim ad Sacer-
dotes, & Doctores pertinet*; redditque rationem ex
ipso textu: *Nam responsionem exigit S. Petrus, non dis-
putationem, eamque dandam infidelibus in origine Ec-
clesiæ, non hæreticis, confirmata iam Fide, omnium sæ-
culorum consensu.* Laici ergo rogati ab hæreticis,
cur credant: v.g. Christum esse præsentem in Eu-
charistia? respondeant: quia id credit, & credidit
Ecclesia omni sæculo, quæ est Columna, & Firma-
mentum veritatis vtpotè Sponsa Christi gubernata,
& protecta ab Spiritu Sancto: quare stolidum
esse hoc post tot sæcula in dubiū revocare.
Ita Tertullianus lib. de Præscript. adversus hære-
tic. cap. 17. vbi addit rationem: *Quoniam*, inquit,

nihil proficiet congressio Scripturæ, nisi planè ut aut stomachi quis ineat eversionem, aut cerebri. Respondeat cum Augustino epist. 165. Tenet me in Ecclesia ab ipsa Sede Petri Apostoli, cui pascendas suas oves Dominus commendauit vsque ad præsentem Episcopatum successio Sacerdotum.

13 Respondeat cum Hieronymo in Dialogo contra Lucifer. in fine: *Breuem tibi apertamque animi mei sententiam proferam, in illa Ecclesia esse permanendum, quæ ab Apostolis fundata in hanc diem durat.* Respondeat: Ego credo quòd mihi credendum proponit Ecclesia illa, de qua Christus dixit: *Tu es Petrus, & super hanc petram ædificabo Ecclesiam meam, & portæ inferi non præualebunt aduersus eam.* Hæc enim alia esse non potest quàm Ecclesia Catholica Romana, quæ per totum orbem dispersa continuata serie Pastorum vsque ad hanc diem perseverauit, & secundum promissionem Christi in æternum durabit. Credo illud quòd credit illa Ecclesia, intrà quam vixerunt tot Martyres, tot Virgines, tot Confessores, & tot Doctores, in qua floruerunt Augustinus, Hieronymus, Ambrosius, Gregorius, Nazianzenus, Basilus, Chrysostomus, Athanasius, Thomas, Bonaventura, & alij innumeri, in qua vixerunt Martinus, Nicolaus, Gregorius Taumaturgus, Benedictus, Bernardus, Dominicus, Franciscus, Ignatius, Franciscus Xauerrius, Franciscus de Paula, Theresia à Iesu, & alij innumeri viri sanctissimi, & femina: stultum enim est

est existimare quòd Spiritus Sanctus huic Ecclesiæ veritatem tam necessariam occultaverit, & per-
miserit, tot illustres Sanctos, & Doctores, & tot
Sanctissimas Virgines in continuo, & perpetuo
errore versatos fuisse, & quòd post tot sæcula vni
Calvino, vel Zuinglio, vel alijs eiusmodi novato-
ribus veritatem aperuerit. Omnino ridiculum est
dicere, Spiritum Sanctum non adfuisse Ecclesiæ in
Concilijs Generalibus congregatæ, in quibus de-
finitum est, in Eucharistia ex vi consecrationis de-
strui substantiam panis, & eius loco succedere
Corpus Christi; adfuisse verò Calvino, qui opposi-
tum pertinaciter asseruit. Stultissimum enim est
iudicium vnus hominis privati, qui nullis miracu-
lis claruit, nec virtutibus magnis præditus fuit; sed
magnis vitijs fœdatus, præferre iudicio totius Ec-
clesiæ, iudicio tot Doctorum litteris, & sanctita-
te præstantium, & qui in omni sæculo miraculis
claruerunt; Et sibi persuadere, Calvinum accepisse
à Deo Spiritum interpretandi Scripturas, &
tunc Spiritum non accepisse tot Ecclesiæ Patres
illustrissimos, qui vnanimi consensu constanter
semper docuerunt, verba illa Christi: *Hoc est Cor-
pus meum*, intelligenda esse in sensu litterali, & pro-
prio, & vi illorum poni Corpus Christi sub spe-
ciebus panis: quod Calvinus contra communem
totius Ecclesiæ sensum, & Patrum sententias au-
sus est negare.

hæretico disputationem admittat; sed vnicè persistat in illa ratione, quæ veritatem Christi in Eucharistia reddit evidentè credibilem; quia nimirum id semper tenuit, & credidit Sancta Ecclesia, quæ ab Apostolo appellatur *Columna, & Firmamentum veritatis*: & incredibile sit quòd Deus suam Ecclesiam deseruerit, vt idololatriam per errorem committeret, adorando purum panem tanquam Christum. Si autem hæreticus voluerit adducere argumenta, quæ ostendant, impossibile esse præsentiam Christi in Eucharistia; ipse minimè argumenta audiat; sed arguentem ad Doctores Ecclesiæ remittat, qui ei scient respondere, & dicat: Doctores sapientissimos, & acutissimos, vt Augustinum, Thomam, & alios hoc mysterium firmissimè credidisse, quod non fecissent si argumenta eiusmodi non essent fallacia; sibi sufficere credere quod illi crediderunt, & tota Ecclesia semper credidit; se certum esse, Ecclesiam non posse credendum proponere aliquid falsum, & impossibile, & hoc sibi abundè sufficere, vt firmissimè hoc credat, quamvis ratione naturali non possit assequi quomodò hoc fiat; sibi satis esse scire quod Christus dixerit: *Hoc est Corpus meum*, & Fide firmissima credere, Christum esse Deum omnipotentem, qui multa potest facere, quæ homo non valet intelligere; se non esse obligatum reddere rationem de mysterijs, quæ fides docet: quia sunt supra rationem, & esse omnino iniustum velle probare quod

Fides sit falsa, eo quòd habet myſteria, quæ lumi-
ni naturali videntur ſummè difficilia; imò & re-
pugnantia: ſiquidem evidens eſt, Deum plura poſ-
ſe facere quàm homo valeat comprehendere. Vi-
dè ſtultum eſt arguere quod Fides ſit falſa quia
habet myſteria difficillima, quæ lumine naturali
deſtituto luce Fidei videntur impoſſibilia: nam
Fides iuxta Apoſtolum eſt *argumentum non appa-
rentium*, id eſt de myſterijs obſcuris, quæ per ra-
tionem naturalem non apparent; & illa ratio con-
tra veritatem Eucharistiæ formata poteſt in ar-
guentem retorqueri: quia ſimili argumento im-
pugnare poſſet myſterium Trinitatis, & myſte-
rium Incarnationis, & contendere, nihil eſſe ve-
rum, niſi id, quod ratione naturali comprobari va-
let; quod eſt planè Fidem ſupernaturalem de me-
dio tollere.

15 Notat inſuper Cornelius à Lapide, cautè
S. Petrum monuiſſe *fideles*, vt ſemper ſint parati
ad dandam rationem ſuæ Fidei; non autem vt ſem-
per dent: quia ſemper nos paratos eſſe oportet, at
non ſemper actu dare rationem Fidei, & ſpei no-
ſtræ: v.g. Cùm irriſſores poſcunt rationem vt irri-
deant eam, incapaces ſunt, cum per hoc roganti-
bus, vel alijs damnum, aut periculum creatur, iux-
ta illud Chriſti, *Nolite ſanctum dare canibus,*
*neque mittatis margaritas veſtras ante por-
cos.* Matth. 6. v. 7.

§. VII.

Quomodo Doctor Catholicus agere debeat cum hæreticis, ut evincat vera esse omnia dogmata, quæ credenda proponit Ecclesia Catholica Romana?

16 **N**EQVE Solùm Catholicus indoctus debet sic respondere hæretico petenti ab ipso rationem suæ Fidei, & impugnare conanti veritatem mysteriorum, in quibus Catholici ab hæreticis dissident; sed etiam, ut rectè admonet Caramuel in Theologia fundamentali fundament. 3. omnes controversiæ, quæ sunt inter Catholicos, & hæreticos ad vnam possunt reduci, nimirum ad hanc: *Quenam sit vera Christi Ecclesia?* Addiderim ego, Doctorem Catholicum, qui certamen publicum vult cum hæretico inire de Religione, si velit de adversario triumphare; & strenuè pugnare, debere omnes controversias ad hanc vnam reducere: *Quenam sit vera Christi Ecclesia?* Nam si semel demonstraverit, solam Ecclesiam Catholicam Romanam esse veram Christi Ecclesiam, facile inde convincet, vera esse omnia dogmata, quæ credenda proponit: quia cum vera Christi Ecclesia sit *Columna, & Firmamentum veritatis*, nequit errores tanquam veritates certissimas sustentare, ac proinde nequit aliquid falsum tanquam articulum Fidei fidelibus proponere.

17 Imò vniversalitèr P. Michael de Elizalde in aureo illo, & fūdatissimo opere de forma veræ Religionis quærēdæ, & inveniēdæ q. 8. solidissimè probat, veram Religionē nec quæri debere, nec inueniri posse per examen rerū, quas docet: tūm quia res ista longissīma foret: quicumque enim veram Religionem per examen rerum quærere instituat, necesse est, vt non vnam, sed omnes Religiones, resque illarum examinet, discutiat, & iudicet, quādiū saltē veram non invenerit. At hoc nemo mortalium præstare valet, nullus enim vel sola nomina novit sectarum, Religionumque omnium: de Christianorum solū divisionibus iam pridē agens Augustinus lib. de Hæresibus fatetur, nec à se, nec ab alio quoquam, nec à doctissimo quidem Hieronymo hæresum omnium haberi notitiam, & Celsum quemdam sēx non parva volumina implevisse sectis dumtaxat Philosophorum. Tūm quia doctrina veræ Religionis naturā suā est de rebus altissimis, & mysterijs difficilimis, quæ per rationem naturalem non possunt efficacitèr probari: vndè ad examen rerum vocata, difficilior, & obscurior erit, quàm falsa Religio, proindeque ab examine isto, non victrix forsàn, sed victa evadet. Quærenda ergò est, & inveniēda per examen fundamentorum, quæ concludant, illam esse à Deo datam. Hoc vbi constiterit, debet omnia illius mysteria intellectus firmissimè amplecti, illis assentiendo propter authoritatem Dei, quem novit esse
cuius

eius Religionis Authorem, quamvis mysteriorum rationem nullatenus assequi possit.

18 Hinc rectè probat, formam quærendi, & inveniendi veram Religionem contineri in illis verbis Apostoli 2. ad Timoth. 1. *Scio cui credidi*, in quibus scientiâ, & Fidem Apostolus coniungit, quia nimirum veræ Religionis cultores, & *scire*, & *credere* debent, *credere* quidem, quia doctrina tota veræ Religionis à Deo data, & revelata est, ac proinde tota sine examine, siuè discussione, & sine disputationibus credenda est, eiusque proinde mysteria potius sicut pilula amara vno haustu integra deglutienda sunt, quàm sicut cibus atterenda, ruminanda, & comminuenda. *Scire* autem: quia veræ Religionis cultores non debent eius mysteria tanquàm à Deo revelata firmissimè credere, quin prius sciant, Deum esse authorem talis Religionis, omniaque proinde eius mysteria revelasse. Hanc autem scientiam habere non possunt, quin videant talia adesse fundamenta ad iudicandum, illam Religionem esse à Deo, ut prudenter de hoc dubitare non possint. Proinde debent habere evidentiam saltem moralem de eo quòd Deus sit Author talis Religionis, eiusque mysteria revelauerit, ac proinde debent evidentè iudicare mysteria illa esse credibilia Fide Divina, id est posse, ac deberi credi cum summa adhæssione, qualis Deo loquenti debetur. Et hac de causa omnes professores falsæ Religionis, per se

loquendo, sunt inexcussabiles, quia sine fundamēto suscipiunt dogmata illius Religionis tanquā à Deo revelata: siquidem Religio falsa nequit habere evidentia credibilitatis argumenta, id est talia, quæ virum probum, & sapientem ea expendentem convincant, & cogant iudicare, illam Religionem esse à Deo. Hinc inexcussabiles sunt Mahumethani, qui Mahumetum tanquā Dei Prophetam venerantur, & totam doctrinam Alcorani, vt à Deo datam credunt; quin habeant, non dico evidentiam moralem; sed neque prudens, & probabile fundamentum ad iudicandum, Mahumetum fuisse verum Dei Prophetam. Similitè Lutherani, & Calvinistæ inexcussabiles sunt, quia doctrinam Calvini, & Lutheri tanquā à Deo revelatam credunt, quin habeant evidentiam, nec probabile quidem fundamentum ad sibi persuadendum, homines istos fuisse missos à Deo ad reformandam Ecclesiam, sed potiùs, nisi meridiana in luce caligare velint, evidentissimè deprehendere possunt viros illos à Deo missos non fuisse; sed ab spiritu superbiæ, ambitionis, & consequenter à diabolo seductos esse: quia nullum signum veri Apostoli, veri Prophetæ, & nuntij à Deo missi illis adaptare possunt; cum evidentissimè constet, fuisse homines carnales, ambitiosos, novatores, nulla insigni virtute præditos, nullis signis, & virtutibus conspicuos.

19 Professores ergò veræ Fidei debent ha-
be-

bere scientiam, & fidem; scientiam de eo quòd Deus sit Author talis Religionis, Fidem de myste-
rijs: quia Deus veram Religionem talibus notis,
privilegijs, signis, & argumentis veritatis vestivit,
atque ornavit, vt dubitare prudenter non sinat, ip-
sum esse eius Authorem; aliunde verò mysteria a-
liqua veræ Religionis debent esse talia, vt ratione
naturali non possint efficaciter probari, proinde-
que nemo prudens possit assensum firmum illis
præbere, nisi per Fidem, id est nisi propter autho-
ritatem Dei revelantis, & non propter rationem
naturalem manifestantem ipsam veritatem.

20 Hac de causâ, vt suprà dicebamus, S. Pe-
trus disputans cum Simone Mago, cum ab illo vr-
geretur, vt prius quàm vltrà procederent in exa-
mine veræ Religionis, probaret, animam esse im-
mortalem, quia frustra in quærenda vera Religio-
ne fatigarentur, si anima mortalis sit, noluit cum
Mago hâc viâ procedere; & quidem prudentissi-
mè: quia quamvis animæ immortalitas, quam Fi-
des Christiana credit, ratione quoque probare
possit; sunt tamen in ea multa mysteria omninò
suprà rationem; vndè abstinens ab examine my-
steriorum, totum se Petrus convertit ad proban-
dum, Religionem Christianam esse à Deo, vt sic
Magum compelleret credere omnia Religionis
Christianæ mysteria, quia Deus illa revelavit,
quamvis ratione naturali probari non possint.

21 Hinc sapienter S. Thomas in 3. dist. 24.
quæst.

quæst. 2. art. 3. observauit, notandum discrimen inter fidem præstandam Deo, & fidem præstandam hominibus nobis loquentibus. Nam hominibus aliqua nobis narrantibus credere non debemus sine examine rerum, quas nobis dicunt, & inspicendum nobis est quæ, & qualia sint quæ dicunt, an possibilia, an absurda, an cohærentia? cum enim homines vel per ignorantiam falli, vel per malitiam fallere possint, non satis est ad illis credendum, quòd sciamus, eos nobis loqui; sed attendere debemus ad id quòd loquuntur, & examinare, an verisimile sit, &c. At cum evidens nobis sit, Deum nec fallere, nec falli posse; vt Deo aliquid affirmati certissimè credamus, non debemus examinare quale sit illud, an possibile; an impossibile, sed totum nostrum studium sistere debet in examinando, an Deus sit qui nobis loquitur? Postquam autem per argumenta evidentia credibilitatis nobis innotuerit, Deum esse, qui nobis loquitur, statim, clausis oculis discursus humani, firmissimè debemus credere omnia, quæ dicit, quamvis difficilissima sint, & quamvis, secluso eius testimonio, nobis impossibilia apparereant: debemus enim capitivare intellectum in obsequium Dei testificantis, quamvis ea, quæ nobis testantur in se inspecta, & per rationem naturalem examinata, videantur nobis impossibilia: quia evidens est omnino, Deum non posse fallere, nec falli in ijs, quæ dicit: & non est evidens, non posse falli discursum humanum in

ijs, quæ evidentia putat; sed potius multiplici experientia constat, homines sæpè postea falsa deprehendisse ea, quæ priùs evidenter vera esse existimabant.

22 Ad hunc ergò modum procedendum est Doctori Catholico in disputatione, & certamine cum hæretico: non enim debet permittere, ut certamen ineatur, examinando veritatem singulorum mysteriorum, quæ Religio Catholica Romana credenda proponit: hæc enim disputatio multos dies, imò & menses consumet: & per illam nihil comperietur, nec alius fructus colligetur, quàm capitis vertigo, & fractio. Et ut sapienter dicebat Tertulian. lib. de præscription. c. 15. Doctor hac via incedens, nunquam quicquā absolvet; sed *ipse quantumvis fortis congressu fatigabitur; infirmi capientur, medij cum scrupulo dimittentur.* Melior quippè erit adversarij causa: nam afferet fortiora, vel verisimiliora, clariora, & facilia; magisque popularia. Quare hæreticum ad hoc punctum controversiæ debet trahere, quænam scilicèt sit vera Ecclesia, quam Christus supra Petrum fundavit. Nam hæreticus cum Catholico Doctore disputans, fateatur, Christum supra Petrum fundasse Ecclesiam, fateatur, Christum dixisse: *Tu es Petrus, & super hanc Petram ædificabo Ecclesiam meam, & portæ inferi non prævalebunt adversus eam;* & nè blasphemus sit, fateri debet, Christum verè promississe, & promissionem suam opere complevisse. Rursus fateatur,

Demonstratur Diuinitas Christi. 141

Ecclesiam illam, quam Christus supra Petrum fundavit, esse *Columnam*, & *Firmamentum veritatis*; quia hoc Apostolus Paulus expressè docet, & in promissione Christi manifestè cōtinetur. Sic ergò illum Doctor Catholicus aggrediatur. Inter nos convenit, Christum Dominum veram Ecclesiam fundasse; convenit rursùs, veram Christi Ecclesiam, cū sit *Columna*, & *Firmamentum veritatis*, non posse esse *Magistram errorum*: ergò inter nos convenire debet, vera esse omnia dogmata, quæ vera Christi Ecclesia credenda proponit. Et tunc subsūmat: At hæc vera Christi Ecclesia non est Ecclesia Calviniana, nec Lutherana; sed sola Ecclesia Catholica Romana. Ergò vera sunt omnia dogmata, quæ credenda proponit Ecclesia Catholica Romana. At hæc credenda proponit præsentiam realem Christi in Eucharistia, septem Sacramenta, Purgatorium, &c. Ergò hæc omnia vera sunt. Ad probandam autem illam primam minorem subsumptam, suppetunt Doctori Catholico argumenta demonstrativa; quæ apud eos, qui admittunt Scripturas, ac Historias, & veterum Patrum scripta non solum faciunt evidentiam credibilitatis; sed etiã evidentiam veritatis, vt latè ostendit Bellarminus lib. 4. de Ecclesia Militante, qui est de notis Ecclesiæ cap. 3. Valentia tom. 3. disp. 1. q. 1. punct. 4. Suarez disp. 4. de Fide sect. 3. & 4. Lessius in opusculo de vera Religione capessenda, & Becanus in manuali controversiarum, & novissimè

Richardus Arfdekin tom. 1. Theologiæ tripartitæ tract. 1.

CAPVT SECVNDVM.

*Stabilitur iam; Religionem Christianam non solum esse
evidenter credibilem; sed evidenter veram euidentiâ
extrinsecâ, & in attestante, quatenus eui-
denter probatur, Deum esse Autho-
rem illius.*

§. I.

23 **H**ANC Veritatem solidissimè probant
duo Authores moderni: alter recen-
tissimus, nimirum Petrus Daniel Huezius, Serenif-
simi Delphini, seu Primogeniti clarissimi Regis
Galliæ Ludovici Decimiquarti, Magister, qui
egregium edidit opus anno 1682. cui titulus:
Demonstratio Evangelica, in cuius præfatione fiden-
tèr asserit, & constantèr affirmat, veritatem Reli-
gionis Christianæ probari posse eo genere de-
monstrationis, quod non minùs certum sit, quàm
demonstrationes ipsæ geometriæ: & hæc demon-
stratio scopus est illius operis duobus tomis di-
stincti. Summam autem huius demonstrationis
proponit Author in fine operis: nam ad pauca cō-
trahens quæ fuisse in toto opere scripserat, de-
monstrationem ob oculos æqui Lectoris propo-
nunt

nit his verbis: *Libri noui, & veteris Testamenti his temporibus scripti sunt, quibus feruntur scripti, & ab his scripti, quibus tribuuntur. Hinc sequitur, totam Iesu Nazareni historiam in veteri Testamento longè ante prædictam esse, quàm eueniret in nouo. His porro concessis, libros nimirum veteris, & noui Testamenti his temporibus esse scriptos, quibus feruntur esse scripti, & ab ijs scriptos, quibus tribuuntur; & prophetias veteris Testamenti de Iesu Nazareno completas esse in nouo, consequens est, veraces esse libros noui, & veteris Testamenti. Quod si prophetie veteris Testamenti de Iesu Nazareno completæ sunt in nouo, & veraces sunt libri noui, & veteris Testamenti, ex eo efficitur, Iesum Nazarenum esse Messiam. Quo posito, veraces nempe esse libros noui, & veteris Testamenti, & Iesum Nazarenum esse Messiam, fatendum omninò est, veram esse Religionem Christianam. Hactenus ille.*

24 Alter est aliquantulum antiquior, videlicet P. Michael de Elizalde nostræ Societatis, & meus in Metaphysica Magister, vir subtilissimi, atque profundi ingenij, & solidam doctrinam amantis, vt probant eius monumenta de recta doctrina morum, quæ sub anagrammate Antonij de Cella Dei omnium manibus teruntur, & præclarum illud, & fundatissimum opus de forma veræ Religionis querendæ, & inveniendæ, quod in lucem edidit anno 1662. Hic Author quæst. 19. illius operis tanquàm fundamentalem, & capitalem conclusionem statuit, esse manifestam, ac de rebus

moralitèr evidentibus, quæ nam inter omnes sit vera, ac Dei Religio. Moralem autem evidentiam appellat, non quia careat connexione infallibili cum veritate; sed quia illam evidentiam pariunt loca, principia, seu fundamenta pertinentia ad moralem scientiam. Afferit ergo, veram Religionem, quæ non est alia quam Christiana, & inter Christianas, Catholica Romana, talibus, ac tantis fundamentis esse communitam, quæ omnem perfectè dispositum audientem convincant, quæ omnem probabilitatem à cæteris Religionibus adimant, & quæ nullum illius cultorem dubitare sinant, ac proinde docet, tam evidens esse quòd Religio Christiana sit vera Religio, & quòd Ecclesia Catholica sit vera Christi Ecclesia, quàm evidens est quòd detur Roma, & India: quæ appellatur evidentia moralis, non quia hæc evidentia fallibilior, aut incertior sit, quàm physica; sed quia est diversæ naturæ, ac conditionis. Similia videtur tradere Coninch disp. 11. de Fide: nam ibi num. 72. hanc conclusionem statuit; omninò tanquàm certum statuendum est, posse clarè demonstrari, quæ sit vera Christi Ecclesia, ac recta Fides.

25 Ego hanc doctrinam verissimam censeo: nam attentè rem sæpe meditatus, dùm conciones haberem contra Mahumethanos, contra Iudæos, & hæreticos luce meridiana clariùs semper iudicaui, Deum esse Authorem Religionis Christianæ,

Demonstratur Diuinitas Christi. 145

ac proinde, falsas esse omnes sectas ipsi oppositas; inter Religiones autem Christianas, solam Catholicam Romanam esse veram Christi Ecclesiam; omnes autem hæreticorum sectas esse Synagogas Sathanæ, & certam ad æternam mortem viam. Hac de re duplicem disputationem dictavi in hac schola Salmanticensi in tractatu Selectarum disputationum de Fide in cursu Theologico anni 1585. alteram, in qua probavi; Religionem Christianam non solum esse evidentè credibilem, sed etiam evidentè veram evidentia in attestante, & per principia extrinseca atque reflexa: alteram in qua ostendi supposita fide in Christum, veritatem Religionis Catholicæ Romanæ non solum esse evidentè credibilem, sed etiam evidentè demonstrabilem. Ex his verò, quæ futo calamo, & secundum scholæ stylum, disputavi, pauca solvam, quæ hic subiungam.

§. II.

Ex eo quòd evidens sit Deum existere, & providentiam hominum habere, necessariò infertur, existere veram aliquam Religionem in mundo. & hanc non esse aliam, quàm Christianam, quæ præ reliquis credibilis redditur.

26 **E**XISTERE Supremum aliquod Numen, quod sit primum principium, &

ultimus finis omnium, evidens est, vt passim demonstrant Philosophi, atque Theologi, inter quos Lessius in opusculo de Providentia Numinis quindecim dilucidis rationibus id manifestè ostendit. Hoc autem Numen providentiam hominū habere, evidens quoque est: cum enim stupidissimæ etiam pecudes suorum fœtuum curā gerant, Deus Optimus Maximus cognitione exquisitissima, potētia firmissima, & voluntate optima præditus, curā hominum, quos ad imaginem, & similitudinem suam creavit, prætermittere nō potuit. Vnde S. Iob cap. 34. v. 13. hanc providentiam ex munere creatoris vt rem manifestam deducit: *Quem, inquit, constituit alium super terram? aut quem posuit super orbem, quem fabricatus est?* Et idē Dominus ipse Isaia 49. num. 14. inquit: *Nunquid obliuisci potest mulier infan-tem suum, vt non misereatur filio vteri sui. Etsi illa oblita fuerit; ego tamē non obliuiscar tui.* Vnde in repentinis periculis naturæ, quodam instinctu absque deliberatione, omnes homines ad Deum recurrunt, eiusque opem implorant: ò Deus! succurre, ò Deus! adiuua me, ò Deus! miserere,

27. Evidens quoque est, Deum homines creasse, vt ipsum cognoscant, ament, & colant: *Homo creatus est, inquit. Augustinus, vt summum bonum intelligeret, intelligendo amaret, amando possideret, possidendo frueretur.* Hinc Paulus Actor 17. cum Atheniensibus loquens, & eis notitiam ingerens Creatoris, & finis, ad quem homines destinavit occasio

sione sumpta ex altari, quod ignoto Deo dicaverant, dixit: *Quod ignorantes colitis, hoc ego annuntio vobis. Deus, qui fecit mundi, & omnia, quæ in eo sunt, hic cæli, & terræ cùm sit Dominus, non in manufactis templis habitat, neque manibus hominum colitur indigens aliquo, cùm ipse det omnibus vitam, & inspirationem ad omnia, fecitque ex vno omne genus hominum inhabitare super vniuersam faciem terræ definiens statuta tempora, & terminos habitationis eorum, querere Deum, si fortè attrectent eum, aut inueniant, &c.* Quasi diceret, vt explicat noster Cornelius *hoc sine homines ita distribuit, & moderatur per tempora, & loca Deum, vt eum investigent, & quærant, & cognoscant, & ament, & colant.* Mundus enim est quasi animal, cuius Spiritus, & veluti anima est Deus, oculi sunt Luna, & Sol, hepar, venæ, sanguis, & phlegma sunt fontes, aquarum venæ, & flumina; proles sunt arbores, herbæ, flores, animalia, homines, quæ omnia vivificat, vegetat, fovet, alitque Deus. Vndè ex his facillè inveniri, cognoscique potest.

28 *Si forte attrectent eum, id est palpent, vt exponunt Pagninus, Batablus, & alij.* Significat Apostolus, Deum à nobis in hac vita videri, & clarè cognosci non posse, nosque quasi cæcos, palpan-
do vestigia Dei, puta creaturas, ad eius notitiam pervenire. Sicut enim cæcus palpan-
do pervenit ad locum, quò tendit, ita nos palpan-
do, & vestigando creaturas, pervenimus ad Deum earum Creatorẽ.

Sen-

29 Sensus ergo est, *si fortè homines Deum at-*
treſcent, non tactu corporeo, ſed metaphorico, &
 mentali, id eſt *ſi mente attingant*, inveniant, & cog-
 noſcant Deum, vt eum venerentur, ament, & in-
 vocent: cognoſcant, inquam, ex eius operatione, &
 productione rerum omnium. Sicut enim cæcus, ſi
 in ſylvis denſiſſimis, vel in domo pleniſſima ſit, ſi
 vel leuiter ſe commoueat, in arbores, parietes,
 reſve aliàs impinget: ſic vbique homini occuſat,
 imò incurſat Deus. Quis enim ſi penitus ſuum cor-
 pus, eiusque membra, & organa tòt, tamque varia,
 ſi ſuam animam, eiusque ſenſus, potentias, motus,
 & actiones, ſi ſuum eſſe tam mirum, & multiplex
 conſideret, maximè cum qua ratione hæc facta
 ſint, & fiant, illicò nō colligat eſſe Numen intra ſe,
 quod fabricam hanc inſtar horologi j tòt machi-
 nis, & organis inſtructam fabricarit, ordinaverit,
 tueatur, & moderetur; quod admirabiles illos mo-
 tus cieat; quod harmoniam illam ſtupēdam corpo-
 ris, & animæ, ſenſuumque & membrorum, mentis,
 & carnis inter ſe Divina arte miſceat, contempe-
 ret, & arctiſſimè in vnum compositum conſortiet?
 Ita Gaſpar Sanchez. In omni re namque, motu-
 que ad aliquod principium immobile tanquàm ad
 primam cauſam eſt deveniendum.

30 Et ſanè tam exquiſito artificio ſingulæ
 partes hominis ſunt conformatæ, & ad ſuas fun-
 ctiones, & fines aptatæ, vt nulla ars, nulla ſapientia
 vel minimum poſſit adijcere, aut emendare. Et
 hinc

hinc evidens conficitur argumentum: ista omnia à sapientissima quadam mente sunt excogitata, quæ singula distinctissimè consideraverit, & stupenda arte exterius curiosissimè effecerit. Tot enim proportionum penes longitudinem, latitudinem crassitiem, & extensionem inter partes hominis ad invicem, & in ordine ad totum considerant Philosophi, ut P. Lessius lib. 1. de Providentia Numinis num. 36. affirmet, plusquam centum millia proportionum in solius hominis fabrica reperiri, quarum si aliqua deficeret, non esset corpus omninò proportionatum, & pulchrum: nam in hac partium inter se, & cum toto symetria consistit totius corporis pulchritudo.

31 Evidens ergo est, dari supremum Numen, infinitamque mentem, quæ curam hominum habeat, quos tam artificiosè creavit, velitque ab ipsis amari, & coli. Cū verò varij sint cultus, & Religiones erga huiusmodi Numen, nimirum Religio Christiana, Iudaica, & Mahumethana, ad quas revocantur sectæ omnes, quæ nunc vnum Deum, supremumque huius mundi rectorem agnoscunt; & cum quælibet ex his damnet alias tanquam impias, & Deo invissas, & illæ sint inter se ex diametro oppositæ quoad præcipua dogmata, & articulos, quos de Deo credunt, evidens est, ex illis tribus vnam solum esse veram, & à Deo datam; reliquas verò esse falsas, & à Diabolo in mundum invecetas post Christi adventum.

32 Ex his tribus evidens est vnam solùm esse veram; aliàs verò duas esse falsas. At hæc vna nequit esse alia, quàm Religio Christiana, quæ ita est evidentè credibilis, vt omnes teneantur illam credere cum summa adhæssione vt verâ: implicat enim vt Deus permittat Religionem falsam ipsius nomine promulgatam ita præeminere Religioni veræ in notis, & signis veritatis, vt omnes rectè dispositi, & sinceræ veritatis amatores teneantur eam amplecti cum summa adhæssione tanquam veram: possent enim omnes de Deo conqueri tanquam de deceptore, si permetteret vt Religio falsa, eique displicens proponeretur cum tanta apparentia veritatis, vt humano discursu nequeat deprehendi, eam non esse à Deo; sed omnes tenerentur ipsius articulos vt veritates revelatas à Deo cum summa firmitate credere: ergo evidens est evidentia extrinseca in attestante, & per principia reflexa, Religionem Christianā esse veram. Argumenta enim, quæ ipsam reddunt evidentè credibilem, vnum è tribus compertum, & evidens faciunt, nimirum, vel Deo nullam esse curam de rebus hominum, vel ipsi placere quòd illi in eius cultu decipiantur, vel Religionem Christianam esse veram. Cùm ergo duo priora sint evidentè falsa, tertium debet esse evidentè verum.

Demonstratur Diuinitas Christi. I 5 I

§. III.

Ex animæ immortalitate, & ex prouidentia Numinis euidenter infertur, dari in mundo aliquam veram Religionem, per cuius cultum homines pervenire valeant ad æternam fælicitatem: euidensque est, hanc non esse aliam, quam Christianam Catholicam.

33

ID ipsum alià via ostendere liber. Evidens est, animam rationalem esse immortalem, ac proinde cùm corpore non extingui: evidens quoque est, hominem à Deo fuisse creatum ad aliquam beatitudinem, & supremam fælicitatem, ad quam in hac vita pervenire non potest. Ergò evidens est, fuisse creatum à Deo ad aliquam fælicitatem, quæ solùm in alia vita obtineri potest. Ergò evidens est, Deum quantum est ex se sufficienter providisse hominibus viam, qua pervenire possent ad illam fælicitatem. At via perveniendi ad fælicitatem hominibus à Deo præstitutam, est vera Religio, veraque lex: ergò evidens est, Deum semper in mundo habuisse, & nunc habere aliquam veram Religionem, seu legem, per cuius observantiam homines possint pervenire ad supremam fælicitatem. Sicut enim vera lex est vera via, per quam homines ambulare debent, ut perveniant ad terminum suæ fælicitatis, ita legem observare, est per hanc viam ingredi ad fælicitatem, & beatitudinem. At evidens est, hanc veram legem à Deo datam hominibus neque esse

legem Mahumethanam, neque Iudaicam, quæ modò tenetur à perfidis Iudæis Christum Dominum blasphemantibus: ergò evidens est, esse Religionem Christianam.

34 Singula seorsim probanda sunt, & in primis quòd animus rationalis sit immortalis demonstratur à P. Lessio viginti duabus rationib. lib. de Provid. Numinis; nobis nunc sufficiat illa, quæ utitur D. Chrysostomus homil. 4. de provid. dicens: Si nihil est post hanc vitam? id est si anima cum corpore extinguitur: ergò nec Deus est: nam si Deus est, iustus est, si iustus est, iuxta merita unicuique distribuet; si autem nihil est post hanc vitam, ubi accipient singuli pro suis meritis? Multi hic benè habent, & in honore degunt, licèt mali; alij verò affliguntur, licèt iustè viuant. Si ergò posthac nihil est, emigrabunt iusti affecti iniuriis, & iniusti immerità felicitàte potiti. Vbi manebit ergò iustitia? Si enim nemo, quæ meritis est accipiat; nec Deus secundum se iustus est: si autè Deus non est iustus, neque Deus est, &c. Et infra: Atqui Deum esse creaturæ clamitant: igitur & iustus est: quòd si iustus est, tribuit unicuique quod iustum est; si unicuique quòd iustum est tribuit, necesse est, post hanc vitam esse tempus, in quo singuli iuxta merita accipiant. Huc usque ille. Ergò sicut evidens est, Deum esse iustum, evidens est, animam rationalem esse immortalem.

35 Vndè nullum est argumentum, quod con-

nā providentiam Dei erga homines desumitur ex frequenti experientia calamitatis in probis, & prosperitatis in pravis: nā potius hoc ipsum summa providentia est, ut possimus exercere virtutem, & mereri aliam solidiorem fœlicitatem. Quæ enim virtus foret ea sectari, quæ etiam in hac vita semper vel ferè semper afferrent delectationem, & prosperitatem? Porro si id eveniret, nulum esset discerniculum inter virtutis, & voluptatis amatores, ut supra dicebamus ex Cardinali Palavecino.

36 Remunerat quandòque Deus in hac vita virtutem, & vitia castigat, ut experientià discamus, Deo virtutem placere, & displicere vitium, & sic experiamur eius erga nos providentiam. Nō tamen semper hoc facit: quia si semper ita faceret, occasio daretur hominibus exercendi virtutem, non propter eius honestatem; sed propter commodum certò ex illa proventurum in hac vita: occasio etiam daretur suspicandi, pòst hanc vitam non superesse aliam, in qua Deus unicuique pro meritis redderet præmium, vel supplicium: cū viderent, semper Deum in hac vita virtutem præmiare, & vitium punire. Sicut ergò ad certificandum nos de providentia sua erga homines sæpè in hac vita virtutes remunerat, & castigat vitia: ita ad certificandum nos de immortalitate animæ sæpè in futurum reservat præmium virtutis, & vitij supplicium.

37 Deinde quòd homo sit creatus ad aliquam beatitudinem, & fœlicitatem, constat ex naturali desiderio, omnibus à natura insito, perveniendi ad beatitudinem. Vt enim inquit Augustinus lib. 13. de Trinit. cap. 8. *Omnes beatos esse velle, veritas clamat, natura compellit, cui summè bonus, & immutabilis Creator hoc indidit.* Impossibile autem est, inquit D. Thomas statim citandus, naturale desiderium esse inane: natura enim nihil facit frustra; esset autem inane naturæ desiderium, si nunquàm posset impleri: est igitur implebile naturale desiderium hominis, perveniendi scilicet ad fœlicitatem, & beatitudinem. Quòd autem hæc beatitudo in hac vita obtineri non valeat demonstrat evidentè S. Thomas multis rationibus 3. contra gent. cap. 48. quæ apud ipsum videri possunt.

38 Et sanè per se manifestum est, non posse beatitudinem, & vltimam fœlicitatem animæ immortalis cum vita corporis niri; alioquin anima hominis iusti ita ardentè Creatorem diligentis, vt præ amore ipsius, & ne ipsum, vel leviter offenderet, tormenta acerbissima, & mortem ipsam sustineret, foret in æternum misera, quòd est manifestè absurdum. Probatque egregiè Cardinalis Palavestinus 1. 2. quæst. 2. art. 1. Deum in præmium virtutis debuisse assignare creaturæ rationali fœlicitatem æternam: nam finis, ad quém ordinata est à Deo, debet esse talis, vt non possit sine magna temeritate contemni; alioquin Deus proposuisset præ-

præmium, & supplicium leue, & contemptibile, ad proinde non sufficienter allexisset ad bonum, neque absterruisset à malo. Omne enim temporaneum potest sine magna imprudentia contemni, & ideo ait Christus: Nolite timere eos; qui occidunt corpus, neque amplius habent quid faciant, cuius rei exemplum dedit ipse, qui temporales cruciatus pro nostra salute contempsit; solum verò æternum sine magna imprudentia contemni non potest: nam omne temporale est tale, vt tempus illud, pro quo est malum, vel bonum, se habeat vt instans in ordine ad illud tempus, pro quo non est amplius malum, vel bonum, & respectu cuius est purè præteritum: nam de purè præterito neque gaudemus, neque dolemus, nisi quatenus ex illo præterito remanet aliquod bonum, vel malum præsens: quare bonum, vel malum purè temporale non habet simpliciter rationem boni, aut mali; sed secundum quid: homo enim respiciens totum tempus futurum, videt quòd ipse æterno tempore perinde se habebit, si nanciscatur hoc vel illud malum temporale, ac si eo careat: ergo hoc ipso quòd Deus voluerit allicere ad virtutem per ingentia bona; & arcere à vitijs per ingentia mala, debuit constituere præmium, & pœnam æternam: hæc enim sunt quæ nemo, nisi insigniter temerarius, despiciere possit.

39 Quod vltèrius confirmo: nam cum motus, & desiderium anxium naturæ rationalis tendat in

beatitudinem tanquàm in terminum, & requiem, impossibile est vt motus duret semper: Ergò necesse est, vt motui temporali huius vitæ succedat in probis, & iustis æterna requies, æterna ve fœlicitas alterius. Præterea cùm meritum ex natura rei præcedat præmium, impossibile est vt tempus merendi sit æternum: quia alioquin nunquam perveniretur ad præmium: ergò necesse est vt meritum sit temporale: ergò præmium merito succedens debet esse æternum: ergò euidens est, beatitudinẽ, quàm ingenito desiderio omnes homines vehementer appetunt, debere esse æternam, vt illius spe laborent, & per viam mandatorum Dei ad suam fœlicitatem tendant.

40 Euidens ergo est, Deum habere in mundo aliquam veram Religionem; veramve legem, per cuius observationem homines ad æternam fœlicitatem tendant: quia euidens est, illos Deus non creasse ad quærendas delectationes gustus, & tactus; sicut creavit bestias, quibus proinde dedit vultum in terram prouum: quia tota earum fœlicitas indelectatione sensuum consistit; sed ad ipsum colendum, & amandum, & per exercitia virtutum, & dominationem ipsarum perveniendi ad sempiternam in Cœlis fœlicitatem, & propterea illis dedisse vultum sursum erectum. At euidens est, hanc Religionem neque esse Iudaicam, neque Mahumethanam: ergò euidens est, esse Christianam. Minor subsumpta faciliè probatur: nam vt of-

Demonstratur Diuinitas Christi. 8157

tendit Bellarminus in libro de notis Ecclesiæ cap.
11. nulla est in mundo secta opposita Religioni
Christianæ Catholicæ, quæ non contineat aliquos
exploratos errores; & rectæ rationi manifestè con-
trarios: quod probat discutendo, per singulas. Et
quidem Iudæorum secta post Christi Domini ad-
uentum adhuc Messiam expectat, Libros Talmud
tanquàm suum novum Testamentum veneratur;
illi autem sunt erroribus, & fabulis Rabinorum re-
ferti, vt ibi ostendit; Alcoranus verò, in quo lex
Mahumethana continetur; habet euidentissimos
errores contra lumen rationis, & innumeras con-
tradictiones, vt latè in hoc opere ostendemus: &
Alcorani fabricator Mahumethus fuit seductor
impurissimus, qui, vt se Regem faceret, se Prophe-
tam finxit, & ne Alcorani mendacia, & contradi-
ctiones à Christianis, & Iudæis detegerentur, om-
nem suis de lege disputationem interdixit; estque
inter omnes mundi Religiones Mahumethana se-
cta quod olim inter scholas Philosophorum Epi-
curea, & sic omnium spurcissima, ac propterea po-
tius contemnenda quàm impugnanda; & iure dicta
lex porcorum, cum vltimam felicitatem hominis
constituat in cibo, & potu, & vxorum multitudine,
quasi homines solùm ad comedendum, & biben-
dum, & delectationes venerèas quærendas fuissent
creati.

410 In speciali autem falsam esse sectam Iudæo-
rum Christum Dominum blasphemantium, & ad-

hunc Messiam expectantium, facile demonstratur. Ad sunt enim euidentia argumenta à Scripturis petita, probantia Christum Dominum esse Messiam in lege Moysaycà promissum: siquidem in ipso ad litteram impletæ sunt Prophetiæ omnes veteris Testamenti, vt ostendi suprà, & ideo ipse Ioan. 5. Iudæis dicebat: *Scrutamini Scripturas: ille enim testimonium perhibent de me: quia nimirum non solum continebant promissionem Messia ipsius, sed signa, & indicia manifesta ad cognoscendum tempus adventus eius, quæ in Christo ad litteram verificata sunt: & propterea Ioan. 5. ipse aiebat: Si crederetis Moysi, crederetis utique, & mihi: ille enim de me scripsit. Quod intelligendum est, non solum quia Deuteronom. 18. habetur expressa promissio Messia, Prophetam suscitabo eis de medio fratrum suorum, &c. sed etiam quia tota lex Moysis fuit quædam Prophetia, & figura Christi, vt dixit Augustinus lib. 16. contra Faustum cap. 22. Atque hoc modo persuadendi Fidem de seipso usus est Christus Dominus Lucæ ultimo: Incipiens enim à Moysè, & omnibus Prophetis interpretabatur illis in omnibus Scripturis, quæ de ipso scripta erant. Et paulò inferius: Necessè erat impleri omnia, quæ scripta sunt in lege, & Prophetis, & Psalmis de me.*

42 Et sanè Prophetia Danielis suprà expensa cap. 6. euidentè probat, Messiam iam venisse, & hunc esse Iesum Nazarenum, ob cuius necem Deus Ciuitatem Hierusalem, & Templum destru-

xit per Titum, & Vespasianum tanquàm per instrumentum suæ iustitiæ. Quomodo autem lex noua, & vetus non sint inter se contrariæ, nec comparentur tanquàm duæ leges specie diuersæ, & inuicem oppositæ: sed tanquàm duæ leges respiciētes eundem finem, quarum altera imperfectè, & altera perfectè illum attingit, vel potius vt vna lex secundum statum imperfectum, & quæ inter se differant, sicut differt vir à seipso dùm erat puer, explicabimus infrà suo loco, cum Diuus Augustino lib. de vera Religione cap. 17. & cum Diu. Thoma 1. 2. quæst. 97. artic. 1. & 4. contra gentes cap. 55. num. 9.

§. IV.

Cum euident sit, Religionem Christianam habere euidentè maiora veritatis indicia, & credibilitatis argumenta, quàm vllam aliam: euident est esse à Deo, & consequenter esse veram, quia euident est, Deum non potuisse Religionem falsam talibus veritatis notis, & insignibus vestire.

43

PRÆTEREA directè id ipsum demonstratur: nam cum euident sit, Deum habere aliquam Religionem in mundo veram, & sibi placentem, in qua, & per quam velit coli, eaque non possit esse plusquàm vna: euident est,

Deum quatenus est ex se, velle ut homines Religionem illam amplectantur: ergo evidens est illis prouidisse media ad dignoscendum, quanam sit illa vera Religio. At hoc non præstitisset, nisi Religionem illam ornasset maioribus indicijs veritatis quàm habeat vlla Religio falsa: ergo evidens est, Deum ornasse Religionem veram maioribus indicijs veritatis, quàm habeat vlla Religio falsa; cum certum, & evidens sit, Religionem Christianam habere maiora indicia veritatis quàm vllam aliam Religionem: siquidem ex confessione omnium Catholicorum Religio Christiana est euidenter credibilior omni alia Religione, & non utcumque; sed ita ut omnis alia Religio comparatiue ad illam sit incredibilis: evidens ergo est euidencia in attestante, & per principia extrinseca, ac reflexa, Religionem Christianam esse veram.

44 Et sanè quòd Religio Christiana habeat euidenter maiora veritatis indicia, seu maiora credibilitatis argumenta constat ex ijs, quæ supra adduximus ad probandum, Religionem Christianam esse euidenter credibilem, præsertim ex ijs, quæ ex Cardinali Esforçia Pallavesino ennumerauimus. Qui autem animo tranquillo super illa credibilitatis argumenta, reflexionem fecerit, coperiet, illa non solum reddere Religionem Christianam euidenter credibilem; sed euidenter veram euidencia in attestante, & per principia extrinseca, ac reflexa, ac proinde comperiet, immerito

ritò Cardinalem Pallavicinum libello de Fide cap.
3. num. 49. pronuntiasse, euidentiā in attestante
non componi cum Fide. Etenim argumenta nu-
p̄r ab ipso proposita euincunt oppositum: cumu-
lus enim rationum, quæ Religionem Christianam
reddunt ita euidentè credibilem, & præeminen-
tem reliquis Religionibus in apparentia verita-
tis, non alium, quàm Deum potuerunt habere au-
thorem: Deus autem non potuit reddere ita cre-
dibilem Religionem Christianam, si foret falsa;
quia alioquin seduceret homines, & convincere-
tur, non sincerè desiderare eorum æternam salu-
tem: siquidem per argumenta mira illos induce-
ret ad amplectendam vt summè veram Religio-
nem falsam, in qua, & per quam saluari non pos-
sent: Religio enim falsa, quæ non à Deo, sed à dia-
bolo est, ad Deum ducere non potest.

45 Prætereà sic argumentor; Euidens me-
taphysicè est, vel Deum tanquàm specialem Au-
thorem, vel saltè vt Authorem vniuersalem cau-
sasæ cumulum illum argumentorum reddentium
Religionem Christianam sic euidentè credibi-
lem; at euidens est, Deum neutro modo id causa-
re potuisse, si Religio Christiana esset falsa: ergò
euidens est euidentiā in attestante, illam esse ve-
ram. Maior, & consequentia liquent; minor quoad
primam partem constat: quia euidens est, Deum
non posse positiuè inducere ad credendam falsi-
tatem tanquàm veritatem infallibilem à se reuela-
tam.

tam. Quoad secundam verò probatur: quia cùm evidens sit, Deum sincerè, & quantũ est ex se desiderare æternam fœlicitatem hominum, ad quam eos creauit, & evidens sit, non posse homines salutem æternam promereri, profitendo, & observando legem falsam: evidens est, Deum quantum est ex se desiderare, ne homines inducantur à Diabolo ad professionem, & observantiam legis falsæ: ergò impossibile est, Deum permittere; vt per cumulum argumentorum eulentium credibilitatis inducantur homines à Diabolo ad Religionem falsam cum tanta apparentia veritatis, vt omnes penetrantes eiusmodi argumenta euidenter obligentur ad illam Religionem suscipiendam tãquàm infallibilem, & à Deo datam; quin vllus, quantumvis Dei amator, & diligentissimus veritatis investigator possit fraudem, & deceptionem Diaboli deprehendere; sed quilibet teneatur tantæ apparentiæ succumbere, & Diabolum seducenrem audire tanquàm Deum revelantem.

46 Probatur consequentia: quia si Deus id permetteret, nulli hominum prouidisset medium sufficiens ad salutem; nec haberet modum obligandi homines ad credendam veritatem à se revelatam, si pösset permittere, vt Diabolus falsitatem proponeret cum tanta euidentia credibilitatis, cùm quanta proponitur doctrina Religionis Christianæ. Si enim Deus velit obligare homines ad credenda cum summa firmitate mysteria altissima,

suma, & creditu difficilia, relinquendo locum libertati, & fidei obscuræ: quæ poterit maiora veritatis indicia exhibere, quàm ea, quæ mundus expertus est ad credenda mysteria nostræ Fidei: Ergò credibilitatis argumenta inducentia ad Religionem Christianam, essentialitèr connexa sunt cum veritate: ac proinde repugnat vt falsitas aliqua cum tanta credibilitatis euidencia mundo proponatur: ergò illa euidencia credibilitatis reflexè considerata, euidenter probat, Religionem Christianam esse veram.

47. Demùm ratio illa, quæ Doctores Catholici demonstrant, Religionem Christianam esse euidenter credibilem, paritèr euincit, esse euidenter veram euidencia inattestante. Rationem illam proponit Eximius Doctor disp. 4. de Fide sect. 3. num. 12. nam enumeratis argumentis credibilitatis, concludit, ex his omnibus conglobari demonstrationem, quia credibilitas nostræ Fidei euidenter ostenditur in hunc modum: Doctrina quæ per se est valdè consentanea rationi, Maiestati, ac excellentiæ Diuinæ, bonisque moribus, innumera- bilesque habet testes fide dignissimos, qui non solum humana; sed etiam Diuina virtute per signa mirabilia illam confirmarunt, credibilis est; sed talis est doctrina Fidei Christianæ: ergò est credibilis. Consequentia est euidens; præmissæ etiam sunt euidentes: ergò & conclusio euidens est. Et quidem de minori quòd sit euidens ex ipso facto, &

& experimento constat: neque obstat quòd multa ex his, quæ diximus ad nos pervenerint per historiam, & traditionem humanam: nam illa est tam constans, tamque vniversalis, & nota, vt sufficiat ad euidentiā humanā in testificante faciendam, qualis est de hac propositione *Roma est*, & similibus. Illa ergò multo magis sufficit ad euidentiā credibilitatis. Prima etiam præmissa est euidens ex terminis, & ex definitione ipsius credibilis.

48 Addit verò Eximius Doctor ad maiorem illius confirmationem, naturaliter euidens esse, Deum habere prouidentiam rerum humanarum, & ideò non deferere hominem, in his maximè, quæ ad ipsius notitiā, & cultum, & ad æternam felicitatem pertinent. Vnde incredibile est, inquit, Deum sua prouidentia destituisse homines hanc fidem amplectentes, vt permittat, eos decipi cum tanta credibilitatis euidentiā, maximè cū inter eos sint multi, qui toto corde Deum ipsum, eiusque veritatem quærunt. Propter quòd dixit Chrysostomus in quadam homilia de prouidentia; sine magna iniuria prouidentiae Diuinæ non posse hanc fidem falsam reputari, & quod si per impossibile falsa esset, non posset hominibus imputari, quia prudentissimè illam credunt. Accedit denique quod cū hæc doctrina sub Diuina authoritate proponatur, ad ipsius etiam Dei authoritatem, & veritatem spectat non permittere,

Argumenta illa; quibus Christus suam Diuinitatem mundo persuassit, efficaciter probant, Religionem Christianam non solum esse euidenter credibilem, sed euidenter veram euentia in attestante.

50 **C**um præcipuum fundamentum nostræ Fidei sit Christi Diuinitas, quæ semel probata, euidenter infertur, esse vera omnia quæ Christus docuit, qualia sunt omnia mysteria nostræ Fidei, si semel probemus, Diuinitatē Christi non solum esse euidenter credibilem; sed euidenter veram euentia in attestante, id euincemus de tota Religione Christiana, illud ergo in hac sectione probandum nobis est.

51 **P**ro quo sic argumentor: euidentis est euentia facti, fuisse in mundo virum mirabilem Iesum Nazarenum nomine, quem Christiani vt verum Deum, verumque hominem, & Mahumethani vt virum sanctum adorant; Iudæi verò vt seductorem blasphemant. Rursus euidentis est euentia facti, illum de seipso dixisse, se esse Filium Dei naturalem, verumque Deum, & hanc eius assertionem acceptam esse tanquam insignem blasphemiam, propter quàm illum immaniter persecuti sunt, & tandem cruci affixerunt. Id pater; tum quia
in

Demonstratur Diuinitas Christi. 8167

in hoc affirmando conveniunt Iudæi cū Christianis; tū quia id testatur historia Evangelij, cuius authoritas, etiam humana, superat auctoritatem, cuiuscumque alterius historiæ. Assumptum patet ex Ioan. 9. v. 31. & colloquio cū cæco à natiuitate, quem Iesus illuminaverat: ex Ioann. 5. v. 10. ex Ioan. 19. v. 7. ex Matth. 26. v. 63. & Marci 14. v. 61. Tandem evidens est euidētia facti, illum in confirmationem istius doctrinæ euidētia fecisse miracula: nam in hunc finem Lazarum quatruiduanum suscitauit, vt constat ex Ioann. 11. v. 4. & cæcū à natiuitate imposito luto super oculos illuminauit Ioan. 9. Imò omnia miracula, quæ Christus patrauit, direxit ad persuadendum Iudæis suam Diuinitatem, suumque Messiarum, vt constat ex Ioan. ultimo: *Multa quidem, & alia signa fecit Iesus, quæ non sunt scripta in libro hoc: hæc autem scripta sunt, vt credatis quia Iesus Christus est Filius Dei, & vt credentes vitam habeatis in nomine eius.* Vt autem demonstrauius suprà in hoc libro cap. 3. evidens est, Deū non posse facere miracula in confirmationem doctrinæ falsæ: ergo evidens est euidētia in attestante, Iesum Nazarenum esse Deum.

152 Et sanè qui attente contemplatus fuerit capita illa, quibus in hoc libro probauimus Diuinitatem Christi, planè comperiet, ea argumenta non solum probare quòd sit euidentè credibile Christum esse Deum, sed euidentè verū euidētia extrinseca, & in attestante, Et ad hoc demonstrandum

Diuinitatem arrogasset: hoc enim nihil aliud foret quàm Deum homines decipere, & trahere ad Fidem falsam per vera miracula, ac proinde se indignum præbere, cui aliquid testificanti crederemus: ergò euidentis est, Iesum Nazarenum de seipso testificantem, se esse Filium Dei, non fuisse seductorem: ergò euidentis est euidentia in attestante, illum esse verum Dei filium, verumque Deum.

§. VI.

Ecclesiæ Patres non tam solliciti fuerunt de credibilitate, quàm de veritate Religionis Christianæ: ac proinde ex ipsorum mente hæc est euidentè vera euidentia in attestante.

54 **R**ECTè admonet Elizalde, Ecclesiæ Patres longè alia via processisse ac Theologos illos Scholasticos, qui arbitrantur, solum posse fieri euidentiam de crebilitate Religionis Christianæ; non autem de veritate: Patres namque ferè omnes, inquit ille, Apologijs, Orationibus, libris compositis pro veritate Christiana decertarunt, errores omnes impugnarunt Gentilium, Iudeorum, hæreticorum: intentio porrò, & scopus fuerat veritatem Christianam concludere; de euidentia credibilitatis nulli sunt tituli, nuspiam illa cura legitur distinguendi euidentiam credibilitatis Religionis nostræ a b euidentia veritatis; cui tamen vni distinctioni iam hodie à multis insistitur:

nimis autem temerarium foret dicere, neminem Sanctorum Patrum scopum attigisse; omnes impossibilia intentasse; rem porro conclusam probatam fuisse à nemine: supponebant ergò omnes, Religionis veritatem concludi certò posse; nec vt opinarentur solùm; sed vt convincerent tantis, credo, voluminibus concertarunt. Hæc ille.

55 Quæ quàm verè dicta sint, constabit legēti eloquentissimam Orationem D. Chrysostomi, cui hunc titulum præfixit: *Adversus Gentiles demonstratio quòd Christus sit Deus: vbi ex ipso titulo dignoscitur, scopum Chrysostomi non fuisse tantùm credibilitatem Christianæ Religionis, sed eius veritatem demonstrare. Ad hoc autem demonstrandum argumentum sumit ex his, quæ Philosophus Gentilis Christum fecisse non negat: Neutiquàm enim, inquit, contradicit, quòd omnes vndequeque Ecclesias Orbis Christus fundarit: hinc autem faciemus demonstrationem veritatis Christi, & ostendemus, ipsum esse Deum. Etenim non est puri hominis in tantis rebus Orbem mari, terræque tam breui tempore comprehendere, & tam absurdis moribus præuentum, tantisque malis irretitum liberare humanum genus, &c. Quòd validissimè probat, & tandem tam clarè sibi visus est Diuinitatem Christi demonstrasse, vt meritò dixerit: Nullus itaque his contradixerit, nisi qui valdè insanus, & totus stupidus, naturæque sensu priuatus. Idemque demonstrat in quinque Orationibus adversus Iudæos, quæ omnes habentur tom. 5.*

56 Secundò veritatem nostræ Fidei; & non solùm eius credibilitatem probat Augustinus lib.

tam. Quoad secundam verò probatur: quia cum evidens sit, Deum sincerè, & quantum est ex se desiderare æternam scælicitatem hominum, ad quam eos creauit, & evidens sit, non posse homines salutem æternam promereri, profitendo, & observando legem falsam: evidens est, Deum quantum est ex se desiderare, ne homines inducantur à Diabolo ad professionem, & observantiam legis falsæ: ergò impossibile est, Deum permittere; vt per cumulum argumentorum evidentium credibilitatis inducantur homines à Diabolo ad Religionem falsam cum tanta apparentia veritatis, vt omnes penetrantes eiusmodi argumenta evidentèr obligentur ad illam Religionem suscipiendam tamquam infallibilem, & à Deo datam; quin ullus, quantumvis Dei amator, & diligentissimus veritatis investigator possit fraudem, & deceptionem Diaboli deprehendere; sed quilibet teneatur tantæ apparentiæ succumbere, & Diabolum seducen-tem audire tanquam Deum revelantem.

46 Probatur consequentia: quia si Deus id permetteret, nulli hominum prouidisset medium sufficiens ad salutem; nec haberet modum obligandi homines ad credendam veritatem à se revelatam, si posset permittere, vt Diabolus falsitatem proponeret cum tanta euidentiâ credibilitatis, cum quantâ proponitur doctrina Religionis Christianæ. Si enim Deus velit obligare homines ad credenda cum summa firmitate mysteria altissima,

suma, & creditu difficilia, relinquendo locum libertati, & fidei obscuræ: quæ poterit maiora veritatis indicia exhibere, quàm ea, quæ mundus expertus est ad credenda mysteria nostræ Fidei: Ergò credibilitatis argumenta inducentia ad Religionem Christianam, essentialitèr connexa sunt cum veritate: ac proinde repugnat vt falsitas aliqua cum tanta credibilitatis euidencia mundo proponatur: ergò illa euidencia credibilitatis reflexè considerata, euidenter probat, Religionem Christianam esse veram.

47. Demùm ratio illa, quæ Doctores Catholici demonstrant, Religionem Christianam esse euidenter credibilem, paritèr euincit, esse euidenter veram euidencia in attestante. Rationem illam proponit Eximius Doctor disp. 4. de Fide sect. 3. num. 12. nam enumeratis argumentis credibilitatis, concludit, ex his omnibus conglobari demonstrationem, quia credibilitas nostræ Fidei euidenter ostenditur in hunc modum: Doctrina quæ perse est valdè consentanea rationi, Maiestati, ac excellentiæ Diuinæ, bonisque moribus, innumera-bilesque habet testes fide dignissimos, qui non solum humana; sed etiam Diuina virtute per signa mirabilia illam confirmarunt, credibilis est; sed talis est doctrina Fidei Christianæ: ergò est credibilis. Consequentia est euidens; præmissæ etiam sunt euidentes: ergò & conclusio euidens est. Et quidem de minori quòd sit euidens ex ipso facto, &

& experimento constat: neque obstat quòd multa ex his, quæ diximus, ad nos pervenerint per historiam, & traditionem humanam: nam illa est tam constans, tamque vniversalis, & nota, vt sufficiat ad euidentiā humanā, in testificante facientem, qualis est de hac propositione *Roma est*, & similibus. Illa ergò multo magis sufficit ad euidentiā credibilitatis. Prima etiam præmissa est euidens ex terminis, & ex definitione ipsius credibilis.

48 Addit verò Eximius Doctor ad maiorem illius confirmationem, naturaliter euidens esse, Deum habere prouidentiam rerum humanarum, & idè non deserere hominem, in his maximè, quæ ad ipsius notitiā, & cultum, & ad æternam fœlicitatē pertinent. Vndè incredibile est, inquit, Deum sua prouidentia destituisse homines hanc fidem amplectentes, vt permittat, eos decipi cum tanta credibilitatis euidentiā, maximè cū inter eos sint multi, qui toto corde Deum ipsum, eiusque veritatem quærunt. Propter quòd dixit Chrysostomus in quadam homilia de prouidentia; sine magna iniuria prouidentiae Diuinæ non posse hanc fidem falsam reputari, & quod si per impossibile falsa esset, non posset hominibus imputari, quia prudentissimè illam credunt. Accedit denique quod cū hæc doctrina sub Diuina authoritate proponatur, ad ipsius etiam Dei authoritatē, & veritatem spectat non permittere,

Argumenta illa ; quibus Christus suam Diuinitatem mundo persuasit, efficaciter probant, Religionem Christianam non solum esse euidenter credibilem, sed euidenter veram euentia in attestante.

50 **C**um præcipuum fundamentum nostræ Fidei sit Christi Diuinitas, qua semel probata, euidenter inferitur, esse vera omnia quæ Christus docuit, qualia sunt omnia mysteria nostræ Fidei, si semel probemus, Diuinitatē Christi non solum esse euidenter credibilem ; sed euidenter veram euentia in attestante, id euincemus de tota Religione Christiana, illud ergo in hac sectione probandum nobis est.

51 **P**ro quo sic argumentor: euidentis est euentia facti, fuisse in mundo virum mirabilem Iesum Nazarenum nomine, quem Christiani vt verum Deum, verumque hominem, & Mahumethani vt virum sanctum adorant; Iudæi verò vt seductorem blasphemant. Rursus euidentis est euentia facti, illum de seipso dixisse, se esse Filium Dei naturalem, verumque Deum, & hanc eius assertionem acceptam esse tanquam insignem blasphemiam, propter quàm illum immaniter persecuti sunt, & tandem cruci affixerunt. Id pater; tum quia
in

in hoc affirmando conveniunt Iudæi cùm Christianis; tùm quia id testatur historia Evangelij, cuius authoritas, etiam humana, superat auctoritatem, cuiuscumque alterius historiæ. Assumptum patet ex Ioan. 9. v. 31. & colloquio cùm cæco à natiuitate, quem Iesus illuminaverat: ex Ioann. 5. v. 10. ex Ioan. 19. v. 7. ex Matth. 26. v. 63. & Marci 14. v. 61. Tandem evidens est euidencia facti, illum in confirmationem istius doctrinæ euidencia fecisse miracula: nam in hunc finem Lazarum quatrduanum suscitauit, vt constat ex Ioann. 11. v. 4. & cæcum à natiuitate imposito luto super oculos illuminauit Ioan. 9. Imò omnia miracula, quæ Christus patrauit, direxit ad persuadendum Iudæis suam Diuinitatem, suumque Messiatum, vt constat ex Ioan. ultimo: *Multa quidem, & alia signa fecit Iesus, quæ non sunt scripta in libro hoc: hæc autem scripta sunt, vt credatis quia Iesus Christus est Filius Dei, & vt credentes vitam habeatis in nomine eius.* Vt autem demonstrauius suprà in hoc libro cap. 3. evidens est, Deum non posse facere miracula in confirmationem doctrinæ falsæ: ergo evidens est euidencia in attestante, Iesum Nazarenum esse Deum.

52 Et sanè qui attente contemplatus fuerit capita illa, quibus in hoc libro probauimus Diuinitatem Christi, planè comperiet, ea argumenta non solum probare quòd sit euidentè credibile Christum esse Deum, sed euidentè verum euidencia extrinseca, & in attestante, Et ad hoc demonstrandum

dum hoc nunc conficio argumentum. Euidens est euidētia facti, Christum de seipso palam dixisse, se esse Deum, & ob hanc causam crucifixum fuisse. Ergo vel seductor fuit; vel Deus est. Pater consequentia quia vel falsum; vel verum dixit; si primum: ergo seductor fuit; si secundum: ergo Deus est; at euidens est, euidētia in attestante, non fuisse seductorem: ergo euidens est euidētia in attestante, esse Deum. Probatur minor: quia euidens est, non potuisse Deum hominem seductorem ornare tam mirā potētia, & tot argumentis Diuinitatis, & Messias, qualia sunt ea, quæ nunc breuiter insinuauimus, & latè proposuimus lib. de Diuinitate Christi; nec potuisse permittere, vt in homine seductore concurrerent omnia signa, quæ Deus per Prophetas dederat ad dignoscendum verum Messiam; omnia autem, quæ de venturo Messia fuerant à Prophetis prænuntiata, ita ad litteram in Christo Domino adimpleta sunt, vt nullus prudenter dubitare potuerit, illum esse Messiam in lege promissum: & ideo Petrus Actor. 2. testimonijs Prophetarum ita clarè probauit, Iesum Nazarenum pauló ante à Iudæis crucifixum esse verum Christum, & Messiam in lege promissum, vt in prima concione ex ipsis Iudæis ad Christi Fidē conuersis fuerint, circitè tria millia. Actor. 4. vers. 5. in alia concione quinquies mille, & Saulus miraculosè à Christo conuersus Actor. 9. vers. 20. continuo in Synagogis prædicabat Iesum,

Demonstratur Diuinitas Christi. 169

Quoniam hic est Filius Dei: idque evincebat testimonijs Prophetarum, suis argumentis Iudæos confundens. Et similiter reliqui Apostoli per Iudæam, & vniversum Orbem dispersi testimonijs Prophetarum clarè ostendebant, Iesum Nazarenum esse Messiam in lege promissum, verumque Dei Filium, & mundi Redemptorem.

53 Præterea quis non videat, omninó impossibile esse quód Deus, missó Spiritu Sancto sub forma ignis, cœlesti sapientia, & fortitudine, dono linguarum, & gratia miraculorum Apostolos armaverit, vt per orbem dispersi mundo persuaderent, hominem seductorem, & blasphemum esse Filium Dei naturalem? Quis item non videat, omninó repugnare quód Deus post mortem ita Iesum Nazarenum exaltauerit; & quód ille seductor, & blasphemus fuerit? Homini à natiuitate claudo dixit Petrus Act. 3. v. 6. *In nomine Iesu Nazareni surge, & ambula, &c. Et protinùs consolidatæ sunt basses eius, & plantæ:* Postmodum veró v. 13. ad Iudæos conversus dicebat: *Deus Patrum nostrorum glorificauit Filium suum Iesum, quem vos quidem tradidistis, &c. quem Deus suscitauit à mortuis, cuius nos testes sumus, & in fide nominis eius hunc, quem vos vidistis confirmauit nomen eius: & Fides, quæ per eum est dedit integram sanitatem istam in conspectu omnium vestrum.* Euidens est, Deum non potuisse hæc signa facere in confirmationem blasphemiae, & mendacij, & ad exaltandum hominem seductorem, qui sibi falso

Di-

Diuinitatem arrogasset: hoc enim nihil aliud foret, quàm Deum homines decipere, & trahere ad Fidem falsam per vera miracula, ac proinde se indignum præbere, cui aliquid testificanti crederemus: ergò euidentis est, Iesum Nazarenum de seipso testificantem, se esse Filium Dei, non fuisse seductorem: ergò euidentis est euidentia in attestante, illum esse verum Dei filium, verumque Deum.

§. VI.

Ecclesiæ Patres non tam solliciti fuerunt de credibilitate, quàm de veritate Religionis Christianæ: ac proinde ex ipsorum mente hæc est euidentè vera euidentia in attestante.

54 **R** Ecè admonet Elizalde, Ecclesiæ Patres longè alia via processisse ac Theologos illos Scholasticos, qui arbitrantur, solum posse fieri euidentiam de crebilitate Religionis Christianæ; non autem de veritate: Patres namque ferè omnes, inquit ille, Apologijs, Orationibus, libris compositis pro veritate Christiana decertarunt, errores omnes impugnarunt Gentilium, Iudeorum, hereticorum: intentio porrò, & scopus fuerat veritatem Christianam concludere; de euidentia credibilitatis nulli sunt tituli, nuspiàm illa cura legitur distinguendi euidentiam credibilitatis Religionis nostræ a b euidentia veritatis; cui tamen vni distinctioni iam hodie à multis insistitur:

nimis autem temerarium foret dicere, neminem Sanctorum Patrum scopum attigisse; omnes impossibilia intentasse; rem porro conclusam probatam fuisse à nemine: supponebant ergò omnes, Religionis veritatem concludi certò posse; nec vt opinarentur solùm; sed vt convincerent tantis, credo, voluminibus concertarunt. Hæc ille.

55 Quæ quàm verè dicta sint, constabit legēti eloquentissimam Orationem D. Chrysostomi, cui hunc titulum præfixit: *Adversus Gentiles demonstratio quòd Christus sit Deus*: vbi ex ipso titulo dignoscitur, scopum Chrysostomi non fuisse tantùm credibilitatem Christianæ Religionis, sed eius veritatem demonstrare. Ad hoc autem demonstrandum argumentum sumit ex his, quæ Philosophus Gentilis Christum fecisse non negat: *Neutiquàm enim, inquit, contradicit, quòd omnes vndeque Ecclesias Orbis Christus fundarit: hinc autem faciemus demonstrationem veritatis Christi, & ostendemus, ipsum esse Deum. Etenim non est puri hominis in tantis rebus Orbem mari, terræque tam breui tempore comprehendere, & tam absurdis moribus præuentum, tantisque malis irretitum liberare humanum genus, &c. Quòd validissimè probat, & tandem tam clarè sibi visus est Diuinitatem Christi demonstrasse, vt meritò dixerit: Nullus itaque his contradixerit, nisi qui valdè insanus, & totus stupidus, naturæque sensu priuatus. Idemque demonstrat in quinque Orationibus adversus Iudæos, quæ omnes habentur tom. 5.*

56 Secundò veritatem nostræ Fidei; & non solùm eius credibilitatem probat Augustinus lib.

22. de Ciuitat. cap. 57. cui titulus est, quod mundus in Christum crediderit, virtutis fuisse Diuinæ; non persuasionis humanæ, cuius verba supra lib. 1. cap. 8. dedimus. Ibi enim præclare ostendit fieri non potuisse, vt non solum pöpulis, sed multi ex sapientibus crediderint Resurrectionem Christi, atque in Cœlos ascensionem, aliaque mysteria, quæ mens humana respuisset, nisi ea fieri potuisse, atque facta esse Diuinitas ipsius veritatis, vel veritatis Diuinitatis, constantiaque miraculorum signa monstrarint. Quod argumentum latè prosequitur, Diuinitatem Christi demonstrans ex mirabili mundi conversione, quam Christo adscribat.

57 Hinc S. Th. 1. contra gent. c. 6. dixit hanc tam mirabilem mûdi conversionē ad Fidē Christianam indicium certissimum esse præcedentium signorum, vt ea vltèrius iterare necesse non sit, cùm in suo effectū appareant euidentèr. Ellet autem, inquit, omnibus signis mirabilius, si ad credendum tam ardua, & operandum tam difficilia, & sperandum tam alta mundus absque mirabilibus signis inductus fuisset à simplicibus, & ignobilibus hominibus. Sumpsit hoc argumentum S. Thōmas ex Augustino lib. 22. de Ciuit. cap. 5. vbi subtilitèr redarguit eos, qui credere nolunt carnis resurrectionem, sumitque argumentum à mundo iam credente resurrectionem Christi, eiusque in Cœlos ascensionem, formatque hoc dilemma: vel mundus, hoc credendo, credit rem credibilem, & sic inexcusabiles sunt qui rem credibilem credere

nolunt, vel credit rem incredibilem; & sic iam admittit aliquid incredibile, nempe mundum tam firmiter credidisse id quod erat incredibile. Si ergo iam factum esse videmus vnum duorum incredibilem, cur non credemus futurum alterum, nempe nostrorum corporum resurrectionem?

§8 Et argumentum hoc subtiliter prosequens concludit, Apostolos narrantes quæ viderant, & prædicationem suam confirmantes signis, & miraculis, mundum traxisse ad credendam Christi resurrectionem, & in Cælos ascensionem. Unde tandem concludit, si verò per Apostolos Christi, & ut eis crederetur resurrectionem, atque ascensionem prædicantibus Christi, etiam ista miracula facta esse non credunt, hoc vnum nobis grande miraculum sufficit, quod eam terrarum Orbis sine miraculis credidit.

§9 Unde Augustinus conficiebat hoc dilemma: vel Apostoli prædicantes Diuinitatem hominis crucifixi, eiusque resurrectionem, atque in Cælos ascensionem, mundo persuaserunt hanc doctrinam, medijs signis, & miraculis, vel sine miraculis? Si primum, convincitur, illam doctrinam esse veram: quia Deus nequit facere miracula in confirmationem doctrinæ falsæ. Si secundum, hoc ipsum certius convincitur: quia solus Deus potuit dare efficaciam nudis piscatorum verbis ad persuadendam veritatem doctrinæ, quæ humanæ rationi Diuina luce destitutæ videbatur omnino incredibi-

lis, & vt mouerent homines ad tam arduam, & moralitèr impossibilem morum mutationem, nisi Deus ipse sua omnipotentia interius corda mutaret. Ergò manifestum est, D. Augustinum non solum probasse quòd mysteria nostræ Fidei sint credibilia, sed quòd sint vera, & in hunc scopum argumenta eius collimasse: vndè libro de vera Religione dicebat: *Christianis temporibus, quænam Religio sit potissimum tenenda, & quæ ad veritatem, & beatitudinem via sit, non esse dubitandum.* Similitèr Arnobius lib. 2. contra gentes ait, *incredulum genus humanum doctrinæ Christi non fuisse consensurum, nisi aperta res esset, & luce ipsa, vt dicitur, clarior.* Eodem modò loquuntur S. Leo Papa serm. 1. de Ascensione, & Origenes homil. 30. in Matth. Ex dictis concluditur veritatem Religionis Christianæ demonstrabilem esse; siquidem demonstrabile est, & à nobis demonstratum, Deum esse Authorem illius & euidentis est, Deum non posse esse Authorem Religionis falsæ.

CAPVT TERTIVM.

An, & quomodò cum Fide liberà, & obscura mysteriū possit componi euidentiā in attestante?

60 **D**OCTORES affirmantes, argumenta credibilitatis, quibus Religio Christiana fulcitur, solum euincere, illam esse euiden-

tèr

tèr veram, eo potissimum fundamento nituntur, quòd existimant, Fidem non componi cùm euidèntia in attestante, seu non posse esse Fidem in eo, qui euidentèr cognoscit, Deum esse qui testificatur. Qui autem hoc existimant, multi, grauesque sunt, nimirum Durandus, Bañez, Victoria, Aragon, & Cano apud Suarez disp. 3. de Fide sect. 8. num. 14. At sententia affirmans euidentiam in testificante non opponi cum Fide, est valdè communis, inquit Suarez ibi, pro ea citans Alensem, Scotum, Carthusianum, Caietanum, Ferraram, Mendozam, Vegam, Zumelium, Vazquium, & Valentiam; quibus adde Medinam, Gabrielem, Torres, Meratiū, & Coninck apud Ripaldam disput. 12 sect. 1 qui eos sequitur, & ampliùs dicit, nempè, assensum euidentem revelationis posse esse elicited per Fidem. Item P. Amicus disp. 2. sect. 5. num. 131. vbi asserit, eundem actum posse esse euidentem in attestante, & simul obscurum respectu rei reuelatae. Et hanc sententiā egregiè promouet P. Ægidius Estrix, olim Lovanij magni nominis Theologiæ Professor, & nunc Prouinciæ Flandrobegicæ Societatis nostræ Prouincialis, in Diatriua Theologica assert. 32.

61. Hi tamen Authores inter se diuissi sunt in modo tuendi hanc sententiam. Nam Thomistæ, nimirum Caietanus 2.2. quæst. 1. art. 4. & quæst. 5. art. 1. Ferrara 3. contra gent. cap. 40. Medina 1. 2. quæst. 90. art. 1. ad 6. Item Vazquez 1. part. disput.

135. cap. 3. & 3. part. disp. 53. cap. 1. Torres hic disput. 9. dub. 4. Meratius disp. 3. sect. 4. in 2. conclus. & Amicus, atque Ægidius Estrix, ubi nupèr existimant, euidentiā in attestante non esse absolute, & simpliciter euidentiā rei attestatæ, atque adeò ea, quæ creduntur propter attestationem euidentem non esse absolute euidentiā, atque scita. Redditque rationem P. Estrix num. 148. quia assensus præstitus mysterio ob testificationem Dei euidenter cognitā: *Non nititur argumentis petitis ex natura ipsa rei creditæ, sed solo testimonio Dei affirmantis, quæ est ratio quædam, proisus extranea rei creditæ, rem ipsam relinquens circumfusam obscuritate quadam, & tenebris, non nisi in beata vita depellendis.* At reliqui censent, euidentiā in attestante esse simpliciter, & absolute euidentiā rei attestatæ, ut Coninck, Hurtadus, & Ripalda eos referens, & sequens disp. 12. num. 9. Eatonusque Authores isti dicunt, euidentiā in attestante componi cum Fide, quatenus censent contra Thomistas, non esse conditionem necessariā ad Fidem quod obiectum creditum non sit scitum.

62 Itaque licet omnes Thomistæ conveniant in asserendo, non posse dari Fidem de eo, quod aliunde scitur; tamen Caietanus, Ferrara, Medina, & alij docent, Fidem componi cum euidentiā in attestante, ac proinde hæc duo rectè cohærere, nimirum me euidenter cognoscere, Deum reuelasse aliquod mysterium; & tamen Fide Diuina illud

Iud credere: vnde Caietanus 2.2. quæst. 1. art. 4. §. Respondetur 2. monet, distinguendum esse inter cognitionem certam ex euidencia rei cognitæ, & certam ex euidencia testimoniorum eius: *Hæc enim, inquit, in tantum distant, ut prima repugnet Fidei, secunda autem repugnet fidei testimonij; sed non fidei rerum, quæ sunt attestatæ.* Et hinc concludit, quod licet ea, quæ sunt Fidei nequeant esse visa in se ipsis; possunt tamen esse visa in ratione credibilis, quia scilicet simul possunt esse ab eodem credita secundum se, & visa in ratione credibilis. Quæ est doctrina D. Thomæ eo art. 4. ad 2. ubi inquit: *Ea, quæ sunt Fidei, dupliciter considerari possunt; vno modo in speciali, & sic non possunt esse simul visa, & credita; alio modo in generali, scilicet sub communi ratione credibilis, & sic sunt visa ab eo qui credit: non enim crederet, nisi videret, ea esse credenda vel propter euidenciam signorum, vel propter aliquid huiusmodi.*

§. I.

Ostenditur, euidenciam in attestante, saltem illam, quæ comparatur penetrando motiua euidencia credibilitatis Religionis Christianæ, componi cum fide obscurâ mysteriorum.

63 **M**HI certissimum est, componi cum Fide eam saltem euidenciam in attestante, quæ comparatur per penetrationem argu-

gumentorum credibilitatis, quibus insignita est Religio Christiana, & per reflexionē suprà prouidentia Dei impotētis velle, imò & permittere quòd Religio falsa proponatur cū tanta apparentia veritatis quantā habet Religio Christiana. Ratio à priori est: quia quòd quis per penetrationē illorū argumētōrum certus sit certitudine scientiæ de eo quòd Deus mysteria nostræ Fidei revelauerit, non tollit quòd supposita illa scientia precisè vt applicante authoritatē Dei revelantis, intellectus noster illuminatus lumine Fidei ex imperio voluntatis cum summa firmitate assentiatur mysterio de se obscuro vnicè ob authoritatem Dei testificantis; sic autem assentiri abs dubio est actus Fidei Diuinæ. Probatur assumptum: quia quòd quis euidentèr cognoscat, Deum loqui, & aliunde euidentèr sciat, Deum non posse loqui falsum, non est impedimentum vt vnicè ab authoritate Dei moueatur ad credendum quod Deus dicit: quòd enim cognoscatur euidentèr motivum assentiendi, non impedit, neque retardat assensum vnicè innitentem tali motiuo, sed potius iuvat, quatenus fortius impellit ad assensum illum eliciendum. Sic quòd ego euidentèr sciam, Petrum mihi dicere aliquid ex se difficile creditu, & quòd aliunde sciam, ipsum in dictis suis esse veracem, non impedit quòd illi credam rem illam, imò quòd certior fuerim de eius veracitate, & euidentiùs cognouero, eum mihi loqui, eo firmitus credam id quòd mihi dicit.

Sed

64 Sed respondebis in eo Fidem Diuinam ab humana discriminari, quod hæc potest niti testimonio dicentis euidentèr noto; non autem illa: quia testimonium humanum, cum sit fallibile, adhuc euidentèr notum, non cogit intellectum ad præbendum assensum rei attestatæ; cogit autem testimonium Dei euidentèr notum utpotè infallibile; de essentia autem Fidei est ut sit actus liber credenti. Sed contrà: quia hoc discrimen gratis assumitur: nam sicut me euidentèr cognoscere, Petrum mihi loqui, non est impedimentum ut ipsi credam, sed potius iuvat: neque hoc cognoscere est munus Fidei humanæ, sed scientiæ; ita me euidentèr cognoscere, Deum mihi loqui nequit Fidẽ dandã dictis eius impedire: neque cognitio illa, vi cuius certus sum, Deum mihi loqui ad Fidem Diuinam pertinet; sed ad scientiam humanam, iuxta illud Pauli *scio cui credidi*: ad Fidem enim solùm spectat assentiri his, quæ à loquente dicuntur quia ab illo dicuntur; & non quia aliundè mihi nota sunt. Quòd autem ego per principia naturalia euidentèr nouerim, Deum in omnibus suis dictis esse veracẽ, quod de homine euidentèr cognoscere non possum, solùm probat, Deum dignum esse, ut sibi loquenti multò firmitus credamus, quàm ulli hominum; non probat autem, quòd per fidem dictis eius non adhareamus.

§. II.

*Explicatur, quo pacto libertas fidei cohæreat cum euiden-
tia attestationis diuinæ.*

65 **N**EQVE obstat libertas Fidei Diuinæ;
primò: quia homo liberè, & meri-
toriè ex desiderio credendi applicat intellectum
ad expendenda argumenta credibilitatis, quæ per-
suadent, Deum loqui, & saltem denominatiuè à
libertate illius applicationis assensus Fidei evadit
liber. Secundò; quia licèt motiua credibilitatis ri-
tè penetrata sufficiant ad iudicium certum, & cui-
dens quòd Deus mysteria nostræ Fidei revelaue-
rit; tamen quia simul intellectus videt illorum ar-
duitatem, motiua illa proposita per apprehensionem
suam cum non rapiunt ad assensum sicut ra-
piunt ea, quæ sunt ex terminis nota. Vndè opus
est, ut voluntas mota per gratiam vel imperet as-
sensum de existentia reuelationis, vel saltem illum
permittat quatenus intellectus non applicat ad
considerandam difficultatem mysterij: vndè illa
motiua rectè pensata sufficiunt quidem, ut quis
agnoscens, illa esse metaphysicè connexa cum ve-
ritate, experiatur euentissimam obligationem
assentiendi existentie reuelationis, & captiuandi
intellectum ad assensum mysterij ob autoritatē
Dei loquentis, quamvis illud videat esse valdè ar-
duum,

duum, & suprà omnem humanam rationem; non tamen sufficiunt vt rapiatur in assensum siue consensum voluntatis: nam hæc potest illum impedire ob difficultatem mysterij, & postmodum omninò auertere intellectum à consideratione illorum motiuorum ipsum applicando ad difficultatem mysterij ponderandam donec in hæresim prolabatur.

66 Tertiò: quia adhuc postquam intellectus convictus argumentis credibilitatis, annuente voluntate, assensum præstitit existentiae revelationis, non cogitur ad assensum mysterij, nisi accedat aliud iudicium, quo evidenter iudicet, Deum esse summè veracem. Quamvis autem posito utroque iudicio, necessitetur ad iudicandum mysterium esse verum, non propterea necessitatur ad actum Fidei: quia tunc facit hunc discursum: Deus est summè verax, ac proinde non potest revelare, nisi verum; at revelavit Trinitatem: ergò Trinitas est vera. Conclusio autem ista non est actus Fidei Divinæ: siquidem hæc non est discursiva, quia actus Fidei debet vnicè niti authoritate Dei revelantis; conclusio autem illa hoc non habet: siquidem rationes probantes, Deum esse veracem, & argumenta persuadentia, Deum revelasse mysterium, & insupér bonitas illationis cognita per se influunt in illam conclusionem, & sunt illius motivum: præmissa enim obiectiva non movet, nisi quatenus probata, & probatione ipsa moven-

te

te quovsq̃ deveniamus ad prima principia per se nota, quibus innititur certitudo conclusionis scientificæ. Demùm quia cùm præmissæ illæ sint evidentes evidentiā quadam naturali, conclusio non habet maiorem certitudinem, quàm præmissæ: actus autem Fidei certior est actu evidenti, vt contra Durandum docent communiter Theologi ex Scripturis, & Patribus apud Suarez disp. 6. de Fide, Sect. 5. num. 6. ergò illa conclusio non est actus Fidei: ergò ex eo quòd posito utroque illo iudicio sit necessitatus intellectus ad assensum mysterij, non sequitur esse necessitatum ad actum Fidei. Ratio autem à priori cur Fides sit certior, quàm scientia, sumitur, inquit ibi Suarius, ex altioribus causis, quibus nititur certitudo Fidei: fundatur enim in prima veritate, quàm fallere, vel falli impossibilius est quàm naturalem scientiam hominis errare: item pendet certitudo Fidei ex lumine infuso, & Divino, quod longè excellentius est quàm lumen naturale intellectus: huiusmodi ergo lumen etiam confert excellentiorem certitudinem; vnde sæpè corrigimus naturale lumen per lumen Fidei, etiam circa illa, quæ videntur esse principia prima, vt patet in illo: *Quæ sunt eadem vni tertio, &c.* quod in materia de Trinitate limitamus ad res finitas, & in alijs materijs, præsertim Incarnationis, & Eucharistiæ multa alia limitamus, vt Fidei non repugnent: quod signum est lumen Fidei certius esse.

67 Ex ipsa etiam ratione formali certitudinis probatur excessus alius Fidei supra actum scientiæ: nam certitudo assensus intellectus quatenus præscindit ab evidentia, & certitudine Fidei est firma adhæsiō intellectus circa verum, vt definit D. Thomas in 3. dist. 16. quæst. 2. art. 4. & quatenus certitudo est accidens distinctum ab evidentia, in hoc propriè consistit, quod quamdiū certus assensus in intellectu viget, aut retinetur, nequit aliquis deliberatè vereri, ne non sit verum, quod per talem assensum sibi persuadet, vt explicat optimè P. Valentia; at is, in quo viget actus Fidei Divinæ, quo credit mysteria, propter authoritatem Dei revelantis, multò minùs dubitare potest de illorum veritate, quàm de vllis veritatibus evidentibus, & faciliùs has negare quàm veritates Fidei, quamdiū actum Fidei retinet: ergò certior est actus Fidei, quàm actus scientiæ.

68 Et quamvis certitudo actus Fidei componatur cum vehementi tentatione contra Fidem, & cogitationibus indeliberatis inclinantibus ad dissentiendum mysterijs, hoc non minuit certitudinem Fidei; sed potius illam commendat: nam quòd certitudo Fidei non admittat deliberatam dubitationem in intellectu, etiam si mille argumenta occurrant, quibus homo satisfacere nesciat, nisi recurrendo ad Fidem, hoc est apertum signum maioris certitudinis. Nec mihi placet distinctio, qua ytuntur Caietanus 1. part. quæst. 1. art. 3. & Ca-

preo-

preolus in 3. dist. 25. assèrentes, certitudinem Fidei dupliciter considerari posse, scilicet secundum se, & quoad nos, & primo modo esse certiozem; secundo autem minus certam, quàm scientiam. Non placet, inquam; nam actus Fidei non solum in se est certior actu scientiæ; sed etiam reddit nos certiores de veritate credita, quàm reddat actus scientiæ de veritate scita: vt enim inquit P. Suarez, quid prodesset nobis maior certitudo Fidei in se, si nos etiam non redderet magis certos? vel quomodo posset nobis constare de hac maiori certitudine Fidei in se, si in nobis illā non efficeret? Solum ergo potest dici in alio sensu actus Fidei minus certus quoad nos, quàm actus scientiæ: quia potest componi cum illo aliqua imperfectio indeliberatæ formidinis, vel dubitationis, propter obscuritatem suam, quæ non potest componi cum actu scientiæ.

69 Potest ergo bifariam hinc Doctor assentiri veritati mysterij, vel faciendo discursum, & assentiendo in vi euentiæ præmissarum; & tunc assensus ille non est Fidei; vel prætermisso discursu. Postquam enim homo certificatus est, Deum summe veracem illud revelasse, ex affectu captivandi intellectum in obsequium Dei loquentis, imperat ei, vt vnicè ob authoritatem Dei loquentis firmitus assentiat mysterio, quàm assentitur ulli veritati ob rationem sibi euentem. Et respectu huius assensus euentia illa in attestante non se habet per se

se vt causa influens, sed vt mera conditio applicans motivum Fidei sub prædicato sibi communi cum cognitione moraliter certa, qua quilibet fidelis antè assensum mysterij debet sibi firmitè persuadere, Deum illud revelasse: illa namque evidentia est paucorum, & minimè necessaria ad Fidem: sufficit enim iudicium moraliter certum excludens omne dubium prudens de eo, quòd Deus revelaverit mysterium, vt quis illustratus lumine Fidei impetret assensum multò firmiorem circa mysterium, quàm fuerat ille, quem formaverat de existentia revelationis ob motiva credibilitatis. Sicut vt quis propter Augustini auctoritatem cum magna firmitate assentiatur eius dictis, sat est quòd per motivum inferioris ordinis, nempe ob testimonium hominis fidedigni sibi persuadeat, tale dictum esse Augustini.

70 Quare iudicium de eo quòd Deus sit summè verax, & quod revelaverit mysteria nostræ Fidei non pertinent ad illam tanquàm præmissæ, quibus innitatur, & commensuretur certitudo Fidei, sed sunt præambula, & conditiones præviæ applicantes motivum Fidei, quibus præsuppositis, incipit Fides ex imperio voluntatis assentire cum summa adhæsione mysterijs vnicè ob auctoritatem Dei revelantis, & non propter rationes, quibus certificatur homo, Deum revelasse mysteria, & esse summè veracem: ac proinde incipit assentiri cum certitudine superioris ordinis ad illam, quam habet

Demonstratur Diuinitas Christi. 287

nam sint. Sic iudicium illud, quòd mihi persuadeo, Petrum esse veracem in dictis suis, & iudicium, quo scio, Petrum mihi loqui, non pertinent ad fidem humanam, quã credo Pëtro loquenti. Antequam autem quis credat Deo loquenti prius scire debet, Deum loqui: nam *qui citò credit leuis est corde*, & idèd Paulus aiebat: *Scio cui credidi*: nec potest prudenter credere rem tanquàm à Deo reuelatam, nisi antecedentèr per argumenta grauiã, & rationes efficaces sibi firmiter persuadeat, Deũ reuelasse rem illam, & euidentèr videat, eam esse credibilem, vt docet D. Thomas 2.2. quæst. 1. art. 4. ad 2. vbi ait, quòd licèt ea, quæ creduntur non possint esse simul visa in speciali, idest in se ipsis; debent tamen esse visa in generali, idest sub ratione communi credibilis ab eo, qui credit. *Non enim credere, inquit, nisi videret, ea esse credenda vel propter euidentiã signorum, vel aliquid huiusmodi*: atque adeo, vt explicat ibi Caietanus, verè, & virtuosè credere exigit euidentiã quòd illud sit credibile, ita quòd nullus verè, idest absque formidine alterius partis, & virtuosè, hoc est prudenter, credit aliquid, nisi euidentèr cognoscat, illud esse credibile.

¶ (S) ¶

¶ (S) ¶

§. III.

Quomodo cum euidentia attestacionis cohareat

fides mysterij.

71 **A**T obijcies 2. euidentiam in attestante opponi cum Fide: nam Fides iuxta Apostolum ad Hebræos 11. *Est argumentum non apparentium*, euidentia autem illa facit apparere veritatem mysterij: nam si mihi euidens est, Deum non posse fallere, aut falli in his, quæ reuelat, & aliundè mihi euidens est, Deum reuelasse Trinitatem, euidens mihi erit, Deum esse Trinum: ac proinde mysterium ipsum apparebit euidenter: ergò non potero de illo habere Fidem.

72 Huic obiectioni bifariam respondere possumus: primò iuxta sententiam asserentem euidentiam attestacionis Dei reddere euidenter rem attestatam; & huic sententiæ inhærendo, dicere possumus, Fidem debere esse de non apparentibus per se, id est de his, quæ per principia naturalia non sunt nobis euidenter nota: ac proinde, opponi cum Fide quòd quis credat propter testimonium Dei illud ipsum, quòd aliundè independenter à tali testimonio vel per sensum videt, vel per intellectum euidenter cognoscit; non opponi autem cum Fide quòd quis ob authoritatem Dei credat illud ipsum, quòd ex vi illius testimonij sibi euidenter notum est,

ti, & ex vi alterius præmillæ euidentèr quoque cognita cognoscit per discursum, esse verum.

73. Idque deduco ex principijs S. Thomæ, vt enim ille inquit hic, quæst. 1. art. 4. corp. assentitur intellectus alicui dupliciter: vno modo quia ad hoc mouetur ab ipso obiecto, quod est per se ipsum cognitum, sicut patet in primis principijs, quorum est intellectus; vel est per aliud cognitum, sicut patet de conclusionibus, quarum scientia; alio modo intellectus assentitur alicui, non quia sufficenter moueatur ab obiecto proprio; sed per quandam electionem voluntarie declinans in vnam partem magis quam in aliam, & siquidẽ exit cum dubitatione, & formidine alterius partis, erit opinio; si autem sit cum certitudine absque formidine, erit Fides. Illa autem videri dicuntur, quæ per se ipsa mouent intellectum nostrum, vel sensum ad sui cognitionem. Hinc deducit Sanctus Doctor quod nec Fides, nec opinio potest esse de ipsis visis aut scis undè sensum, aut secundum intellectum. Et art. 5. probat, non posse quem credere per Fidem illud ipsum, quod cognoscit euidentèr per scientiam, & redit rationem, quod omnis scientia habetur per aliqua principia per se nota, & per consequens visa; & ideò oportet quæcumque sunt scita, aliquomodo esse visa: non est autem impossibile quod idem ab eodem sit visum, & creditum: vnde etiam impossibile est quod idem ab eodem sit scitum, & creditum. Hæc S. Thomas.

74 Ex quibus probatur, eum, qui assentitur mysterio Trinitatis, non quia ab ipso sufficienter mouetur, neque quia mouetur ab aliquo principio per se noto, ex quo per euidenter consequentiam deducitur, Deum esse Trinum, sed vnicè electione voluntatis assentitur ob authoritatem Dei dicentis, assentiri per Fidem; quamvis aliundè euidenter cognoscat Deum loqui, & hanc euidenciam coniungendo cum alia de Dei veracitate, per discursum possit euidenter deducere, Deum esse Trinum. Quod confirmatur: quia vt inquit S. Thomas hic quæst. 5. art. 1. corp. intellectus credentis assentitur rei creditæ, non quia ipsam videat vel secundum se, vel per resolutionem ad prima principia per se visâ; at qui assentitur mysterio vnicè ob testimonium Dei sibi euidenter notum, assentit rei creditæ non quia ipsam videat secundum se, vel per resolutionem ad prima principia per se nota: ergo assentit per Fidem.

75 Secundò respondere possumus ex eodem S. Thoma, Caietano, Vazquez, & alijs, euidenciam illam Dei vt attestantis mysterium Trinitatis non in ferre euidenciam ipsius Trinitatis attestatæ; sed optimè componi quòd alicui sit euidens Deum esse veracem, & reuelasse Trinitatem; quin hæc sit illi euidens absolutè in se; sed solùm sit euidens secundum quid, nempè euidencia in attestante, & absolutè maneat obscurum ipsum mysterium. Quãvis enim ex euidencia præmissarum legitimè infe-

ratur, conclusionem esse veram; non inferitur tamen ex terminis, & in omni materia conclusionem esse euidenter: quia quamvis ex vero nunquam possit sequi falsum; tamen ex euidenti non semper sequitur euidens: vnde quamvis alicui forent euidentes istæ præmissæ: *Quidquid Deus reuelat est verum; sed Deus reuelat Trinitatem*, non foret euidens ista conclusio euidencia consequentis: *Ergo Trinitas est vera*; sed solum euidencia consequentia: quia licet sit euidens, veritatem istius conclusionis inferri ex veritate præmissarum, non redditur illa veritas in se euidens, quia præmissæ illæ non faciunt vt pateat mysterium Trinitatis, & detegatur convenientia prædicati cum subiecto, nempe Trinitatis cum Deitate; sed adhuc manet clausum, & obscurum ipsum mysterium, totaque euidencia sistit in præmissis, & in bonitate illationis; & non transit ad conclusionem illatam.

76 Et hanc existimo esse apertam sententiam
 „ D. Thomæ, qui 2.2. quæst. 5. art. 2. hæc habet: Si
 „ aliquis Propheta prænuntiaret in sermone Do-
 „ mini aliquid futurum, & adhiberet signum, mor-
 „ tuum suscitando, ex hoc signo convinceretur
 „ intellectus videntis, vt cognosceret manifestè,
 „ hoc dici à Deo, quia non mentitur, licet illud fu-
 „ turum, quod prædicatur, in se euidens non esset:
 „ vnde per hoc ratio Fidei tollitur: Ergo iuxta
 S. Thomam stat quod aliquis euidenter cognos-
 cat, Deum testificari mysterium Trinitatis; & ta-

men quód Fide obscura illud credat. Ratio est, quia non habet scientiam de Trinitate personarum, qui non assequitur rationem, ob quam vna essentia possit identificari cum tribus personis: hanc autem rationem non assequitur qui ex eo quód euidentér sciát, Deum testificari, se esse Trinum: yndè identitatem Deitatis cum Trinitate non scit, sed credit, nec sibi persuadet, Deum esse Trinum, quia huius mysterij rationem capiat; sed quia euidentér scit, hoc à Deo dici, & obligatorium iudicat subijcere intellectum Deo loquenti.

77 Et sanè qui existimant, euidentiam in attestante non componi cum Fide, coguntur asserere, neque Moysem, neque Apostolos, neque B. Virginem, & Prophetas, qui viderunt manifesta miracula, quæ Deus in ipsis, vel per ipsos, vel in alijs coràm ipsis operatus est, non habuisse euidentiam Dei testificantis: siquidem omnes illi Fide Diuina crediderunt, quæ Deus testificabatur per illa signa; at falsum est, nullum ex his habuisse euidentiam Dei vt testificantis: ergó falsum est, hanc euidentiam opponi cum Fide. Profectó non videtur dubitari posse, Beatam Virginem euidentér cognouisse in ipsa completam esse prophetiam Isaia: *Ecce virgo concipiet, & pariet filium*: cognouit ergó euidentér, filium suum, quem virgo concepit, & virgo peperit, esse Messiam in lege promissum, esse Doctorem veritatis, & Filium Dei naturalem: ergó cognouit euidentér, Deum loqui per os Christi,

sti; at Christus testificatus est, Deum esse Trinum, futurum esse diem iudicij, carnis resurrectionem, & alia huiusmodi: ergó si euidentia in attestante opponitur cum Fide, B. Virgo non credidit per Fidem mysteria illa, quæ Christus Ecclesiæ suæ reuelauit: quod constat esse falsum, & contra omnium mentem. Omitto argumentum petatum à cognitione Angelorum, qui in via habuerunt Fidem mysteriorum nostræ Fidei, vt docet communis sententia Theologorum cum D. Thoma 2.2. q. 5. art. 1. & tamen euidenter cognouerunt, Deum sibi loqui, vt rectè probat Coninck disp. 11. num.

53.

78 Quomodo autem euidentia in attestante componatur cum Fide obscura mysterij, explicat optimè idem Author: nam hæc duo multum inter se distant, *hæc res*, v. g. Quod Deus sit Trinus, & vnus, *est mihi in se euidentis: & euidentis mihi est*, quod Deus dicat, *se esse Trinum*, & quod *hæc eius assertio sit vera*: nam in prima propositione significatur, naturam subiecti, & prædicati, aut saltem naturam, & qualitatem connexionis, quæ inter illa est, mihi esse clarè cognitas, siue me clarè scire qua ratione prædicatum conveniat subiecto. In secunda verò solum significatur, me euidenter cognoscere, dari à parte rei assertionem essentialiter veram, quod illud prædicatum conveniat subiecto; stat autem me hoc euidenter scire, licet omnino ignorem qua ratione illi conveniat. Quod duplici exemplo il-

lustrat: nam ex eo quod videam magnetem attrahentem ferrum, clare colligo, & scio à posteriori, eum habere in se vim attrahendi, & consequenter clarè scio, hanc esse veram: *Magnes habet vim attrahendi ferrum*; ignoro tamen qualis sit hæc vis, aut quomodò hæc attractio fiat: & consequenter illa veritas est mihi in se inevidens, & solum evidens in effectu,

79 Quod adhuc clarius est quando videmus, rem aliquam ex alià aut semper, aut ferè semper sequi, & ignoramus an id fiat vi aliqua ipsi rei intrinseca, an verò virtute Divina, aut etiam dæmonis, ut contingit in occisso emittente sanguinem, præsentè occissore; quod nobis evidens est fieri; cùm tamen sit obscurissimū quomodò id fiat: atque aded evidens est præsentiam occissoris habere vim causandi emissionem sanguinis; qualis tamen sit hæc vis, & vndè eam habeat, obscurissimum. Ergo optimè componitur, Angelum, vel Prophetam evidenter scire, Deum testificari ipsi se esse Trinum, quin propterea illi evidens sit mysterium Trinitatis in se, quia nimirum non assequitur vi testificationis Divinæ rationem; ob quàm Trinitas personarum cohæreat cùm unitate essentiæ.

80 Idque alio exemplo explicatur: nam si aliquis Mathematicus coràm me faciat demonstrationem, vi cuius quasi ad oculum videam veritatē antea mihi ignotam, & postea oblitus medium demonstrationis; evidenter tamen meminerim, me olim

olim vidisse demonstrationem de tali veritate evidens nunc mihi erit, rem illam ita se habere, sicut Mathematicus olim demonstraui; tamen nunc non erit res illa mihi evidens, quia nunc non habeo demonstrationem illam Mathematicam: siquidem nunc non recordor illius rationis, quam Mathematicus adhibuit pro medio suæ demonstrationis.

81 Ratio autem à priori est: quia testimonium Dei de Trinitate, quamvis essentialiter sit connexum cum veritate affirmata; tamen quia nec illam supponit tanquam effectus perfectionem causæ, quam participat, & explicat; nec illam continet tanquam causa effectum, & aliundè est medium prorsus extrinsecum, quamvis euidenter cognoscatur, nequit detegere convenientiam prædicati cum subiecto; sed semper illa manet omnino occulta, & quasi sub velo, ac proinde obiectum illud manet obscurum, & proportionatum Fidei. Quare testimonium Dei non solum est medium extrinsecum rei attestatæ in essendo, sed etiam in cognoscendo ad differentiam effectus essentialiter supponentis causam; & explicantis eius perfectionem, qui licet sit medium extrinsecum causæ in essendo; est tamen intrinsecum in cognoscendo, ut explicat P. Amicus disput. 2.

num. 150.

§. III.

Infertur ex dictis, non militare contra nostram sententiam, doctrinam Cardinalis Bellarmini, asserentis, notas Ecclesiæ, seu argumenta credibilitatis, non facere evidentiam veritatis simpliciter.

82 **S**apientissimus Cardinalis Bellarminus, lib. 4. de Ecclesia Militante, seu lib. de notis Ecclesiæ, cap. 3. Christi meritò pronuntiat: *Ecclesiam Catholicam esse. quasi solem quemdam, qui radios lucis clarissimos ex omni parte diffundit, ut facillimè per eos cognosci possit.* Habet enim pluri-
mas notas, siue testimonia, ac signa, quæ eam discernant ab omni falsà Religione Paganorum Hæreticorum.

83 Addit tamen hæc testimonia seu signa, non efficere evidenter verum, quòd ipsa sit vera Dei Ecclesia, atque Religio, sed solùm id efficere evidenter credibile; & post quàm explicuit, quomodò non sit idem evidenter verum, & evidenter credibile; prout nos ipsius verbis supra explicavimus, libro I. subiungit: Dicimus ergo, notas Ecclesiæ, non facere evidentiam veritatis simpliciter, quia alioqui non esset articulus Fidei; hanc Ecclesiam esse veram Ecclesiam, neque ulli inveniuntur, qui id negarent sicut nemo invenitur, qui

ne-

neget sententias, quas Mathematici demonstrāt, sed tamen efficiant evidentiam credibilitatis, iuxta illud Psalmi 92. *Testimonia tua credibilia facta sunt nimis.* Apud eos autem, qui admittunt Scripturas Divinas, ac Patrum veterum scripta, faciunt etiam evidentiam veritatis. Tametsi enim articulorum Fidei veritas non potest nobis esse evidens absolute; tamen potest esse evidens ex hypothesi, id est, supposita veritate Scripturarum. Quod enim à Scripturà evidenter deducitur, est evidenter verum, suppositis Scripturis. Hæc ille.

84 Nos hanc secundam partem accipientes, quam verissimam esse existimamus, ut postea lib. 3. ostendemus: ad primam respondemus, hoc argumentum duntaxat probare, Religionem Christianam non esse evidenter veram evidentiâ simplicitèr tali, seu evidentiâ rei in se, & per principia intrinseca: *Nam evidenter verum dicitur, quod vel in se, vel in suis principijs videtur*, ut inquit ibi idem Cardinalis. Veritas autem mysteriorum nostræ Fidei, nec in se, neque in suis causis videtur; quia non dantur vllæ causæ naturales, vel vlla principia naturalia, ex quibus veritas mysteriorum Fidei necessaria inferatur, vel quæ manifestent, prædicatum huius propositionis: v. g. *Deus est Trinus*, convenire subiecto; sed veritas illa est omnino obscura, & clausa; non probat autem illud argumentum, non esse Religionem Christianam eviden-

dentèr veram evidentià in attestante respectu eorum, qui reflexè penetrant vim argumentorum, quæ illam reddunt evidentèr credibilem; quæ est evidèntia solùm secundùm quid, cùm sit per rationem prorsùs extraneam rei creditæ, eam relinquens circumfusam obscuritate quadam, & tenebris, non nisi in beata vita depellendis; & est evidèntia, quæ non comparatur, nisi liberè applicando mentem ad considerationem illorum motivorum, & ad multa alia quæ à paucis penetrantur: quæ proinde relinquit locum merito Fidei, & ut quis liberè avertendo mentem ab ijs motivis, & illam figendo in difficultatem mysteriorum, possit à Fide deficere: non enim est evidèntia Mathematica, & quasi ex terminis, quæ facilè omnes convincit.

(S)



CAPUT QUARTUM.

Solvitur gravis obiectio contrà dicta, & ostenditur, ad credendum Fide Divina, & obscura mysterium revelatum, propter auctoritatem Dei revelantis, necessarium non esse quòd Fide Divina credatur ipsa auctoritas; sed satis esse quod supponatur aliunde cognita per discursum evidentem, vel per Fidem humanam moraliter certam.

§. I.

Proponitur obiectio.

85 **C**ONTRà dicta oppones, neminem posse propter auctoritatem Dei revelantis, seu proptèr eius Sapientiam, & veracitatem, credere mysterium Fide obscura, & Divina, quin credat eàdem Fide Divina veracitatem ipsam, quæ est motivum Fidei. Id latè contendit Eximius Doctor Franciscus Suarez, disp. 3. de Fide, Sect. 6. num. 5. vbi pro conclusione statuit, solam evidentem cognitionem, quod Deus sit prima veritas, non sufficere pro fundamento, & obiecto formali Fidei; sed necessariam esse Fidem infusam eiusdem veritatis; redditque rationem potissimam, & fundamentum talis assertionis, num. 6. *Quia fieri, inquit, non potest, ut assensus altioris ordinis*

nis per se fundetur in assensu ordinis inferioris, neque maior certitudo potest fundari in minori. Atqui assensus Fidei est altioris ordinis, & magis certus, quàm assensus naturalis, & evidens. Ergo fieri non potest, ut assensus Fidei ex parte sui obiecti formalis fundetur in assensu tantum naturali, & evidenti. Maior est per se nota ex terminis, & patet ex illo Aristotelis: *Propter quod unumquodque tale, & illud magis*: tota enim perfectio effectus est ex causa, & firmitas ædificij ex fundamento: ergò impossibile est ut certior sit cognitio fundata in alia quàm sit illa, in qua fundatur. Et inde probatur consequentia: quia certitudo Fidei tota nititur in suo obiecto formali, atque adeò in cognitione eius: nam ut cognitum movet ad credendum.

§. II.

Statuitur nostra conclusio.

86 **N**ihilominus nobis dicendum est cum Cardinali de Lugo, disp. i. num. 82. cum Ægidio Conink, Puente, Hurtado, Arriaga, Altisiodorensi, & alijs, quos citavimus in tractatu de Fide, auctoritatem Dei revelantis non esse motivum ad credendum mysterium ut cognitum per Fidem, seu ut creditam; sed ut cognitam aliunde independentè à testimonio, & revelatione Dei. Pro qua sententia stat etiam Caictanus hic art. i. qua-

quatenus dicit Fideles non differre ab infidelibus in asserendo, vera esse, quæ Deus dicit; sed in hoc quod fideles credunt, quod infideles non credunt: sentit ergo, non esse necessarium illud prius per Fidem credere. Item D. Thomas quatenus dicit, ea quæ realiter demonstrari possunt de Deo, per accidens revelari propter eos, qui revelationem non assequuntur, ut patet hic quæst. 1. art. 5. & 8. ad primum, & in 3. dist. 24. quæst. 1. art. 2. quæstionum. 2. ubi etiam Capreolus ad argumenta, & Hispalensis notab. 3. & Richardus art. 5. & Carthusianus quæst. 1. & denique Albertus dist. 23. art. 13. ad argumenta: hi namque Doctores sentiunt, eum, qui evidentè cognoscit, Deum esse veracem, non assentiri mysterijs propter veracitatem Fide creditam; sed evidentè aliunde cognitam. Vnde idem sentit Scotus: quandoquidem in 3. dist. 24. quæst. vnic. §. *ad questionem*, & §. *sed aliter loquimur*, negat Fidem esse de obiecto evidentè aliunde cognito.

87 Sententiam meam probo. Potest dari assensus Fidei Divinæ innitens authoritati, & veracitati Divinæ, quæ supponi debeat aliunde cognita independentè à testimonio Dei dicentis: ergo non est de conceptu Fidei, nisi authoritate Divina ut cognita per Fidem; sed potest niri illa ut cognita per rationem naturalem. Probatur antecedens: nam sicut Deus potest testari se esse summè sapientem, æternum, immutabilem, &c. ita potest testa-

ri, se esse summè veracem, atque adeò numquam posse aliquem fallere: ergò possumus credere Deo dicenti, se esse veracem; motivum autem huius assensus est Dei veracitas; at non ut credita: ergò ut aliunde sufficienter cognita: ergò veracitas ut cognita independentèr à Dei testimonio, seu ut cognita per lumen rationis potest esse ratio credendi mysteria. Probat minor: quia stultum est credere aliquem esse veracem, præcisè quia ipse hoc dicit, id est, nisi aliundè nobis constet, illum esse virum probum, & dignum fide: ergò respectu assensus, quo credimus, Deum esse veracem, non movet veracitas ut credita Deo testificanti, se esse veracem, sed movet ut cognita independentèr à testimonio Dei dicentis: postquam enim per discursum naturalem sæpè illustratum lumine gratiæ cognoscimus, Deum existere, & esse summè bonum, & probum, Deus de se ipso testatur se esse summè veracem, possumus, ac debemus per assensum Fidei multò certiorè credere id ipsum; tunc verò motivum ad credendum, Deum esse veracem est veracitas ipsa, non ut credita Deo dicenti; sed ut cognita per lumen rationis.

88 Quod confirmatur, & explicatur: nam quamvis stultum sit firmitè credere aliquem virum nobis ignotum esse veracem, præcisè, quia ipse hoc de se ipso dicit, quin aliundè habeamus argumentum prudens, quo id ipsum nobis persuadeamus; tamen quando vir aliquis, cuius pruden-

tia, & probitas est mihi aliundè nota, testatur, se ita esse amantem veritatis, vt propter nullam mundi rem vnquàm ausus fuerit mentiri, prudenter possum illum esse veracem credere propter ipsius testimonium, præsertim si sit meus superior, cui omnem reverentiam debeo, & quidem possum credere illi fide atque iudicio firmiore quàm ex alijs circumstantijs colligere possem: nam honor, & reverentia, quam ei debeo, & superioritatem, & probitatem exigunt, vt ipsi testanti se esse veracem credam firmiter hoc ipsius dictum: cum ergò lumine naturæ nobis constet, Deum esse summè veracem, atque sapientem, si nobis sufficienter constet, ipsum dixisse se esse summè veracem, debemus id credere assensu firmiori quovis alio, quem ob rationes naturales possumus elicere.

89 Et hoc est pulchrum argumentum ad probandum contra Thomistas, posse assensum Fidei circa aliquam veritatem componi cum euidèntia eiusdem veritatis: nam Theologus euidenter cognoscens, Deum esse summè veracem; potest etiam sufficienter cognoscere, ipsum de se testari, se esse summè veracem, & illi sic testificanti credere; at tunc cum cognitione euidenti de summa Dei veracitate coniungeret Fidem de eadem veracitate: siquidem vi veracitatis euidenter aliundè cognitæ moueretur ad credendum Deo dicenti se esse summè veracem.

90 Quod si repugnet actum Fidei componi

N

cum

cum euidencia eiusdem veritatis:hinc sumitur optimum argumentum ad probandum veracitatem Dei non debere cognosci per Fidem, ad hoc vt quis propter illam assentiatur mysterijs revelatis. Nam qui cognoscit euidentèr, Deum esse summè veracem, in sensu composito huius iudicij potest credere Deo dicenti se esse Trinum;atqui hoc foret falsum si semel ad assensum Fidei circa mysteria deberet dari assensus eiusdem Fidei circa veracitatem:siquidem iste assensus cum sit obscurus nequit iuxta Thomistas componi cum assensu euidenti eiusdem veritatis : ergó ad hoc vt propter veracitatem Dei quis eliciat assensum Fidei circa mysterium,non requiritur quód per Fidem obscuram credat Deo veracitatem.Reliqua constant; maior probatur: quia alioqui Theologus sapiens esset deterioris conditionis quàm rusticus ignorans:siquidem non esset capax credendi Fide Diuina mysteria Religionis Christianæ: quandoquidem per te non potest credere mysteria,quin credat Deo loquenti veracitatem, & hanc credere non potest qui illam aliunde euidentèr cognoscit.

91 Vnde veracitas Dei in his,qui habent de illa euidenciam,non attinet ad Fidem tanquam res credita,sed tanquam principium, & præambulum credendi,vt expressè docet D. Thomas 2.2.q.1. art.5.ad 3.his verbis: *Deum esse,Deum esse vnum, & alia huiusmodi, quæ demonstratiuè probari possunt in-*

ter credenda numerantur, non quia de illis simpliciter sit Fides apud eos, sed quia præexiguntur ad ea quæ sunt Fidei.

92 Itaque tam in sententia affirmante, quàm in negante posse componi Fidem cum euidencia, euincitur veracitatem debere supponi aliunde cognitam, vt ob illam credamus mysteria. In sententia affirmante: quia Deo reuelanti, se esse veracem possumus firmiter credere; non possumus autem si aliunde nobis notum non esset, illum esse veracem; in sententia verò negante, quia qui cognoscit euidenter Deum esse veracem, potest propter veracitatem credere Trinitatem, & alia mysteria obscura; non potest autem illa credere propter veracitatem vt cognitam per Fidem obscuram: ergò debet credere vnice ob veracitatem vt cognitam per notitiam euidentem.

93 Deinde vniuersaliter probo, primam veritatem debere aliunde cognosci quàm ex sola reuelatione, vt pos sit ad aliorum articulorum assensum mouere: quia si ex sola reuelatione debet cognosci, vt possit mouere, incidimus in gyrum inexplicabilem: inquirenti enim, cur credis mysterium Incarnationis? Respondere debes: Quia Deus summè verax, & sapiens illud revelauit; inquirenti autem rursus, vndè tibi constet, Deum esse summè veracem? Respondebis: Quia ipse dixit, se esse summè veracem: si autem iterum interrogeris, vndè tibi constet, Deum affirmantem se esse vera-

cem, verum dicere, & in hac assertionem non fallere, respondebis: Quia Deus est summè verax, & non potest falsum loqui: ergò rem inexplicatam relinquis, & incidis in circulum vitiosum: siquidem dicere: *Est verax, quia id de se affirmat, & verè affirmat, quia est verax*, idem est ac dicere: *Est verax, quia est verax*: ergò ut veracitas Dei possit mouere ad credendum mysterium Incarnationis: v. g. debet supponi aliunde cognita independentèr à testimonio Dei dicentis, se esse veracem.

94 Respondent adversarij, cùm P. Suarez ea disp. 3. de fide sect. 6. num. 8. hoc esse magnum Fidei mysterium, quòd licet non videat clarè obiectum, nec res creditas, nihilominus non accipiat obiectum suum, ut in illo per se nitatur tanquàm cognitum per aliud lumen, sed sua virtute, & efficacia credat illud, sicut D. Thomas dixit, eodem actu nos credere Deo, & Deum, & ideò talem actum supernaturalem esse, & sine speciali auxilio gratiæ haberi non posse, additque; hoc magnum Fidei mysterium esse valdè consentaneum rationi: nam tota hæc certitudo intrinsecè sequitur ex qualitate Diuini testimonij quatenus omninò infallibile, & obligare potest ad credendum ea, quæ dicit tanquàm infallibilia: dicendo enim aliquid, eo ipso dicit, se esse veracem in eo quod affirmat: nam hac ratione inducit ad credendum illud dictum esse verum, & consequenter etiam dicit, ita se esse veracem, ut mentiri nullo modo possit: nam
hoc

hoc titulo obligat ad credendum illud tanquam infallibile: & ideo ex intrinseca ratione talis Fidei, & talis obiecti nascitur, ut idem testimoniū quod sufficit ad credendum rem reuelatam, sufficit ad credendum, ipsum reuelantem esse veritatem, quæ fallere non potest.

95 Hinc deducit Suarius non repugnare Fidei hunc modum resolutionis: Credo Deum esse Trinum, quia ipse dicit; credo autem illi dicenti, quia est verax; credo autem illum esse veracem, quia ipse etiam dicit. Semper enim fatendum est, inquit, resolutionem fieri ex obiecto materiali ad formalem: ipsum autem obiectum formale non in aliud resolvitur, sed per se ipsum creditur, quia potest de se ipso testificari, & ita in se ipso reflectitur; & tali modo de se testificatur, ut faciat, euidenter credibilia non solum alia, quæ dicit; sed etiam quæ de se ipso testificatur. Additque hoc pertinere ad infinitam excellentiam Diuinæ veritatis, & ideo non esse hanc cognitionem cum alijs comparandam.

96 Cæterum mihi falsum apparet illud magnum Fidei mysterium à P. Suarez assertum, quod scilicet Fides non accipiat suum obiectum formale ut cognitum alio lumine, sed sua virtute, & efficacia illud credat: id enim esse falsum ostendit nostra ratio, & inde ulterius probatur: quia potest Deus reuelare mysterium Trinitatis, & Incarnationis, & reliqua omnia, quæ per discursum natu-

alem assequi non possumus, quin revelet illas suas perfectiones, quæ aliunde possunt euidentè cognosci: ergò potest testificari se esse Trinum, quin testificetur se esse veracem: ergò possumus Fide Diuina credere Deum esse Trinum, quin Fide Diuina credamus esse veracem: ergò potest veracitas mouere ad credendum mysterium obscurum, quin ipsa credatur per eandem Fidem, sed aliunde supponatur cognita.

97 Confirmatur: nam quando Apostoli faciebant miracula ad persuadendum gentibus, Religionem Christianam esse veram, seu Deum revelasse eius mysteria, non patrabant hæc miracula ad persuadendum gentibus, Deum esse veracem, seu verum esse quòd Deus dicit: nam ad hoc non erant necessaria miracula, cum ratione naturali facilè demonstretur, neque id à gentilibus negabatur: ergò solum patrabant miracula ad persuadendum, Deum revelasse ea mysteria obscura, & difficillima, quæ ipsis prædicabant vt dicta, & revelata à Deo, vt sic eos traherent ad Fidem illorum: ergò ad fidem non attinet necessariò credere suum obiectum formale: sed potest ob illud aliunde cognitum assentiri mysterio revelato.

98 Vndè Fidei præcones, dum infideles ad Fidem pertrahere tentant rationibus ad eorum intelligentiam accomodatis, prius persuadere debent, Deum esse, eundemque & summè sapientem, & summè veracem esse, atque adeò dignum cui lo-

quen-

quenti per suos ministros firma fides adhibeatur: sic enim fecerunt Paulus, & Barnabas Actor. 14. quia cum Lycaonijs agentes, eos sic alloquuti sunt: *Annuntiamus vobis ab his vanis converti ad Deum viuum, qui fecit cælum, & terram, & mare, & omnia que in eis sunt, qui in præteritis generationibus dimisit omnes gentes ingredi vias suas, & quidem non sine testimonio semetipsum reliquit, benefaciens de cælo, dans pluvias, & tempora fructifera, implens cibo, & letitia corda nostra.*

99 Quare falsum est prærogatiuam illam Fidei assertam à Suario intrinsecè sequi ex qualitate Diuini testimonij. Etenim quamvis hoc dicat, Deum esse Trinum, & sufficientè propositum obliget ad id credendum; non tamen dicit, Deum esse veracem, sed id aliunde supponit certum, unde non obligat ad credendum mysterium affirmatum, quia pariter affirmet Deum esse veracem; sed quia id aliunde supponitur notum. Et quamvis affirmaret, Deum esse veracem, non redderet certum mysterium revelatum, nisi aliunde certum foret, Deum non posse loqui falsum: quia si id per impossibile posset, fas nobis esset dubitare an diceret falsum, quando affirmat, se esse summè veracem, & quamvis faceret miracula in confirmationem eorum, quæ nobis revelat, non mereretur summam Fidem, nisi aliunde nobis constaret, eum non posse facere miracula in confirmationem doctrinæ falsæ. Etenim per miracula solum ostenderet Deus,

se esse qui loquitur; non autem ostenderet se esse veracem: nam si per impossibile posset mentiri, posset miraculum facere in confirmationem mendacij: ergo assensus Fidei præstitus mysterijs ob authoritatem Dei revelantis, per se supponit authoritatem illam aliunde sufficienter cognitam: ergo non est necessarium ad Fidem quod per illam credatur authoritas Divina quatenus est ratio movendi ad assensum mysterij.

§. III.

Solvitur fundamentum contrarie sententiæ, ubi ostenditur, certitudinem assensus credentis mysterium propter revelationem, maiorem esse, quam sit certitudo assensus de existentia revelationis; nec assensum Fidei Divine circa mysterium fundari in assensu circa existentiam revelationis, sed illum supponere ut conditionem applicantem motivum Fidei, ac proinde ostenditur, motivum credendi Fidei Divine non debere credi ut quod per lumen Fidei, sed debere supponi certò cognitum per aliud lumen.

100

AD fundamentum Patris Suarez respondemus, certitudinem assensus Fidei erga mysterium non fundari in certitudine assensus, quo antecedenter iudicamus, Deum esse veracem; sed in ipsa veracitate tanquam in motivo

tiuo, & ratione formali; in cognitione autem illa proponente veracitatem tanquam in conditione. Cognitio autem inferioris ordinis, quamvis non possit fundare cognitionem superioris ordinis, potest esse prærequisita ad illam. Sic iuxta P. Vazquez 1. part. disput. 5. numer. 7. & iuxta M. Canum, & Andream de Vega ab ipso citatos, quamvis Fides humana non possit fundare Diuinam; tamen potest esse prærequisita, & conditio necessaria ad illam: nam vt credatur Fide infusa aliqua propositio, quæ definita est ab Ecclesia, opus est primò credere definitam fuisse aut in Concilio, aut à Pontifice; quod tamen sola fide humana notum est: eodem modo Prædicatori proponenti articulos Fidei prius credimus Fide humana, & hac fide supposita, statim præbemus superiorem assensum ex lumine Fidei supernaturalis ob authoritatem infallibilem Dei id testificantis.

101 Quare quamvis euidentiā naturalis de veracitate Diuinā non sit essentialitèr prærequisita, vt propter authoritatem Diuinā credamus mysteria revelata (nam illa euidentiā est paucorum) est tamen sufficiens, præsertim si sit orta ex illustratione gratiæ, qua Deus ex fine inducendi hominem ad Fidem excitat in illo cognitionem euidētem de sui veracitate; nec oppositum evincit argumentum Patris Suarez: non enim dicimus assensum Fidei fundari in illa euidentiā; sed illam tanquam applicationem, & dispositionem præsupponi, vt non
prop-

propter ipsam; sed propter authoritatem Divinam credamus mysterium. Quare Fides mysterij vnicè fundatur in authoritate Dei revelantis: postquam enim homo persuassus est sive per evidentiam, sive per fidem humanam moralitèr certam, Deum esse summè veracem, & revelasse mysterium, cum cognoscat authoritatem aliquid revelantem dignam esse cui credatur super omnia, id est assensu certiore, & firmiori quam sit ullus assensus Fidei humanæ vel scientiæ: tunc ex affectu supernaturali adhaerendi testimonio Dei super omnia, & præstandi illi obsequium per imperium voluntatis, elicit vnicè ob authoritatem, & revelationem sibi propositas assensum Fidei infallibilem sine respectu, aut attentione ad motiva; quibus inductus est ad iudicandum, Deum esse summè veracem, seu quin illa firmitas assensus fundetur in evidentia naturali, vel fide humana, qua inductus est intellectus ad iudicandum, Deum esse summè veracem.

102 Deinde quamvis daremus, evidentiam naturalem de veracitate Divina non esse sufficientem, ut credamus mysteria Fide Divina ob authoritatem Dei revelantis, inde non sequitur, veracitatem debere credi Deo revelanti se esse veracem, ut exerceat munus motivi: dicere enim quis poterit cum Cardinali de Lugo, disp. 1. num. 82. veracitatem Divinam debere quidem aliunde cognosci, quàm ex sola revelatione, ut possit ad aliorum articulorum assensum mouere; & tamen cum eodem

ibidem à num. 104. vsque ad 109. asserere, veracitatem cognosci posse per actum evidentem elicited ab habitu Fidei: quia cum Fides nequeat elicere assensum obscurum circa mysterium, quin ille assensus respiciat vt motivum intrinsecum veracitatem Dei, nequit elicere assensum circa mysterium, quin eliciat circa veracitatem: *Perinde enim est credere Incarnationem, inquit, propter veracitatem Dei, ac dicere: Verbum est homo, quia Deus est summe verax*, qui quidem actus quatenus tendit ad asserendam veracitatem de Deo, aliquomodo est evidens: totus tamen est supernaturalis, totus elicited ab habitu Fidei, qui non potuit per se ordinari ad actum circa mysteria revelata, quin habeat virtutem eliciendi assensum circa rationem formalem assentiendi, seu circa motivum formale Fidei; & denique totus ille actus elicited ex imperio voluntatis inclinantis per piam affectionem ad adhaerendum toti illi obiecto *super omnia obiecta*. Hactenus ille.

103 Ex qua doctrina responderi potest ad fundamentum Patris Suarez; fieri quidem non posse, vt assensus, praestitus mysterio super omnia, fundetur in assensu tantum naturali, licet evidenti; posse tamen fundari in assensu evidenti supernaturali elicited à Fide, qui non sit minus certus quam assensus mysterij. Sed quamquam haec doctrina probabilis sit; illa tamen non indigemus ad solvendum argumentum. Et in primis falsò videtur

Cardinalis supponere, assensum illum, qui affirmat mysterium ob authoritatem Dei revelantis, hoc ipso affirmare existentiam veracitatis Divinæ: hoc enim tantum abest à certitudine, ut potius videatur falsum: motivum enim intrinsecum actus affirmantis aliquid, non est necesse ut affirmetur per ipsummet actum, si pro priori supponitur affirmatum; nec debet per actum Fidei attingi directè veracitas ut obiectum *quod*, sed sufficit ut attingatur indirectè ut obiectum *quo*.

1104 Sic licet conclusio intrinsecè moveatur ab obiecto præmissarum, non est necesse, ut illud iterum affirmet: nam secundum regulam Logicæ: *Licet ex vero nunquam possit sequi falsum; aliquando tamen ex falso sequitur verum*: ergo potest conclusio esse vera, quamvis aliqua ex præmissis sit falsa; hoc autem salvari non potest, si conclusio iterum affirmet obiectum præmissarum: nam conclusio affirmans obiectum falsum, falsa est: ergo licet conclusio attingat intrinsecè obiectum præmissarum, non propterea iteratò affirmat illud obiectum, sed essentialitèr innittitur illi ut affirmato per præmissas, easque essentialitèr supponit hoc titulo, ut fert communis, & vera sententia. Quod amplius probo: nam Deus à sua bonitate movetur intrinsecè ad intendendum finem creatum per suum decretum liberum; & tamen illa intentio non intendit bonitatem Divinam: non enim Deus intendit per decretum liberum id, quod

quod necessariò ante omne decretum possidet.

105 Id confirmo egregia doctrina Eximij
Doct̃oris, tom. 1. in 3. part. disp. 54. sect. 5. vbi pro-
bat, dari posse internum actum adorandi imagi-
nem propter exemplar, quin adoretur illo actu
exemplar: idque probat ex generali modo ope-
randi nostri intellectus, & voluntatis: *Nam po-*
test, inquit, qualibet ex his facultatibus tendere in
aliquod materiale obiectum, propter aliud vt quo,
seu vt formale, etiam si actu non tendat in illam
rem quæ est formale obiectum tanquam in rem,
seu materiam, circa quam propriè versetur, quæ
solet dici obiectum *quod*: ergò etiam intentio
adorandi potest versari circa imaginem vt ob-
iectum *quod*, seu rem adoratam propter exem-
plar vt rationem adorandi, quamvis directè non
intendat adorare ipsum exemplar. Antecedens
probat̃ur primo exemplis, tùm intellectus: nam
infidelis assentitur veritatibus Fidei nixus Di-
vino testimonio, & veritati infallibili eius vt
rationi formali, quamvis eo actu, quo credit
rem revelatam, non credat vel Deum esse pri-
mam veritatem, vel Deum hoc revelasse: idem
dicunt Dialectici de actu scientiæ, qui nititur
præmissis vt rationi assentiendi, quamvis non
feratur directè in ipsas tanquàm in obiectum
scitum, seu iudicatum per illum actum: tùm
etiam in actibus voluntatis, vt in amore, quo
amatur vna res propter aliam, vt propter ra-

„ tionem amandi: qualis est aliquis amor, quo
 „ amatur proximus propter Deum: item in ele-
 „ ctione medij pura propter finem, quæ non ver-
 „ satur circa finem ipsum volendo, sed tantum
 „ in obliquo ipsum respicit tanquam rationem
 „ volendi media. Hæc ille.

106 Vnde obiter infero Cardinalem de Lu-
 go, disp. 1. num. 104. & Ripaldam, disp. 2. num. 23.
 & 35. ex eo quod actus Fidei attingat intrinsecè
 veracitatem Divinam, vt rationem formalem as-
 sentiendi, frustra deducere, quod illam affirmet:
 ex eo enim id non sequitur; sed solum sequitur,
 quod vel illam affirmet, vel quod titulo affirman-
 di mysterium de se occultum, & impotens exer-
 cere munus motivi, supponat essentialiter alium
 actum proponentem illam authoritatem, à qua
 moveatur. Itaque quando authoritas supponitur
 affirmata ante assensum mysterij, propterea est
 motivum intrinsecum, & non merè extrinsecum
 illius: quia actus ille titulo affirmandi obiectum
 obscurum, & omnino latens, essentialitèr suppo-
 nit iudicium, vel saltem apprehensionem suassi-
 vam testimonij Divini: & implicat vt existat ille
 assensus mysterij, non prælucente repræsentatio-
 ne talis motivi; quando autem aliquid mouet tan-
 tum extrinsecè ad actum, vel potest iste absolutè
 existere, non prælucente illo motivo, sicut potest
 existere actus misericordiæ, non repræsentata pro-
 prii bonitate Divina amata per actum charita-
 tis;

tis; & actus charitatis, non repræsentata existentia præcepti vrgentis ad amandum: & ideo bonitas Divina solùm extrinsecè movet ad actum misericordiæ, & præceptum ad actum charitatis: vel licèt non possit existere actus, quin præcedat illud motivum, id non provenit ex tendentia ipsius in suum obiectum proprium, & peculiare; sed ex perfectione suppositi, in quo existit: sic actus virtutum Moraliùm, si dentur in Deo, essentialitèr supponunt motivum charitatis, quia essentialitèr postulant imperari à charitate, non ratione sui obiecti, sed ratione subiecti, nempe Dei exigentis omnia ad semetipsum referre.

107 Dicimus ergo, per assensum Fidei, quo credimus existentiam Incarnationis, non debere credi, vt *quod* veracitatem Divinam, seu non debere affirmari; sed posse supponi aliunde affirmatam, & nihilominus ab illa intrinsecè moveri assensum Incarnationis: assensus autem veracitatis, qui essentialitèr supponitur antè assensum mysterij, non debet esse actus elicitus à Fide, vtpotè cui essentialè est credere Deo dicenti, & moveri ab eius testimonio; sed debet esse elicitus ab alio lumine. Vnde sicut assensus conclusionis scientificæ, & assensus principiorum pertinent ad diversos habitus, ita assensus mysteriorum ob veracitatem Divinam, & assensus veracitatis pertinent ad diversa lumina. Quod si necesse foret vt is qui assentitur obiecto materiali propter formale,

codem actu affirmaret vtrumque, tunc assensus mysterij ob veracitatem Divinam affirmaret quidem veracitatem Divinam, & esset elicited à lumine Fidei; non tamen foret obscurus quatenus terminatur ad veracitatem; sed quatenus terminatur ad mysterium, & quatenus terminatur ad veracitatem, supponeret essentialiter illam aliunde cognitam independentè à testimonio Dei dicentis: ac proinde ille assensus quatenus affirmat veracitatem ob testimonium Dei, supponeret illam aliunde cognitam.

108 Nec obstat firmitati, & certitudini Fidei superanti certitudinem scientiæ, quod motivum Fidei supponatur aliunde cognitum per scientiam: quia certitudo Fidei non fundatur in certitudine scientiæ præcedentis de veracitate Dei; sed in ipsa veracitate repræsentata per talem scientiam: propter quam veracitatem intellectus confortatus lumine Fidei, accedente imperio voluntatis, certissime credit mysteria revelata. Pro quo nota cum P. Conink, disp. 9. num. 56. antè omnem assensum Fidei necessariò præcedere duplex iudicium, primum, quo credens iudicat, Deum esse summè veracem, ita ut nequeat vlla ratione mentiri, quod lumine naturæ notum est: & hoc iudicium est etiā necessarium ut credam Fide Divina, Deum esse primam veritatem: nam nisi prius lumine naturæ scire, Deum esse summè veracem, id de se testanti tanta firmitate non crederem: secundum, quo iudicer,

cet, res sibi propositas esse verè firmissima Fidei credibiles, idest tales, quas meritò quis credat, esse à Deo revelatas, & propter ipsius auctoritatem firmissimè credendas: quod iudicium, etiam si sæpè supponat aliquam Fidem humanam, qua credimus varijs historijs progressum nostræ Fidei narrantibus, aut communi hominum sensui, aut prudentium, aut sanctorum virorum testimonio de initio, & progressu Fidei nobis multa narratum, aut testificantium, hæc, aut illa in scripturis, & authenticis historijs contineri, & à tota Ecclesia ab initio fuisse credita. Et si, inquam, illud iudicium eiusmodi Fidem frequentèr supponat; non est tamen actus Fidei, sed euidens & certa moraliter cognitio concepta ex euidencia notarum Fidei, quæ morali euidencia nobis demonstrant, res Fidei esse tales, quas meritò iudicemus à Deo esse revelatas: simile quid invenitur etiam in fide humana: nam vt Petro aliquid affirmanti credam, primò necessarium est vt sciam, illum mihi loqui, secundò, vt iudicem, illum esse virum bonæ fidei, cui meritò credi possit.

109. Posita hac rei credendæ propositione; ita vt intellectus clarè videat, hanc rem esse talem, quam meritò sibi persuadeat à Deo revelatam, voluntas statim ex pio erga primam veritatem affectu mota, ipsius reverentia magnò donatu impellit intellectum vehementer apprehendat illam.

lam maiestatem, & auctoritatem, eamque hic, & nunc exigere vt propter ipsam firmissimè credat id, quòd tanquàm ab ea revelatum tam euidentè proponitur: atque ita partim illa apprehensione, partim imperio, & impulsu voluntatis sine vllò discursu mouetur Diuina auctoritate, & testimonio vt propter illa immediatè mysterium revelatum credat firmiùs, quàm vlli rei naturalitèr cognitæ possit assentiri. Ità, paucis mutatis, rem explicat P. Coninck ea disp. 9. num. 73. vtrùm autem assentiatur etiam existentiae revelationis ob auctoritatem Dei dicentis; an ob motiua illa, quæ reddunt euidentè credibile, Deum revelasse mysteria nostræ Fidei: dicemus disp. sequenti.

§. III.

Illud axioma, propter quod vnumquodque tale, & illud magis, non habet locum in Fide, sed in scientijs.

110 **I**llud autem axioma, Propter quod vnumquodque tale, &c. solum habet locum in scientijs, & in voluntatè; non autem in Fide, quæ longè aliter procedit ac scientia: nam Fides assumit tanquàm principium, à quo moueatur Diuinum testimonium, quin assumat vt principium motivum illud, quo inducti sumus ad credendum, Deum revelasse mysterium; at scientia nihil assumit

Demonstratur Diuinitas Christi. 221

mit vt principium, nisi vel sit per se notum ex terminis, id est notum sine probatione, vel legitime deductum ex per se notis, quatenus his deductum, ita nimirum vt non moueatur ad conclusionem scientificam, nisi quatenus probatum ex per se notis: est enim regula, & lex ii: violata scientiarum, vt incipiant ex per se notis, & acceptis; deinde autem procedant ex alijs deducendo, & probando, neque in progressu liceat quidquam assumere nisi vt probatum, & probatione ipsa mouente, & ideo nihil est virtutis in medio, quod non fuerit in principio, & inde sit derivatum: vnde cessante primò, cessat totum, ruitque totus progressus: & quia virtus quò remotior, eò influit remissiùs, conclusiones quò à principijs remotiores, eò sunt minùs certæ, vt multi philosophantur: vel saltem, vt omnes fatentur, nequit plus certitudinis esse in progressu, vel conclusione, quàm sit, vel fuerit in principijs, seu præmissis: atque adeò si aliquid claudicat in medio, claudicat in fine, & propterea conclusio sequitur debiliorem partem. Fides autem longè aliter procedit, vt sectione sequenti explicabimus cùm P. Valentia: quia principia sua assumit, non probat, neque habet præmissas, ex quibus incedat, sed præambula, quæ præsupponat, in quibus Fides se non ingerit; sed illis constitutis, incipit eliciendo assensum certiore, & firmiorem quàm sit ille, qui versatur circa præambula: siquidem hæc cognita cognitione inte-

riore detegunt authoritatem Diuinam, quæ meretur assensum firmiorem quàm meruerint ipsa præambula. Aliter ergo procedit scientia quàm Fides: sicut enim scientia non probans non est scientia; ita fides probans non est fides: nam Fides assentitur mysterio, non quia rationibus probetur, esse verum; sed quia Deus dicit, esse verum, propter cuius authoritatem assentitur firmius, quàm assentiatur scientia propter suas probationes.

III Cùm ergo cognitio veracitatis Diuinæ sit præambulum ad assensum Fidei, hic non supponit illam cognitionem tanquàm fundamentum, cui innitatur, vel tanquam regula, cui commensuretur; sed tanquàm conditionem præuiam representantem motivum, cui Fides inniti debet: habitus enim Fidei simul cùm habitu piæ affectionis (quæ est specialis virtus moralis distincta ab alijs, vt probat P. Suarez disp. 7. sect. 2.) inclinat intellectum ad assentiendum mysterijs, quæ proponuntur vt euidentè credibilia tanquàm dicta à Deo per assensum firmum super omnem assensum: videns enim homo euidens esse, quod possit, ac debeat aliquod mysterium credi tanquam dictum à Deo, per habitum piæ affectionis, vel per inspirationem supernaturalem suppletem eius vices, elicit imperium, quo determinat intellectum, vt propter authoritatem Diuinam sibi aliunde sufficientè cognitam, assentiatur Deo testifi-

canti mysterium. Vnde certitudo actus Fidei commensuratur cum habitu Fidei, & cum habitu piæ affectionis, & cum authoritate Diuina vt revelante; non autem cum rationibus naturalibus, quibus inducti sumus ad iudicandum, Deum esse summè veracem, & revelasse illud mysterium; è contra verò certitudo conclusionis scientificæ debet commensurari cum motivis, quibus intellectus inductus est ad assentiendum præmissis: quia scientia procedit inferendo vnum ex alio, & tota eius certitudo coæquatur evidentiae obiectorum, & evidentiae illationis vnius ex alio: quia scientia facit scire, & intelligere, idest quasi intus legere, vt explicat D. Thomas, & ideò est oculata, & comparatur visui, quia, sicut visus, fertur in obiecta sua quatenus apparent, & patent per motiva, & principia evidentia; at Fides non est discursiva, sed cæca, quia veritatem non eruit ex natura ipsius veritatis credendæ, eiusque causis, & effectis, sed ex testimonio, & authoritate Dei, & ideò non visui, sed auditui comparatur à Paulo: quia non videmus nisi clara; audimus autem non solum obscura, sed obscurissima, & prorsus inintelligibilia, & ideò Fides dicitur *argumentum non apparentium*. Quam doctrinam accipio ex D. Thoma 2. 2. quæst. 5. art. 2. vbi ait: *Dicendum quòd intellectus credentis assentit rei creditæ, non quia ipsam videt vel secundum se, vel per resolutionem ad prima principia per se visa; sed quia convincitur per authoritatem Di-*

uinam assentire his quæ non videt; & propter imperium voluntatis mouentis intellectum, & obedientis Deo.

112 Ex dictis patet ad fundamentum Patris Suarez, ad cuius explicationem dico, dùm quis credit mysterium quia Deus revelauit per hunc actum non credere formaliter, Deum esse veracem; sed essentialiter supponit illam veritatem aliunde cognitam: & quamvis per illum actum affirmaret, Deum esse veracem; non tamen sumendo pro motiuo testimonium Dei; sed rationem naturalem detegentem Dei veracitatem: vndè ille actus non esset Fidei obscuræ quatenus affirmat veracitatem; sed quatenus propter illam affirmat mysterium.

§. V.

Proponuntur aliæ instantiæ contrà nostram sententiam.

113 **R**ationem supra propositam §. I. huius capituli variè confirmat P. Suarez, primò: quia *duobus*, inquit, *modis* intelligi potest, hominem qui credit revelata à Deo, credere etiam, Deum esse veracem, primò eodem assensu, quo credit rem revelatam, secundò diversis assensibus: in utroque autem modo necessarium est vt Fides de ipsa veritate Dei sit supernaturalis, & infusa, in primò quidem; nam qui credit aliquid quod dicit Deus, quia ipse dicit, necessariò credit,

dit, Deum in illo actu esse veracem: in hoc ergo modo credendi, qui fortasse est per se necessarius ad Fidem, ratio formalis obiecti Fidei, non pet evidentiam, sed per Fidem cognoscitur, quia cognoscitur eodem actu, quo res ipsa credita; in secundo etiam modo necessarium est ut Fides de veracitate Dei sit infusa: nam si per distinctos actus aliquis credat, Deum esse veracem, & esse vnum & Trinum, tunc vel vnus actus fundatur in alio vel tantum concomitanter se habent: hoc secundum quamvis admittatur possibile, nihil refert ad presentem causam, quia tunc actus evidens non fundat Fidem, ac proinde Deus non est obiectum formale Fidei precise quatenus cognitus per actum illum evidentem; si autem vnus actus fundatur in alio, impossibile est, actum evidentem fundare assensum Fidei: quia actus minus perfectus, & minus certus non potest per se sufficere ad actum excellentiorem, & certiorum.

114 Confirmat primò: quia tunc illi duo actus conficiunt quendam discursum, quatenus vnus causatur ex alio, & est ratio alterius; atqui in discursu impossibile est assensum rei cognitæ esse certiorum quam sit assensus principij, scilicet rationis assentiendi: ergo etiam inter illos actus impossibile est quod assensus certus tantum per lumen naturale sit principium sufficiens assensus Fidei. Quapropter vel talis modus discursus in Fide

locum non habet, vt multi volunt, vel certè si tali discursus admittitur, necessarium est quod obiectum formale præcedat vt cognitum Fidei infusæ, & non tantum naturalitèr.

115 Confirmat secundò: nam hæc veritas: *Deus non potest dicere falsum*, non est tam evidens naturalitèr, quin ab aliquibus negari potuerit, etiã doctis, & Catholicis: siquidem Gabriel, Adamus, Olcot, & Joannes de Aliaco Episcopus, & Cardinalis docuerunt, Deum de potentia absoluta posse falsum dicere, vt refert ipse Suarez ea disp. 3. sect. 5. num. 3. ergò impossibile est vt illa veritas tantum naturalitèr cognita sit sufficiens ad assentiendum ratione illius alteri propositioni certitudine Fidei infusæ: quia sicut motivum Fidei non inducit ad assensum certum, & infallibilem, nisi vt cognitum tanquam certum, & infallibile, ita non movet ad modum, & gradum certitudinis, nisi iuxta gradum, & modum, quo ipsummet cognoscitur vt verum, & infallibile.

116 Quia verò huic rationi posset aliquis respondere cognitionem illius principij, quatenus est actus hominis, non esse causam per se assensus Fidei, neque rationem assentiendi, sed meram applicationem obiecti formalis, & idèd ratione obiecti applicati posse sufficere ad certio rem assensum, quàm sit cognitio eiusdem principij: Contrà insurgit Eximius Doctòr: quia hoc non enervat vim rationis, quia si actus naturalis hoc tantum

modo concurrat, necessaria erit alia cognitio perfectior ipsius obiecti formalis, vt possit intellectum movere ad assensum Fidei, quia non movet nisi vt cognitum, & hoc est per se necessarium vt possit inducere intellectum ad assensum, & ideo oportet vt in eodem ordine, & cum eadem certitudine cognoscatur per alium actum distinctum ab actu naturali, sive ille sit etiam distinctus ab actu, quo creditur res alia revelata, sive idem cum illo.

117 Confirmat tertio, & ultimo ex generali Doctrina D. Thomæ, 1. 2. quæst. 63. art. 3. in Corpor. & ad tertium, quod ratio naturalis non potest esse sufficiens regula virtutum per se infusarum, vt explicat latè idem Eximius Doctor, lib. 2. de grat. cap. 16. est ergo magis necessarium in virtutibus Theologicis, quia sunt perfectiores in eodem superiori ordine: mensura autem, seu regula debet esse homogenea cum regulato; vel certè non potest esse inferioris ordinis: ergo actus Fidei infusæ non potest regulari per actum rationis naturalis, neque per Deum ipsum vt cognitum ratione naturali, quia vt sic etiam continetur in inferiori ordine. Hæc est sententia Eximij Doctoris, pro qua citat D. Thomam, Scotum, Capreolum, atque Marsilium.

() ()

§. VI.

Solvuntur ille instantie, & exponitur natura assensus Fidei; & probatur, Fidem non esse discursivam, neque esse actum Fidei hanc conclusionem Trinitas est vera, prout deductam ex his præmissis: Quidquid Deus revelat, est verum; sed Deus revelat Trinitatem.

118

AD primam confirmationem fundamenti Patris Suarez, respondeo, assensum veracitatis præsuppositum ad actum Fidei, quo credo mysterium propter veracitatem, non facere discursum cum actu Fidei, quia non præsupponitur ad illum tanquàm præmissa ad conclusionem; sed tanquàm applicatio motivi, ob quod ex imperio voluntatis tribuo assensum firmiterem, & certiorerem, quàm sit assensus veracitatis: sicut quando credo veritatem aliquam, quia definita est in aliquo Concilio, assensus iste Fidei summè certus supponit actum Fidei humanæ minùs certum, quo credo, Concilium definisse illam veritatem. Quare, ut docet P. Valentia, disput. 1. quæst. 1. punct. 2. si qui assensus priores necessarij sunt antequàm eliciatur assensus Fidei infusæ, hi tantùm sunt conditiones requisitæ ad assentiendum rebus Fidei ob naturam intellectus nostri, qui obscura, & difficilia persuadere sibi non potest abs-

absque motivis distinctis : vnde non antecedunt assensum Fidei Divinae tanquam praemissa in vero discursu, sed solum tanquam conditio quaedam requisita, sine qua non eliceretur ille actus : Fides enim nullo modo mediante discursu elicit suos assensus; sed sicut visus immediatè fertur in obiecta sua sub ratione lucidi, ita etiam Fidei habitus in sua sub ratione Divinae revelationis. Additque, id pro certo supponere omnes Theologos; citat verò Scotum, Capreolum, Caietanum, & Andream de Vega. Idemque docent Eximius Doctor, disp. 6. sect. 4. Turrianus, disp. 6. dub. 1. Conink, disp. 9. à num. 9. Granadus, tract. 9. disput. 1. num. 7.

119 Sed tamen assensum Fidei posse per discursum generari, affirmat Cardinalis de Lugo, disp. 7. num. 2. citans pro hac sententia Okamum, Gabrielem, Almainum, atque Marsilium, & è nostris Patrem Vazquez, Becanum, Hurtadum, & Ripaldam, qui asserunt, conclusionem elicitam ex his praemissis, & contentam in hoc discursu: *Quidquid Deus revelat, est verum; sed Deus revelat Trinitatem: ergò Trinitas est vera*, esse actum elicitem ab habitu Fidei: Nos verò cum Authoribus primæ sententiæ dicimus, licet omnes veritates Fidei possint per discursum agnosci; non tamen esse actus Fidei sub hac ratione; sed in quantum sine discursu ob Dei auctoritatem creduntur. Rationem assignat P. Conink: quia ut quis assentiatur alicui pro-

propositioni per discursum, non sufficit quòd ei assentiat propter aliam rem distincto actu cognitam; sed debet illi assentiri propter cognitionem illius rei: ita ut cognitio sit causa obiectiva assensus consequentis; hoc autem in Fide non fit: neque enim credo, Deum esse Trinum, quia credo, Deum id revelasse; sed simpliciter quia ipse hoc revelavit. Et hoc ipsum docet Granadus, ubi suprà, & tract. 1. disp. 5. num. 32. ubi ait, conclusionem resolvi, non solum in præmissas obiectivas, sed etiam in formales.

120 Quod autem res ita se habeat, probat P. Conink: quia aliàs non possemus credere, Deum esse, nisi antè crederemus, eum hoc revelasse, & consequenter, nisi priùs crederemus Deum esse: nam hæc propositio, *Deus hoc revelavit*, includit hæc, *Deus est*, quia est idem cum hac, *Deus est hoc revelans*: atque ita priùs crederemus, Deum esse, quàm crederemus, eum esse, quod repugnat. Ut ergò huiusmodi absurda vitemus, dicendum est, nos non credere, Deum esse, aliaque revelata, quia credimus, ea esse revelata, sed immediatè, quia revelata sunt; verùm hæc probatio non concludit: nam quamvis quis per Fidem crederet, Deum existere, quia credidit, Deum id revelasse, non propterea crederet existentiam Dei, quia pro priori credit existentiam Dei: nam hæc propositio; *Deus est revelans sui existentiam*, est de materia contingenti, & hæc, *Deus est*, est de materia necessaria, ac proinde

de sunt diuersæ, nec secunda includitur in prima; quamvis autem hæc : *Deus est revelans* supponat cognitam existentiam Dei aliunde; non tamen supponit creditam per Fidem, ac proinde non crederet quis existentiam Dei, quia illam prius credidit, sed crederet per Fidem, quia prius cognouit per rationem.

121. Melius potest id ipsum suaderi : quia ut conclusio sit scientifica, non sufficit, obiectum præmissarum esse in se evidēs; sed requiritur quod evidentè cognoscatur per præmissas : nam obiectum evidens potest cognosci per cognitionem duntaxat probabilem; si autem præmissæ obiectivæ evidentes cognoscantur per præmissas duntaxat probabiles, conclusio evadit solum probabilis: ergo ut conclusio sit evidens, debent præmissæ formales esse evidentes : ergo evidentia præmissarum formalium influit in evidentiam conclusionis: ergo præmissæ formales movent obiective, & ut quod ad conclusionem, ac proinde ista vel formalitèr, vel virtualitèr reflectit supra præmissas. Non ita res se habet in Fide mysteriorum, quæ æquè certa est sive veracitas supponatur cognita per cognitionem metaphisicè evidentem, sive per iudicium solum moralitèr certum, quo quis sibi persuadeat, Deum esse summè veracem, & revelasse illud mysterium.

122. Alia etiam ratione probatur, Fidem non esse discursivam: quia in discursu formali nequit

conclusio certior esse quam præmissæ; sed potius est minus certa, & sequitur debiliorem partem: unde quamvis altera ex præmissis sit evidens; si altera sit solum probabilis, conclusio evadit solum probabilis; atqui actus Fidei est certior quam ullus actus scientiæ: ergo conclusio in discursu formali nequit esse actus elicitus à lumine Fidei. Minorem contra Durandum docent communiter Theologi ex Patribus, & Scripturis apud P. Suarez disp. 6. sect. 5. numer. 10. & apud P. Valentiam disp. 1. quæst. 4. punct. 8. ubi etiam temerariam appellat sententiam Durandi. Rationem à priori cur Fides certior sit, quam scientia, supra redidimus ex P. Suarez cap. 3. § 2. nam conclusio scientifica certior esse non potest, quam sint præmissæ; sed semper est minus certa; at actus Fidei assentiens mysterio propter authoritatem Dei revelantis certior est, quam actus scientiæ præcedens tanquam præambulum, quo nimirum quis evidenter cognoscit, Deum esse summè veracem, & per argumenta credibilitatis convincitur, revelasse mysteria Religionis Christianæ, ut supra ostensum est.

123 Si autem quæras rationem, cur in discursu formali conclusio sit minus certa, quam præmissæ: illa est: quia ut conclusio sit certa, debet utraque præmissa esse certa, & insuper debet esse evidens illatio conclusionis ex præmissis, atque adeò debet cognosci evidenter: quantumcumque
cnim

Demonstratur Diuinitas Christi. 233

enim præmissæ sint certæ; si tamē consequentia sit dubia, aut duntaxat probabilis, assensus conclusionis erit dubius, aut solum probabilis: ergo conclusio minùs infallibilis est quàm præmissæ: quia ut infallibilis sit, requirit ut neque maior, neque minor syllogismi, neque illatio fallax sit, & illusoria; at quælibet ex præmissis, ut sit vera, & infallibilis solum requirit, quòd eius motivum non sit fallax, ac proinde unicuique sufficit sua evidentia, ut sit certa, & infallibilis; facilius autem est magisque contingens, ut ex tribus, vel duabus evidentijs aliqua illusoria sit vagè, & confusè loquendo, quàm vna ex illis determinatè; difficiliusquè est, nullam ex illis fallere, quàm non fallere aliquam: ergo præmissæ longiùs absunt à fallacia quàm conclusio: siquidem paucioribus indigent ad sui veritatem, & certitudinem quàm conclusio, atque adeò sunt magis certæ, quàm illæ: ergo cum actus Fidei sit magis certus, quàm ullus actus evidens, implicat ut sit actus Fidei conclusio deducta ex duplici præmissa altera evidenti, & altera de Fide.

124. Ex dictis patet quid sit dicendum ad secundam confirmationem argumenti Patris Suarez propositam ad finem: Dùm enim dicitur auctoritatem Dei ut revelantis non movere, nisi ut cognitam, ly *ut* non reduplicat rationem formalem movendi, sed conditionem, sine qua auctoritas Divina non moveret: vnde certitudo actus Fidei
dei

dei non commensuratur cum certitudine illius cognitionis præviæ, sed cum autoritate Divina per illam proposita. Ad tertiam & ultimam confirmationem delumptam ex eo quod ratio naturalis nequit esse sufficiens regula virtutum per se infusarum, respondeo; inde non probari, quod veracitas, & revelatio Divina debeant præsupponi cognitæ per actum Fidei Divinæ; sed satis est quod supponantur cognitæ per actum supernaturalem evidentem, vel moralitèr certum elicitum viribus gratiæ: quando enim Deus homini conferret actum Fidei supernaturalis, hoc ipso vult conferre illi auxilium gratiæ, quo cognoscat auctoritatem, & revelationem Dei modo proportionato ad eliciendum actum Fidei supernaturalem: quamvis enim per actum naturalem posset cognoscere auctoritatem, & revelationem, tamen quando eliciendus est actus Fidei supernaturalis, illas cognoscit per actum supernaturalem. Præterea quamvis actus, quo pro priori ad actum Fidei quis cognoscit Deum esse summè veracem, foret merè naturalis, posset pro posteriori elici actus Fidei supernaturalis circa mysterium: quia illa cognitio esset dispositio merè physica, & remota ad actum Fidei supernaturalem; non autem dispositio moralis movens Deum ad dandum actum Fidei supernaturalis, illumve merens de congruo; & aliunde per actum merè naturalem potest repræsentari motivum Fidei Divinæ.

Demonstratur Diuinitas Christi. 235

125 Nec faret sententiæ Patris Suarez D. Thomas eo loco, quem pro se citat, nempe 2. 2. quæst. 1. art. 5. ad 1. & 3. solum enim ibi docet, non posse credi per Fidem id, quod cognoscitur per scientiam, dum sic cognoscitur: unde potius infertur, eum, qui habet evidentem demonstrationem de veracitate Divina, non posse assentiri mysterio propter veracitatē ut cognitam per fidem; sed ut cognitam per scientiam. Nec item faret ipsi quod S. Doctor docet quæst. 2. art. 4. ibi enim solum probat, ut citius, & firmitus homines Dei notitiam assequerentur, necessarium fuisse illis non solum suscipere per Fidem quæ supra naturalem rationem sunt; sed ea, quæ naturali lumine investigari possunt: hoc autem non probat, non posse veracitatem ut cognitam lumine naturæ movere ad Fidem mysteriorum.

CAPUT QUINTUM.

Obijciuntur nobis varia fundamenta, quibus probari solet, non posse Fide Divina credi mysterium propter revelationem, quin Fide Divina credatur existentia revelationis propter se ipsam.

§. I.

126 **P**ater Suarez consequenter ad ea, quæ disp. 3. sect. 6. dixerat de veracitate, sect. 12. asserit, non posse aliquem credere Fi-

P

de

de ob

de op

de Divina mysterium ob testimonium Dei dicentis, quin Fide Divina credat existentiam eiusdem testimonij. Eandem sententiam tuentur P. Vazquez 1.2. disp. 201. cap. 2. quatenus ait, primum, & per se credendum in assensu cuiuscumque mysterij esse, illud dixisse Deum. P. Coninck disp. 9. num. 11. citans D. Thomam, Caietanum, Valentiam, & Turrianum, Granadus tract. 1. disp. 5. numer. 21. Esparza quaest. 16. & denique P. Elizalde in manuscriptis de Fide, citans pro eadem P. Tannerum, licet postea in tractatu de forma verae Religionis inveniendae eam doctrinam retractaverit. Fundamentum huius sententiae propositum à P. Suarez est. *Quia necesse est*, inquit, *ut qui credit* res revelatas à Deo, credat etiam ipsam revelationem: idemque manifestè constat ex fide humana: quomodo enim intelligi potest quod quis credat sententiam aliquam ob Augustini auctoritatem, nisi credat Augustinum illam docuisse? ergo necesse est ut utrumque credat saltem æquali certitudine: quia nullus potest prudenter firmitus credere rem dictam quia dicta est, quin credat esse dictam, ut experimento constat, & ratione: quia est hoc fundamentum illius, & non potest firmitus esse ædificium quàm fundamentum. Idque patet à contrario: nam si quis dubitaret, aut formidaret, an mysteria nostrae Fidei essent dicta à Deo, consequenter necessariò vacillaret in Fide ipsorum mysteriorum: ergo necesse est ut utrum-

que

Demonstratur Diuinitas Christi. 237

que eadem Fide teneat, scilicet & rem dictam, & Deum illam dixisse: supponimus enim non dari euidenciam, præsertim supernaturalem, huius revelationis, qua seclusa, nequit esse æquè certa, nisi per eandem Fidem Divinam teneatur. In confirmationem huius sententiæ adducit omnia argumenta, quibus cap. præced. §. 5. contendebat, veracitatem debere cognosci per Fidem: idque demùm explicat: nam qui per Fidem credit aliquam veritatem, credit illam quia dicta est à Deo: ergò necessario, & intrinsecè per illum actum credit illam dictam esse à Deo. Probatur consequentia: quia hæc causalis: *Hoc creditur, quia dictum est à Deo* includit veritatem huius propositionis: *Hoc dictum est à Deo*, quæ est fundamentum credendi alia: ergò non potest absensus terminari ad veritatem rei creditæ, quin simul terminetur ad hanc veritatem, quod illud sit dictum à Deo. Idque declarat Capreolus exemplo visus, cuius actus non potest terminari ad colorem, quin simul per illum videatur lumen: quia ita est ratio videndi colorem, vt sit etiam visibile, & necessario simul videndum: ita etiam dictio comparatur ad rem dictam, quia est ratio credendi, & talis vt sit etiam medium, & motivum credendi.

127 Fundamentum verò eiusdem sententiæ prout propositum à P. Coninck vbi suprà est huiusmodi: nam Fide Theologica credimus non solum articulos Fidei esse veros, sed etiam eos esse

à Deo revelatos: esset enim verè hæreticus qui hoc negaret; atqui Fides Theologica necessariò habet pro obiecto formali testimonium Dei, sicut fides humana testimonium hominis: ergò assensus ille, quo credimus, eos articulos esse à Deo revelatos habet pro obiecto formali Dei testimonium. Quod confirmat: quia quandò Deus nobis aliquid revelat, simul etiam simpliciter testatur, se ea revelare: ergò sicut propter eius testimonium credimus, ea esse vera, ita ob idem testimonium simul credimus, ea esse à Deo revelata. Antecedens suadetur ex fide humana: nam cùm Petrus mihi dicit, *Joannes est mortuus*, non solum significat, Joannem esse mortuum; sed etiam se iudicare hoc ita esse, seque velle hoc mihi indicare, atque adeò, se id defacto facere: unde facerem eundem mendacem, non solum si negarem, Joannem esse mortuum, sed etiam si dicerem, eum hoc non scire, aut contrarium in animo iudicare: ergò idem significat Deus cùm dicit: *Verbum caro factum est, &c.* Quare vt docet P. Granadus tract. 1. disp. 5. num. 21. cùm veracitas, & revelatio pertineant ad obiectum formale Fidei, quandò quis credit mysterium ob autoritatem Dei revelantis, & credit Deum esse veracem, & credit mysterium fuisse ab eo revelatum. Quo etiam pacto id ipsum explicat P. Valentia disp. 1. q. 1. punct. 1. in octava difficultate in secunda responsione.

128 Eiusdem sententiæ fundamentum pro-

po-

ponit Puente Hurtado disp.7.§.28.vbi contendit, authoritatem humanam Ecclesiæ proponentis existentiam revelationis, non esse motivum assensus, quo credo existentiam revelationis: quia alioqui non essem certus de existentia mysterij revelati. Quod explicat exemplo: nam si mihi proponatur à Prætore promissio iurata Regis de me donando munere, non sum certus de munere; quamvis certissimus sim de Regia fidelitate, quia non sum certus de veracitate Prætoris proponentis. Rationem à priori reddit: quia de articulo revelato, & obiecto materiali non habeo maiorem certitudinem quàm de revelatione, & obiecto formali: ergò si respectu assensus, quo credo existentiam revelationis, autoritas humana Ecclesiæ est obiectum formale, de revelatione non habeo maiorem certitudinem, quàm de autoritate humana, & de mysterio, quàm de eadem revelatione, & autoritate: ergò in credendis mysterijs deficit fortitudo solatij, quamvis immediatè quis credat mysterium propter testimonium Dei: quemadmodum conclusio est minùs certa, quàm Fides, quia deducitur ex principio naturali minùs certo. Hoc autem est contra Paulum ad Hebræos 6.v. 18. qui, vt nos redderet certos hæreditatis futuræ, duplicem rationem adducit, & vtramque infallibilem, nempe promissionem, & iuramentum, vt per duas res immobiles, quibus impossibile est mentiri Deum, firmissimum solatium habeamus.

129 Si autem ab his Authoribus quæras, quodnam sit motivum, quo per Fidem creditur existentia revelationis, iam ferè omnes docent, ad assensum existentia revelationis movere immediatè ipsam revelationem, vt testatur Ripalda disp. 3. num. 41. citans pro hac sententia Suarium, Turrianum, Hurtadum, Valentiam, & Lorcam.

§. II.

Impugnantur illa fundamenta, & ostenditur, quòd, cum nobis non minùs obscurum sit, Deum revelasse mysterium Trinitatis: v.g. quàm Deum esse Trinum: sicut fieri non posse, vt assentiamur existentia propter ipsum, ita fieri non posse, vt assentiamur existentia revelationis alijs facta propter ipsam; sed necessarium esse vt intrinsecè moveamur ab aliquo alio motivo persuadente, Deum revelasse mysterium.

130 **A** Sserendum nobis est, ad credendum mysterium propter revelationem, seu propter authoritatem Dei dicentis, non esse necessarium vt existentia revelationis credamus propter testimonium Dei, seu vt credamus Fide infusa, & obscura existentiam revelationis. Probatur autem assertio: quia licèt summa Dei authoritas essentialitèr connectatur cum eo quòd assertio, seu loquutio Divina sit vera ex suppositione quòd existat; non tamen connectitur cum eo quòd existat: ergò motivum sufficiens ad credendam existentiam revelationis Divinae non est
fo-

Demonstratur Diuinitas Christi. 241

sola authoritas Dei; at neque est ipsa vt coniuncta cum ipsa revelatione: ergó non credimus existentiam revelationis propter authoritatem Dei testificantis existere revelationem.

131 Probatur minor: quia si ob aliquam rationem revelatio ipsa coniuncta cum authoritate Dei posset movere ad assensum de sui existentia, maximè ob illam, quam expendit Eximius Doëtor disp. 3. sect. 12. quia nimirum in actu exercito dum Deus aliquid dicit, quasi per intrinsecam reflectionem eiusdem actus in se ipsum dicit, se dicere, sicut eodem actu quo Deus aliquid scit, necessariò etiam scit se scire: quod etiam de scientia demonstrativa attigit Aristoteles 1. posterior. cap. 2. & inrer homines etiam, quamvis qui loquitur per expressum actum reflexum non dicat, se loqui, loquendo id satis dicit in actu exercito: & hac ratione quandó aliquid sufficienter proponitur vt dictum à Deo, eo ipso loquutio illa sufficienter proponitur vt verbum Dei; & ideó non tantum res dicta; sed etiam loquutio ipsa accipienda est & credenda vt verbum Dei iuxta illud Pauli 1. ad Thesalonicenses 2. *Cum accepissetis à nolis verbum auditus Fidei, accepistis illud, non vt verbum hominum, sed, vt verè est, verbum Dei:* hoc ergó modo Divinum verbum, & rem dictam, & se ipsum dicit, & hac ratione per Fidem infusam creditur, non per resolutionem in aliud verbum, sed per se ipsum. Hæc Eximius Doëtor, ad quam solutionem

recurrunt etiam P.Valentia disp. 1. q. 1. punct. 1.
 §. 5. in octaua difficultate, P.Coninck disp. 9. num.
 71. P.Granadus tract. 1. disp. 5. num. 11. & 12. &
 Recentiores communiter.

132 At hæc ratio non satisfacit: nam cum fideles credunt mysteria, revelatio non est facta ipsis immediatè, sed credunt propter revelationem alijs factam; sibi verò sufficienter propositam: unde quamvis Deus per revelationem dicat, se revelare mysterium; cum hoc non dicat, neque manifestet homini nunc credenti, iste non potest credere existentiam revelationis præteritam, nisi assignetur motivum inducens ad credendum, revelationem extitisse: & quamvis Dei veracitas postulet ut sit vera revelatio quatenus affirmat sui existentiam, sicut postulat ut sit vera quatenus affirmat existentiam mysterij; non tamen postulat ut existat eiusmodi revelatio: ergò impossibile est ut quis credat existentiam revelationis præteritæ, eo quòd illa supra se reflectebat quando existebat.

133 Ad conficiendum secundum argumentum suppono quòd sicut Fide Divina credimus, Deum esse Trinum, quia ille de se ipso id revelavit, ita Fide Divina credimus, Deum revelasse mysteria Religionis Christianæ: atque adeò ipsa revelatio mysteriorum potest proponi ut mysterium credendum ut quod per Fidem infusam: *Hæc est veritas terta*, inquit P.Suarez disp. 3. sect. 12. num. 8.

quia

Demonstratur Diuinitas Christi. 243

quia sepiſſimè, & varijs modis eſt in Sacra Scriptura reuelata, vt quoties Scriptura Sacra dicit, factum eſſe verbum Domini ad Prophetas, & quoties Prophetæ dicunt: Hæc dicit Dominus, ſic teſtatur D. Petrus epiſt. 2. cap. 1. Quod Spiritu Sancto inſpirante, loquuti ſunt ſancti Dei homines, & Eccleſia in ſym-bolo canit de Spiritu Sancto quòd loquutus ſit per Prophetas, & Chriſtus ipſe Joann. 7. dicebat: Mea doctrina non eſt mea, ſed eius qui miſit me. Hoc poſito.

134 Sic argumentor: nam quandò credimus exiſtentiam revelationis myſteriorum Fide Divina, motivum huius Fidei eſt revelatio reflexa habens pro obiecto revelationem directam; at non eſt revelatio reflexa vt credita Deo dicenti, & revelanti, ſe revelafſe revelationem reflexam, quia ſic daretur proceſſus in infinitum: ſiquidem ad credendam ſecundam revelationem reflexam eſſet neceſſaria tertia, & ad tertiam quarta, & ſic ſine termino: ergò motivum Fidei reflexæ, qua credimus, Deum revelafſe myſteria Religionis Chriſtianæ eſt revelatio reflexa vt cognita aliunde, quàm per Fidem obſcuram innitentem testimonio Dei dicentis: ergò poteſt dari actus Fidei qui moueatur à revelatione non cognita per Fidem eiſmodi: ergò vniverſalitèr ad credendam aliquam veritatem revelatam vt quod, non eſt neceſſe vt revelatio illius veritatis credatur per Fidem obſcuram innitentem testimonio Dei.

Nec

135 Nec satisfacies, si dicas, revelationem illam reflexam per se ipsam credi, & sic vitari procellum in infinitum: etenim illa non minùs obscura est, quàm revelatio directà, & proposita per sui apprehensionem non magis conciliat assensum illa, quàm ista: ergò non magis potest mouere ad sui assensum vna quàm alia: ergò impossibile est vt quis firmitèr iudicet, illà revelationem existere, quin ad ita iudicandū indicatur ab aliquo motivo distincto ab ipsa; vbi enim obiectū affirmatum ex terminis suis propositum non conciliat assensum sui, necesse est vt iste nitatur in alio motivo: quia intellectus nequit aliquid affirmare, nisi sub ratione veri.

136 Dices ex P. Valentia disp. 1. quæst. 1. §. 5. in responsione ad octavam difficultatem, non esse opus, vt in vniuersum omne obiectum, cui Fides assentitur, sit revelatum, sed satis esse vt sit revelatum, vel ipsa revelatio: sicut non est necesse vt omne obiectum, in quod potentia visiva fertur, sit lucidum, sed satis est vt sit lucidum, vel ipsa lux, quàm etiam videmus. Ac suaderi etiam potest, inquit, ex ipsa natura rationis *sub qua*, siue fundamento assensus: habet enim illa vt sit veluti regula quædam potentiæ, vel habitus; regulam autem non oportet attingere vt regulatum aliquid, sed vt regulam. Sic ergò in proposito rectè potest intelligi naturam Fidei esse talem, vt ex se habeat ordinem, & ad ea, quæ sunt extrinsecè revelata, & ad ipsam
etiam

etiam revelationem ; sicut non solum in revelata possit ferri tanquam in obiectum, sed etiam in ipsam revelationem, qua similiter fulciatur, ac sustentetur, ac proinde ipsa revelatio non modo sit obiectum *quod*, sed etiam exerceat munus obiecti *quo*, siue rationis formalis *sub qua* obiecti respectu sui ipsius.

137 Sed contrà: quia cum proprium sit Fidei præbere assensum veritati ob authoritatem Dei revelantis, non potest ad ipsam attinere præbere assensum existentiae revelationis, cui innititur, quia vel illa revelatio est evidens, seque ipsam evidentèr manifestans, sicut lux; & tunc assensus ille est evidens, & non pertinet ad Fidem; vel revelatio est omninò latens, & obscura, sicut mysterium: & tunc motivum assentiendi existentiae revelationis nequit esse ipsa revelatio, sed aliquid extrinsecum, nimirum authoritas proponentis existentiam revelationis, vel miracula, vel aliquid huiusmodi. Vndè dispar est ratio de luce, quæ per se ipsam innotescit, ac proinde & est ratio videndi colores, quia isti, seclusa luce, omninò latere, & est ratio cur ipsa videatur.

138 Argumentor tertio: quia cum revelatio sit quid contingens, ex terminis suis est indifferens ad existendum, & non existendum: & proposita ex terminis, non magis conciliat assensum de sui existentia, quàm de non existentia, nec minùs nobis obscurum, & occultum est, Deum revelasse

Trinitatem Apostolis, & Prophetis, quàm Deum esse Trinum; sed quia mysterium est de se occultum, & propositum ex terminis non conciliat sui assensum, non possumus assentiri mysterio propter se ipsum; sed propter motivum distinctum: ergò quia revelatio de se est occulta nobis, & proposita ex terminis non conciliat assensum de sui existentia, non possumus assentiri ipsi propter ipsam; sed propter motivum distinctum. Respondet P. Elizalde in manuscriptis de Fide, mysteria quidem indigere motivo, non quia obscura sunt, sed quia se ipsa neque obscure affirmant: quapropter neque ad se, neque ad alia credenda Fidem movent; constat autem, revelationem saltem movere ad alia credenda, eo quòd illa asserat: cum ergò revelatio etiam se ipsam affirmet, etiam monebit ad se ipsam credendam. *Est etiam*, inquit, *specialis ratio*, nè mysterijs propter se credat Fides; credat autem revelationi: quia Fides, ut Fides, alicui dicenti necesse est credat; at per mysterium nihil dicitur; dicitur autem per revelationem: ergò, &c.

139 Sed contrà: quia quòd revelatio, si semel existit, se ipsam significet sicut significat mysterium, deservit quidem ut ego credam, illam esse veram in significando, quia Deus nequit falsum loqui; non deservit autem ut ego credam, illam existere: quia illa non probat sui existentiam magis quàm mysterium illi intellectui, respectu cuius est

est

est omninò absens, & præterita, vt est respectu nostri, qui nunc credimus, Deum olim revelasse mysterium Trinitatis: v. g. Prophetis, & Apostolis, & per ipsos illud nobis credendum tradidisse. Vnde quòd revelatio seipsam affirmet, deserviet, vt intellectus, qui in se experitur revelationē affirmātem sui existentiam, & existentiam mysterij; propter revelationem credat existentiam mysterij, & existentiam ipsius revelationis, quàm experitur; non verò deserviet revelatio præterita, vt intellectus meus, qui illam non experitur, affirmet eius existentiam: quia revelatio illa proposita per sui apprehensionem non magis conciliat assensum de sui existentia quàm ipsum mysterium, dùm autem quis credit revelationi affirmanti sui existentiam, quia hanc experitur, iam independentè à Fide cognoscit existentiam revelationis: ergò vt quis propter revelationem credat mysterium, debet independentè à Fide cognoscere existentiam revelationis.

140 Hinc reiijcienda est solutio magis acuta, quàm solida, qua idem Elizalde, Valentiam sequutus, vsus est in manuscriptis de Fide ad solvendum argumentum supra à nobis propositum: dicebat enim, omnem loquutionem in semetipsam reflectere, & omnem affirmationem & obiectum, & se ipsam affirmare: & idedò illam ad obiectum credendum, & ad seipsam credendam paritèr movere, & ducere; Divinam autem loquutionem, cum
Di-

Divinæ cognitionis, & conceptus sit manifestatio, qui est veluti infinita quædam in seipsum reflexio, & sine fine omnium quæribilium solutio, & responsio, esse similiter infinitam quamdam reflexionem affirmantem se, & sui affirmationem, & affirmationis affirmationem sine fine. Vnde quærenti: cur credis Incarnationem? respondebitur: quia Deus dicit; & quærenti: cur credis, Deum dixisse? respondebitur: Quia ipse dixit, se dixisse, & quærenti: cur hoc ipsum credis? semper, & sine fine respondebitur idem quidem re; sed diversum ratione, quia illæ reflexiones differunt ratione. Dicebatque, hanc distinctionem satis, superque esse ad evitandam petitionem principij.

141 Hæc tamen subtilitas Authori ipsi postea displicuit in opere de forma veræ Religionis inveniendæ, & ex dictis rejicitur: quia cum in ipsa loquutione, & assertionē Divina duplex sit veritas, alia in essendo consistens in eius entitate, vi cuius est vera, & realis loquutio; & non ficta, quam veritatem haberet, etiam si per impossibile falsum enuntiaret; alia in repræsentando consistens in eo quod obiectum se habeat: sicut per loquutionem affirmatur: sanè prior veritas in essendo est non minùs obscura nobis, quàm veritas mysterij: quia cum ex terminis omnis revelatio sit indifferens ad existendum, vel non existendum, non magis potest secluso alio motivo, persuadere assensum de sui existentia homini, in quo non existit, vel cui im-

immediatè facta non est, quàm mysterium Trinitatis, quód ex terminis suis non potius persuadet sui possibilitatem, quàm impossibilitatem.

142 At revelatio Divina ex terminis persuadet sui veritatem in repræsentando: quia etiam si Deus non sit determinatus ad revelationem ponendam; ex suppositione tamen quód ponat, nequit ponere revelationem falsam. Vnde si semel quis assentitur existentiae revelationis Divinae, prudentissimè assentitur mysterio revelato propter veritatem revelationis in significando; & illa, quæ persuadent, Deum revelasse mysterium, hoc ipso persuadent assensum mysterij, quia aliunde supponitur, Deum non posse revelare falsum, & ideo revelatio potest esse motivum ad credendum mysterium; istud veró nequit esse motivum ad Fidem sui, vel Fidem alterius, quia non habet veritatem in significando, & dicendo. Cæterum veritas in essendo ipsius revelationis ad sui assensum non movet: quia eatenus assensum meretur quatenus constat; at illa non constat ex terminis suis proposita intellectui: siquidem termini isti: *Revelatio mysterij Incarnationis*, nullam habent connexionem cum existentia talis revelationis, neque ad illam affirmandam inclinant; nec item constat quasi per experientiam, & intuitionem ad instar sensibilibus, cum ipsa in se non conspiciatur: ergó vt affirmemus eius existentiam, hæc debet nobis constare, vel per testimonium Ecclesiæ illam proponentis,
vel

vel per argumenta moralitèr evidentia, aut valdè probabilia suadentia eius existentiam : ergò impossibile est vt revelationem obscuram credamus propter ipsam.

143 Quod confirmo : nam sicut impossibile est vt credam Deo dicenti se existere, & se esse veracem, nisi aliunde, & independentèr ab ipsius testimonio sciam, illum existere, & esse veracem, ita impossibile est vt credam revelationi affirmanti se existere, nisi independentèr ab eius affirmatione cognoscam ipsam existere. Hoc autem cognoscere non possum, nisi vel revelatio sit intrinseca meo intellectui, & per se ipsam mihi experimentalitèr innotescat, vel per sensus meos illius existentiam percipiam, vel per motivum extrinsecū mihi persuadeam existere, vel extitisse revelationem illam, quæ ex terminis suis proposita non conciliat assensum de sui existentia. In nostro autem casu, in quo credit existentiam revelationis ille, cui ipsa immediatè facta non est, hæc non est intrinseca eius intellectui, neque per sensus percipitur eius existentia: ergo solūm per medium distinctum potest induci ad affirmandum talem revelationem extitisse: v.g. quia id testatur Ecclesia, quæ magnam habet authoritatem humanam, vel quia miracula, & alia argumenta evidentia, aut per se valdè probabilia persuadent ipsam existere.

144 Respondebis ex P. Puente, Hurtado, disput. 15. §. 3. & disp. 7. §. 89. ex P. Valentia, disput. 1. quæst.

Demonstratur Diuinitas Christi. 251

quæst. 1. punct. 1. §. 6. ex P. Suarez, disp. 3. sect. 1. 2. num. 14. & ex alijs communiter, authoritatem Ecclesiæ, eiusque propositionem, miracula, & alia huiusmodi, esse conditionem *sine qua non*, ut intellectus credat existentiam revelationis propter ipsam: quia per propositionem Ecclesiæ, aliaque argumenta redditur existentia revelationis evidenter credibilis, & inde movetur voluntas ad imperandum per piam affectionem intellectui, ut assentiatur revelationi propter ipsam, & mysterio propter revelationem.

145 Itaque communiter Doctores asserentes, existentiam revelationis debere credi per Fidem Diuinam, ut propter illam credamus mysteria dicunt posse intellectum nostrum immediatè assentiri per habitum Fidei omnino infallibilem obiecto, quod ex terminis suis neque est per se notum, & evidens, neque evidenter probabile, & verisimile, sed omnino obscurum. Rationem reddunt: quia licet ex terminis non constet, obiectum esse verum in re; potest tamen constare, esse prudenter credibile: ubi autem constat, obiectum esse prudenter credibile potest intellectus ipsi immediatè assentiri prudenter: quia credit id, quod est prudenter credibile. Quare quando intellectus assentitur existentia revelationis, iuxta sententiam communem duo iudicia existunt in intellectu credentis: primum, quo dicit: *Revelatio est prudenter creditibilis*, secundum, quo dicit: *Revelatio existit*: asseritque illa sententia, hoc secundum iudicium esse

actum Fidei, & intrinsecè non moueri ab alio motiuo, sed immediatè ferri in reuelationem propter ipsam; primum autem iudicium non esse actum Fidei; sed appellari iudicium credibilitatis obiecti, & esse euidens, eiusque motivum esse authoritatem humanam Ecclesiæ, miracula, & alia argumenta credibilitatis.

146 Sed contrà: quia paritèr dici posset, supposito iudicio credibilitatis mysteriorum, intellectum assentiri mysterio immediatè propter ipsum; & non propter reuelationem; quia licèt mysterium sit omninò obscurum; tamen ubi intellectus evidentè cognoscit, esse credibile, poterit voluntas illi imperare vt credat mysteriũ immediatè propter ipsum. Vnde sic arguo: quia mysterium de se est obscurum, & ex terminis suis propositum nullatenus inclinat ad sui assensum, implicat vt voluntas imperet intellectui vt assentiatur mysterio propter ipsum; sed necesse est quòd imperet, vt assentiatur propter aliquid extrinsecum suadens eius existentiam. At reuelatio mysterij, quæ mihi immediatè facta non est, ex terminis suis non minùs est mihi obscura, quàm ipsum mysterium: ergò non potest voluntas imperare intellectui vt assentiatur existentie reuelationis propter ipsam; sed propter aliquid extrinsecum, à quo intrinsecè moueatur assensus. Ratio à priori est: quia cum intellectus sit potentia rationalis, nequit voluntas imperare ipsi, vt assentiatur immediatè veritati omninò obscuræ, & quæ ex terminis suis nullatenus

nus conciliat assensum sui; sed solum potest imperare, vt assentiatur propter rationem suadentem existentiam obiecti: alioqui posset voluntas imperare, intellectui, vt iudicet, astra esse paria, quamvis nulla ad sit ratio id suadens. Nec satisfacies, si respondeas, ideo non posse voluntatem hoc imperare; posse autem imperare vt credat existentiam revelationis: quia hoc, & non illud supponitur prudenter credibile. Non, inquam, satisfacies: quia si semel ad assensum veritatis de se occultæ non requiritur essentialiter motivum distinctum intrinsecè attactum ab assensu, poterit voluntas saltem imprudenter, & temere imperare assensum paritatis stellarum: quia si intellectus potest assentiri veritati omnino occultæ quin moveatur intrinsecè ab vlla ratione suadente ipsam; nulla erit ratio cur saltem temere nequeat voluntas ipsi imperare vt iudicet, astra esse paria; quamvis nulla ad sit ratio suadens paritatem illam.

147 Quare eatenus auctoritas Ecclesiæ, miracula, & alia argumenta reddunt mysteria nostræ Fidei evidentè credibilia, quatenus intellectum mouent vt iudicet, existere revelationem mysteriorum, quæ ex terminis suis proposita nullatenus conciliaret sui assensum, ac proinde illa mysteria reddunt mediater credibilia, quatenus suadent existentiam revelationis, illamque reddunt immediatè credibilem; implicat autem vt reddant revelationem immediatè credibilem, & quod non mo-

veat immediatè dùm creditur: quia dùm credit intellectus existentiam revelationis omninò obscuræ, & de se non conciliantis sui assensum, debet intrinsecè moveri ab aliqua ratione suadente mysterium; alioqui si sola voluntas haberet rationem ad imperandum, & intellectus non haberet rationem ad assentiendum, sola voluntas esset potentia rationalis; non autem intellectus, nec iste tunc tenderet sub ratione veri, quòd pugnat cùm ipsius natura. Quod confirmatur: quia si revelatio esset evidens, & per se innotesceret credenti, non indigeret intellectus motivis extrinsecis credibilitatis ad præstandum assensum revelationi: quia tunc illa per se ipsam moveret: ergò si indispensabiliter sunt necessaria motiva credibilitatis extrinseca, quandò revelatio est obscura, id ideò est, quia tunc intellectus nequit assentiri existentiae revelationis, nisi ob illa motiva, vel saltem aliquod illorum.

148 Dices: etsi non appareat, revelationem existere ex terminis ipsius, sed ex argumento extrinseco, vi cuius redditur credibilis; tamen revelationem habere veritatem distinctam à veritate illius argumenti: atque adeò posse credi immediatè propter se ipsam. Ratio à priori videtur esse: quia cùm obiectum intellectus sit veritas apparēs, quodcumque obiectum verum apparens veritate propria distincta à veritate cuiuslibet alterius potest movere ad assensum sui ratione veritatis propria

priæ apparentis. Quòd potest à paritate confirmari: siquidem obiectum non apparens in se ipso bonum, sed in alio bono; si tamen appareat bonum bonitate distincta, potest movere ad amorem sui, quin moveat bonum illud, in quo apparet bonum: ergò obiectum distincta veritate apparens verum in alio potest movere ad assensum sui, quin moveat obiectum aliud, in quo apparet verum. Antecedens videtur certum: nam cognoscenti creaturas in Deo, si nullam aliam habere cognitionem repræsentantem eas in se ipsis, creaturæ in se ipsis non apparerent bonæ, sed tantum in Deo, quia non repræsentabantur in se ipsis; & tamen quia non apparebant bonæ bonitate Dei, sed bonitate distincta poterant movere ad amorem, non Theologicum, quatenus ratione propriæ bonitatis movere poterant ad amorem sui, quin ad illum amorem moveret bonitas Dei: vnde tunc beatus posset exercere actus virtutum moralium, & amare obiecta creata propter eorum bonitatem. Consequentia patet: quia supposita cognitione in Deo repræsentante beato, creaturam habere bonitatem distinctam à bonitate Divina, manet indifferens voluntas beati ut amet bonitatem creaturæ vel propter bonitatem Divinam amore charitatis, vel propter se amore alterius generis, scilicet virtutis moralis: ergò similiter cum in propositione Ecclesiæ appareat vera existentia revelationis veritate distincta, non manebit intellectus necessi-

tatus vt assentiatur existentiae revelationis propter authoritatem Ecclesiae illam proponentis, sed poterit assentiri propter veritatem ipsius revelationis.

149 Verum hæc responsio non satisfacit: quod enim mysterium habeat veritatem distinctam à testimonio Dei, non probat, posse intellectum illi immediatè assentiri propter ipsam: nam illa veritas mysteriorum est omnino latens, & obscura, quatenus proposita ex terminis suis: vnde vt repræsentata per sui apprehensionem claram, & distinctam non habet vim movendi, & inclinandi ad sui assensum, sed præcisè movet vt appàrens in revelatione, & ratione revelationis, seu Divini testimonij: hoc enim vt repræsentatum est quod vnicè movet ad assentiendum mysterio. Nec vrget paritas: nam bonitas creaturarum cognita tanquam in medio, non idè præcisè movet, quia est bonitas distincta; sed quia est bonitas, quæ ratione sui proposita habet vim inclinandi ad sui amorem: quamvis enim cognitio illius bonitatis creatæ nihil aliud repræsentaret, sufficientè moveret ad illius amorem.

150 Vnde dum beatus videt bonitatem creatam in Deo, duplex illi motivum proponitur ad amandam illam bonitatem, nempe bonitas Divina, quæ movet ad amandum obiectum creatum propter Deum, & bonitas ipsius creaturæ, quæ vt repræsentata per cognitionem sui sufficientè mo-

vet ad sui amorem : quia quamvis cognitio illa nullum aliud obiectum repræsentaret præter bonitatem creatam , proponeret sufficiens motivum ad amandum: parer ergò evidentèr disparitas: nam apprehensio Trinitatis (& idem est de apprehensione revelationis omninò obscuræ, & latentis) si præcisè repræsentaret vnitatem essentiæ , & Trinitatem personarum , nullatenùs moveret ad sui assensum: vnde infertur , solam apprehensionem, vel affirmationem revelationis movere ad assentiendum mysterio omninò obscuro, & latenti : ac proinde solam revelationem Dei vt distinctam à mysterio esse motivum adæquatum assentiendi mysterio; & similiter infertur, solam apprehensionem, vel affirmationem authoritatis Ecclesiæ , & aliorum motivorum credibilitatis movere ad assentiendum existentie revelationis omninò obscuræ, & latenti.

151 P. Ripalda videns ex vna parte impossibile esse, vt quis assentiatur existentie revelationis obscuræ, quin moveatur à motivo extrinsecò tali revelationi, & ex alia parte agnoscens , non posse esse assensum Fidei illum, qui non movetur à testimonio Dei: asseruit disp. 3. de Fide sect. 4. num. 54. revelationem immediatè movere ad assensum Fidei, non præcisè apprehensam secundum prædicata intrinseca; sed etiam secundum prædicata extrinseca nobis nota, qualia sunt miracula, authoritas humana Ecclesiæ, & aliæ notæ, quæ revelatio

tionem credibilem reddunt; ac proinde asserit, motivum adæquatum assensus terminari ad reuelationem conflare ex reuelatione ipsa, & ex motiuis extrinsecis; quæ illam hic; & nunc reddunt credibilem.

152 Sed contrà primo: quia vt ostendimus contra hunc authorem disp. 2. sect. 1. non minùs repugnat Fidei respicere authoritatem humanam, quæ fallibilis sit; tanquàm motivum parziale, quàm tanquàm totale. Contrà secundò: quia ratio probans, reuelationem non posse mouere ad assensum sui adæquatè, probat, nec posse inadæquatè, vt ibi ostendi. Contrà tertio: quia sicut mysterium ipsum, quia obscurum, & latens est, nullatenùs mouet ad sui assensum, ita nec reuelatio obscura, &c.

153 Denique respondebis ex Michaelè de Medina lib. 5. de recta in Deum Fide distinguendum esse inter Fidem Apostolorum, aliorumque, qui immediatè à Deo per reuelationem, aliòve modo Fidem didicerunt, & inter nostram Fidem, & motivum quidè prioris Fidei esse testimonium Diuinum; motivum verò posterioris esse authoritatem Ecclesiæ quatenùs ab Spiritu Sancto dirigitur, & habet assistentiam infallibilem eius ad non errandum in his, quæ credenda proponit Fidelibus, vt constat ex illis verbis, Marth. 16. num. 18. *Tu es Petrus, & super hanc petram ædificabo Ecclesiam meam, & portæ inferi non præualebunt adversus eam,*
&

& ex illo Matth. 18. *Si Ecclesia non audierit, sit tibi sicut Ethnicus, & publicanus,* & ex illo Joan. 14. *Ego rogabo Patrem, & alium paraclytum dabit vobis, vt maneat vobiscum in æternum, spiritum veritatis, & denique ex illo 1. ad Timoth. 3. Vt scias quomodo te oporteat conservari in domo Dei, quæ est Ecclesia Dei viui Columna, & Firmamentum veritatis.* Iuxta hanc sententiam, quàm etiam videtur approbare Bañez hic q. 1. art. 1. dub. 4. credimus mysterium, quia illud Deus reuelauit; Deum verò reuelasse credimus, quia Ecclesia, cui Deus assistit, vt errare non valeat, id credendum proponit.

154 Sed contra: quia hæc sententia incidit in circulum vitiosum, dùm ad credendam existentiam reuelationis non recurrit ad authoritatẽ humanam Ecclesiæ quatenus est congregatio hominum sanctitate, & sapientia illustrium, miraculis, & Martyrum sanguine, alijsque notis illustrata, sed ad authoritatem Diuinam, quam habet ex assistentia Spiritus Sancti. Si enim inquiramus à Fidei, cur credat, Deum reuelasse mysterium Incarnationis, respondere debet iuxta hanc sententiam: quia Ecclesia Christi, quæ assistentiam habet Spiritus Sancti, ita credendum proponit: si autem ulterius quæramus, vnde sciat, Ecclesiam habere illam assistentiam Spiritus Sancti? sanè cùm id non videatur ex terminis notum, respondebit, se id scire, quia Ecclesia ita docet, quæ errare non potest. Vbi committitur manifestus circulus, dùm pro-

probas existentiam reuelationis ex autoritate Ecclesiæ, & autoritatem Ecclesiæ ex existentia reuelationis.

155 Nec satisfaciunt aliqui Authores contententes, illum circulum non esse vitiosum, cum habeamus illum modum assentiendi in alijs casibus: nam si Regis minister afferat Regis Epistolam, qua iubeat haberi fidem ipsius nuntio, tunc credimus, Epistolam esse Regis, quia nuntius dicit, nuntio autem credimus, quia Rex iubet ipsi credi. Non, inquam, satisfaciunt: siquidem in casu proposito non credimus, litteras esse Regias præcisè, quia nuntius dicit; sed quia aliundè ex alijs indicijs id cognoscimus: v.g. ex sigillo, & subscriptione. Quòd si non esset alia via ad credendum, litteras illas esse Regias, quàm testimonium nuntij, impossibile foret credere, litteras esse Regias propter autoritatem nuntij vt Regia autoritate firmatam; sed vel non posset credi, vel crederetur ob autoritatem nuntij secundum se sumptam: pariter ergo si non esset alia via ad cognoscendum, Deum revelasse mysteria: nisi testimonium Ecclesiæ, impossibile foret credere ob autoritatem Ecclesiæ vt munitam autoritate Divina, & assistentia Spiritus Sancti, Deum revelasse mysteria, sed vel id non posset credi, vel certè crederetur ob autoritatem humanam Ecclesiæ quatenus est cætus hominum sanctitate, & sapientia illustrium, inter quos miracula vigerunt omni sæculo, & constantia in subeundo

Martyrio coniuncta cum puritate, & innocentia vitæ: quæ authoritas sufficiens est ad fundandam fidem humanam moralitèr certam; non videtur autem sufficiens ad fundandam Fidem Divinam, quæ essentialitèr nritur testimonio Dei.

156 Ratio à priori desumitur ex doctrina Aristotelis in libris posteriorum, & ex communi omnium Philosophorum, quod omnis assensus intellectus, vel debet esse immediatus, id est affirmas rem immediate propter ipsam, & non propter aliã, vel debet reduci ad aliquem assensum immediatum, cui ultimò innitatur: sicut omnis actus voluntatis tendit in finem, seu in bonum propter se appetibile, vel in medium, seu in bonum, quod appetitur propter aliud, & nè in infinitum progressus fiat; debemus sistere in aliquo bono, quod immediate propter se ametur. Quare sicut non posset amari medicina præcisè propter sanitatem, si sanitas præcisè amaretur propter medicinam: ita intellectus non potest assentiri vni veritati propter aliam, si huic alteri solum propter priorem assentiretur; alioqui eadem propositio faceret fidem sibi ipsi, & esset antecedens, ex quo ipsamet inferretur: unde esset certior, & incertior se ipsa, certior: quia esset antecedens; minùs certa, quia esset consequens: omnis enim propositio debet esse certior, quàm illa, quæ ex ipsa inferitur.

§. III.

Ex dictis contra alias sententias concluditur, motiva ipsa credibilitatis non solum inducere ad imperandum assensum de existentia revelationis; sed esse motivum intrinsecum talis assensus.

157. **D**Ico ergo, motiva ipsa credibilitatis, quæ in sententia communi movent voluntatem, ut per piam affectionem impetret assensum firmum circa existentiam revelationis, movere quoque immediate ad assensum de tali existentia: sicut motiva evidentè probabilia movent voluntatem ad imperandum assensum opinativum circa veritatem obiecti, movent etiam immediate ad ipsum assensum: quândo enim dubitatur, an aliquis contractus sit licitus, & post diligentem quæstionis discussionem factam citrà omnem passionem, & ex sincero affectu inveniendi veritatem, in actu primo occurrunt rationes valide suadentes, illum contractum esse licitum, & præponderantes rationibus in contrarium, intellectus evidentè experitur vim maiorem illarum rationum, & reflexe potest evidenter iudicare, esse sibi certò probabile, seu certò prudenter iudicabile, illum contractum esse licitum, & insupèr, ex vi illarum rationum præponderantium potest: in omnium sententia, elicere iudicium certò prudens

dens quod ille contractus sit secundum se licitus quamvis enim non sit certum, quod intellectus possit prudenter assentire ob rationes minùs, vel æquè probabiles; est tamen extra controversiam, quod saltem ob rationes probabiliore, & vrgentiores sic apparentes, potest prudenter assentire: similiter ergo in nostro casu.

158 Hæc sententia constat ex impugnatione sententiæ communis exhibita in hoc capite, §.2. pro ea citat Cardinalis de Lugo, disp.1. num.51. Scotum, Durandum, Gabrielem, Okamum, & Medinam, & refert aliquos testantes, Patrem Vazquez multum in hanc sententiam inclinasse: & ut vidimus supra, illa coincidit cum sententia Recētorum, quos suppresso nomine citat, & sequitur Cardinalis Sphortia, num.56. & 58. & in re est ipsa sententia Cardinalis de Lugo rectè explicata, & sine incommodis, quæ ille cogitur admittere, dum asserit, nos credere ipsa mysteria propter loquutionem mediatam Dei, & dum ait, propositionem Parochi esse loquutionem Divinam, & immediatè movere ad assentiendum Fide Divina existentiae revelationis præteritæ, quod nos in tractatu de Fide probavimus esse falsum. Coincidit etiã cum sententia Patris Ripaldæ quatenus disput.3. num.69. docet, Fidem Divinam quoad assensum revelationis resolveri in motiva extrinseca, quæ reddunt credibilem existentiam illius; licet falso assermet, partim etiam resolveri in veritatem intrinse-

secam ipsius revelationis: cum enim veritas existentiae revelationis sit omnino latens, & obscura, nullo pacto, nec inadaquatè movet ad assensum sui, sed est obiectum purè materiale illius, ut fuisse ostendimus in praesenti capite. Eandem doctrinam nervosè defendit P. Elizalde in opere de forma veræ Religionis quærendæ, & inveniendæ quæst. vltima; & P. Ægidius Estrix in Diatriva Theologica, assert. 25.

§. III.

Solvuntur fundamenta contendentia, non posse Fide Divina credi mysterium propter revelationem, quin Fide Divina credatur existentia revelationis.

159 **E**X dictis facilè respondetur ad fundamenta, quibus §. 1. P. Suarez, P. Conink, & P. Puente, Hurtado suadebant, existentiam revelationis credendam esse Fide Divina. Ad fundamentum Patris Suarez, respondeo, neminem posse propter Dei testimonium credere mysterium, quin vel per scientiam, vel fidem aliquam sibi firmitè persuadeat, Deum revelasse mysterium; necessarium tamen non esse quòd Fide Divina, ob testimonium scilicet Dei, quis credat, Deum revelasse mysterium; sicut ut quis propter Dei veritatem credat mysterium, non requiritur,

tur, quòd Fide Divina credat veracitatem; sed satis est quod per scientiam id assequatur, vt probavi capite 4. Fides enim mysterij non fundatur in scientia, vel fide, qua persuadeamur, Deum summè veracem revelasse mysterium, nec illi commensuratur; sed fundatur in ipsa veracitate, & revelatione Divina: nam postquam quis cognitione ordinis inferioris persuasus est, Deum esse summè veracem, & revelasse mysterium, statim resultat iudicium evidens, quo cognoscit, se posse, ac debere credere ob authoritatem Dei cum summa firmitate mysterium: quia lumine naturæ notum est reverentiam Deo loquenti debitam postulare, vt vbi quis sibi persuadet, Deum loqui, cum summa firmitate credat ei, sicut vbi quis prudenter iudicat, aliquam actionem esse peccaminosam, etiam si illud iudicium speculativum sit tantum probabile, statim resultat iudicium practicum reflexum omninò evidens, quo censet, sibi illicitum esse hic & nunc exercere contractum illum: quia lumine naturæ notum est, reverentiam Deo præcipienti debitam postulare vt quis absteineat à contractu illo, quem speculativè iudicat esse secundum se prohibitum, dum ita iudicat, neque potest iudicare oppositum, etiamsi illud iudicium speculativum sit tantum probabile. Quare cognitio proponens revelationem mysterij est mera conditio, & applicatio motivi Fidei Divinæ, & cum illa minimè proportionatur assensus Fidei, qui fir-
mior

mior multó est: illud namque axioma: *Propter quod vnumquodque tale, &c.* solum habet locum in scientijs, & in voluntate, vt exposui.

160 Et sanè quód non requiratur eadem certitudine credere existentiam reuelationis, quapropter reuelationem, credimus existentiam mysterij, persuadet ipsum exemplum adductum à Patre Suarez: quamvis enim nemo possit credere sententiam aliquam ob authoritatem Augustini, quin sibi persuadeat, Augustinum protulisse illam sententiam, vel quin sibi persuadeat, esse Augustini librum continentem illam sententiam; tamen non requiritur, quód fides illa, qua credit librum esse Augustini, sit eiusdem firmitatis cum illa, qua credit veritatem illius sententiæ ob authoritatem Augustini: nam satis est quód authoritate inferioris ordinis sibi persuadeat, illum librum esse Augustini, nimirum ob authoritatem viri grauis ad hoc vt pro posteriori ob authoritatem Augustini eliciat assensum superioris ordinis. Pariter ergó sufficiet quód fide humana moraliter certa sibi quis persuadeat, Deum reuelasse mysteria, vt Fide Diuina propter authoritatem Dei firmissimè credat rem reuelatam.

161 Verum quidem est quód si quis dubitet de existentia reuelationis, hoc ipso dubitabit de existentia mysterij; id tamen non probat quód reuelatio debeat credi Fide Diuina; sed quód vel debeat cognosci per scientiam, vel per fidem aliquam, qua

qua quis sibi persuadeat, Deum reuelasse mysterium, siue illa fides sit Diuina, siue humana moraliter certa, qualis est omnis assensus opinativus vnius partis ob motiua graua, & vrgentia, quando non adest fundamentum pro parte opposita prudens dubitandi, an assensus ille sit falsus.

162 Nec est necesse vt is qui credit mysterium aliquod, quia dictum est à Deo, credat eodem actu, illud dictum esse à Deo, attingendo reuelationem Dei vt obiectum *quod*, illamve affirmando, vt ostendi supra capite 4. quia non est necesse vt assensus obiecti materialis attingat directè rationem formalem assentiendi, sed sufficit, quod illam essentialitè supponat attractam directè, & affirmatam per actum priorem, & quòd ipse eam attingat indirectè. Sic conclusio respicit intrinsicè obiectum præmissarum, nec tamen illud iterum affirmat: siquidem ex falsis præmissis aliquando sequitur vera conclusio, quod non posset verificari, si per conclusionem deberet iterum affirmari obiectum præmissarum.

163 Ad fundamentum Patris Coninck fateor, Fide Theologica non solum credi quòd articuli Fidei sint veri, sed quòd sint à Deo reuelati, non quia sit necessarium ad credendum mysterium Fidei Diuina, quòd Fide Diuina prius credamus, Deum illud reuelasse; sed quia in Scriptura Sacra Deus reflexè reuelauit, se reuelasse mysteria nostræ Religionis: vnde qui Fide Diuina credit Deum, reue-

lasse mysterium, innititur testimonio Diuino ad hoc credendum; non tamen est necesse vt omnis credens actu mysterium, Fide Diuina actu credat existentiam reuelationis. Hinc fateor, futurum fuisse hæreticum qui negaret, Deum reuelasse mysteria nostræ Religionis, tum quia opponeretur Scripturæ id testanti, & definitionibus Conciliorum; tum quia qui negaret mysteria fuisse à Deo reuelata, negaret Fidem ipsorum mysteriorum, quia hæc subsistere nequit sine reuelatione vel scita, vel credita siue Fide Diuina, siue saltem fide humana: vnde omnis, qui tenetur credere mysteria Fide Diuina, tenetur non negare quòd illa sint à Deo reuelata, licet non semper teneatur Fide Diuina credere quòd sint reuelata: vt enim teneatur credere Fide Diuina mysterium, satis est quòd teneatur credere existentiam reuelationis siue Fide Diuina, siue fide humana: euidēs enim est quòd teneatur credere Fide Diuina mysterium is, qui fide humana moralitèr certa credit, Deum illud reuelasse: quia habet motivum Fidei Diuinæ sufficientèr applicatum per fidem humanam, ratioque euidens dictat, credendum à nobis esse Fide Diuina mysterium quoties prudenter censemus, illud esse à Deo reuelatum: sicut ratio euidens dictat, euitandum nobis esse contractum quoties prudenter censemus, illum esse prohibitum.

164 Nec vrget confirmatio adhibita à *Coninck*: nam licet quandò Deus reuelat aliquod myste-

mysterium immediatè Prophetis , simul reuelet virtualitèr, se illud reuelare , atque adedò reuelatio possit credi immediatè propter se ipsam à Propheta illam suscipiente , & experimentalitèr illam cognoscente; tamen respectu nostri, qui illam reuelationem non suscepimus, eius existentia est penitus ignota, non minùs quàm existentia mysterij, vt satis ostendi.

165 Ad fundamentũ Patris Hurtado, respondeo negando sequelam : nam vt ego sim certus certitudine Fidei Diuinæ respicientis vt motivum intrinsecum infinitam Dei autoritatẽ, satis est quòd sim certus certitudine fidei humanæ de existentia reuelationis: quia per fidem purè humanam ; moralitèr tamen certam proponentem mihi autoritatem Diuinam, sufficientèr mihi applicatur motivum Fidei Diuinæ. Vnde falsum est quòd non possim habere maiorem certitudinem de articulo, & mysterio reuelato quàm de existentia reuelationis , vt cernitur in homine credente veritatem aliquam, quia definita est in Concilio, qui magis certus est de veritate illa , quam credit Fide Diuina, quèm de existentia talis definitionis, quam solùm credit fide humana. Falsò prætereà supponit hic Author , autoritatem summam Ecclesiæ proponentis existentiam reuelationis esse purè humanam, vt inde inferat, actum credentem existentiam reuelationis propter autoritatem summam Ecclesiæ, non esse Fidei Diuinæ: iam enim in tra-



Etatu de Fide ad finem sectionis 6. ostendimus authoritatem Ecclesiæ quatenus miraculosè fundatæ, & mirabilitèr permanentis, & tot mirabilibus notis ornatæ esse authoritatem Diuinam: vnde qui animadvertit Ecclesiam tot signis illustratam aliquid credendum proponere, hoc ipso apprehendit eius testimonium vt Diuinum, & credit Fide Diuina existentiam reuelationis, quamquàm ad credendum Fide Diuina mysterium propter reuelationem, non requiratur ex his credere Fide Diuina existentiam reuelationis, sed satis est vel illam cognoscere per scientiã, vel per Fidem humanam moralitèr certam, vt ostendimus.

166 Ad exemplum adductum ab Hurtado respondeo, cum, qui ob testimonium Prætoris credit, Regem sub iuramento promississè donum sibi, certiozem esse intra genus fidei humanæ de bono sibi dando à Rege, quàm sit de veritate testimonij Prætoris: quantū enim dignitas Regis excedit dignitatē Prætoris, tantum fides innixa authoritati eiusdē Regis excedit fidē innixam authoritati Prætoris; vtraque tamen fallibilis est. Requiritur quidem vt miles, cui proposita est promissio iurata Regis nō dubitet de veritate Prætoris narrantis, nec dubitet de præmio sibi concedendo; at postquàm securus est de veritate Prætoris, potest ob fidelitatem Regis securior reddi de dono sibi à Rege concedendo. Pariter ergo vt quis ob authoritatem Dei dicentis certus sit de re reue-

lata, debet esse securus de eo quod Deus reuelauerit; hæc tamen securitas non debet esse necessariò securitas Fidei Diuinæ; sed sufficit quod sit vel securitas scientiæ, vel fidei humanæ moralitèr certæ, & quæ dubitationem prudentem excludat. Vnde summoperè expedit ad perseuerantiam in Fide, vt quis ritè expendat motiua credibilitatis, quibus euidenter, saltem euidencia morali, probatur, Deum esse authorem Religionis Christianæ: qui enim voluntariè admitterit dubitationem de eo quod Deus reuelauerit mysterium, hoc ipso dubitabit de veritate mysterij. Vnde Christiani rustici in captiuitatem redacti à Mahumethanis, qui non penetrarunt argumenta, quibus persuademur, Deū esse authorem Religionis Christianæ facilius possunt seduci, & ad Mahumethanismum trahi, quàm qui illa motiua perspecta habent. Et præterea summoperè expedit in oris maritimis, in quibus passim Christiani captiui ducuntur in Africam, à Prædicatoribus Euangelicis inculcari motiua credibilitatis, & populo pro dignitate exponi.

167 Neque autoritas Pauli adducta ab Hurtado quidquam contra nos probat: solū enim probat, Deum, vt nos redderet omninò certos de remuneratione æterna non solū adhibuisse promissionem; sed etiam iuramentum: vt enim quis firmissimum solatium habeat de futuritione rei promissæ nõ requiritur per se, & ex terminis quod Fide Diuina credat, Deum promississe, & iurasse:

nam qui audiret Deum iurantem, & euidentèr
 cognosceret, Deum sibi loqui, firmissimum sola-
 tium haberet, credens futurum esse quod Deus
 promissit, & iurauit: similiter qui per argumenta
 moraliter euidentia sibi persuaderet, Deum pro-
 mississe, & iurasse, se daturum mercedem æternā,
 etiam haberet firmissimum solatium ob gloriam
 sibi promissam, & pariter dicendum est de eo qui
 fide humana moraliter certa crederet, Deum ita
 promississe, & iurasse: nam promissio, & iuramen-
 tum Dei sufficienter applicantur per illam fidem
 humanam moraliter certam vt accedente impe-
 rio supernaturali piæ affectionis, & lumine Fi-
 dei, eliciatur actus Fidei Diuinæ firmis-
 simus circa futuritionem rei
 promissæ.

CAPUT SEXTVM.

Ad credendum Fide Diuina mysterium propter reuelationem nec sufficit quod pro priori assentiamur existentie reuelationis assensu opinatio cum formidine, nec requiritur quod assentiamur assensu metaphysicè euidenti: nec assensu omninò certo, & infallibili, siue assensu Fidei Diuinæ, sed satis est quod assensu fidei humane moralitè certo, vel ob rationes adeò probabiles, vt non sinant prudenter dubitare, iudicemus, Deum illud reuelasse,

§. I.

168 **Q**UOD non sufficiat assensus opinati-
vus cum formidine, iam omninò
certum est post Bullam editam à Sanctissimo D.
N. Innocèntio Vndecimo anno 1679. in qua quin-
que supra sexaginta propositiones vt minimum
tanquàm scandalosas, & in praxi perniciosas damnauit;
atque prohibuit: certum enim est, Summum Ecclesiæ
Pastorem habere authoritatem infallibilem ad de-
clarandum Christi ouibus quænam sint pascua nō-
ciua, & venenosa, à quibus cauere oporteat; quæ-
nam salutifera, quæ oporteat sedulo quærere. In-
ter illas autem propositiones vigesima prima est
hæc: *Assensus Fidei supernaturalis, & utilis ad salu-
tem stat cum notitia solùm probabili reuelationis, imò*

et in formidine, qua quis formidet, nè non sit loquutus Deus.

169 Quòd non requiratur euidèntia metaphysica de existentia reuelationis, patet: quia quavis viri sapientes penetrantes motiua euidèntia credibilitatis, quibus Deus insigniuit Religionem Christianam, euidènter iudicare possint, Deum esse Authorem illius, quia euidens est, Deum non posse tot signis veritatis ornare Religionem falsam; tamen hæc euidèntia est paucorum: vnde si illa foret necessaria ad credendum Fide Diuina mysteria nostræ Fidei, rustici, & indocti excluderentur à Regno Cælorum, quod sine Fide adquiri non potest: hoc autem est euidènter falsum.

170 Quòd verò non requiratur, quòd Fide Diuina, & propter authoritatem Dei dicentis credamus existentiam reuelationis, abunde à nobis probatum est in capitibus præcedentibus.

171 Dicendum ergo nobis est cum Scoto, cum Gabriele, cum Okamo, & alijs apud Ripaldam disp. 3. num. 28. & cum Ægidio Estrix in diatriua Theol. assert. 33. à n. 153. ad 158. inclusiuè, ad credendum Fide Diuina mysterium propter reuelationem, satis esse, quod assensu Fide humanæ moralitèr certo, vel ob rationes adeò probabiles, vt non sinant prudenter dubitare, iudicemus, Deum illud mysterium reuelasse. Probatur primò: quia vt ego credam veritatem aliquam definitam in Concilio propter authoritatem infallibilem Concilij defini-

nientis, satis est quod firmiter credam, Concilium definiſſe illam veritatem: hoc autem non credo, Fide Diuina, ſed fide humana, quia ſcilicet video id teſtari homines ſapientes, & hiftorias fidedignas: ergo ſufficit credere fide humana exiſtentiam reuelationis, vt propter reuelationem Fide Diuina credam myſterium reuelatum.

172 Vt ſecundam probationem conficiam, ſuppono, ſufficere motiua humana, vt quis prudenter iudicet, Deum reuelafſe myſterium: quia nimirum quod id multi viri ſapientes, & probi vniformiter teſtentur, de quibus nullum habeas prudens fundamentum ad ſuſpicandum, eos vel per malitiam velle decipere, vel per ignorantiam decipi: euidens enim eſt, poſſe intellectum accipere vt verum id, quod multi probi, & ſapientes palam, & conſtantly vt verum ſine vlla hæſitatione affirmant quando non adeſt fundamentum ad iudicandum, illos vel decipere, vel decipi: ergo ſatis eſt quod quis ſciat, omnes Episcopos, & Doctores Chriſtiani Orbis docere, Deum reuelafſe myſterium Incarnationis, vt prudenter ſine hæſitatione credat, hoc eſſe verum; id autem poteſt ſcire quin advertat ad miracula, & inſignia mirabilia, quibus fulget Eccleſia Catholica, & quæ oſtendunt, illam eſſe os, per quod Deus hominibus publice, & ſenſibilitery loquitur, & conſequentery quin advertat ad Diuinam eius authoritatem, ſed ſiſtat in authoritate humana, quæ in hoc genere eſt omnium maxima.

Hoc

173 Hoc supposito, sic argumentor secundò: ut quis Fide Divina credat Deo loquenti, sufficit quòd prudenter, & sine vlla hæsitazione iudicet, Deum loqui; at fide humana potest sic iudicare, Deum loqui: ergò ut quis credat Fide Divina Deo loquenti, sufficit quòd fide humana prudenter, & sine hæsitazione iudicet, Deum loqui: ergò ut quis Fide Divina credat mysterium Trinitatis: v.g. propter authoritatem Dei revelantis, sufficit quòd fide humana credat, Deum illud revelasse. Cætera constant; sola maior indiget probatione.

174 Ea autem facile suadetur: nam qui prudenter, & sine vlla hæsitazione iudicat, Deum esse loquutum, evidentèr potest iudicare, sibi hìc, & nunc honestum esse credere Deo loquenti, imò, se hìc & nunc teneri credere: est enim evidentèr illicitus hìc actus: *Ego quidem prudenter, & sine hæsitazione iudico, Deum revelasse mysterium Trinitatis; nolo tamen illud credere, sed dubito, an sit verum:* esset enim manifesta iniuria contra summam Dei authoritatem in testificando: ergò supposito illo iudicio fidei humanæ, quo quis sine hæsitazione prudenter iudicat, Deum revelasse mysterium Trinitatis, potest voluntas prudenter imperare intellectui ut propter infinitam Dei authoritatem firmissimè, & super omnia credat, illud esse verum, ut patet ex dictis, capite 4. §. 6. ubi explicuimus quomodo certitudo Fidei sit super omnia, & cur pos-

possit esse maior quàm certitudo actus, quo cognoscimus motivum credendi: quantum enim testimonium Dei excedit testimonium hominum, tantundem proportionalitèr potest actus, quo credo mysterium propter authoritatem Dei revelantis, excedere actum, quo propter authoritatem hominum credo, Deum revelasse mysterium: Fides enim non est discursiva, & ideò certitudo assensus circa mysterium non debet commensurari cum certitudine assensus circa existentiam revelationis. Vnde authoritas Divina exigit vt assensus præstitus propter illam tanquam propter motivum sit firmior, quàm assensus exhibitus propter authoritatem vllam creatam humanam vel Angelicam.

175 Idque explicatur primò: nam si ego, ob authoritatem viri gravis, credo talem librum esse Augustini, & postea librum legens, credo verum esse quod ibi dicitur, quamvis à me non capiatur, certè tantum excedit fides, qua credo dictis Augustini, fidem, qua credidi testimonio illius viri gravis, quantum authoritas illius excedit authoritatem istius: ergo paritèr in nostro casu, &c. Explicatur secundò: nam si mihi occurrant fundamenta valde verisimilia, & vrgentia ad iudicandum, aliquem contractum esse illicitum, & nulla ratio occurrat in contrarium, & ob illa fundamenta eliciam assensum speculativum, quo iudicem, illum contractum esse secundum se malum, &

pro-

prohibitum, sanè supposito iudicio illo, quod metas probabilitatis non excedit, possumus formare iudicium metaphysicè evidens, quo iudicem, me hìc, & nunc teneri ad abstinendum ab illo contractu: evidens enim est, me non posse licitè exequi id, quod prudenter iudico esse secundum se malum, & prohibitum.

176 Quamvis enim aliqui cum P. Vazquez, & Thoma Sanchez dicant, eum, qui per principia intrinseca iudicat, aliquem contractum esse malum, & prohibitum, posse nihilominus in sensu composito talis iudicij formare dictamen practicum, quòd hìc, & nunc sibi liceat operari illum contractum, nimirum ob auctoritatem gravium Doctorum affirmantium, contractum illum esse licitum; tamen nullus est qui dicat, nec dicere valeat, posse formari illud dictamen practicum in sensu composito illius iudicij speculativi, quando nulla datur opinio probabilis in contrarium.

177 Adde, sententiam illam communiter impugnari à Theologis, non solum ab his, qui censemus, licitum non esse sequi sententiam minùs probabilem, & minùs tutam in occurso tutioris, & sibi probabilioris; sed etiam ab ipsis Probabilistis, qui cum eiusmodi Doctoribus censent, licitum esse sequi partem minùs tutam ei, qui agnoscit maius pondus auctoritatis, & rationis in parte tutiore, dummodò pars minùs tuta nitatur motivo gravi, licèt inferiori motivo opposita: ut ostendunt

dunt duo gravissimi Patroni vsus liciti sententiæ minùs probabilis, & minùs tutæ, nimirum P. Elparza in Appendice, art. 143. cum duobus sequentibus, & P. Tirillus, tom. de probabilitate, quæst. 30. cum Castro Palao, Bressero, Aversa, & communiori sententia etiam inter ipsos Probabilistas, quam ego semper verissimam censui, etiam antequàm ab illorum castris discederem.

178 Explicatur tertiò: quia vt quis teneatur adorare hostiam adoratione latriæ, sufficit, vt iudicio opinativo prudenti iudicet, illam esse consecratam, quin occurrat ratio dubitandi in contrarium: ergò pariter, vt quis teneatur credere Deo aliquid revelanti, sufficit quòd iudicio opinativo prudenti iudicet, Deum illud revelasse: sicut enim suprema Christi maiestas contenta in speciebus postulat, vt qui credit eius existentiam sub speciebus, teneatur hostiam adorare adoratione latriæ propter Christum ibi contentum, ita suprema Dei loquentis autoritas postulat, vt qui fide humana credit Deum revelasse mysterium Trinitatis, teneatur illud credere super omnia, id est Fide firmiore, quàm sit vlla fides exhibita propter auctoritatem humanam, vel Angelicam.

179 Probatur deinde principalitèr nostra assertio: quia nisi dicamus, satis esse ad credendum Fide Divina mysterium, quòd quis credat fide humana, Deum illud revelasse, cogimur asserere, pueros audientes à parentibus, Deum revelasse mysterium.

sterium Trinitatis, & Incarnationis, & rusticos audientes hoc ipsum à Parocho, non habere Fidem Divinam de mysterijs, ac proinde carere Fide salutari: nam pueri, & rustici communiter solum inducuntur ad credendum quòd Deus revelaverit mysteria ab autoritate Parochi, & parentum, neque habent vim penetrandi, loquutionem Ecclesiæ esse loquutionem Dei, neque aliud considerant, quàm parentes, vel Parochum hoc dicere, & credunt, Deum revelasse, quia audiunt: neque enim parentes instruens filios ipsis narrant argumenta illa credibilitatis, quæ ostendunt, Ecclesiam Catholicam esse Ecclesiam Dei, & os, per quod nobis loquitur; nec Parochi instruens rusticos, sed simpliciter dicunt, Deum revelasse hæc mysteria, ac proinde, illa esse firmiter credenda tanquàm dicta à Deo: ergo credunt propter testimonium humanum Parochi, & parentum. Idque denotant verba Pauli Roman. 10. *Fides ex auditu; auditus autem per Verbum Christi*, & specialiter interrogatio illa, quæ subiungitur, *nunquid non audierunt?* satis probat, audientes prædicationem Evangelij posse credere vtiliter, nimirum, si vita, & autoritas prædicantis præbeat sufficiens fundamentum ad prudenter iudicandum, illos vera nuntiare, dum dicunt, Deum revelasse illa mysteria, & miracula fecisse in confirmationem eius doctrinæ. Sic Dionysius, & Damaris audientes Paulum concionantem in Areopago cum paucis alijs vtiliter credide-

derunt, vt constat ex illis verbis, Actor. 17. vers. 34. *Quidam autem viri adherentes ei crediderunt: in quibus & Dionysius Areopagita, & mulier nomine Damaris, & alij cum eis; & tamen non viderunt miracula, vel alia signa supernaturalia credibilitatis: ergo inducti sunt ad credendum, Deum esse Authorem Religionis, quam prædicabat Paulus, seu ad credendum, Deum revelasse mysterium Incarnationis, & Christum resurrexisse, & venturum esse ad iudicandum orbem in æquitate, quæ Paulus prædicabat, moti ab autoritate, & sanctitate Apostoli, & à rationibus, quas adduxit: ergo autoritas hominis prædicantis, & argumenta ab ipso adducta reddiderunt prudenter credibilem doctrinam Apostoli; & deinde ob auctoritatem Dei, quam Paulus proponebat, moti sunt ad credenda mysteria, quæ anuntiabat.*

180 De hominibus simplicibus, qui vivacitatem non habent ad penetranda argumenta evidētia credibilitatis, quibus fulget Religio Christiana, notum est: illud Augustini dictum in libro contra Epistolam fundamenti, cap. 4. *In Catholica Ecclesia ad sincerissimam sapientiam pauci spirituales perveniunt in hac vita; cæteram quippe turbam non intelligendi vivacitas, sed credendi simplicitas tutissimam facit: facit etiam illud, quod dixit idem Augustinus, Epist. 102. ad Evodium: Si propter eos solos Christus mortuus est, qui certa intelligentia possunt ista discernere, penè frustra in Ecclesia laboramus; si*

autem quod veritas habet, infirmi populi credentium ad medicum currunt sanandi per Christum, & hunc crucifixum, ut ubi abundavit peccatum, super abundet gratia, miris sit modis per altitudinem divitiarum sapientie, & scientie Dei, ut multi in cruce Christi gloriantes, etiam si ista, quae subtilissimè differuntur, ignorent, ad eandem perveniant aeternitatem, veritatem, charitatem, &c. Ergo ut rustici, & simplices credant Fide Divina mysteria revelata, satis est quod videant, Parocham, & sapientes affirmare, Deum revelasse hæc mysteria, quin habeant fundamentum ad dubitandum, illos falsum dicere: hoc enim posito, prudenter credunt fide humana, Deum revelasse hæc mysteria; hac autem fide instructi, iam propter auctoritatem Dei revelantis credunt veritatem mysteriorum.

181 Dices, non posse rusticos Fide Divina credere mysteria, quin ab auctoritate Divina moveantur ad credendum, quod Deus ea revelaverit, ac proinde non posse sic credere, quin Parochus prius ipsis persuadeat, Ecclesiam Catholicam tot prodigijs, signisque, ac notis miris, planèque Divinis ornatam hoc docere: hac autem posita instructione, iam crederet, Deum revelasse mysteria, non quia Parochus dicit, sed quia Ecclesia Catholica universa id docet.

182 Sed contra: quia cum rustici Ecclesiae monumenta non adeant, neque historias evolvant, neque sermones omnium passim hominum

conferant, vt certi sint, ita se habere illa, quæ narrat Parochus, certè sola fide humana ob auctoritatem Parochi credunt præcessisse illa prodigia, quæ ostendunt, Ecclesiam Catholicam esse Ecclesiam Dei: ergò vt auctoritate Diuina Ecclesiæ credant, Deum revelasse mysteria, prius auctoritate humana credunt, Ecclesiam Catholicam ornatam esse miris illis notis, quæ ostendunt, esse Ecclesiam Dei, eiusque organum, & os: ergò non est opus vt credatur Fide Diuina illud, quòd est motivum credendi Fide Diuina aliquid aliud: cur ergò reuelatio mysterij credita sola fide humana non poterit esse motivum credendi Fide Diuina mysterium? si enim semel auctoritas Ecclesiæ sola fide humana credita potest esse motivum credendi Fide Diuina existentiam reuelationis, nulla potest esse ratio, cur existentia reuelationis credita sola fide humana nequeat esse motivum credendi Fide Diuina mysterium reuelatū: ergò possunt rustici credere Fide Diuina mysteria ob reuelationem creditā fide humana. Ratio à priori est, quia hoc ipso quòd quis prudentèr sibi persuadeat, Deum summè veracem aliquid reuelasse, habet auctoritatem Diuinam sibi sufficientèr applicatam, vt propter illam credat super omnia mysterium reuelatum.

183 Præterea impugnatur: quia Parochi, & parentes proponunt rusticis, & filiis, Deum reuelasse mysteria, quin proponant miracula, & alia signa, quibus propositio Ecclesiæ constituitur in

ratione loquutionis, & tunc illi credunt : durum est autem dicere, illos tunc carere Fide Diuina, & salutari: ergò ad credendum mysterium Fide Diuina, satis est credere fide humana, Deum illud reuelasse.

184 Et confirmatur ex verbis Augustini postea citandis: *Tenet me in Ecclesiæ Catholicæ gremio consensus populorum, & gentium* : quibus significatur, Augustinum inductum fuisse ad credendum Religionem Christianam esse à Deo, & consequenter ab ipso reuelata fuisse eius mysteria, ex eo quòd videret, tot populos, & gentes, inter quos degebant viri sanctissimi, & sapientissimi hanc Fidem tam vniformiter firmissimè amplecti : quāvis enim ibi adiungat alia motiua, id non probat, S. Augustinum illis omnibus simul sumptis indiguissè, vt crederet Religionem Christianam esse à Deo ; alioqui nec miracula facta in confirmationem nostræ Fidei, essent, iuxta Augustinum, motivum sufficiens ad credendum, illam esse à Deo: ergò vt quis prudenter credat Religionem Christianam, quæ nihil contra rationem continet, & mysteria altissima credenda proponit, & præcepta valdè difficilia iniungit, esse à Deo, satis est quòd videat, illam summo affectu, & firmitate amplecti viros sapientissimos, & sanctissimos: hoc autem motivū est autoritas humana: ergò sufficit quòd quis ob autoritatem humanam credat, Deum reuelasse mysteria, vt subinde ob autoritatem Dei

Demonstratur Diuinitas Christi. 285

reuelantis credat firmissimè, & super omnia mysterium reuelatum.

185 Confirmatur secundò: quia idem Augustinus lib. 6. confes. cap. 5. testatur, se inductum fuisse ad credendum, Scripturam, in qua continetur Fides Christiana, Deum habere authorem, ex eo quòd vidit, illam tantam in omni terra habere authoritatem: *Cùm essemus, inquit, infirmi ad inveniendam liquida ratione veritatem, & ob hoc nobis opus esset authoritate Sanctarum Scripturarum iam credere.*

9. II.

Proponitur contra dicta difficile argumentum, cui succubuit Cardinalis Pallavecinus.

186 **C**ontra dicta potest formari difficile argumentum: nam quotiescumque tenemur credere Fide Diuina aliquod mysterium, tenemur credere quòd Deus illud reuelauerit: implicat enim vt is qui potest impunè, & sine peccato negare quòd Deus reuelauerit mysterium, teneatur credere Fide Diuina illud mysteriū. At motiua obligantia ad credendum quòd Deus reuelauerit mysterium, debent esse talia, vt coniungi non possint cum falsitate, ac proinde debent esse talia, vt nequeant non esse loquutio Dei: ergò non possint esse loquutio hominum: ergò nō possumus obligari ad credendum fide humana Deum

reuelasse mysterium. Minor probatur: quia, vt inquit Cardinalis Sphortia de Fide num. 63. Patres, & Scholastici dicunt, peccatum infidelitatis in eo consistere quòd faciat Deum mendacem, & S. Paulus constituit *firmissimum solatium nostrum* in hoc, quòd impossibile est mentiri Deum; at si motiua obligantia ad credendum possent coniungi cum falsitate, ac proinde possent non esse loquutio Dei, hæc sequela esset irrita: incredulus enim diceret, & quidem verè: ego credo, Deum non posse mentiri; sed nego istam, quam experior, esse Dei loquutionem, quia scio, posse dari totum id, quod experior, quin Deus loquatur: ergò ex eo quòd ego non credam, hanc esse Dei loquutionem, nullam facio iniuriam Diuinæ veritati.

187 Propter hoc argumentum Cardinalis Sphortia ibi num. 64. existimat, nunquàm exerce-ri verum actum Fidei, nimirum circa mysterium, quin motiua credendi, Deum reuelasse mysterium illud, sint talia, vt essentialitèr sint loquutio Dei. Additque, aliquando quidem habere essentialitèr hoc prædicatum, quod est esse loquutionem Dei, etiam sola motiua externa; cuiusmodi sunt illa, quæ habet tota Ecclesia, & vir doctus: in quo sensu dictum est à Richardo de Sancto Victore, *si error est, quem credimus, nos esse deceptos à Deo*, cum ille, & non alijs potuerit illa præstare miracula, quibus inducimur ad credendum. Quando verò rusticus credit, si motiua externa, quæ illi proponuntur, nõ sunt

sunt inseparabilia à veritate obiecti, asserit, Deum interiori instinctu supplere insufficientiam obiecti exterioris. Subdit, hanc sententiam tradere D. Thomam 2.2. q. 2. art. 9. ad 3. vbi de illo, qui credit sic habet: *Inducitur autoritate Diuinæ doctrine miraculis confirmatæ, & quod plus est, interiori instinctu Dei mouentis, ideo non leuiter credit.* Et eidem sententiæ fauere D. Augustinum existimat, quod magis explicans, inquit, Diuinam bonitatem semper supplere per hanc interiorem vocem debilitatem motiuorum externorum in ordine ad illos pueros, & rusticos, qui non omittunt culpabiliter aliquam diligentiam in quærendis motiuis exterioribus; præsertim verò id existimat contingere super illis articulis, quorum Fides est necessaria necessitate medijs ad iustificationem.

188 Additque num. 65. hanc sententiam, quæ celebris est inter insignes scholasticos, minimè coincidere cum hæreticis reuocantibus omnem Fidei credibilitatem ad occultum instinctum Dei. Satis enim ab ea absurditate discedimus, inquit, dum fatemur, in tota Ecclesia esse discerniculum sufficiens exterius, & sensibile, ratione cuius possit probari summa credibilitas Fidei nostræ, & hæreticorum pertinacia; de reliquo nihil necesse est, hoc discerniculum sensibile esse penès omnes priuatos, & rusticos, qui credunt: quando quidem est peculiare Dei beneficium, ac proinde non infallibile, nec sufficiens ad convincendam exterius per-

tinaciam eorum, qui non firmissimè credunt quoties Deus præstat concursum supernaturalem internum, quando externa apparentia non est talis quæ reddat inexcusabiles resistentes.

§. III.

Solvitur prædictum argumentum.

189 **R**espondeo tamen ad hoc argumentum, negando minorem, nempe quod motiua obligantia ad credendum Deum reuelasse mysterium debeant esse talia, ut coniungi non possint cum falsitate. Ut enim ego teneam credere viro sapienti mihi publice proponenti, Deum reuelasse aliquod mysterium, & Ecclesiam Catholicam obligare omnes ad hoc credendum, satis est quod ego non habeam vllum prudens fundamentum ad iudicandum, illum virum vel fallere, vel falli, & quod mihi appareat valdè verisimile, illum dicere verum, & oppositum non habere apud me vllam verisimilitudinem: totum autem potest contingere, quin illa verisimilitudo sit connexa essentialitè cum veritate. Deinde probatio minoris falsa est: peccatum enim infidelitatis non sic explicatur à D. Thoma Scholasticorum Principe, neque vllam mentionem facit Patrum sic explicantium: nam 2.2.q.10.art.1. explicans peccatum infidelitatis, inquit: *Infidelitas dupliciter accipitur*

Demonstratur Diuinitas Christi. 289

potest, vno modo secundum puram negationem, vt dicatur infidelis ex hoc solo quod non habet Fidem: alio modo potest intelligi infidelitas secundum contrarietatem ad Fidem, quia scilicet aliquis repugnat auditui Fidei, vel etiam contemnit ipsam: & in hoc propriè perficitur ratio infidelis, & secundum hoc infidelitas est peccatum.

190 Et art. 3. in quo inquit, vtrum infidelitas sit maximum peccatum? non asserit, esse maximū peccatorum, quia Deum facit mendacem; sed quia magis separat à Deo quàm alia peccata: nec Interpretes D. Thomæ peccatum infidelitatis alio modo explicant: infideles ergo dicuntur facere Deum mendacem, non quia exultiment, Deum mē-tiri; sed quia dū negant mysteria à Deo reuelata postquā eis sunt sufficienter proposita, argueretur, Deum mentitū fuisse, si standum foret eorum iudicio. Et sanè incredulus, apud quem aliquis Apostolorum prædicaret mysterium aliquod, & in suæ doctrinæ confirmationem faceret miraculum, etiam posset dicere: ego credo, Deum non posse mentiri; cæterū nego, Deum mihi loqui per hūc hominem: & similiter hæreticus, qui scit, totam Ecclesiam Catholicam Romanam proponere tanquā articulum Fidei præsentiam Christi in Eucharistia, Purgatorium, & numerum Sacramentorum, etiam dicit: ego credo, Deum non posse mentiri; nego tamen Deum mihi loqui per os Ecclesiæ Romanæ. Explicet ergo nobis Cardinalis Sphor

ria in quo sensu faciat hic hæreticus Deum mendacem, & nos similiter dicemus, rusticum negantem aliquod mysterium, quod videt sibi proponi constantèr à Parocho tanquàm à Deo reuelatum, facere Deum mendacem, si negat, quandò habet obligationem credendi, illud esse à Deo reuelatum, quia nimirum moralitèr, & æquivalentèr perinde est negare mysterium quando teneris credere, illud esse à Deo reuelatum ac si negares illud quando credis esse à Deo reuelatum: parùmque ad hoc refert quòd reuelationis existentia credatur Fide Diuina, vel fide huma: siquidem non minùs faceret Deum mendacem qui negaret mysterium, quod fide humana credit esse à Deo reuelatum, quàm si negaret quandò id credit Fide Diuina.

191 Nec necessarium nobis est redigi ad illas angustias, ad quas reducitur Cardinalis Sphortia: ad eas quippè redactus est, quia falsò supponit, non posse Fide Diuina credi mysterium propter reuelationem, nisi Fide Diuina credatur existentia reuelationis; nos autem necesse non habemus pro explicanda Fide rusticorum, recurrere ad instinctum illud: non enim solùm in tota Ecclesia, sed etiam in singulis credentibus reddenda est ratio aliqua exterior distincta ab instinctu illo purè interno, ad quem tanquàm ad asylum vnicè confugiunt hæretici.

192 Fides ergò rusticorum, simplicium, &

pue-

puerorum sic resolvenda est: credo, Deum esse Trinum, quia Deus ipse hoc reuelauit; credo verò, Deum hoc reuelasse, quia meus Parochus, & mei parentes, de quibus suspicari non possum, fallere, in hoc, vel falli, mihi tanquam omnino certum testantur, id reuelatum esse à Deo, & ita ab omnibus Christianis credi video. Inspiratio verò interna requiritur ex parte subiecti, vt salutaritè credat; non proponit tamen motivum aliquod distinctum ab illis, quæ proponuntur per loquutionem externam.

§. IV.

Proponitur modus, quo rectè defendi potest, actum illum, quo quis assentitur existentie reuelationis, non propter ipsam, sed propter motiua extrinseca credibilitatis, esse actum Fidei Diuinae.

193 **S**Equendo sententiam communem, quæ docet, argumenta credibilitatis nostræ Fidei euidentè quidem ostendere, illam esse prudenter credibilem, & posse, ac debere credi, eius mysteria cum summa firmitate; sed tamen argumēta illa non ostēdere euidentè Fidei nostræ veritatem, sequendo, inquam, hanc sententiā, dici potest, posse intellectū elicere ex imperio prudenti voluntatis assensum sine formidine de existentia

tia reuelationis; qui tamen assensus supponit priorem assensum Fidei humanæ, quo quis credit, Deum fecisse miracula in confirmationem doctrinæ Ecclesiæ Catholicæ, & quo credit, Ecclesiam omnibus fidelibus credendum proponere, Deum reuelasse mysterium Trinitatis, Incarnationis, &c. Postquam enim quis sibi persuaserit, Deum Ecclesiam Catholicam illustrasse miraculis, & alijs prærogatiuis, & sibi persuaserit, illam proponere credendum mysterium illud, ex terminis apprehendit, propositionem factam ab Ecclesia esse loquutionem Dei, qui per illam nobis publicè loquitur, & nos docet veritates necessarias ad salutem: vnde tunc voluntas potest imperare intellectui assensum firmum circa existentiam reuelationis, qui assensus erit elicitus ab habitu Fidei: quamvis enim tunc intellectus non iudicet, Deum reuelasse mysteria ob testimonium Dei, quo expresse reuelaverit, se loqui per os Ecclesiæ; tamen hoc iudicat per assensum firmum obscurum, quo censer, testimonium Ecclesiæ talibus notis insignitæ esse testimonium Dei: quia illæ notæ ostendunt, Ecclesiam Catholicam esse Ecclesiam Dei; Ecclesia autem Dei est os, quo ipse sensibiliber loquitur: pertinet enim ad Dei perfectionem quòd possit nobis loqui per internuntium, & Legatum, & quòd possit loqui loquutione quadam generali, & publica, quæ omnes ad credendum obliget, ne cogatur adire singulos, & illis immediatè loqui.

194 Sicut autem quando Propheta aliquid annunciat nomine Dei, & tanquam minister ipsius, atque in confirmationem illius dicti facit aliquod miraculum, mortuum: v. g. suscitando, vincitur, Deum loqui per os illius hominis, ut tradit D. Thomas 2. 2. q. 5. art. 2. corp. ita cum Ecclesia Catholica aliquid credendum proponit, qui attentè considerat, ipsam tot notis mirabilibus esse insignitam, censet, eam esse Magistram veritatis, ac proinde esse doctrinam Dei illam, quam ipsa tanquam à Deo traditam proponit: unde ex terminis apprehendit, ex parte Dei proponi quod illa tanquam à Deo reuelatum proponit.

195 Confirmatur: quia dum fidelis cognoscit, Ecclesiam aliquid credendum proponere: v. g. Qui audit Parochum, aut Concionatorem hoc publice docentem, hoc ipso censet, se non solum peccaturum contra authoritatem Parochi, aut Concionatoris, si dissentiat doctrinæ, quam nomine Dei proponit, sicut peccaret contra authoritatem eius si dissentiret alijs narrationibus, quas nomine proprio coram ipso facit; sed peccaturum contra authoritatem Dei: ergo hoc ipso censet Ecclesiam loqui nomine Dei, & tanquam organum ipsius: ergo dum fidelis credit, revelationem existere, quia Ecclesia proponit, credit tanquam doctrinam Diuinam, quod Deus revelavit mysteria nostræ Fidei. Quod ulterius proba: nam quando Apostoli proponebant mysterium Incarnationis: v. g. tanquam

re-

revelatum à Deo, & in confirmationem illius doctrinæ miracula faciebant, sanè illa operabatur Deus non solum ut crederent qui ea videbant, sed ut crederent reliqui omnes quibus illa miracula rite proponerentur: ergò intentio Dei fuit non solum manifestare mentem suam illis, qui videbant miracula, sed omnibus, qui per testimonia fidedigna, vel argumenta verisimilia sibi prudenter persuaderent, ea miracula facta fuisse à Deo in testimonium eius doctrinæ: ergò Deus mediatè loquitur per Ecclesiam omnibus illis, quibus per illam proponit mysteria, ut à Deo revelata.

196 Quare habitus Fidei, qui producit assensum circa mysterium propter revelationem præteritam Dei, producit assensum circa revelationem propter testimonium Dei exhibitum per os Ecclesiæ: quia voluntas ex pia affectione imperat intellectui, ut firmitè credat præcisè revelationem, quam videt proponi ab Ecclesia tót notis, & signis ornata, & quia propositio illa Ecclesiæ ut vestitæ illis circumstantijs est testimoniū Dei; dū quis credit existētiam revelationis ob testimoniū Ecclesiæ, credit ob testimoniū Dei: vnde nō movetur ab auctoritate Ecclesiæ quatenus præcisè apprehēditur esse auctoritas humana, sed quatenus apprehenditur esse Divina, vel quatenus per argumenta saltem moralitè evidentia probatur esse talis. Si autē motiva illa credibilitatis non solum evincant, esse evidentè credibile, sed etiam esse evidentè verum, quod

quòd Deus sit Author Religionis Christianæ, vt ego verissimum existimo, tunc qui penetraverit, hæc argumenta, cognosceat evidentèr, Deum re-
velasse mysteria nostræ Fidei : quomodò autem
cum hoc componatur meritum Fidei, explicabi-
mus postea, dum probemus posse evidentèr de-
monstrari, quòd Deus sit Author Religionis Chri-
stianæ.

197 Hic autem assensus elicietur ab habitu
Fidei, vt vult Cardinalis de Lugo, qui etiam ad-
mittit assensum evidentem circa veracitatem Dei
esse elicitem à Fide: idque ego quoque verum iu-
dico, quoad assensum revelationis propter autho-
ritatem Ecclesiæ tót signis, & notis illustratæ: quia
eius testimonium apprehenditur vt infallibile, &
loquutio Dei. Et quamvis ritè penetratis omnibus
argumentis credibilitatis, sit omninò certum Re-
ligionem Christianam esse veram; tamen potest
hæc veritas potiùs cognosci per Fidem, quàm ve-
racitas ipsa Divina. Ratio est, quia hæc est ex ter-
minis metaphysicè evidens, nihilque occurrit po-
tens intellectum retrahere ab illius assensu; at
quamvis sit reflexè evidens, Deum esse Autho-
rem Religionis Christianæ, & consequentèr illam
esse veram; hæc tamen evidentia coalescit ex at-
tenta penetratione plurimarum circumstantia-
rum; opusque est pia affectione ad applicandum
intellectum ad consideranda argumenta credibi-
litis, & illum avertendum à consideranda diffi-
cul-

cultate mysteriorum: qui enim in hanc aciem mentis intendit, validè tentatur vt credat, illa esse falsa, & ideò multi viri superbi avertentes intellectum à consideratione argumentorum, quæ evincunt, Deum revelasse: v.g. Eucharistiam, & illum convertentes ad scrutandum mysterium, à Fide defecerunt. Vnde meritò dici potest, habitum ipsum Fidei concurrere ad illum assensum, non solum quandò est obscurus, sed etiam quandò est evidens.


198 Dices, communiter Theologos duplicem auctoritatem Ecclesiæ distinguere, alteram humanam; alteram Divinam: & humanam quidem esse absolutè fallibilem; Divinam verò, vtpotè sumptam ab assistance Spiritus Sancti, esse infallibilem. Respondeo, auctoritatem Ecclesiæ esse purè humanam, si sumatur præcisè quatenus est congregatio hominum; cæterum si sumatur quatenus signis, & miraculis à Deo illustrata, & mirabiliter fundata, & tanta cum uniformitate, & constantia retinens Fidem de mysterijs adeò elevatis, & superantibus creatum discursum, sic esse plusquàm humanam, & participare firmitatem, & auctoritatem testimonij Divini: quia per discursum naturalem evincitur habere Deum Authorem, ac proinde esse Divinam doctrinam eam, quam Ecclesia Catholica tanquàm articulum Fidei omnibus credendam proponit; nec posse sine iniuria Dei de eius veritate dubitari. Itaque
Deum

Deum loqui per Ecclesiam Catholicam, non solum credimus, quia in Scriptura est revelata assistentia infallibilis Spiritus Sancti; sed etiam scimus, quia argumentis ineluctabilibus id evincimus.

199 Idque satis clarè docuit Augustinus in libro contra Epistolam Manichæi, quam vocant fundamenti: nam ibi cap. 5. sic ait: *Ego verò Evangelio non crederem, nisi me Catholice Ecclesie commoveret authoritas: quibus ego obtemperavi dicentibus: credite Evangelio; cur eis non obtemperabo dicentibus: mihi, noli credere Manichæo?* Ergò motivum, quo inductus est Augustinus, ut crederet Evangelium, quod legitur in Ecclesia esse traditum à Deo, fuit authoritas Ecclesie testificantis, illud esse à Deo missum: ergò eadem authoritas potest me movere, ut credam à Deo revelatum esse id, quod ipsa proponit tanquam articulum credendum.

200 Nec satisfacit P. Conink, disp. 9. num. 70. respondens, Augustinum hoc dixisse, non quia putabat testimonium Ecclesie esse obiectum formale illius Fidei, quàm inter cætera credo Scripturam esse Verbum Dei; sed quia seclusa Ecclesie authoritate, illud iudicium, quod necessario actum Fidei præcedit, nullum habuisset sufficiens fundamentum iudicandi tam firmitè, credendum esse, Evangelia Diuina authoritate conscripta esse, siue discernendi inter varios libros, qui à multis tanquam Scriptura Sacra fuerunt expositi, quinam
sint

sint legitimi; & quinam spurij. Non, inquam, satisfas si sic respondes: cùm enim quòd Euangelium sit Verbum Dei, non sit per se, & ex terminis notum, aliquo motiuo debeo firmitè credere; illud esse Verbum Dei: hoc autem motivum nequit esse testimonium ipsius Euangelij: ergò debet esse authoritas Ecclesiæ: atque adeò hæc non solum mouet ad imperandum assensum de existentia reuelationis, sed etiam ad ipsum assensum, qui debet niti aliquo motiuo intrinseco suadente existentiam reuelationis de se obscuram & latentem. Sola minor subsumpta probatione indiget, ea autem facile suaderetur: quia alioqui committitur circulus vitiosus: siquidem credo Euangelium esse Verbum Dei, quia Euangelium ipsum hoc dicit, & credo Euangelium hoc dicens, verum dicere, quia & ipsum Euangelium hoc ipsum dicit, qui est manifestus circulus, vt constat ex dictis suprà.



CAPUT SEPTIMUM.

*Quo pacto ex dictis explicanda sit analysis, seu resolutio
Fidei Christianæ, atque Catholicæ sine mutua prio-
ritate, & circulo?*

§. I.

*Quid sit Fidei resolutio, & quanta sit huius controuer-
sæ difficultas?*

201 **C**Elebris est apud Theologos Scho-
lasticos quæstio de Fidei nostræ re-
solutione, quomodo scilicet sit faciēda sine circulo
vitioso, qui tunc contingit, quandò hoc per illud,
& illud per hoc probamus apud eum, qui neutrum
concedit, & æquè de utroque dubitat: v.g. Si ne-
gem, & matrem, & filium esse probum, circulum
committes, probādo, matrem esse probam quia fi-
lius dicit, & filium probum, quia mater dicit. Qua-
rè? quia utrumque mihi æquè ignotum, & incer-
tum est; probatio autem debet procedere à notis
ad ignota, vel à concessis ad inconcessa, ut ex Ari-
stotele, & alijs Philosophis constat. Vnde qui apud
infidelem, cui ignota est authoritas Diuinæ Scrip-
turæ, & cui similiter est ignota authoritas Eccle-
siæ, probaret, Ecclesiam esse infallibilē, quia Scrip-
tura id testatur, & probaret, Scripturam esse infal-

libilis authoritatis, quia Ecclesia id testatur, & nullam probationem adduceret, qua independentér à testimonio Scripturæ probaret, Ecclesiam esse infallibilem in his, quæ credenda proponit, circulum committeret.

202 Cùm autem vnaqueque res resolvatur in sua principia, & causas, ex quibus, vel à quibus etiam conficitur, analysis, seu resolutio Fidei nihil aliud est, quàm Fidei in sua principia, causasque reductio. Cùm autem Fides instar aliarum rerum sua quatuor vulgata causarum genera sortiatur, in illas omnes potest resolveri; & de tribus quidem, nempe materiali, efficienti, & finali, res est facilis, & expedita: si enim quærat, ubi sit Fides, per quod causa materialis denotatur, respondebis, esse in intellectu; si autem quærat, à quo sit, seu quam causam efficientem habeat? respondebis, esse à Deo, & ab intellectu creato: quia Deus simul cum intellectu est causa actus Fidei. Si autem quærat, ad quem finem ordinetur Fides, & cuius gratia existat? respondebis, ordinari ad perducendos homines ad æternam Dei possessionem, & æternam Dei visionem tanquàm in finem ultimum, & nobis à Deo dari tanquàm *lucernam lucentem in caliginoso loco*, ut nobis ostendat viam, qua ad Deum tendamus. Similiter si quærat, quam causam formalem intrinsecam habeat Fides, seu quid sit Fides, facile responderetur, Fidem sumptam pro actu, nihil aliud esse, quàm actum intellectus, quo ex imperio

rio voluntatis, firmiter assentimur ijs, quæ à Deo reuelata sunt, quia ab ipso dicta sunt; sumptam verò pro habitu, nihil aliud esse, quàm virtutem à Deo infusam ad eliciendum eiusmodi actum. Si verò ulterius quærat, quodnam sit motivum intrinsicum illius actus Fidei, facile ex communi sententia Theologorum respondetur, motivum illud esse summam Dei auctoritatem indicendo consistentem in summa sapientia, & veracitate: Dei ut testificante, est enim Deus infinite dignus, ut sibi aliquid testificanti firmissimè, & super omnia credamus, quia est summè sapiens, & ideo per ignorantiam nequit falli in his, quæ dicit, & insuper est summè verax, & ideo per malitiam, & dolum neminem potest fallere: ac proinde habet summum ius, ut sibi aliquid affirmanti firmissimè credatur ubi constiterit sufficienter, ab ipso fuisse affirmatum: proindeque infidelitas est gravissimum peccatum.

203 Hæc omnia facilia sunt, sed ulterius magna restat difficultas in explicanda causa formali extrinseca, seu motiuo, & ratione obiectiva, atque principio obiectivo, ad quod ultimò reuocandus sit assensus Fidei, & in quo ultimò quiescit intellectus cum ab hoc poscitur ratio Fidei suæ, quin amplius debeat interrogari: resolvere enim est reddere rationem sui assensus; unde resolvere ultimò, est reddere ultimam rationem, quin maneat ius ulterius interrogandi.

Quomodo P. Gregorius de Valentia exponat nostræ
Fidei resolutionem?

204 **H**Is suppositis, P. Gregorius de Va-
lencia tom. 3. disp. 1. q. 1. punct. 1.
§. 10. modum traddidit, quo quis de fide interro-
gatus debeat respondere: Igitur (inquit) si quis roge-
tur: v. g. quare credat Deum esse Trinum, & vnum? di-
stinguat, vtrum sermo sit de causa ipsius Fidei secundum
se, cur videlicet firmiter, & infallibiliter credat, vel de
causa, ob quam acceptauerit Fidem. Si primum, respon-
deat, quia Deus reuelauit. Si rursus interrogetur: vnde
cognoscat Deum reuelasse? respondeat, se non id nosse
clare; credere tamen eadem Fide infallibiliter, & id qui-
dem non ob aliam reuelationem: benè tamen ob infal-
libilem propositionem Ecclesiæ tanquam ob conditionem
ad id credendum requisitam. Si rursus vnde cognoscat
propositionem Ecclesiæ esse infallibilem? Similiter dicat,
se clarè id non nosse; credere tamen Fide infallibili ob re-
uelationem Scripturæ testimonium perhibentis Eccle-
siæ, cui reuelationi non credit ob aliam reuelationem,
sed ob seipsam, quamvis ad hoc ipsum opus sit ipsa Ec-
clesiæ propositione, vt conditione requisita. Si autem quis
demum rogetur, cum & reuelatio, & propositio infalli-
bilis obscuræ, & inevidentes sint, quid ipsum impule-
rit, vt hunc quasi laberynthum rerum obscurissimarum

ingressus sit ad Fidem modo dicto acceptandam; hoc est ad credendam reuelationem propter Ecclesiæ propositionem tanquàm propter conditionem requisitam, & hanc vicissim propter reuelationem tanquàm propter causam credendi: veniat tum ad illum alterum secundum processum, & rationes, atque motiua clariora exponat, quibus ipse inductus sit, & quibus prudens induci possit ad acceptandam eiusmodi Fidem, quantumvis secundum se inevidentem, & obscuram: id quod luculentè differere licebit, cognitis communibus nostræ Fidei; quæ proponemus, & explicabimus punct. 4. Hæc Valentia, qui eo punct. 4. §. 3. latè proponit argumenta credibilitatis nostræ fidei à colum. 74. ad 105.

205. Verùm hæc difficilia sunt, & non satis rem explicant. Quamvis enim rectè P. Valentia distinguat inter causam, seu motivum intrinsecum actus Fidei, & causam, qua quis inductus est ad credendum, seu qua inductus est ad sibi persuadendum, Deum reuelasse mysterium; falsò tamen supponit, assensum illum, quo quis sibi persuadet, Deum reuelasse mysterium Trinitatis, esse assensum Fidei Diuinæ, quo quis credat existentiam reuelationis vnicè ob ipsam reuelationem, seu ob testimonium Dei dicentis per ipsam reuelationem mysterij, se reuelasse mysterium, præcedente solum propositione Ecclesiæ, vt mera conditione; id enim falsum esse, satis ostendimus

suprà.

§. III.

*Ostenditur, hunc Authorem non sufficienter vitasse
circulum.*

206 **E**T in hunc laberynthum ingressi sunt Doctores ex falsa suppositione, quòd nimirum ad credendum Fide Diuina mysterium propter testimonium Dei, necesse sit per prius Fide Diuina credere existentiam Diuini testimonij; cum tamen abunde nobis probatum sit, satis esse quòd existentia Diuini testimonij cognoscatur per rationes facientes euidentiā moralem, vel per fidem humanam moralitèr certam.

207 Nec P. Valentia se potest liberare à circulo: cum enim dicit, fidelem rectè respondere, se nosse, propositionem Ecclesiæ esse infallibilem ob reuelationem Scripturæ testimonium perhibentis Ecclesiæ; restat vt respondeat vltèrius interroganti, vnde nouerit, Scripturam testimoniū perhibentem propositioni Ecclesiæ, seu Scripturam testificantem, Ecclesiam esse infallibilem in proponendo res Fidei, esse Scripturam Dei, à Deo scilicèt dictatam, & consequentèr veracem; & non poterit congruè respondere, nisi recurrat ad auctoritatem Ecclesiæ, quæ declarauit, tales libros esse Canonicos, & Scripturam Dei. Si autem hanc auctoritatem Ecclesiæ non aliundè quā ex Scrip-
tu-

tura probet, circulum committet apud infidelem, vel apud hæreticum, negātem quòd Ecclesia Romana sit Christi Ecclesia, qui nō minùs dubius est de authoritate infallibili Ecclesiæ, quā de authoritate Scripturæ. Committet, inquam, circulum: si quidem probat authoritatem Ecclesiæ per Scripturam, & authoritatem Scripturæ per Ecclesiam: & sic rē inexplicatam relinquit. Vnde nisi probet authoritatem Ecclesiæ independentē à testimonio Scripturæ, vel authoritatem Scripturæ independentē à testimonio Ecclesiæ, numquā euitabit circulum.

208 Et sanè doctrina illa Patris Valentia, & aliorum Theologorum videtur causam tribuere Calvinistis, vt Catholicis Romanis exprobrent, ab ipsis in resolutione Fidei committi circulum. Quod specialitè præstat David Paræus Calvinista apud Becanum in Compendio Manualis lib. 3. cap. 10. nam Catholicis opponit circulum, quòd Scripturam probemus per Ecclesiam, & rursus Ecclesiam per Scripturam: cū enim quæritur, vnde scis Scripturam esse Diuinam? respondemus: quia Ecclesia sua infallibili authoritate id dicit; cū iterum quæritur, vnde scis Ecclesiam, quæ hoc dicit, habere infallibilem authoritatem? respondemus: quia Scriptura id dicit.

§. IV.

Quomodo Pater Becanus circulum vitet?

209 **H**Oc hæretici argumentum retor-
quet in primis rectè Becanus con-
tra ipsum: Nam ego, inquit, vicissim quæro ex illo: unde
scis, Scripturam esse Diuinam? respondet: quia priuatus
meus spiritus hoc dicit. Sed unde scis priuatum tuum
spiritum esse infallibilem, & Diuinum? Quia scriptura
hoc dicit. Certè & hic circulus est, mi Paræe: nam Scrip-
turam probas per priuatum spiritum; & rursus spiri-
tum priuatum per Scripturam: perinde ac si asseras, ma-
ter est proba, quia filius dicit; & filius est probus, quia
mater dicit.

210 Respondet ergo Becanus, circulum qui-
dem fore, si quis Christianus, apud Ethnicum, qui
nec Ecclesiam, neque Scripturam admittit, pro-
bare vellet, Scripturam esse infallibilem, quia Ec-
clesia dicit; & Ecclesiam esse infallibilem, quia
Scriptura dicit: nam vtrumque illi æquè ignotum,
æquè incertum est; è contrariò verò, non fore cir-
culum, si vnum per alterum apud eum probes, qui
alterum admittit; alterum negat: v.g. Calvinus ad-
mittit Scripturam; negat Ecclesiæ infallibilita-
tem: rectè illum convincam hoc modo: Scriptura,
quam tu admittis, dicit, Ecclesiam esse infallibilē:
ergo re verà infallibilis est. Similitèr, si quis idiota
ad-

admittit iudicium Ecclesiæ ; & tamen nesciat in particulari, libros Machabæorum esse Canonicos facile persuadebo illi sine circulo, si sic dicam: Ecclesia, cuius tu auctoritatem agnoscis, asserit, libros Machabæorum esse Canonicos : ergo non debes de hac re amplius dubitare.

211 Statimque ostendit, hunc modum probandi vsitatum esse in Scripturis, & Patribus: nam quia Pharisei admittebant Moysen, & negabant Christum, convincit eos Christus his verbis Joannis 5.36. *Si crederetis Moysi, crederetis, & mihi: de me enim ille scripsit*; contra verò, quia Manichæi admittebant Christum, & Euangelium; negabant autem Moysen, & Prophetas, convincit illos Augustinus simili argumentandi modo in libris contra Faustum Manichæum, & lib. 1. de moribus Ecclesiæ Catholicæ cap. 1. & sequentibus. Hinc deducit, Catholicos non committere circulum, dum hæreticos, qui negant Ecclesiam, convincunt ex Scripturis, quas non negant. Rectèque monet, Paræum hoc modo excusari non posse: nam spiritus priuatus, qui ab ipso fingitur à nemine admittitur: neminem ergo ex priuato spiritu potest convincere: & subinde efficaciter, & lepidè hunc hæreticum exagitat, ostendendo, ipsum incidere in circulum inextricabilem.

§. V.

Ostenditur, huius Authoris discursum non satis difficultatem complanare.

112

Sed quamquàm hæc sufficiunt ad convincendum hæreticum, & ad persuadendum, posse nos contra hæreticos admittentes Scripturas, ex illis arguere efficacitèr contra ipsos; in præsentī materia non videtur, ex sola Scriptura probari posse, Catholicam Religionem Romanam esse veram Christi Ecclesiam. Nam ex Scriptura solùm habetur, Ecclesiam Dei esse Columnam, & Firmamentum veritatis, ac proinde, non posse veram Christi Ecclesiam proponere aliquam falsitatem, aut errorem tanquàm dogma, aut articulum Fidei ab omnibus credendum; cæterùm quòd Ecclesia Catholica Romana sit vera Christi Ecclesia, non videtur efficacitèr posse ex illo Apostoli testimonio concludi. Respondebunt enim hæretici, verum quidem esse quòd Ecclesia Christi sit infallibilis, ac proinde, hinc rectè inferri, quòd sint vera omnia illa, quæ vera Christi Ecclesia credenda proponit; cæterùm hanc veram Christi Ecclesiam non esse Romanam; sed Ecclesiam reformatam Calvinī, vel aliquam aliam. Quapropter ad convincendum, solam Ecclesiam Catholicam Romanam esse veram Christi Ecclesiam,

seu

seu illam, de qua Christus dixit, portas inferni, non prævalituras adversus ipsam, & de qua dixit Apostolus esse columnam, & firmamentum veritatis, oportet ad alia argumenta recurrere, nec ex solo Evangelio, non adiunctis alijs, facile erit evincere, solam Ecclesiam Catholicam Romanam esse veram Christi Ecclesiam.

213 Quapropter quando hæreticus Calvinista, vel aliquis alius admittens Evangelia, & Epistolas Pauli, quærit à Catholico Romano, cur credat, dari Purgatorium, & Sacramenta esse septem? & ipse respondet, se id credere, quia Deus hoc revelavit, & hæreticus instat, vnde sciat hoc Deum revelasse, & ipse respondet, quia Ecclesia Catholica Romana, quæ est columna, & firmamentum veritatis id credendum proponit: videtur Catholicus principium petere, supponendo id, quod hæreticus negat, nimirum quod Ecclesia Catholica Romana sit columna, & firmamentum veritatis, & ideò hæreticus statim clamabit; hoc gratis à respondente supponi, & neutiquàm probari: vnde iterum instabit: vnde scis, Ecclesiam Catholicam Romanam esse columnam, & firmamentum veritatis? si autem tunc Catholicus respondeat, se id non scire, sed credere, quia Apostolus dicit Ecclesiam esse columnam, & firmamentum veritatis; iterum replicabit hæreticus, vnde sciat, Ecclesiam de qua loquebatur Apostolus, esse Ecclesiam Catholicam Romanam, quæ modò existit?

certè hic satisfacere non poterit, nisi recurrat ad argumenta illa evidentia credibilitatis, quæ ostendunt, Ecclesiam, quam Christus supra Petrum fundavit, non esse aliam, quàm Ecclesiam Catholicam Romanam. Non ergò sufficit solus recursus ad Scripturam testimonium perhibentem de infallibilitate Ecclesiæ, vt contra hæreticos convincamus, veros esse omnes articulos, quos Ecclesia Catholica Romana credendos proponit.

§. VI.

Statuuntur aliquæ propositiones deservientes ad explicandam resolutionem Fidei: quarum prima est, evidens esse, dari aliquam veram Religionem in mundo, & inveniri facile posse ab omni homine rite illam quærente.

214

HAnc Fidei resolutionem nullus, quem sciam, aptius, & solidius explicavit, quàm P. Michael de Elizalde in præclaro illo opere de forma veræ Religionis quærendæ, & invenientæ, cuius præcipuus scopus est probare, cum veræ Religionis professio sit necessaria ad salutem, & Deus velit omnes homines salvos fieri, evidens esse quòd vera aliqua Religio existat in mundo, & hanc sine magno molimine inveniri posse, non solum à doctis, & ingeniosis; sed etiam ab omnibus vera ratione utentibus, dummodò

illam ritè, & debito modo quærant. Et cùm latè demonstrasset, Deum impressisse mentibus hominum prima quædam principia, quæ non sunt probanda, sed vltro admittenda, quæ lumine naturæ nota appellantur, quibus homines iuvarentur ad scientias humanas acquirendas; hinc rectè concludit, Deum optimum maximum omnibus hominibus hunc quasi naturalem instinctum, & veluti primum principium impressisse, & naturali lumine illustrasse, *dari aliquam veram Religionem in mundo, & nefas esse sine Religione videre*, vt hoc primo principio sollicitarentur, & stimularentur ad quærendam veram Religionem; quia ipso lumine naturæ, quo cognoscitur, vnum dumtaxat esse Deum, etiam cognoscitur hunc Deum vnam dumtaxat Religionem veram in mundo habere, in qua, & per quam coli velit; cæteras verò huic oppositas esse falsas. Vnde quæst. 5. illius operis pag. 69. num. 112. sic discurret subtilis iste, & solidus Theologus: *Si pro disciplinis alijs præmissit Deus illarum principia, ex quibus homines possent illa invenire, vel excogitare, à fortiori ea, quæ Deus nobis concessit de vera Religione dictamina, & principia, talia sint necesse est, quibus possint homines Deum, & veram Religionem invenire, si velint, cùm in hunc dumtaxat finem ea concesserit.* Et statim subdit: *Quibus consideratis omnibus, asserendum indubitanter, puto, ex toto rigore Philosophiæ, vel*

„ nullum verum esse invenibile, sed sensus, &
 „ mentem, & naturam totam fortè errare, vel
 „ præ omnibus, ac potissimum esse invenibilem
 „ veram Religionem. Si enim Deus non est, ne-
 „ que naturam fecit, & hominibus, prima do-
 „ cumenta ingessit, quibus proficerent, evidens
 „ est in his maximè edoctum hominem, quæ ma-
 „ gis Deum decent, quæ pluris ipsorum quoque
 „ hominum intersunt, & quæ maxima, quæ sum-
 „ ma, & capitalia sunt: in his autem omnium ca-
 „ put est vera Religio: ergo vel hæc inveniri po-
 „ test, vel nihil inveniri potest. At multa inve-
 „ niri possunt, & asseri, & probari, & agi, vt con-
 „ tra Academicos demonstratum est cum Augu-
 „ stino: ergò vera Religio *inveniri potest*. Hinc
 „ num. 115. inquit, veram Religionem in mundo
 „ esse, ita animis est impressum nostris, ex eo
 „ unde est, vt esse non possit unde non est. Quæ
 „ est definitio, quam de vero, vel veri
 „ perceptione tradidit Zeno Phi-
 „ losophus.



§. VII.

Secunda propositio, doctrinam veræ Religionis non posse humano discursu acquiri; sed Diuinitus esse traditam.

215 **P**ROBAT insuper solidissimè tota q. 6. doctrinam veræ Religionis non humanæ rationis, & intentionis esse; sed superiorem, & Diuinam, non Scholarum, aut librorum contentionibus depromendam, sed delapsam è Cælo, traditam à Deo, & credendam ab homine. Quæ assertionē verissimam esse, omnes nationes, & omnes Orbis Religiones, & sectæ fatentur. Id enim in primis agnoscunt omnes Christiani veri, id est Catholici Romani, omnes falsi, scilicet hæretici: Id agnoscunt Iudæi, id Mahumethani, quorum falsus Propheta, & verus impostor Mahumethus, ut gentes ad se traheret, finxit, suam Legem sibi à Deo reuelatam. Imò nec Gentiles hoc negabant: nulla enim, nec Gentium, est, vel fuit tam humanitùs instituta Religio, quæ oracula, & leges Numinum non quæsierit, non audierit, & quæ in his potissimùm non se se fundauerit. Nam, ut Græci ipsi, qui sapientiam, id est rationē, & demonstrationem maximè quærebant, oraculis abundarunt: & si quam eorum Philosophi colebant ex animo Religionem, non eam ad scholam vnus-

vnusquisque suam, eiusque sententiam efformabat, sed ad fabulosam illam Numinum doctrinam, & normam: Vnde habebant, *scholas pugnantes, sed templa communia*, vt de illis pulchrè dixit Augustinus.

216 Veritas huius assertionis fundatur in doctrina Angelici Doctoris, & Scholasticorum Principis D. Thomæ, qui 2.2.q.2.art.3. inquit: *Vtrum credere aliquid suprâ rationem naturalem, sit necessarium ad salutem?* Et respondet affirmatiuè, & probat tum autoritate Apostoli dicentis ad Hebræos 10. *Sine Fide impossibile est placere Deo*, tum ratione: *Quia cum natura hominis dependeat à superiori natura, ad eius perfectionem non sufficit cognitio naturalis;*
 „ *sed requiritur supernaturalis*, inquit ibi ad 1. Quod
 „ magis explicat in corpore: quia *in omnibus* na-
 „ turis ordinatis invenitur quod ad perfectionem
 „ naturæ inferioris duo concurrunt. Vnum qui-
 „ dem, quod est secundum motum proprium; aliud
 „ autem, quod est secundum motum superioris
 „ naturæ: sicut aqua secundum motum proprium
 „ mouetur ad centrum; secundum autem motum
 „ lunæ mouetur circa centrum secundum fluxum,
 „ & refluxum. Similitèr etiam orbes Planetarum
 „ mouentur motibus proprijs ab Occidente in
 „ Orientem; motu autem primi orbis ab Oriente
 „ in Occidentem: sola autè natura rationalis crea-
 „ ta habet immediatum ordinem ad Deum, quia
 „ ceteræ naturæ non attingunt ad aliquid vni-
 „ uer-

Demonstratur Diuinitas Christi. 315

uerſale, ſed ſolum ad aliquid particulare parti-
cipantes Diuinam bonitatem, vel in eſſendo tā-
tū, ſicut inanimata, vel etiam in viuēdo, & cog-
noſcendo ſingularia, ſicut plantæ, & animalia.
Natura autem rationalis in quantum cognoscit
vniuerſalem boni, & entis rationem, habet im-
mediatū ordinem ad vniuerſale eſſendi prin-
cipium. Perfectio ergo rationalis nature non
ſolum conſiſtit in eo, quod ei competit ſecun-
dum ſuam naturam, ſed in eo, quod ei attribui-
tur ex quidam ſupernaturali participatione Di-
uinæ bonitatis. Vnde & ſuprà dictum eſt (nempe
1. 2. q. 3. art. 8.) quod vltima beatitudo hominis
conſiſtit in quadam ſupernaturali Dei viſione,
ad quam quidem viſionem homo perſtingere
non poteſt, niſi per modum addiſcentis à Deo
Doctore, ſecundum illud Ioan. 6. *Omnis qui au-
dit à Patre, & didicit, venit ad me.* Huius item
discipline fit homo particeps, non ſtatim, ſed
ſucceſſiue ſecundum ſtatum ſue nature. Omnis
autem homo addiſcens oportet, quod credat
ad hoc quod ad perfectam ſcientiam perveniat,
ſicut etiam Philoſophus dicit, quod oportet ad-
diſcentem credere. Vnde ad hoc quod homo
perveniat ad perfectam viſionem beatitudinis
prærequiritur, quod credat Deo tanquam disci-
pulus *Magiſtro docti.* Probauerat autem efficaciter S. Doctor
1. 2. q. 3. art. 8. beatitudinem hominis ſitam eſſe in

§. IV.

Quomodo Pater Becanus circulum vitet?

209 **H**Oc hæretici argumentum retorquet in primis rectè Becanus contra ipsum: *Nam ego, inquit, vicissim quæro ex illo: unde scis, Scripturam esse Diuinam? respondet: quia priuatus meus spiritus hoc dicit. Sed unde scis priuatum tuum spiritum esse infallibilem, & Diuinum? Quia scriptura hoc dicit. Certè & hic circulus est, mi Paræe: nam Scripturam probas per priuatum spiritum; & rursus spiritum priuatum per Scripturam: perinde ac si asseras, mater est proba, quia filius dicit; & filius est probus, quia mater dicit.*

210 Respondet ergo Becanus, circulum quidem fore, si quis Christianus, apud Ethnicum, qui nec Ecclesiam, neque Scripturam admittit, probare vellet, Scripturam esse infallibilem, quia Ecclesia dicit; & Ecclesiam esse infallibilem, quia Scriptura dicit: nam vtrumque illi æquè ignotum, æquè incertum est; è contrario verò, non fore circulum, si vnum per alterum apud eum probes, qui alterum admittit; alterum negat: v.g. Calvinus admittit Scripturam; negat Ecclesiæ infallibilitatem: rectè illum convincam hoc modo: Scriptura, quam tu admittis, dicit, Ecclesiam esse infallibilem: ergo re verà infallibilis est. Similiter, si quis idiota

admittit iudicium Ecclesiæ ; & tamen nesciat in particulari, libros Machabæorum esse Canonicos facile persuadebo illi sine circulo, si sic dicam: Ecclesia, cuius tu auctoritatem agnoscis, asserit, libros Machabæorum esse Canonicos : ergo non debes de hac re amplius dubitare.

211 Statimque ostendit, hunc modum probandi vsitatum esse in Scripturis, & Patribus: nam quia Pharisei admittebant Moysen; & negabant Christum, convincit eos Christus his verbis Joannis 5. 36. *Si crederetis Moysi, crederetis, & mihi: de me enim ille scripsit*; contra verò, quia Manichæi admittebant Christum, & Euangelium; negabant autem Moysen, & Prophetas, convincit illos Augustinus simili argumentandi modo in libris contra Faustum Manichæum, & lib. 1. de moribus Ecclesiæ Catholicæ cap. 1. & sequentibus. Hinc deducit, Catholicos non committere circulum, dum hæreticos, qui negant Ecclesiam, convincunt ex Scripturis, quas non negant. Rectèque monet, Patrum hoc modo excusari non posse: nam spiritus priuatus, qui ab ipso fingitur à nemine admittitur: neminem ergo ex priuato spiritu potest convincere: & subinde efficaciter, & lepidè hunc hæreticum exagitat, ostendendo, ipsum incidere in circulum inextricabilem.

§. V.

Ostenditur, huius Authoris discursum non satis difficultatem complanare.

112 **S**ed quamquàm hæc sufficiunt ad cōvincendum hæreticum, & ad persuadendum, posse nos contra hæreticos admittentes Scripturas, ex illis arguere efficacitèr contra ipsos; in præsentī materia non videtur, ex sola Scriptura probari posse, Catholicam Religionem Romanam esse veram Christi Ecclesiam. Nam ex Scriptura solùm habetur, Ecclesiam Dei esse Columnam; & Firmamentum veritatis, ac proinde, non posse veram Christi Ecclesiam proponere aliquam falsitatem, aut errorem tanquàm dogma, aut articulum Fidei ab omnibus credendum; cæterum quòd Ecclesia Catholica Romana sit vera Christi Ecclesia, non videtur efficacitèr posse ex illo Apostoli testimonio concludi. Respondebunt enim hæretici, verum quidem esse quòd Ecclesia Christi sit infallibilis, ac proinde, hinc rectè inferri, quòd sint vera omnia illa, quæ vera Christi Ecclesia credenda proponit; cæterum hanc veram Christi Ecclesiam non esse Romanam; sed Ecclesiam reformatam Calvinī, vel aliquam aliam. Quapropter ad convincendum, solam Ecclesiam Catholicam Romanam esse veram Christi Ecclesiam,

seu

seu illam, de qua Christus dixit, portas inferni, non prævalituras adversus ipsam, & de qua dixit Apostolus esse columnam, & firmamentum veritatis, oportet ad alia argumenta recurrere, nec ex solo Evangelio, non adiunctis alijs, facile erit evincere, solam Ecclesiam Catholicam Romanam esse veram Christi Ecclesiam.

213 Quapropter quando hæreticus Calvinista, vel aliquis alius admittens Evangelia, & Epistolas Pauli, quærit à Catholico Romano, cur credat, dari Purgatorium, & Sacramenta esse septem? & ipse respondet, se id credere, quia Deus hoc revelavit, & hæreticus instat, vnde sciat hoc Deum revelasse, & ipse respondet, quia Ecclesia Catholica Romana, quæ est columna, & firmamentum veritatis id credendum proponit: videtur Catholicus principium petere, supponendo id, quod hæreticus negat, nimirum quòd Ecclesia Catholica Romana sit columna, & firmamentum veritatis, & ideò hæreticus statim clamabit; hoc gratis à respondente supponi, & neutiquàm probari: vnde iterum instabit: vnde scis, Ecclesiam Catholicam Romanam esse columnam, & firmamentum veritatis? si autem tunc Catholicus respondeat, se id non scire, sed credere, quia Apostolus dicit Ecclesiam esse columnam, & firmamentum veritatis; iterum replicabit hæreticus, vnde sciat, Ecclesiam de qua loquebatur Apostolus, esse Ecclesiam Catholicam Romanam, quæ modò existit?

cer-

certè hic satisfacere non poterit, nisi recurrat ad argumenta illa evidentia credibilitatis, quæ ostendunt, Ecclesiam, quam Christus suprà Petrum fundavit, non esse aliam, quàm Ecclesiam Catholicam Romanam. Non ergò sufficit solus recursus ad Scripturam testimonium perhibentem de infallibilitate Ecclesiæ, vt contra hæreticos vincamus, veros esse omnes articulos, quos Ecclesia Catholica Romana credendos proponit.

§. VI.

Statuuntur aliquæ propositiones deservientes ad explicandam resolutionem Fidei: quarum prima est, evidens esse, dari aliquam veram Religionem in mundo, & inveniri facile posse ab omni homine rite illam quærente.

214

HAnc Fidei resolutionem nullus, quem sciam, aptius, & solidius explicavit, quàm P. Michael de Elizalde in præclaro illo opere de forma veræ Religionis quærendæ, & inveniendæ, cuius præcipuus scopus est probare, cum veræ Religionis professio sit necessaria ad salutem, & Deus velit omnes homines salvos fieri, evidens esse quòd vera aliqua Religio existat in mundo, & hanc sine magno molimine inveniri posse, non solum à doctis, & ingeniosis; sed etiam ab omnibus vera ratione utentibus, dummodò

illam ritè, & debito modo quærant. Et cùm latè demonstrasset, Deum impressisse mentibus hominum prima quædam principia, quæ non sunt probanda, sed vltro admittenda, quæ lumine naturæ nota appellantur, quibus homines iuvarentur ad scientias humanas acquirendas; hinc rectè concludit, Deum optimum maximum omnibus hominibus hunc quasi naturalem instinctum, & veluti primum principium impressisse, & naturali lumine illustrasse, *dari aliquam veram Religionem in mundo, & nefas esse sine Religione videre*, vt hoc primo principio sollicitarentur, & stimulantur ad quærendam veram Religionem; quia ipso lumine naturæ, quo cognoscitur, vnum dumtaxat esse Deum, etiam cognoscitur hunc Deum vnā dumtaxat Religionem veram in mundo habere, in qua, & per quam coli velit; cæteras verò huic oppositas esse falsas. Vnde quæst. 5. illius operis pag. 69. num. 112. sic discurret subtilis iste, & solidus Theologus: *Si pro disciplinis alijs præmissit Deus illarum principia, ex quibus homines possent illa invenire, vel excogitare, à fortiori ea, quæ Deus nobis concessit de vera Religione dictamina, & principia, talia sint necesse est, quibus possint homines Deum, & veram Religionem inuenire, si velint, cùm in hunc dumtaxat finem ea concesserit.* Et statim subdit: *Quibus consideratis omnibus, asserendum indubitantèr, puto, ex toto rigore Philosophiæ, vel*

,, nul-

„ nullum verum esse invenibile, sed sensus, &
 „ mentem, & naturam totam fortè errare, vel
 „ præ omnibus, ac potissimum esse invenibilem
 „ veram Religionem. Si enim Deus non est, ne-
 „ que naturam fecit, & hominibus, prima do-
 „ cumenta ingessit, quibus proficerent, evidens
 „ est in his maximè edoctum hominem, quæ ma-
 „ gis Deum decent, quæ pluris ipsorum quoque
 „ hominum interfunt, & quæ maxima, quæ sum-
 „ ma, & capitalia sunt: in his autem omnium ca-
 „ put est vera Religio: ergo vel hæc inveniri po-
 „ test, vel nihil inveniri potest. At multa inve-
 „ niri possunt, & asseri, & probari, & agi, vt con-
 „ tra Academicos demonstratum est cum Augu-
 „ stino: ergò vera Religio *inveniri potest*. Hinc
 „ num. 115. inquit, veram Religionem in mundo
 „ esse, ita animis est impressum nostris, *ex eo*
 „ *unde est, vt esse non possit unde non est.* Quæ
 „ est definitio, quam de vero, vel veri
 „ perceptione tradidit Zeno Phi-
 „ losophus.



§. VII.

Secunda propositio, doctrinam veræ Religionis non posse humano discursu acquiri; sed Diuinitus esse traditam.

215 **P**ROBAT insuper solidissimè tota q. 6. doctrinam veræ Religionis non humanæ rationis, & intentionis esse; sed superiorem, & Diuinam, non Scholarum, aut librorum contentionibus depromendam, sed delapsam è Cælo, traditam à Deo, & credendam ab homine. Quæ assertionē verissimam esse, omnes nationes, & omnes Orbis Religiones, & scætæ fatentur. Id enim in primis agnoscunt omnes Christiani veri, id est Catholici Romani, omnes falsi, scilicet hæretici: Id agnoscunt Iudæi, id Mahumethani, quorum falsus Propheta, & verus impostor Mahumethus, ut gentes ad se traheret, finxit, suam Legem sibi à Deo reuelatam. Imò nec Gentiles hoc negabant: nulla enim, nec Gentium, est, vel fuit tam humanitùs instituta Religio, quæ oracula, & leges Numinum non quæsierit, non audierit, & quæ in his potissimùm non se se fundauerit. Nam, ut Græci ipsi, qui sapientiam, id est rationē, & demonstrationem maximè quærebant, oraculis abundarunt: & si quam eorum Philosophi colebant ex animo Religionem, non eam ad scholam vnus-

vnusquisque suam, eiusque sentētiam efformabat, sed ad fabulosam illam Numinum doctrinam, & normam: Vnde habebant, *scholas pugnantes, sed templa communia*, vt de illis pulchrè dixit Augustinus.

216 Veritas huius assertionis fundatur in doctrina Angelici Doctoris, & Scholasticorum Principis D. Thomæ, qui 2.2.q.2.art.3. inquit: *Vtrum credere aliquid suprâ rationem naturalem, sit necessarium ad salutem?* Et respondet affirmatiuè, & probat tum autoritate Apostoli dicentis ad Hebræos 10. *Sine Fide impossibile est placere Deo, tum ratione: Quia cum natura hominis dependeat à superiori natura, ad eius perfectionem non sufficit cognitio naturalis;*
 „ *sed requiritur supernaturalis,* inquit ibi ad. 1. Quod
 „ magis explicat in corpore: quia *in omnibus na-*
 „ *turis ordinatis invenitur quod ad perfectionem*
 „ *naturæ inferioris duo concurrunt. Vnum qui-*
 „ *dem, quod est secundum motum proprium; aliud*
 „ *autem, quod est secundum motum superioris*
 „ *naturæ: sicut aqua secundum motum proprium*
 „ *mouetur ad centrum; secundum autem motum*
 „ *lunæ mouetur circa centrum secundum fluxum,*
 „ *& refluxum. Similitè etiam orbes Planetarum*
 „ *mouentur motibus proprijs ab Occidente in*
 „ *Orientem; motu autem primi orbis ab Oriente*
 „ *in Occidentem: sola autè natura rationalis crea-*
 „ *ta habet immediatum ordinem ad Deum, quia*
 „ *cæteræ naturæ non attingunt ad aliquid vni-*
 „ *uer-*

Demonstratur Diuinitas Christi. 315

uerſale, ſed ſolum ad aliquid particulare parti-
cipantes Diuinam bonitatem, vel in eſſendo tā-
tū, ſicut inanimata, vel etiam in viuēdo, & cog-
noſcendo ſingularia, ſicut plantæ, & animalia.
Natura autem rationalis in quantum cognoscit
uniuerſalem boni, & entis rationem, habet im-
mediatum ordinem ad uniuerſale eſſendi prin-
cipium. Perfectio ergo rationalis nature non
ſolum conſiſtit in eo, quod ei competit ſecun-
dum ſuam naturam, ſed in eo, quod ei attribui-
tur ex quadam ſupernaturali participatione Di-
uinæ bonitatis. Vnde & ſuprà dictum eſt (nempe
1. 2. q. 3. art. 8.) quod vltima beatitudo hominis
conſiſtit in quadam ſupernaturali Dei viſione,
ad quam quidem viſionem homo perſtingere
non poteſt, niſi per modum addiſcentis à Deo
Doctore, ſecundum illud Ioan. 6. *Omnis qui au-
dit à Patre, & didicit, venit ad me.* Huius autem
disciplinæ fit homo particeps, non ſtatim, ſed
ſucceſſiue ſecundum ſtatum ſux nature. Omnis
autem homo addiſcens oportet, quod credat
ad hoc quod ad perfectam ſcientiam perveniat,
ſicut etiam Philoſophus dicit, quod oportet ad-
diſcentem credere. Vnde ad hoc quod homo
perveniat ad perfectam viſionem beatitudinis
prærequiritur, quod credat Deo tanquam disci-
pulus *Magiſtro docenti.* *Deinde ad hunc, 1. 2. q. 3. art. 8.*
Probauerat autem efficaciter S. Doctor

visione Divinæ essentia: quia cum Deus sit om-
 nium prima causa, ad cuius Essentiam cognoscen-
 dam insitum naturaliter est homini effectum cog-
 noscendi desiderium, non nisi in illius essentia vi-
 sione potest eius beatitudo consistere. Ad quod
 probandum duo præsupponit principia: primum
 est, quod homo non est perfecte beatus, quandiu restat si-
 bi aliquid desiderandum, & querendum. Secundum
 est, quod iniuscuiusque potentie perfectio attenditur se-
 cundum rationem sui obiecti. Hinc subsumit. Ad
 obiectum intellectus est quod quis est, id est es-
 sentia rei, ut dicitur in 3. de Anima: unde in ran-
 tum procedit perfectio intellectus, in quantum
 cognoscit essentiam alicuius rei. Si ergo intelle-
 ctus aliquis cognoscat essentiam alicuius effe-
 ctus, per quam non potest cognosci essentia cau-
 sæ, ut scilicet cognoscatur de causa quid est: non
 dicitur intellectus attingere ad causam simpli-
 citer, quamvis per effectum cognoscere possit
 de causa, an sit: & ided remanet naturaliter ho-
 mini desiderium cum agnoscit effectum, & scit
 habere causam, ut etiam sciat de causa, quid est:
 & illud desiderium est admirationis, & causat
 inquisitionem, ut dicitur in 1. Metaph. cap. 2.
 puta, si aliquis cognoscens eclipsem Solis, consi-
 derat quod ex aliqua causa procedit, de qua, quia
 nescit, quid sit, admiratur, & admirando inqui-
 rit: nec ista inquisitio quiescit quousque perve-
 niat ad cognoscendum essentiam causæ. Si igi-

Demonstratur Diuinitas Christi. 317

3, tur intellectus hominis cognoscens essentiam
3, alicuius effectus creati, non cognoscat de Deo;
3, nisi an sit; nondum perfectio eius attingit fim-
3, plicitèr ad causam primam, sed remanet ei ad-
3, huc naturale desiderium inquirendi causam: yn-
3, de nondum est perfecte beatus. Ad perfectam
3, igitur beatitudinem requiritur quòd intellectus
3, pertingat ad ipsam essentiam primæ causæ, & sic
3, perfectionem suam habebit per vnionem ad
3, Deum sicut ad obiectum, in quo beatitudo ho-
3, minis consistit. Hactenus S. Thomas.

218 Quare S. Thomas eo artic. 3. 12. ex co-
quòd vltima hominis perfectio, & beatitudo con-
sistat in clara Dei visione, ad quam naturalis ratio
ascendere non potest proprio motu, per legitimā
consequentiam intulit, necessarium fuisse ad salu-
tem aliqua hominibus per disciplinam Fidei cre-
denda proponi. Vnde titulum illius articuli tercij
expleuit probando quòd necessarium sit ad salu-
tem credere aliquid supra rationem naturalem.
Doctrina ergò veræ Fidei per solum discursum
humanum sine Magisterio Dei per se ipsum, vel
per Angelos, vel per alios homines docentis ho-
mines haberi non potest.

219 Idque à fortiori patet ex ijs, quæ San-
ctus Doctor tradit art. 4. in quo inquit: *Utrum*
credere ea, quæ naturali ratione sciri possunt, sit neces-
sarium? Vbi probat, vt citius, & firmitus Dei noti-
tiam homines assequerentur, necessarium fuisse

homini non solum suscipere per Fidem ea, quæ
 suprà rationem naturalem sunt, sed ea etiam, quæ
 „ naturali ratione investigari possunt : *Dicendum*
 „ *est*, inquit, quod necessarium est homini acci-
 „ pere per modum Fidei, non solum ea, quæ sunt
 „ suprà rationem, sed etiam ea, quæ per rationem
 „ cognosci possunt. Et hoc propter tria : primò
 „ quidē, vt citius homo ad veritatis Diuinæ cog-
 „ nitionem perveniat : scientia enim, ad quam per-
 „ tinet probare, Deum esse, & alia huiusmodi de
 „ Deo, ultimò addiscenda proponitur (nimirum
 „ Metaphysica, & Theologia) præsuppositis mul-
 „ tis alijs scientijs, & sic non nisi post multum tē-
 „ pus vitæ suæ homo ad Dei cognitionem perve-
 „ niret. Secundò vt cognitio Dei sit communior :
 „ multi enim in studio scientiæ proficere nō pos-
 „ sunt, vel propter hebetudinē ingenij, vel prop-
 „ ter alias occupationes, vel etiam propter tor-
 „ pore addiscendi, qui omninò à Dei cognitio-
 „ ne fraudarentur, nisi proponerentur eis Divina
 „ per modum Fidei. Tercio modo propter certi-
 „ tudinem. Ratio enim humana in rebus Diuinis
 „ est multum deficiens ; cuius signum est, quia
 „ Philosophi de rebus humanis naturali investi-
 „ gatione perscrutantes, in multis erraverunt, &
 „ sibi ipsis contraria senserunt : vt ergò esset indu-
 „ bitata, & certa cognitio apud homines de Deo,
 „ oportuit quod Divina eis per modum Fidei tra-
 „ derentur, quasi à Deo dicta, qui mentiri non po-
 „ test.

220 Idem Sanctus Doctor 1.2. q.91. art. 4.

Inquit: *An fuerit necessarium esse aliquam Legem Diuinam?* Et respondet quòd præter legem naturalem, & legem humanam, necessarium fuit ad directionem humanæ vitæ habere Legem Diuinam. Idque probat quatuor rationibus, quarum secunda est hæc:
 „ Quia propter incertitudinem humani iudicij,
 „ præcipuè de rebus contingentibus, & particularibus, contingit de actibus humanis diversorum
 „ esse diuersa iudicia, ex quibus etiam diuersæ,
 „ & contrariæ leges procedunt. Vt ergò homo
 „ absque omni dubitatione scire possit quid sit
 „ agendum, & quid vitandum, necessarium fuit vt
 „ in actibus proprijs dirigeretur per Legem Diuinitus datam, de qua constat quòd non potest
 „ errare.

221 Præterea efficaci ratione suadetur, doctrinam veræ Religionis non acquiri per discursum, & scientiam, sed per Fidem hauriri debere à Deo docente. Nam cum Deus velit, omnes homines salvos fieri, & ad salutem consequendam necessaria sit vera Religio, & Deus nulli hominum neget necessaria ad salutem, consequens est quòd omni homini rationis compoti dederit Deus potestatem inveniendi veram Religionem: ergò omni homini dedit potestatem acquirendi doctrinam veræ Religionis. At non omni homini dedit potestatem acquirendi eam doctrinam, quæ per scholarum discussionem comparatur: ergò doctrina

na veræ Religionis non est doctrina per scholarum discussionem, seu per scholastica certamina, & humanum discursum comparata. Ergo doctrinam veræ Religionis à Deo docente debent homines accipere. Deus autem vt doctrinam veræ Religionis ad salutem necessariam hominibus traderet, commercium cum illis habere debuit, & loquutione quadam externa mentis suæ consilia illis manifestare: vt enim sciret homo quem à se cultum Creator deposceret; cum nequeat per se Diuinæ mentis arcana intueri, necessarium fuit, vt per signum aliquod sensibile à Deo loquente illum cultum addisceret: vt autem homines certificarentur, Deum esse, qui per illa signa ipsis loqueretur, debuit Deus loquutioni suæ talia signa adiungere, quæ non sinerent prudentèr dubitare, illum esse qui loquebatur. Hoc pacto loquutus est Deus cum Moyse, & per eius os cum filiis Israel: talibus enim prodigijs, & Cœlestibus signis loquutionem illam ornauit, vt non potuerint homines prudentèr dubitare quin à Deo esset doctrina illa, quæ talibus notis illustrata erat. Hoc pacto loquutus est per Prophetas, & nouissimè loquutus est nobis per Filium suum Vnigenitum Iesum Christum; qui tali vitæ sanctitate, talibusque operibus, & miraculis se Filium Dei esse comprobauit, vt inexcusabiles sint qui credere nolunt, doctrinam Christi esse doctrinam Dei. Doctrinam hanc Christus Ecclesiæ suæ commissit, quam supra Pe-

trum fundauit, & per illam sensibilitèr loquitur hominibus: & vt eos omninò securos redderet de veritate doctrinæ, quam hæc Ecclesia illis credendam proponit, talibus notis, insignibus, & signis eam illustrauit, vt cæcus sit qui non videat Ecclesiam Catholicam esse eos, per quod Deus sensibilitèr hominibus loquitur, & eis manifestat quæ necessaria sunt, vt ad æternam Dei visionem perveniant.

¶ 222. Preterea probatur doctrinam veræ Religionis non per studium humanum acquiri, sed à Deo per Fidem accipi debere: quia veram Religionem, eiusque doctrinam omnes putant à se habendam, & si non haberetur, quærendam, siue viri, siue foeminae, siue nobiles, siue plebei, siue domini, servi, & ancillæ, siue docti, siue rustici. At non omnes putant à se haberi scientias, vel quærendas, si non habentur. Ergò veræ Religionis doctrina non est seita, nec habita per scientiam, & discursum: ergò credita. At non credita hominibus: ergò credita Deo. Ergò via unica habendi doctrinam veræ Religionis est via Fidei Diuinæ, seu Fidei, per quam homo credit Deo loquenti. Per hanc viam homo rudis, & illiteratus, & simplex vetula plus veræ, & solidæ sapientiæ exiguo tempore comparat, quàm arrogans Philosophus Gentilis multorum annorum studio. Augustinum audiamus sermone 187. de tempore id egregiè explicantem: *Qui vult* (inquit) *videri nihil scire, si scias hoc ipsum quod*

nescias: nonne plus ceteris videris scire? Gentilis homo videt lapidem, & Deum putat: Philosophi vident Cælum, & putant Deum, &c. Tu vero considera quantam super istos habes scientiam.

223 *Ex ipsa que natura doctrinæ veræ Religionis, constat, eam non esse humanæ investigationis, & inventionis, sed superiorem, & Diuinitus traditam: siquidem doctrina veræ Religionis ea esse nequit, quæ circa necessaria, & quasi essentialia Religionis maximè deficit, & errat. At talis est omnis doctrina solum fundata in ratione naturali, & naturalis inventionis: ergo nulla doctrina solum fundata in ratione naturali, & naturalis inventionis est doctrina veræ Religionis. Doctrina ergo veræ Religionis debet esse Diuinitus à Deo tradita. Minor probatur: quia materia necessaria, & quasi essentialis Religioni sunt Deus, & Diuina, cum vera Religio ad Dei cultum essentialitèr dirigatur. At doctrina solum in ratione naturali fundata, seu naturalis investigationis, & inventionis maximè deficit, & errat circa Deum: ut enim nuper aiebat D. Thomas, ratio humana in rebus Diuinis est multum deficiens: est enim principij loco à Principibus Gentilium Philosophis, & sapientibus Pytagora, Socrate, Platone, Trismegistro, & alijs traditum, & à Christianis receptum, mentem humanam se habere ad Deum, & Diuina, sicut noctuam ad lumen solis: idque experientia ipsa est manifestum ex innumeris erroribus, in quos inciderunt Philo-*

Demonstratur Diuinitas Christi. 323

sophi Gentiles circa naturam Dei, & finem, propter quem homo conditus est, vt patet ex Tullio in libris de natura Deorum, qui postquam lib. 1. retulit multorum Philosophorum pugnantia placita circa naturam, & conditionem Deorum, sapienter subiunxit: *Quorum opiniones cum tam variae sint, tamque inter se dissidentes, alterum profecto fieri potest, vt eorum nulla, alterum fieri non potest, vt plus vna vera sit.*

224 Et sane circa hominis beatitudinem, in quo scilicet consistat summum eius bonum, maximae olim Philosophorum extitere concertationes. Lactantius lib. 3. Diuinarum institutionum cap. 7. decem sententias cum suis Authoribus refert; & cap. 8. ostendit, illos errasse, & luculenter refutat. Marcus Varro apud D. Augustinum lib. 19. de Ciuit. cap. 1. ostendit, sectas Philosophorum de summo bono ita posse permisceri, vt ex ea permixtione octoginta octo supra ducentas sententiae, seu sectae existant. Totusque mundus, plenus erat erroribus, donec venit Christus, qui tot tenebras dispulit: ideò quippè Filius Dei in mundum venit, vt nobis veram doctrinam traderet, & viam ad veram felicitatem ostenderet, simulque gratia sua nobis vires tribueret ad ambulandum per eam: *Nō enim nos aliter discere poteramus quae sunt Dei, nisi Magister noster Verbum existens, homo factus fuisset, vt* inquit sapienter D. Irinaeus lib. 9. cap. 1.

§. VIII.

*Tertia propositio: veram Religionem nec queri debere
nec inveniri posse per examen rerum, & dogma-
tum, quæ tradit.*

Hanc propositionem breviter stabi-
liui suprà cap. i. §. 7. cam solidissi-
mè probat P. Elizalde q. 8. & 9. redditque ratio-
nem: quia nequit via illa esse apta, & recta ad ve-
ram Religionem, per quam melius itur ad falsam,
quàm ad veram, & in qua deterior futura sit causa
veræ Religionis, quàm falsæ alicuius. Talis autem
est via per examen: doctrina enim veræ Religio-
nis, vt nupèr ostendimus, naturà sua est de rebus
altissimis, & Diuinis, & hoc ipso nobis difficilli-
bus, ac patùm notis: est etiam de rebus æternis, at-
que futuris, quarum nec experientiam, nec vsum,
nec speciem propriam habemus, neque simile.
Vnde vera Religio ad examen nostrum vocata dif-
ficilior erit, atque obscurior, quàm falsa aliqua. Si
enim quis sagacissimus Philosophus fabricaret nūc
Religionem quamdam, quæ vnum Deum mundi
conditorem poneret, & tolleretur à Iudaismo Mesiæ
expectationem, & multa, quæ puerilia apparent, &
à Christianismo tolleretur Trinitatem personarum,
Incarnationem Verbi Dei, præsentiam Christi in
Eucharistia, & illa omnia mysteria, quæ omninò hu-

humanum discursum superant; & ea omnia relinqueret, quæ contrà viria, & in favorem virtutis circa præmium bonorum, & pœnam malorum ratio naturalis approbat, & à Mahumetismo tolleretur spurcitiam, & barbariem, & errores omnes contrà rationem naturalem, & contrà Mathematicam, & historiam: & hic Philoſophus in certamen veniret cum Christiano circa veritatem Religionis, & contenderet, suam eſſe, veram; Christianam verò falsam, & utriusque veritatem vellet explorare per examen articulorum, quæ vnaquæque docet; & Christianus hunc modum discutiendi, & examinandi quænam sit vera Religio, incautè admitteret, evidens est in hac disputatione Religionem falsam prævalituram: quia assertor falsæ Religionis nihil poneret, quod non probaret, & omnia sibi objecta contra suos articulos clarè dissolveret; è contrà verò Religionis Christianæ, & veræ professor poneret articulos, qui ratione naturali probari non possunt, imò qui homini destituto Fidei lumine apparent omninò impossibiles, & quos nemo intelligere poterit, nisi prius eos crediderit ob auctoritatem Dei dicentis, iuxta regulam illam, quam Deus ipse nobis constituit per Isaiam, cap. 7. *Nisi credideritis, non intelligetis.* Tales sunt articuli de unitate Essentiæ, & Trinitate personarum, de Incarnatione Verbi, de Divinitate hominis crucifixi, & de præsentia reali Christi in Eucharistia. Et quavis Christianus posset objectiones contra hæc

my.

mysteria factas dissolvere cum probabilitate; tamen non ita liquidò, & clarè dilueret, vt replicari amplius non posset. Vnde in hoc certamine vinceret falsæ Religionis assertor. Evidens ergo est, hanc non esse rectam viam ad quærendam veram Religionem. Rationem à priori iam dedimus, cap. 1. §. 7. quia vera Religio continet articulos, qui intelligentiam nostram transcendunt, & qui cum sint supra rationem, nequeunt per rationem probari. Ibi etiam aliam reddimus rationem: quia si ad quærendam, & inveniendam veram Religionem prius deberemus omnia eius dogmata examinare, prius finiretur vita, quàm susciperetur vera Religio.

226 Doctrinam in hac assertionem datam colligimus ex S. Augustino, Epist. 49. quam scripsit ad Præsbyterum quemdam nomine Deo gratias, respondens ad quæstiones à pagano quodam ipsi propositas, quarum solutionem ipse ab Augustino petierat. Petebat paganus ille vt sibi difficultates istæ explanarentur antequàm Christianus fieret; quæstiones erant sex; illas ad Augustinum misit Deo gratias, & postquàm omnibus satisfecit Augustinus, ad finem Epistolæ sic loquitur: *Proposita exposuimus, vt potuimus; sed ille qui proposuit, iam sit Christianus, ne fortè cum expectat ante librorum Sanctorum finire quæstiones, prius finiat vitam istam, quàm transeat à morte ad vitam. Ferri enim potest (id est permitti, & tolerari) quid ante-*
quam

quàm Christianis Sacramentis imbuatur, quærit de resurrectione mortuorum. Concedendum etiam fortassis, quòd de Christo quæsit, cur tantò post venerit, vel si quæ sunt aliæ paucae, & magnæ quæstiones, quibus cætera inserviunt. Si autem qualis est illa: In qua mensura mensi fueritis metietur vobis, vel qualis ista de Jona, etiam omnes tales antequam sit Christianus finire cogitat, perperam cogitat, vel conditionem humanam, vel ætatem iam suam. Sunt enim innumerabiles, quæ non sunt finiendæ antè Fidem; ne finiatur vita sine Fide. Sed planè retenta iam Fide, ad exercendam piàm delectationem mentium fidelium, studiosissimè requirendæ, & quod in eis eluxerit sine typo arrogantiae communicandum; quod autem latuerit sine salutis dispendio tolerandum. His verbis claudit Augustinus Epistolam illam. Quo nihil sapientiùs, & evidentius dici potuit. Permittit Augustinus, quòd de paucis, & magnis quibusdam quærat is, qui Fidem Christi vult suscipere, & ea sibi exponi deponcat, non quidem eo genere examinis: vt inde diiudicanda veniat, & accipienda, vel refutanda vera Fides, & Religio: nam ad hoc omnia essent examinanda; sed ita vt is, qui iam Fidem suscipere decrevit, minorem difficultatem experiatur in magnis, & difficilibus mysterijs, ex quòrum difficultate retardatur à suscipienda Fide. Monendus tamen est Cathæcumenus ille, vt considerationem avertat à mysterijs illis, quæ ipsi difficultatem præcipuam ingerunt, & illam applicet ad pene-

tranda argumenta, quæ evincunt, Deum esse Authorem Religionis Christianæ, & mysteria illa revelasse, quæ intelligentiam eius superant: & exponatur ei obligatio captivandi intellectum in obsequium Fidei, & firma Fide credendi omnia, quæ Deus dixerit, ubi firmis rationibus constiterit, Deum ea dixisse, quamvis homini sibi relicto, & suo discursu nitenti appareant penitus impossibilia: constat enim evidentè, multa sæpè homini videri impossibilia, quæ re ipsa existunt, & verissima sunt; cum tamen evidentissimum sit, Deum nec posse fallere, neque falli in ijs, quæ attestatur. Unde ratio evidentissima dicit credendum esse Deo aliquid testificantis, quamvis nobis summe difficile, imò & impossibile videatur (ut iam exposui cap. i. huius libri §. 4. & 6.) postquam nobis constiterit, id Deum dixisse, & hac in re præ oculis habendum est colloquium, quod ego habui cum Mahumethano ingenioso, qui Fidem Christi nolèbat recipere propter difficultatem, quam experiebatur in mysterio Trinitatis, & Incarnationis; & observandus est modus, quem post explicationem mysteriorum ego tenui, ut illum obligarem ad captivandum intellectum ad assentiendum his mysterijs ob authoritatem Dei, qui illa mundo manifestavit per os Domini nostri Jesu Christi, & Apostolorum: hoc colloquium exhibui tom. 3. Selectar. disput. ultima, Sect. i. i. & modum illum tradidi ibi §. 7. pag. 615. & in secun-

cunda parte huius operis apponetur.

IX.

Propositio quarta: Veram Religionem querendam, & inueniendam esse per examen fundamentorum, & rationum, quæ evincant, Deum esse Authorem illius Religionis.

ID iam exposui, & probavi cap. 1. huius libri, § 4. & 6. Et constat veritas propositionis, nam sicut est iniuria infinitæ Dei maiestatis, & authoritatis nolle assentiri mysterijs, quæ sufficienter proposita sunt vt ab ipso revelata; quia vbi per argumenta gravia, & facientia moralem certitudinem nobis constat, Deum revelasse mysterium aliquod, ratio evidens dicat, mysterium illud credendum esse cum summa adhesionem ob authoritatem Dei dicentis, vt ostendimus cap. 6. §. 1. ita est gravis iniuria infinitæ authoritatis Dei accipere doctrinam alicuius Religionis tamquam à Deo datam, quin præcedat sufficientis fundamentum ad firmiter iudicandum, Deum esse authorem talis Religionis: nam *qui cito credit levis est corde*, Ecclesiast. 19. vt exposui lib. 1. cap. 1. Fundamentum autem hoc debet esse tale, vt reddat evidentè credibilem illam doctrinam, id est, quod reddat audientem omnino securum de eo quod Deus sit Author illius doctrinæ, quin

quin de hoc possit prudenter dubitari: nam quādiū potest prudenter dubitari, an Deus sit loquutus, nemo potest prudenter imperare assensum Fidei Diuinæ, quo scilicet veritati mysterij reuelati assentiatur super omnia, id est firmitus, & immobilius. quā assentiri solet conclusioni euidenti. Paris enim est periculi accipere tanquā à Deo reuelata ea, quæ seductor aliquis proponit tanquā à Deo dicta; & nolle accipere tanquā à Deo dicta ea, quæ verus Dei Prophetæ ipsius nomine dicit postquā sufficienter probauit, se esse Dei Prophetam, & Dei nomine loqui, vt probarunt Moyses, Elias, & alij Prophetæ Legis veteris, & in nouo Testamento probarunt Apostoli, & alij viri sancti.

228. Vnde Mahumethani, qui doctrinā à Mahumetho prædicatā tanquā doctrinā à Deo datā receperunt, quin in hoc seductore viderent signa vlla, quæ ostenderent, illum esse Dei Prophetā, omninò sunt inexcusabiles: sibi enim persuadent, Mahumethum fuisse Dei Prophetā; cum tamen adsint manifesta Argumenta persuasoria, fuisse hominem ambitiosum, & carnalem, qui se Prophetā finxit, vt Regna occuparet, & Imperium posteris suis relinqueret. Sunt etiā inexcusabiles sectarij, qui Lutherum vt novum Germaniæ Prophetā susceperunt, & sibi persuaserunt, Monachum apostatam, carnalem, ambitiosum, nullis præminentem virtutibus, nullis orna-

tum miraculis, sed magnis vitijs onustum à Deo electum fuisse ad reformandam Ecclesiam. Et similia dici debent de his, qui Calvino adhæserunt.

228 Fundamenta autem illa, quæ persuadere debent, Deum esse Authorem Religionis, ut cum homines tanquàm à Deo datam tute, & laudabiliter suscipiant, debent esse talia, quæ non relinquât locum prudenter dubitandi, nè data fuerit à Deo: ac proinde debent esse talia, ut evidentiam moralem gignant de eo quod Deus illius Religionis mysteria reuelauerit: debent enim reddere evidentè credibilia mysteria talis Religionis, inducendo evidentem obligationem suscipiendi illam Religionem ut à Deo datam, & credendi eius mysteria tanquàm à Deo reuelata, ut patet ex dictis lib. 1. cap. ultimo, & in hoc lib. cap. 2.

§. X.

Propositio quinta: Manifestum esse debere, & ex rebus in mundo moraliter evidentibus, quendam ex omnibus mundi Religionibus, & sectis sit vera, & à Deo data Religio.

229 **V**eritas huius propositionis constat ex his, quæ in toto hoc libro adduximus ad probandum, Religionem Christianam non solum esse evidentè credibilem, sed evidentè veram evidentia in attestante, quatenus eviden-

tèr probatur, Deum esse authorem illius. Et robustissimè ostenditur à P. Michaelè de Elizalde in toto suo opere de forma veræ Religionis quærendæ, & inveniendæ, præsertim q. 19. scopus enim illius præclari operis est hoc probare, & efficaciter persuadere: *Esse in mundo manifestissimum, esse scitu, & exploratu brevissimum, facillimum, saltem per multis, quamnam inter omnes Religiones doctrinam Deus tradiderit, proposueritque credendam, & in quo errare ritè quærentes nequeant.* Ad quod proinde opus non sit metaphysica, non Theologià, non demonstrationibus immortalitatis animæ, cum vel hoc absurdissimum futurum esset, si omnes tam viros quàm fœminas, imò & litteratos omnes iuberemus esse Metaphysicos, vel Theologos: quid enim stultius? omnes enim tenentur veram Religionem quærere, & ita quærere vt invenient, & inventam suscipere; non tenentur autem omnes esse metaphysici, vel Theologi. Ad internoscendum ergò quænam sit vera Religio, & à Deo data non opus est Metaphysica, neque Teologia. Vera namque Religio, & vera Ecclesia est arx munitissima, in quam intrare debent quicumque voluerint salutem suam in tuto ponere: est domus Dei, in qua habitare debent qui hæredes Regni Cælorum futuri sunt, & simul arx, & Castellum munitissimum, in quo se defendere possunt ab hostiū impugnatione. De Ecclesia loquitur Salomō Proverb. 9. dicens: *Sapientia edificavit sibi domum, exci-*

dit columnas septem. Missit ancillas suas vt vocarent ad arcem. Vbi S. Gregorius Magnus apud Salazar per ancillas sapientiæ Apostolos intelligit, qui fuerunt ministri sapientiæ Incarnatæ, seu Christi ab eo in mundum missi, vt Gentes vocarent in hanc arcem, id est, vt illis ingressum in Ecclesiam Christi persuaderent. Vbi nota Ecclesiam, & esse domum, & simul arcem, domum ad habitandum, & arcem ad se defendendum à dæmonum impugnationibus.

230 Est Ecclesia Dei Ciuitas supra montem posita, vt ab omnibus videri possit, qui oculos in illam intendere velint. Vt enim inquit sapientissimus Theologus, & hæreticorum accerrimus impugnator Gregorius de Valentia tom. 3. disp. 1. q. 1. punct. 7. colum. 156. in sexta Ecclesiæ proprietate: *Dicitur ab Orthodoxis Doctõribus, secundum certissima, & clarissima Sanctarum Scripturarum testimonia, Ecclesia visibilis; id est sic in lucẽ. hominum, & conspectu posita, vt quouis seculo euidenter internosci, & quasi digito monstrari queat Congregatio illa, quam esse Ecclesiam veram determinatẽ credere possis, ac debeas.*

231 Et hanc Ecclesiæ prærogativam prædixit Dauid Psalm. 186. dicens: *In Sole posuit tabernaculum suum, id est, vt ibi explicat Augustinus, in manifestatione posuit Ecclesiam suam, non in occulto; & epist. 166. ad Donatistas: Ipsa est Ecclesia in Sole posita, id est, in manifestatione, omnibus nota vsque ad terminus terræ: & in libro de vnitæte Ecclesiæ, cap. 16. Non est,*

inquit, *operta Ecclesia, quia non est sub modio, sed super candelabrū, & de illa dictum est: non potest Ciuitas abscondi supra montem posita, sed Donatistis velut operata est, qui audiunt tam lucida, & manifesta testimonia, quæ illam in toto Orbe demonstrant, vt malint clausis oculis offendere in montem, quàm in eum ascendere: & epist. 107. Facile tibi est attende, & videre Ciuitatem supra montem positam. Vnde Origenes homil. 30. in Matth. meritò dixit: Ecclesia plena est fulgore ab Oriente in Occidentem. Ergò euidenter cernitur, Religionem Christianam esse à Deo.*

232 Et quidem ad hominem contrà Authores Catholicos, qui euidenciam veritatis nostræ Religionis negant; cùm tamen constantè doceant, Religionem Christianam ita esse euidenter credibilem, vt Religiones omnes sibi oppositas faciat incredibiles; hoc validum, & inuictum formatur argumentum. Nam si Religio nostra reliquas facit incredibiles: ergò reliquas facit improbabilis: omnia enim probabilia sunt prudenter, & absque vitio credibilia: ergò Religio Christiana non solum est euidenter probabilis, aut euidenter probabilior reliquis sectis, sed certa: sola enim maior probabilitas vniùs doctrinæ non facit vt opposita sit absolutè improbabilis, seu talis, cui nullus possit prudenter assentiri. Si autem Religio Christiana ex suis fundamentis, & rationibus est certa: ergò est similiter euidens euidencia extrinseca, & in attestante: omnis enim certitudo per rationem,

ac probationem comparata est in eodem gradu euidentia; imò euidentia rationum est causa certitudinis. Nam extra Fidem Diuinam, quæ est summè certa, quamvis sit obscura, omnis certitudo alius cuius veritatis fundatur in ipsa euidentia talis veritatis: ergò implicat Religionem Christianam esse ita euidenter credibilem, vt omnem sectam sibi oppositam reddat incredibilem, quin sit euidenter vera euidentia in attestante.

233 Præterea argumentor: nam cum Deus velit, omnes homines saluos fieri, vult vt omnes quærant veram Religionem, donec illam inueniant, & vult vt inventam amplectantur; & si iam in illa sunt, vult vt in illa vsque in finem perseuerent: nam sine professione veræ Religionis nemo potest saluus fieri, quia *sine Fide*, teste Apostolo ad Hebræos 10. *impossibile est placere Deo*. Vera autem Fides non datur vbi non datur vera Religio. Nec satis est ad salutem quòd quis amplectatur Religionem, quæ sibi videatur probabilior, aut verisimilior, vel etiam certa, si re ipsa sit falsa: sic enim quilibet saluaretur in sua Religione, quia cuilibet sua videtur melior, & verisimilior alijs, imò certa. Sic Mahumethani, & Hebræi, imò & hæretici obstinati verissimam arbitrantur suam Religionem, & arbitrantur, Christianos Catholicos in errore versari. At certum est apud omnes Catholicos, neminem extra veram Religionem posse saluari, vt constat ex symbolo Athanasij: *Hæc est*, inquit,

Fides Catholica, quam nisi quisque integram, inviolatamque servauerit, absque dubio in æternum peribit. Ergò Deus obligat omnes adultos ad quærendam, & inveniendam veram Religionem, illamque amplectendam: ergò omnes possunt dignoscere quænam sit vera Religio. Pater consequentia: quia si non possent discernere inter veram, & falsam Religionem, & dignoscere quænam sit vera; quænam falsa, impossibilia Deus iuberet, dum iubet veram Religionem amplecti. At Deus impossibilia non iubet, ut definitum est à Tridentino: ergò omnes possunt discernere quænam inter omnes sit vera Religio. Non possent autem hoc præstare, nisi vera Religio esset talibus veritatis indicijs vestita, ut quicumque ea indicia inspiciat, & contempletur, euidentèr deprehendere possit, Religionem talibus indicijs vestitam, seu talibus notis insignitam, esse Religionem à Deo traditam, & consequentèr veram. Ergò argumenta euidentia credibilitatis, quibus Deus Religionem Christianam insigniuit, connexa essentialitèr sunt cum ipsius veritate, & quicumque ea penetrat, euidentèr cognoscit, Religionem Christianam esse veram. Probatur consequentia: nam si illa credibilitatis argumenta solum redderent Religionem Christianam euidentèr probabiliorem, & verisimiliorem reliquis omnibus sectis, neque ex se essent essentialitèr connexa cum veritate; sed possent coniungi cum falsitate, Deus non obligaret ad quærendam, inveniendam,

& amplectendam Religionem veram, sed solum ad amplectendam Religionem probabiliorem, & verisimiliorem, siue sit vera, siue sit falsa: ergo si omnia credibilitatis argumenta, quibus Religio Christiana est insignita, & illustrata ex se sunt coniungibilia cum falsitate, & possunt cadere in Religionem falsam; possunt à Deo omnes homines obligari, vt titulo ponendi in tuto suam salutem, amplectantur Religionem re ipsa falsam, in qua salus esse non potest: quo nihil absurdius, & Deo indignius ex cogitari potest. Hoc enim esset, Deum homines decipere, & seducere, dum ex vna parte statueret non dare salutem æternam, nisi professoribus Religionis veræ, & ex alia parte Religionem falsam vestiret talibus veritatis indicijs, & omnes tenerentur illam amplecti: & ita homines fugiendo mortem in mortem inciderent, seu potius querendo vitam, inciderent in mortem sempiternam, idque Deo procurante, seu incitante.

234 Id explicemus: Ponamus, Petrum fugere hostem insequentem, & non esse alium modum vitandi mortem, & euadendi gladium hostis persequentis, nisi se recipiat in aliquam turrem, vel arcem. Sint tres, vel quatuor turres ante ipsum e regione positæ, quarum vna dumtaxat sit secunda, & medium aptum ad vitam tuendam; reliquæ verò sint omnino expositæ hostium furori, & quæ certissimè expugnanda sint ab hoste insequenti Petrum. Sciat hoc Petrus, & euidentè cognoscat, se

non posse in qualibet ex illis turribus vitam tueri, sed in vna dumtaxat ex illis, Quid faciet in angustia Petrus? ad quam ex illis quatuor confugiet? Certe est, illum obligatum esse eligere illam, in qua maiora securitatis indicia conspexerit. Vnde si indicia illa sint fallacia, & te ipsa turris illa non sit munita; sed expugnationi obvia, Petrus per illa indicia decipietur, & dum vitam vult tueri, & ex illius tuendæ desiderio, incidet in præsentissimam mortem: vnde qui vocauisset, & incitasset Petrum ad ingressum illius turris, ei ostendendo maiora securitatis indicia in illa turri, quàm in alijs, illum profectò decepisset, & causa foret ruinæ ipsius. Cū ergò homini euidentis sit extra Religionem veram, nemini patere aditum ad æternam salutem; & euidentis quoque ipsi sit, inter omnes Religiones mundi vnā dumtaxat esse veram, & à Deo descendentem; reliquas verò illi oppositas esse falsas, & à Diabolo ortas, euidentis ipsi est, se obligatum esse ad quærendam, & amplectendam Religionem illam vnicam, quæ vera est. Ergò cum veritas Religionis cognoscatur per indicia veritatis, & argumenta credibilitatis, euidentis ipsi est, se obligatum esse ad amplectendam illam Religionem, in qua post diligentem inquisitionem viderit maiora veritatis indicia, & vrgentiora credibilitatis argumenta. Ergò impossibile est vt Deus Religionem falsam vestiāt maioribus veritatis indicijs, & vrgentioribus credibilitatis argumentis, quàm Re-
li-

ligionem veram: sic enim homines deciperet, eos obligando per illa præminentiora veritatis indicia ad amplectendam Religionem falsam. Ergò euidens est, inter omnes mundi Religiones, illam dumtaxat esse veram, quæ maioribus à Deo ornata est veritatis indicijs, & credibilitatis vrgentioribus argumentis. At euidens est, inter omnes mundi Religiones solam Religionem Christianam Catholicam esse ornata à Deo maioribus veritatis indicijs, & vrgentioribus credibilitatis argumentis: cum ex confessione omnium Doctorum Catholicorum non solum sit evidentè credibilis, sed evidentè credibilior omnibus alijs mundi Religionibus, & quidem cum tanto excessu, ut apud æquum rerum æstimatorem, & sincerum veritatis amatorem reliquæ omnes comparatiuè ad illam nec verisimiles, atque probabiles, neque prudenter credibiles maneant: ergò euidens est, inter omnes mundi Religiones solam Religionem Christianam Catholicam esse veram, ac proinde solam illam esse veracem, seu veritatis Magistrum, & veræ Fidei depositariam, atque custodem. Ergò Doctores Catholici, tanquam omnino indubitatum statuentes, Religionem Christianam à Deo ornata esse evidentibus credibilitatis notis, & aliunde negantes ornata esse euidentibus veritatis argumentis, virtualitèr sibi contradicunt, & contradictoria docent. Dicendum ergò est, Christianam Religio-

nem

nem Catholicam ornatam esse à Deo evidentibus veritatis argumentis, ac proinde quemcumque hominem, qui illa veritatis argumenta penetrauerit, euidentèr cognoscere, Christianam Religionem esse veram, idest Deum habere Authorem.

235 Confirmatur, & explicatur: vera Religio est in mundo ab hominibus inuenibilis: ergò est certò agnoscibilis, & discernibilis inter omnes: cum homines inuenire eam nequeant, nisi agnoscendo, & discernendo. Antecedens constat ex dictis, quia alioqui Deus impossibilia hominibus præciperet, dum eis præcipit vt quærant veram Religionem, sine qua impossibile est salutem æternam obtinere: & præterea antecedens illud à nemine eorum negatur, qui aliquam Religionem tenent: nam cum vnusquisque suam veram putet, necesse est vt putet à se inventam esse veram Religionem, nempe suam. Vel ergò vera Religio æquari à falsa potest in fundamentis suæ veritatis, vel non potest? Si secundum: ergò excessus in fundamentis erit infallibile signum veritatis, ac proinde evidens erit esse veram illam Religionem, quæ præ reliquis est credibilis, & maioribus illustrata est veritatis indicijs. Si autem vera Religio æquari à falsa potest in fundamentis veritatis impossibile erit inter vtramque discernere, cum vtraque sit æquè fundata, & æquè credibilis, ac proinde impossibile erit veram Religionem inuenire, ita vt animus in ea quiescat, & si-

sibi sine formidine persuadeat, se veram Religionem tenere.

236 Rursus, vel excessus in fundamentis est signum infallibile veritatis? & tunc ex excessu evidentè infero veritatem; vel est signum dumtaxat probabile: & tunc ex excessu non possum certò agnoscere, & discernere veram Religionem. Ergò vel vera Religio non est invenibilis, & ad nullam Religionem amplectendam obligamur, quod est evidentè falsum; vel vera Religio est certò, & evidentè agnoscibilis.

237. Ulteriùs: vel excessus fundamentorum est certò, & evidentè agnoscibilis; & tunc obtinui; vel est tantum opinabilis; & tunc opinari quidem de Religione potero; invenire autem non potero. Denique vel evidentia credibilitatis est certa nota veritatis? & tunc intentum obtinui, videlicet, Religionem Christianam esse evidentè veram, cum iuxta omnes Doctores Catholicos sit evidentè credibilis. Vel evidentia credibilitatis non est certa nota veritatis, sed fallibilis, & indifferens, & solum probabilis? & tunc veram Religionem invenire non potero, nec certus esse quòd Deus sit Author Religionis Christianæ, eiusque mysteria revelaverit; sed semper manebo dubius, & apud me dicere potero: forsan nos fefellit Deus, dum per argumenta evidentia credibilitatis nos induxit ad amplectendam Religionem Christianam, cum ergò hæc sint evidentè absurda, di-

cendum est, manifestum esse, & de rebus moraliter evidentibus, quænam inter omnes sit vera, & à Deo data Religio, quæ erat propositio quinta, cuius veritatem probandam suscepimus.

§. XI.

Explicatur iam ex dictis Fidei nostræ resolutio facienda apud homines Infideles, qui Evangelio non credunt.

238 **E**X dictis facile est legitimam Fidei nostræ resolutionem explicare. Si ergò Philosophus Gentilis, vel Mahumethanus à Christiano quærat: cur credis, Deum esse unum, & Trinum? Cur credis, Deum factum esse hominem? Cur credis, Jesum Nazarenum à Judæis crucifixum esse verum Deum? Respondebit: quia Deus summè sapiens, ac verax, qui nec fallere, nec falli potest, has veritates mundo revelavit. Si autem ulterius quærat: Cur credis, Deum has veritates mundo revelasse? Respondeat, negando suppositum, & dicat, se non credere, seu Fide solum obscura cognoscere, Deum has veritates revelasse, sed se hoc scire, seu per evidentia argumenta cognoscere. Si autem ulterius quærat: unde scis, Deum has veritates mundo revelasse? Respondeas: quia evidens est, Deum aliquam Religionem veram in mundo habere, in qua, & per quam homi-

nes saluari possint; & evidens est hanc non posse esse aliam, quam Religionem Christianam Catholicam Romanam: quia sola hæc est à Deo illustrata evidentibus veritatis notis, & manifestissimis credibilitatis argumentis; & evidens est, Deum non potuisse Religionem falsam tot, ac tantis veritatis signis, & credibilitatis argumentis exornare. Et hic exponat credibilitatis argumenta, quæ in toto hoc tractatu sunt adducta, & breviter proposita ad finem libri primi.

239 Vel respondeat: certus sum, Deum revelasse mysterium Trinitatis, & Incarnationis, & Divinitatis Christi, quia evidens mihi est evidentia facti, Christum Dominum has veritates docuisse, & per Apostolos mundo persuasisse: Christus autem evidenter probavit suam Divinitatem, ut constat ex toto lib. 1. & ex hoc lib. 2. cap. 2. §. Unde quæcumque Christus revelavit mundo, Deus revelavit. Rursus, quod Christus sit Deus manifestis probatur argumentis, quia evidens est evidentia facti, Christum Dominum palam dixisse Judæis, se esse Filium Dei naturalem, verumque Deum, & ob hanc causam à Judæis crucifixum esse: & evidens mihi est evidentia facti, & per historias fidedignas, quibus innumeri viri sapientissimi, & sanctissimi Fidem certissimam adhibuerunt, & per effectus manifestos, qui rem ita se habuisse, manifestè comprobant, Christum Jesum in confirmationem illius doctrinæ de sua Di-

vi-

vinitate evidentia miracula patrâsse mortuos suscitando, cæcos illuminando, paralyticos sanando, & alia opera miranda supra omnes naturæ vires operando : & Deum illum tertia die à mortuis suscitâsse, & ipsum redivivum Apostolis, alijsque personis apparuisse, & pòst quadraginta dies coràm magna multitudine virorum, ac mulierum è monte Oliveti ad cælos ascendisse : & Apostolos per totum Orbem dispersos Christi Divinitatem mundo persuasisse, & resurrectionem, arque eius in cælos ascensionem vt oculares testes testificatos fuisse : & in huius Fidei defensionem ipsos, & innumerabiles Martyres omnis ætatis, & sexus, alacritè, & constantè sanguinem fudisse : & sapientissimos, ac doctissimos Doctores omni sæculo hanc doctrinam constantè defendisse, & pro ea defendenda innumeros labores alacritè sustinuisse. Evidens quoque mihi est evidentia facti, & per historias, quæ adhuc in genere narrationis humanæ summam authoritatem habent, hanc Fidem professos fuisse viros, ac fœminas sanctissimos, quos Deus manifestis illustravit miraculis; & manifestum est nec fidem falsam posse veram sanctitatem generare, nec providentiæ Dei congruum esse vt miraculis illustret falsæ Fidei professores.

240 Vel denique respondeat : certus sum, Deum esse Authorem Religionis Christianæ; quia manifestum mihi est, hanc Fidem non alitè, quàm
vir-

virtutè Divina potuisse per totum mundum defendi contra tèt Imperatorum, & Principum potentiam, & tyrannidem: quia cum Religio Christiana proponat credenda mysteria difficillima, qualia sunt Divinitas hominis crucifixi, eius realis præsentia sub exigua panis particula, & identitas eiusdem naturæ cum personis distinctis: & cùm præcepta, atque consilia carni, & sanguini contraria contineat, & nihil de præsentis suis cultoribus promittat; sed omnia in futurum reseruet; incredibile est, mundum res humanitùs tam incredibiles, tam firmitè credidisse, nisi ad hoc credendum evidentià miraculorum induceretur, vel potentià Divinà, & singulari gratià moveretur. Vnde meritò S. Thomas 1. contra gent. cap. 6. dicebat: *Hanc tam mirabilem mundi conversionem ad Fidem Christianam indicium certissimum esse præteritorum signorum, ut ea ulterius iterare necesse non sit, cum in suo effectu appareant evidentè. Esset autem, inquit, omnibus signis mirabilius, si ad credendum tam ardua, & ad operandum tam difficilia, & ad sperandum tam alta, mundus absque mirabilibus signis inductus fuisset à simplicibus, & ignobilibus hominibus.* Et hìc repetendum est acutissimum illud dilemma D. Augustini à nobis propositum, lib. 1. cap. 9. num. 85. quia vel Apostoli mundo prædicantes, hominem crucifixum esse Deum, & à mortuis resurrexisse, & vivum in cælos ascendisse, & totam illam doctrinam, quam ipsi prædicabant, docuisse, hanc Fidem mundo persuas-

suasserunt medijs signis externis, & miraculis; vel sine externis miraculis? Si primum: ergò Fides hæc vera est; quia Deus nequit miracula facere in confirmationem doctrinæ falsæ, & mirabilia operari, vt secta suæ voluntati contraria, & suis perfectionibus iniuriosa in mundo prævaleat. Si secundum: idem sequitur, quia hoc idem est miraculum internum omnibus miraculis externis multò maius, & evidentè probans, sola Dei omnipotentis virtute fieri potuisse vt res humanitùs ita incredibiles, & carni, & sanguini ita contrarias, mundus tam firmitè, & tam constantè crediderit.

§. XII.

Quomodo Fidei Christianæ resolutio facienda sit sine circulo, & mutua prioritate coràm hæreticis credentibus Evangelio, & coràm Catholicis.

241 SI hæreticus à me quærat: Cur credis, dari Purgatorium, & Christum Dominum instituisse septem Sacramenta? Respondebo: quia Deus summè sapiens, ac verax hoc revelavit. Si iterùm roget: Vnde cognoscis id Deum revelasse? Respondebo: quia Ecclesia Catholica Romana id semper tenuit, ac credidit, atque omnibus credendum proponit. Si instet: vnde cognoscis Ecclesiam Romanam hoc proponentem,

non

non errorem, sed veritatem credendam proponere? Respondebo: quia, teste Apostolo, *Ecclesia est Columna, & Firmamentum veritatis*, id est columna firma, & stabilis, quæ à veritate deflectere non potest, & sua firmitate, ac stabilitate sustentat suos filios, nè à veritate aberrant, vt exponunt omnes Doctores Catholici; vel quia (vt fatetur etiam ipse Calvinus apud Becanum in Compendio Manualis lib. 1. cap. 3. nu. 17.) *veritatem præconio suo celebrat, quia puram & sinceram retinet, quia ad posteros transmittit, vcl quia, vt idem Calvinus dicit, veritatem tuetur, ac propagat, vt à posteris in omne ævum colatur.* Si autem rursus roget: vnde scis Ecclesiam illam, quā Apostolus appellat Columnam, & Firmamentum veritatis, esse Ecclesiam Catholicam Romanam? Respondebo: quia ex Evangelio manifestum est Christum Dominum suprà Petrum fundasse Ecclesiam visibilem in æternum permanсурam, vt constat ex illis verbis: *Tu ex Petrus, & super hanc Petram ædificabo Ecclesiam meam, & portæ inferi non prævalerunt adversus eam.* Et de hac Ecclesia suprà Petrum fundata loquutum fuisse Apostolum Paulum, manifestum est: Evidens autem est, Ecclesiam visibilem suprà Petrum à Christo fundatam non esse aliam, quam Ecclesiam Catholicam Romanam: quia illa hominum congregatio sola est Ecclesia Christi, quæ eadem est, & vna, & Sancta, & Catholica, & Apostolica, & rectissimè ordinata, & visibilis, hoc est in luce hominum per-

petuò constituta : hæ enim Ecclesiæ proprietates manifestè constant ex symbolis, Apostolico, Nicæno, & Constantinopolitano ; & ex Scripturis. Atqui sola illa hominum congregatio, quæ Romano Pontifici pro tempore existenti paret, ipsumque ut verum Christi in terris Vicarium, & legitimum Petri successorem agnoscit, & nulla alia est talis: ergò sola hæc Congregatio ; id est sola Ecclesia Catholica Romana est vera Christi Ecclesia. Ad hanc autem minorem persuadendam suppetunt Doctori Catholico euidencia argumenta, ut demonstrant P. Valentia tom. 3. disp. 1. q. 1. punct. 7. à §. 21. Bellarminus de notis Ecclesiæ, & alij : & nos libro sequenti id ostendemus: euidens enim est, solam Ecclesiâ Romanam posse per continuatam seriem Pastorum probare, se ab Apostolis fundatam esse: quia evidens est euidencia facti, Innocenti ù XI. qui modò gubernat Ecclesiâ Christi, successisse Clemēti X. Clementē X. Clementi IX. Clémentem IX. Alexandro VII. Alexandrum VII. Innocentio X. Innocentium X. Urbano VIII. & sic ascendendo perveniemus ad D. Petrum, à quo usque ad Innocentium XI. utrumque includendo, quadraginta quatuor supra ducentos numerantur Summi Pontifices, secundum communiorum calculum. Et manifestum est, in sola Ecclesia Catholica Romana reperiri notas, signa, & argumenta, quæ probent, ipsam esse veram Christi Ecclesiam.

XIII.

Alius modus id ipsum explicandi.


242 **A**Lio insuper modo sine circulo, & mutua prioritate possumus resolvere Fidem Catholicam coràm hæretico, qui credēs in Christo, negaret integritatem, & incorruptionem noui Testamenti, seu qui diceret nouum Testamentum, quod in Ecclesia modò seruator, non esse omninò incorruptum, & quale ab Apostolis scriptum fuit. Interroganti ergò: cur credis Purgatorium, & septem Sacramenta? respondebo: quia Deus hoc reuelauit: & sciscitanti, vnde cognoscis, hoc Deum reuelasse? Respondebo: quia Ecclesia hoc credendum proponit: & iterum roganti: vnde cognoscis, Ecclesiam in hoc proponendo non errare? Respondebo: quia Ecclesia est infallibilis ob assistentiam Spiritus Sancti ei à Christo promissam: & rursus instanti: vnde cognoscis, Ecclesiam hoc privilegium habere, & ei fuisse promissam à Christo assistentiam Spiritus Sancti, nè erraret in ijs, quæ credenda proponit? Respondebo: quia id Euangelium, & Scriptura aperte testatur: nam Christus Matth. 16. apertè promissit, portas inferi non prævalituras adversus Ecclesiam, quam supra Petrum fundauit; prævaluissent autem, si Ecclesiam permouissent ad proponendum tamquam

articulum Fidei aliquod dogma falsum:& Matth.
28. Apostolis, & eorum successoribus Ecclesiam
Christi principaliter componentibus dixit: *Ecce
ego vobiscum sum omnibus diebus usque ad consumma-
tionem seculi*; non esset autem in Ecclesia Spiritus
Christi, qui est spiritus veritatis, si Ecclesia errare
posset in ijs, quæ credenda proponit. Petro etiam,
& in illo eius successoribus dixit Christus: *Rogavi
pro te, Petre, ne deficiat Fides tua*: obtinuitque proinde
Christus pro sua reuerentia, nè à Sede Petri
deficiat vnquam vera Fides; vt ita Romanus Pon-
tifex tanquam Petri successor, possit fratres suos,
idest Episcopos, & fideles in Fide vera confirmare,
eis ostendendo quid credere debeant. Ex ijs, &
alijs Scripturæ testimonijs cognoui, Ecclesiam esse
infallibilem in ijs, quæ credenda proponit.

243 Si autem amplius inquirat: vnde cognos-
cis, Scripturam hoc testificantem, esse Scripturam
Dei, ab eo scilicet dictatam, & libros, vnde sumū-
tur eiusmodi testimonia esse Canonicos? Respon-
debo: quia Ecclesia Catholica in Concilijs Gene-
ralibus congregata cathalogum librorum Diuino-
rum contexuit, & inter eos numerat Euangelia il-
la, in quibus continetur assistentia Spiritus Sancti
respectu Ecclesiæ, nè tota errare possit in ijs, quæ
credit. Hunc cathalogum exhibuit Concilium
Tridentinum Sess. 4. Patres Tridentini hunc Ca-
thalogum acceperunt per traditionem ab Euge-
nio Papa in Concilio Florentino, vt videre est a-
pud

Demonstratur Diuinitas Christi. 351

puđ Bartholomæum Carranzam in summa Conciliorum. Rursùs Eugenius illum accepit à Gelasio Papa in Concilio Romano, vť patet ex 2. tom. Conciliorum in Decretis Gelasij circa finem. Iterum Gelasius ab August. lib. 2. de doctrina Christ. c. 8. Augustinus autem à Concilio Carthaginensi 3. quod alij quintum, alij sextum vocant. Denique Patres huius Concilij ab Innocentio I. epist. 3. ad Exuperium cap. 7. assumptus est autem Innocentius I. ad Summum Pontificatum anno 402. Vnde ex illo tempore primitiua Ecclesie ad nos vsque per continuam successionem perseuerat idem ille Scripturae Canon, quem Ecclesia Catholica Romana tenet, & amplectitur. Ab hoc Canone multos libros hæretici huius temporis expungunt, in quos optimè quadrat quod de Manichæis scripsit Augustinus in libro de bono perseuerantiæ cap. 11. *Scripturas, inquit, sic accipiunt, vt suo quodam priuilegio, imò sacrilegio, quod volunt sumant; quod nolunt reijciant.*



§. XIV.
Quomodo sine circulo authoritas Scripturæ probari possit per authoritatem Ecclesiæ, & Ecclesiæ authoritas per authoritatem Scripturæ.

244 **S**I autem ulterius interroget: unde nosti, Ecclesiam Catholicam præscribentem Cathalogum librorum Diuinorum, in eo designando non errasse? Hic non est recurrendum ad authoritatem invisibilem Ecclesiæ, seu ad assistentiam invisibilem Spiritus Sancti, quam habet Ecclesia Catholica, nè errare possit circa Fidem, quæ assistentia solum probetur ex Scripturis: sic enim circulum committeremus, probantes infallibilitatem Romanæ Ecclesiæ ex Scriptura, & rursus infallibilitatem Scripturæ ex infallibilitate Ecclesiæ: quem circulum supra §. 3. huius capituli exprobrant Catholicis Calvinistæ apud Becanum in Compendio Manualis libr. 3. cap. 10. Recurrendum itaque est ad authoritatem manifestam, & visibilem Ecclesiæ, quæ in omnium oculis incurrit.

245 Duplex namque est Ecclesiæ authoritas, altera omninò invisibilis in se, & prorsus occulta, nimirum authoritas proueniens ab infallibili assistentia Spiritus Sancti, quæ assistentia nobis constat per reuelationem contentam in Scriptura; altera est manifesta, & visibilis: quia in mundo est manifestum, & quasi palpabile, Religionem Christiana-

stianam modis mirabilibus, atque Diuinis fuisse prius fundatam, & per totum Orbem diffusam; mox illustratam inuictis sine numero Martyribus; in ea per singula sæcula floruisse homines admiranda sanctitate præditos, & manifestis miraculis claros; in ea semper illustrissimos Doctores clarissimè sanctitatis, & doctrinæ luce perfusos claruisse; ex illa prodijisse viros Apostolicos, qui zelo, & charitate ardentes per singula sæcula barbaras nationes ad Christum traxerunt, & quotidie trahunt; hanc Ecclesiam immobilem in sua Fide per tota sæcula permanisse contra tota Imperatorum potentiam, contra tota hæreticorum persecutiones. Hæc, & alia Ecclesiæ decora ingentem illi conciliant auctoritatem, & satis clarè manifestant, Ecclesiam tota notis illustrem, tota prærogatiuis ornatam, tota Martyribus, tota Confessoribus, tota Virginibus, & tota Doctoribus decoratam, esse illam Ecclesiam visibilem, quam sibi Christus coniunxit tanquàm Sponsam perpetuam, vt explicat Apostolus ad Ephes. 5. v. 31. & prædictum est ab Osea cap. 2. v. 19. *Sponsabo te mihi in sempiternum*, esse illam; quam Christum supra Petrum fundauit, & de qua dixit: *Et portæ inferi non præualebunt aduersus eam*, idest, vitia, & peccata, & hæreticorum doctrine, vt explicat Hieronymus ad illum locum: aduersus quam *inferorum portæ*, idest hæreticorum ora, impetum quidem facient; sed non præualebunt, vt inquit Damascenus in oratione de transfiguratione Do-

mini: denique esse illam, de qua Augustinus lib. i. de Symbolo cap. 6. dicit: *Ipsa est Ecclesia sancta, Ecclesia vna, Ecclesia vera, Ecclesia Catholica, contra omnes hæreses pugnans. Oppugnari potest; expugnari non potest. Hæreses omnes de illa exierunt, tanquam sarmenta inutelia de vite præcisa, ipsa verò manet in radice sua, in vite sua, in charitate sua. Portæ inferi non vincunt eam.*

246 Ad hanc ergò authoritatem visibilem Ecclesiæ recurrendum est in præsentī interrogatione. Itaque ad illam interrogationem: unde nosti Ecclesiam Catholicam præscribentem Catalogum librorum sacrorum, in eo designando non errasse? Respondebo: quia Ecclesia Catholica Romana tot prærogatiuis visibilibus, tot notis, & insignibus fulget, ut ex illis manifestè cognoscatur, eam esse Ecclesiam illam, in qua habitat Spiritus Dei, idest spiritus veritatis, cui sua sensa manifestavit, & per quam vult sensibilibus hominibus loqui, eisque ostendere legitimam ad æternam felicitatem viam. Credibileque non est, Deum occultasse huic Ecclesiæ, quinam sint illi libri, quos ipse dictavit, & per quos voluit ad æternam salutem dirigere: cui enim committeret libros illos custodiendos, & fideliter usque in finem servandos, nisi Ecclesiæ illi, *quam suo sanguine acquisuit*, ut inquit Paulus Actor. 20. v. 28. quam sibi in æternum deposcavit, & quam tot dotibus, & mirabilibus prærogatiuis decoravit? Ergò Ecclesia Catholica est
fida

fida custos sacrorum librorum. Ergò ad illam attinet discernere quinam sint libri Diuini, & à Deo dictati, & illos filijs suis ostendere, vt ipsorum doctrina nutriantur ad vitam.

247 Confirmatur: nam certum est, Filium Dei interris visum esse, & cum hominibus conversatum fuisse, vt prædixerat Baruch cap. 3. *Post hæc, inquit, in terris visus est, & cum hominibus conversatus est.* Certum est hominibus dedisse præcepta vitæ; & novam legem fundasse; & voluisse vt Euangelium scriberetur, vt vsque in finem esset forma sanctitatis: ergò certum est alicui hominum cœtui tradidisse hoc pretiosum depositum seruandum: cui autem, nisi Ecclesiæ suæ? Quænam autem esse potest Ecclesia eius, nisi illa, quæ signis mirabilibus fulget, nempe Catholica Romana? Ergò certum est, ad Ecclesiam spectare prærogatiuam conseruandi purum Euangelium, aliosque libros sacros sine mixtura errorum. Ergò ex autoritate visibili, & manifesta Ecclesiæ abundè probatur, eam habere authoritatem infallibilem ad notificandum fidelibus, quinam sint libri Sacri, & Canonici, qui tanquam Diuinitus inspirati legendi sunt.

248 Ipsaque necessitas Fidei nobis à Deo dandæ probat, Scripturas sacras illi tanquam in deposito traditas. Audiamus Augustinum hanc necessitatem Fidei explicantem lib. 11. de Ciuit. Dei, cap. 2. & 3. *Quia ipsa mens, inquit, cui ratio, &*
in-

intelligentia naturaliter inest, vitijs quibusdam tenebrosis, & veteribus invalida est non solum ad inherendum fruendo, verum etiam ad perferendum incommutabile lumen, donec de die in diem renouata atque sanata fiat tantæ salutis capax. Fide primùm fuerat imbuenda, atque purganda. In qua vt fidentiùs ambularet ad veritatem, ipsa veritas Dei Filius homine assumpto, non tamen consumpto, eandem constituit atque fundauit. Fidem, vt ad Deum iter esset homini per hominem Deum: hic enim est Dei, & hominum mediator homo Christus Iesus... Hic prius per Prophetas, deinde per seipsum, postea per Apostolos, quantum satis esse iudicauit, loquutus, etiam Scripturam condidit, quæ Canonica nominatur, eminentissimæ authoritatis, cui Fidem adhibeamus de his rebus, quas ignorare non expedit, nec per nos ipsos nosse idonei sumus. Hæc ille. Hanc autem Scripturam à se conditam, cui seruandam traderet Deus, nisi illi Ecclesiæ, quam tot signis mirabilibus ornavit?

249 Sine circulo ergò cognoscimus, Ecclesiam habere authoritatem infallibilem, & assistentiam occultam Spiritus Sancti, nè erret, quia Scriptura Diuina hoc testatur; & cognoscimus Scripturam hoc testificantem esse Diuinam, quia Ecclesia visibilis, quæ prærogatiuis suis probat, se esse Ecclesiam Dei, declarat, tales, & tales libros esse Divinos.

250 Possemus etiam alia via vitare circulum, asserendo nos scire quod Ecclesia habeat authorita-

ritatem infallibilem, quia id Scriptura Diuina testatur: & interrogati: ynde scimus, Scripturam hoc dictantem, esse Diuinam? Respondebimus: quia nisi esset Diuina, tantam authoritatem non haberet omni sæculo apud omnes homines. Hanc rationem colligo ex Augustino lib. 6. confessionum capit. 5. dicente: *Cum essemus infirmi ad inueniendam liquida ratione veritatē, & ob hoc nobis opus esset authoritate sanctarum litterarum; iam credere cœperam, nullo modo Deum fuisse tributurum tam excellentem illi Scripturæ per omnes iam terras authoritatem, nisi & per ipsam tibi credi, & per ipsam se queri voluisses.* Et idem Augustinus lib. 1. de moribus Ecclesiæ cap. 29. cum Manichæos ex quodam Euangelij loco conuicisset, subiungit: *Quid hoc loco potest dicere impudentissima pertinacia? Non hoc Christum dixisse? At in Euangelio verba eius ista conscripta sunt. Falsum esse scriptum? Quid hoc sacrilegio magis impium reperiri potest? Quid ista voce impudentius? Quid audacius? Quid sceleratius? Simulachrorum cultores, qui Christi etiam nomen oderunt; nunquam hoc aduersus Scripturas illas ausi sunt dicere. Consequentè namque omnium litterarum summa perversio, & omnium, qui memorie mandati sunt librorum, abolitio, si quod tanta populorum Religione roboratum est, tanta hominum, & temporum consensione firmatum, in hanc dubitationem ducitur, vt nè historiæ quidem vulgaris fidem possit, grauitatemque obtinere.*

Quomodo resolvenda sit Fides eorum, qui Christo, & Apostolis prædicantibus crediderunt.

251 **H**Æc dicta sunt de resolutione Fidei dei prout nunc habetur à Fidelibus: nam si sermo sit de actu Fidei, quo audientes Christum, crediderunt, vera esse mysteria quæ ipse prædicabat, videlicet quod ipse esset verus Deus, & Messias in Lege promissus: ille resolvitur tanquàm in motivum credibilitatis in miracula, quæ Christus patrauit in confirmationem suæ doctrinæ: evidens enim est, vel esse doctrinam Divinam, ac proinde veram, quæ confirmata est miraculis; vel saltem evidens est, posse, ac debere credi ut Divinam. Similiter si sermo sit de Fide eorum, qui immediatè audierunt Apostolos, illa reuocanda est in miracula ab ipsis edita, vel in mirabilem Prædicatorum sanctitatem, & consonantiam cum ratione, quæ apparebat in doctrina ab ipsis prædicata, vel in aliud huiusmodi.

§. XVI.

Quomodo Fides nostra, qui miracula Christi, & Apostolorum, non vidimus, possit in illa resolvi.

252 **R** Espectu autem nostri, qui miracula illa non vidimus, etiam à miraculis illis potest probari, revelatam fuisse à Deo doctrinam illam, quam Apostoli prædicarunt: v.g. Resurrectionem, & Ascensionem Christi dilemmate. illo acutissimo Augustini, lib. 22. de Civit. cap. 5. sic arguentis: Vel mundus credidit Resurrectionem, & Ascensionem Christi per miracula Apostolorum, & Prædicatorum Evangelij, vel sine vllis miraculis externis? Si primum: ergò Deus confirmavit miraculis Resurrectionem, & Ascensionem Christi; si verò Apostoli, vt eis crederetur, Resurrectionem, & Ascensionem Christi prædicantibus, etiam ista miracula facta esse non creduntur; hoc vobis vnum grande miraculum sufficit, quòd eam orbis terrarum, sine vllis *miraculis credidit*. Quare iuxta Augustinum nobis pro miraculo sufficit Fides ipsa Catholicæ Ecclesiæ: ex terminis enim videtur manifestum, fieri non potuisse sine miraculo, vt tanta hominum multitudo crederet certissimè rem ex natura sua incredibilem, præsertim cum talis Fides tantam morum mutationem, & sanctitatem attulerit.

253 Et quidem mihi mirabilior videtur mutatio illa, quam experimur per Fidem Catholicam, quàm suscitatio mortuorum, & illuminatio cœcorum; & facilius intellectu mihi apparet, hanc Fidem Ecclesiæ Romanæ introductam esse per miracula externa, quàm sine vllis miraculis: hoc enim secundum, vt Augustinus animadverrit, licet à Deo fieri possit; difficilius tamen est, & incredibilius, quàm illud primum: vnde idem Augustinus, lib. 22. de Civit. cap. 8. aiebat: *Miracula necessaria fuisse priusquàm crederet mundus ad hoc vt crederet; postquam verò mundus credidit, necessaria iam non esse miracula: nam qui adhuc prodigia, vt credat, expectat, magnum est ipse prodigium; qui mundo credente, non credit.* Huc etiam facit ille S. Thomæ locus ex 1. contra Gent. cap. 6. quem supra adduximus, §. 11. circa finem, vt enim ille aiebat: *Hac tam mirabilis mundi conversio ad Fidem Christianam indicium certissimum est præteritorum signorum; vt ea ulterius iterum rare necesse non sit, cum in suo effectu.*

(9)

§. XVII.

*Resolutio Fidei à nobis exposita confirmatur
ex Patribus.*

254 **P**Robatur nostra sententia celebri alia
authoritate eiusdem Augustini, qui
lib. de vtilitate credendi, cap. 14. latè agit de credi-
bilitate nostræ Fidei, & docet: *Christum nihil prius,
nec fortiùs, quàm credi sibi voluisse: cum illi nondùm
essent idonei, cum quibus ei res esset, ad Divina perci-
pienda secreta, docetque Christum Dominum in eū
scopum miracula fecisse, vt sibi loquenti, & do-
centi crederetur. Et postea cap. 16. paulò post ini-
tium dicit, pertinuisse ad providentiam Dei con-
stituere aliquam authoritatem, quā velut gradu
certò innitentes, attollamur in Deum, & possimus
credere sine temeritate, & periculo erradi. Et pau-
lò post addit, nos duobus modis moveri ad cre-
dendum, partim miraculis, partim sequentium
multitudine, id est, tùm miraculis, quæ in confir-
mationem Fidei facta sunt, tùm multitudine po-
pulorum illam profitentium. Quod etiam repetit,
& confirmat in libro contra Epistolam fundamē-
ti, cap. 4. his verbis: *Multa sunt, quæ iustissimè me
tenent in Ecclesie Catholice gremio: tenet consensus po-
pulorum, & gentium: tenet authoritas miraculis in-
choata, spe nutrita, charitate aucta, vetustate firmata:**

tenet ab ipsa Sede Petri Apostoli, usque ad presentem Episcopatum successio Sacerdotum. Idem apertè testatur ibidem cap. 5. inquit: Infirmata Catholicorum auctoritate, iam nec Evangelio credere potero, quia per eos illi credideram. Ergo affirmat Augustinus, se ab auctoritate Ecclesiæ Catholicæ inductum fuisse ad credendum; Deum esse authorem doctrinæ contentæ in Evangelijs. Denique in libro iam citato de utilitate credendi, cap. 14. circa finem docet, Christum miraculis obtinuisse, ut sibi prædicanti, se esse Deum, atque Messiam in lege promissum, crederetur: Quid enim agunt tanta, & tam multa miracula, ipso etiam dicente, illa fieri non ob aliud, nisi ut sibi crederetur? Et postmodum: Ergo Christus afferens medicinam, quæ corruptissimos mores sanatura esset, miraculis conciliavit auctoritatem, auctoritate meruit fidem, fide contraxit multitudinem, vetustate roboravit Religionem, Ex quibus manifestè constat, D. Augustinum permotum fuisse miraculis, & alijs notis credibilitatis, ut crederet, Religionem Christianam habere Deum authorem, ac proinde ut ob auctoritatem Dei revelantis crederet mysteria nostræ Religionis: ergo Fides nostra resolvenda est in illa signa, & argumenta:

255 Idque etiam apertè docuit Richardus à Sancto Victore, lib. 1. de Trinitate, ubi considerans evidentissima argumenta credibilitatis, quibus homines inducuntur ad credendum, Deum esse

esse Authorem illius, ac proinde eius mysteria reuelasse, exclamat, dicens: *Domine, si error est quod credimus, à te decepti sumus.* Redditque rationem: quia mysteria nostræ Fidei tam multis, tam magnis, tam miris prodigijs diuinitus sunt confirmata, vt genus videatur esse dementiæ vel aliquantulum dubitare. Ergò grauissimus iste Pater reducit assensum, quo credimus, Deum esse authorem Religionis Christianæ, ac proinde eius mysteria reuelasse, ad signa, & motiua credibilitatis: ergò his tanquam motiuo intrinseco innititur assensus reuelationis.

256 Præterea suadetur nostra conclusio auctoritate D. Thomæ hic q. 2. art. 9. ad 3. dicentis: *Ille, qui credit, habet sufficiens inductivum ad credendum: inducitur enim auctoritate Divinæ doctrinæ miraculis confirmatæ, & quod plus est, interiori instinctu Dei invitantis. Unde non leuiter credit, cum habeat sufficiens inductivum ad credendum.* Vbi aperte loquitur non de motivis, quæ habemus ad volendum credere: nam priusquam credamus non inducimur auctoritate Diuinæ doctrinæ: neque enim tunc agnoscimus illam tanquam auctoritatem, & doctrinam Diuinam: alioqui crederemus antequam credamus; sed de motivis, quæ habemus ad ipsum actum credendi, vt optimè expendit Cardinalis Sphortia de Fide num. 64.

257 Denique efficaciter suadetur ex verbis Christi Joan. 10. *Si mihi non vultis credere, operibus credite*, quibus significat, opera miraculosa Christi, eiusque esse vitam sic motivum ad credendum quod missus à Deo, & eius doctrina sit Diuina, ac proinde credenda ob auctoritatem dicentis. Et ex verbis Christi Joannis 11. *Lazarus mortuus est, & gaudete propter vos vt creditis*, ex quibus constat,

Christum voluisse nos credere Diuinam reuelationem propter testimonia, & motiua, quæ suadent eius existentiam. Idque fecerunt Samaritani Joan. 4. *Multi crediderunt in eum propter verbum mulieris testimonium perhibentis, quia dixit mihi omnia*: ergò Samaritani ducti sunt ad credendum, Christum esse Messiam, quia ob testimonium mulieris crediderunt, ei aperuisse secreta cordis, & ob hoc miraculum crediderunt, illum esse Messiam.



TYPOGRAPHVS

Lectori.

CVM tertium librum huius primæ, partis iam diu meditatam Auctor prælo poneret, ecce ob mortem Præpositi Generalis, Societatis intercisæ res: ad Comitiatque Generalia Romæ habenda, cum ijs qui suffragia ferrent à Castellana Prouincia eligitur. In ijs postmodum ad regimen vniuersæ Societatis suscipiendum ab ipsa cogitur. Quapropter manum de tabula, vt aiunt, amouere compulsus, nondum perfectum opus typis cōcessit, certus si per occupationes, quæ modò premunt, ac tempus liceat, & vota sua, & nostra adimplere. Id nos Auctoris nomine pollicemur. Vt verò curiositati Lectorum (dùm ex prælo Germanico quantocyùs plenè satisfactum iri ab Auctore ipso habemus) pro parte nostra geramus morem, integrum capitum libri tertij adiungendi indicemus. Tu interim tanti Viri laboribus frui, & vale.

INDEX

PRIMÆ PARTIS.

LIBER PRIMVS.

IN quo sensibilibus argumentis Diuinitas Christi Domini
evidenter demonstratur, & euidentis credibilitas Religionis
Christianæ proponitur.

Cap. I. Introductio disputationis de Christi Diuinitate,
eiusque maxima utilitas, pag. 4.

Cap. II. Primum caput probandi Diuinitatem Christi,
ex miraculis, quæ fecit in huius veritatis confirmatio-
nem, pag. 12.

Cap. II. I. Roboratur præcedens ratio, ostendendo,
Deum non posse facere miracula in confirmationem do-
ctrinæ falsæ, pag. 18.

Cap. III. Repelluntur friuolæ euasiones, quibus Infideles
eludere conabuntur argumentum petitum à mira-
culis Christi, pag. 32.

Cap. V. Secundum caput probandi Diuinitatem Chri-
sti, ex vindicta, quam Deus sumpsit de Judæis, quia illum
crucifixerunt. Cui annectitur tertium caput inde petitum,
quod post necem Christo illatam, iam Diabolus non per-
trahit Judæos in peccatum idololatriæ, sicut ante eius
adventum fecerat, pag. 39.

Cap. VI. Quartum caput probandi Diuinitatem Chri-
sti, ex mira correspondentia inter vetus, & nouum Testa-
mentum, pag. 51.

Cap.

Primæ Partis.

Cap. VII. Quintum caput probandi Diuinitatē Christi, ex eius Resurrectione, pag. 60.

Cap. VIII. Sextum caput probandi Diuinitatem Christi, ex mirabili mundi conversione, pag. 68.

Cap. IX. Septimum caput probandi Diuinitatem Christi, ex permanentia Christianæ Ecclesiæ, quam fundauit, pag. 75.

Cap. X. Octauum caput probandi Diuinitatem Christi, ex testimonio Martyrum, & ex mirabili conuersione multorum Infidelium ad amplectendam eam fidem, pro qua videbant eos tam dura tormenta pati, pag. 91.

Cap. XI. Reliqua capita probandi Diuinitatem Christi breuiter insinuantur, pag. 97.

Cap. XII. Infertur ex dictis, veritatem Religionis Christianæ esse euidenter credibilem, & omnes sectas ipsi oppositas esse euidenter incredibiles, pag. 103.

Cap. XIII. Breuis discursus, quo Cardinalis Sphortia euidentiam credibilitatis nostræ fidei proponit, pag. 111.

LIBER SECVNDVS.

IN quo ostenditur, Religionem Christianam non solum esse euidenter credibilem, sed euidenter verameuidentia in attestante, quatenus euidenter demonstratur, Deum esse Authorem illius. Vbi natura nostræ fidei latè exponitur, & ostenditur, ad credendum Fide Diuina, & obscura mysteria nostræ fidei, non debere per prius fide obscura credi auctoritatem Dei loquentis, & existentiam reuelationis; sed posse fide obscura, & libera credi mysterium ab homine euidenter cognoscente, Deum illud reuelasse. Vbi etiam pro dignitate explicatur vltima fidei nostræ resolutio sine circulo, & mutua prioritate.

Index

Cap. I. Præambula quædam ad probandum, Religionem Christianam non solum esse euidentè credibilem, sed euidentè veram euidentia in attestante, pag. 115.

§. I. Supponitur, pertinere ad excellentiam veræ fidei, quod contineat mysteria, quæ seclusa, reuelatione Dei, nequeant per rationem naturalem probari, Ibidem.

§. II. Quomodo Prædicator Euangelicus debeat persuadere infidelibus, vera esse mysteria nostræ fidei, quæ per rationem naturalem eis probare non potest, pag. 117.

§. III. Ante assensum fidei præstitum mysterijs ob auctoritatem Dei reuelantis, debet præcedere euidentia credibilitatis, fundata in certitudine de eo quodd Deus ea mysteria reuelauerit, pag. 119.

§. IIII. Quomodo se gesserit S. Petrus cum Simone Mago, ut ipsum pertraheret ad credenda mysteria nostræ fidei: pag. 122.

§. V. Quomodo in hominibus indoctis reperiatur euidentia credibilitatis ante assensum Fidei Diuinæ? p. 126.

§. VI. Quomodo se gerere debeat Catholicus indoctus cum hæretico petenti ab ipso rationem suæ fidei, & interroganti, cur credat, v. g. Purgatorium, vel præsentiam Christi in Eucharistia? pag. 129.

§. VII. Quomodo Doctor Catholicus agere debeat cum Hæreticis, ut euincat, vera esse omnia dogmata, quæ credenda proponit Ecclesia Catholica Romana? pagina 134.

Cap. II. Stabilitur iam, Religionem Christianam non solum esse euidentè credibilem; sed euidentè veram euidentia extrinseca, & in attestante, quatenus euidentè probatur, Deum esse Authorem illius, §. I. pag. 142.

§. II.

Primæ Partis.

§.II. Ex eo quod evidens sit, Deum existere, & providentiam hominum habere, necessariò infertur, existere veram aliquam Religionem in mundo, & hanc non esse aliam quam Christianam, quæ præ reliquis credibilis, redditur, pag. 145.

§.III. Ex animæ immortalitate, & ex providentia Numinis evidentè infertur, dari in mundo aliquam veram Religionem, per cuius cultum homines pervenire valeant ad æternam fœlicitatem; evidensque est, hanc non esse aliam quàm Christianam Catholicam, pag. 151.

§.IV. Cum evidens sit, Religionem Christianam habere evidentè maiora veritatis indicia, & credibilitatis argumenta, quàm ullam aliam: evidens est, esse à Deo, & consequenter esse veram; quia evidens est, Deum non potuisse Religionem falsam talibus veritatis notis, & insignibus vestire, pagina 159.

§.V. Argumenta illa, quibus Christus suam Diunitatem mundo persuasit, efficaciter probant, Religionem Christianam non solum esse evidentè credibilem, sed evidentè veram evidentia in attestante, pag. 166.

§.VI. Ecclesiæ Patres non tam solliciti fuerunt de credibilitate, quàm de veritate Religionis Christianæ, ac proinde ex ipsorum mente hæc est evidentè vera evidentia in attestante, pag. 170.

Cap.III. An, & quomodo cum fide libera, & obscura mysterij possit componi evidentia in attestante? pag. 174.

§.I. Ostenditur, evidentiam in attestante, saltem illam, quæ comparatur penetrando motiva evidentia credibilitatis Religionis Christianæ, componi cum fide obscura mysteriorum, pag. 177.

Index

§.II. Explicatur, quo pacto libertas fidei cohæreat cū euidencia attestationis Diuinæ, pagina 180.

§.III. Quomodo cum euidencia attestationis cohæreat fides mysterij? pag. 188.

§.IV. Infertur ex dictis, non militare contra nostram sententiam, doctrinam Cardinalis Bellarmini asserentis, notas Ecclesiæ, seu argumenta credibilitatis non facere euidenciam veritatis simpliciter, pag. 196.

Cap. IV. Solvitur grauis obiectio contradicta, & ostēditur, ad credendum Fide Diuina, & obscura mysterium reuelatum propter authoritatem Dei reuelantis, necessarium non esse, quod Fide Diuina credatur ipsa authoritas; sed satis esse, quod supponatur aliunde cognita per discursum euidentem, vel per fidem humanam moraliter certam, pagina 199.

§.I. Proponitur obiectio. §. II. Statuitur nostra conclusio, pag. 200.

§.III. Solvitur fundamentum contrariæ sententiæ: ubi ostenditur, certitudinem assensus credentis mysterium propter reuelationem, maiorem esse quàm sit certitudo assensus de existentia reuelationis, nec assensum Fidei Diuinæ circa mysterium fundari in assensu circa existentiam reuelationis; sed illum supponere vt conditionem applicantem motiuium fidei: ac proinde ostenditur, motiuium credendi Fide Diuina non debere credi vt quod per lumen fidei; sed debere supponi certò cognitum per aliud lumen, pag. 210.

§.IV. Illud axioma: *Propter quod vnumquodque tale, & illud magis*; non habet locum in fide; sed inscientijs, pagina 220.

Primæ Partis.

§.V. Proponuntur aliæ instantiæ contra nostram sententiam, pag. 224.

§.VI. Solvuntur illæ instantiæ, & exponitur natura assensus fidei, & probatur, fidem non esse discursivam, nec esse actum fidei hanc conclusionem: *Trinitas est vera*, pro-
ut deductam ex his præmissis: *Quidquid Deus reuelat, est verum; sed Deus reuelat Trinitatem*, pag. 228.

Cap. V. Obijciuntur nobis varia fundamenta, quibus probari solet, non posse Fide Diuina credi mysterium propter reuelationem, quin Fide Diuina credatur existentia reuelationis propter seipsam, §.I. pag. 235.

§.II. Impugnatur illa fundamenta, & ostenditur, quod cum nobis non minus obscurum sit, Deum reuelasse mysterium Trinitatis, v.g. quam Deum esse Trinum: sicut fieri non potest, ut assentiamur existentia mysterij propter ipsum, ita fieri non potest, ut assentiamur existentia reuelationis, alijs factæ, propter ipsam; sed necessarium est, ut intrinsecè moueamur ab aliquo motiuo persuadente, Deum reuelasse mysterium, pag. 240.

§.III. Ex dictis contra alias sententias cōcluditur, motiua ipsa credibilitatis non solum inducere ad imperandum assensum de existentia reuelationis: sed esse moti-
uum intrinsecum talis assensus, pagina 262.

§.IV. Solvuntur fundamenta contendentia, non posse Fide Diuina credi mysterium propter reuelationē, quin Fide Diuina credatur existentia reuelationis, pag. 264.

Cap. VI. Ad credendum Fide Diuina mysterium propter reuelationē, non sufficit, quod pro priori assentiamur existentia reuelationis assensu opinatiuo; nec requiritur, ut assentiamur assensu metaphysicè euidenti, nec assens-

omnino certo, & infallibili, siue assensu Fidei Diuinæ; sed satis est, quod assensu Fidei humanæ moraliter certo, vel ob rationes adeò probabiles, vt non sinant dubitare, sed faciant rem moraliter certam, iudicemus, Deum illud reuelasse, §. I. pag. 273.

§. II. Proponitur contradicta difficile argumentum, cui succubuit Cardinalis Pallauecinus, p. 285.

§. III. Solvitur prædictum argumentum, pagina 288.

§. IV. Proponitur modus, quo rectè defendi potest, actum illum, quo quis assentitur existentiae reuelationis, non propter ipsam, sed propter motiua extrinseca credibilitatis, esse actum Fidei Diuinæ, pag. 291.

Cip. VII. Quo pacto ex dictis explicanda sit analysi, seu resolutio Fidei Christianæ, atque Catholicæ sine mutua prioritate, & circulo? pag. 299.

§. I. Quid sit fidei resolutio, & quanta sit huius controuersie difficultas? Ibid.

§. II. Quomodo P. Gregor. de Valentia exponat nostræ fide resolutionem? pagina 302.

§. III. Ostenditur, hunc Authorem non sufficienter vitasse circulum, pag. 304.

§. IV. Quomodo P. Becanus circulum vitet? pag. 306.

§. V. Ostenditur, huius Authoris discursum non satis difficultatem complanare; pag. 308.

§. VI. Statuuntur aliquæ propositiones deserviētes ad explicandam resolutionem fidei; quarum prima est; euidens esse, dari aliquam veram Religionem in mundo, & inueniri facile posse ab omni homine illam ritè quærentes, pag. 310.

§. VII. Secunda propositio: doctrinam veræ Religionis

non

Primæ Partis.

non posse humano discursu acquiri; sed Diuinitus esse traditam, pag. 313.

§.VIII. Tertia propositio: veram Religionē nec quæri debere, nec inveniri posse per examen rerum, & dogmatum, quæ tradit, pag. 324.

§.IX. Propositio quarta: veram Religionem quærendam, & inveniendam esse per examen fundamentorum, & rationum, quæ euincant, Deum esse Authorem illius Religionis, pag. 329.

§.X. Propositio quinta: manifestum esse debere, & ex rebus in mundo moralitèr euidentibus, quamnam ex omnibus mundi Religionibus, & sectis, sit vera, & à Deo data Religio, pag. 331.

§.XI. Explicatur iam ex dictis fidei nostræ resolutio facienda apud homines Infideles, qui Euangelio non credunt pag. 342.

§.XII. Quomodo Fidei Christianæ resolutio facienda sit sine circulo, & mutua prioritate coram hæreticis credentibus Euangelio, & coram Catholicis, pag. 346.

§.XIII. Alius modus idipsum explicandi, pag. 349.

§.XIV. Quomodo sine circulo autoritas Scripturæ probari possit per authoritatem Ecclesiæ, & Ecclesiæ autoritas per authoritatem Scripturæ, pag. 352.

§.XV. Quomodo resolvenda sit fides eorum, qui Christo, & Apostolis prædicantibus crediderunt, pag. 358.

§.XVI. Quomodo fides nostra, qui miracula Christi, & Apostolorum non vidimus, possit in illa resolveri, pag. 359.

§.XVII. Resolutio fidei, à nobis exposita, confirmatur ex Patribus, pag. 361.

LIBER TERTIVS.

IN quo euidentèr demonstratur, inter Christianas Religiones solam Catholicam Romanam esse veram Christi Religionem, atque Ecclesiam.

Cap. I. Primum caput id probandi, quia ex Euangelio est manifestum, Christum supra Petrum fundasse Ecclesiam visibilem vsque ad finem mundi permansuram: euidentem autem est, hanc non esse illam, quam *Reformatam* hæretici appellant, utpotè quæ cum Luthero, & Calvino incepit; sed Catholicam Romanam, quæ continuata serie Pastorum à D. Petro vsque ad Innocentium XI. 244. numerat Summos Pontifices.

Cap. II. Caput secundum idem probandi, quia cum Sæctarij fateantur, Ecclesiam Romanam primis quinque sæculis veram Ecclesiam Christi fuisse: manifestè demonstratur, illam postea à vera fide, quam ab Apostolis acceperat, non deffecisse: quia euidentem est auidentia facti, eam nunquam in apostasiam, hæresim, vel schisma incidisse.

Cap. III. Tertium caput idem probandi: quia cum sine fide impossibile sit placere Deo; si Ecclesia Romana à sexto sæculo veram Christi Fidem perdidit, ut somniant Sæctarij, euidentèr inde infertur, per mille annos nullum hominem salutem obtinuissè, ac proinde damnatos fuisse Benedictum, Malachiam, Bernardum, Dominicum, Franciscum, & alios, quos hæretici ipsi, Sanctos fuisse non negant, hoc autem est euidentèr falsum.

Cap. IV. Impugnatur effugium quorundam Protestantium, qui cum absurdum capitis præcedentis deuorare
non

Primæ Partis.

non audeant, dicunt, posse quemlibet Christianum in sua secta, & fide salvari, Lutheranum, v.g. in sua, similiter Calvinistam, & Pontificium. Atque apertè demonstratur, si semel intra Ecclesiam Romanam reperitur salvatio, eam reperiri non posse in secta Lutherana, vel Calviniana, nec in vlla alia negante aliquem ex articulis, quos Ecclesia Romana credendos proponit.

Cap. V. Sectarij fatentes, dari in Ecclesia Romana salvationem, habent evidentem obligationem deferendi suam sectam, & transeundi ad Ecclesiã Catholicam: quia evidens est, viam certam præferendam esse dubiæ; in Ecclesia autem Catholica certa est spes salutis, ex vtriusque partis confessione; in sectis autem Hæreticorum solum est salus in ipsorum opinione, quam esse manifestum errorem, omnes Catholici constanter credunt.

Cap. VI. Quartum caput idem probandi: quia cùm Ecclesia à Christo fundata, sit visibilis; & certū sit ex Scriptura, non posse Christum, qui ipsam gubernat, permittere vt ipsa tota, quatenus ex Pastoribus, & ovibus conflata est, publicè profiteatur aliquod dogma falsum, necessarium est vt in ipsa detur tribunal aliquod supremum visibile, seu iudex aliquis supremus, ad quem in dubijs fidei, & morum Christiani recurrant, & cuius sententiæ omnes stare debeant: qui ne totam Ecclesiam obliget ad errandum in fide, debet esse authoritatis infallibilis; evidens autem est, hunc iudicem visibilem non reperiri in vlla Hæreticorum secta; sed in sola Catholica Romana, in qua hoc munus exercet vel Concilium Generale approbatum à Romano Pontifice, vel hic, dum è Cathedra D. Petri tanquam Summus Pastor, quid tenendum sit, toti Ecclesie proponit.

Cap.

Cap. VII. Quintum caput idem probandi: quia manifestum est, verbum Dei scriptum, ut expositum per spiritum priuatum hominis, non posse esse Iudicem contro-
uersiarum, quæ oriuntur inter Christianos circa fidem & Religionem; sed necessario recurrendum esse ad tribunal aliquod visibile infallibilis authoritatis.

Cap. VIII. Ostenditur, Sectarios, qui dicunt, se puro verbo Dei niti, re ipsa non Dei authoritate, sed humana, & fallibili ratione moueri ad credendum, ac proinde eorum fidem, etiam circa mysteria, quæ vere continentur, non Diuinam, sed humanam esse, sicut est fides Mahumetanorum, & Iudæorum.

Cap. IX. Sextum caput idem probandi: quia euidentia facti, per singula sæcula floruisse in Ecclesia Catholica Romana Viros, & Fœminas sanctitate, & miraculis illustres: certum est autem, veram sanctitatem, & gloriam miraculorum solum in professoribus veræ Religionis reperiri: nec Deum vnquam tribuisse Hæresiar-
chis, & eorum Sectatoribus potestatem patrandi vera miracula in confirmationem suæ doctrinæ; imò nec potuisse.

Cap. X. Septimum caput idem probandi: quia insignis sanctitas, & gloria miraculorum, qua in Ecclesia Catholica Romana floruerunt multi Viri, & Fœminæ: postquàm Lutherus, & Calvinus ab illa secessere; cum interim duo isti Ecclesiæ reformatæ Authores nullis virtutibus, nullisque miraculis fuerint insignes, manifestè probat veritatem Ecclesiæ Romanæ, & falsitatem sectæ Lutheranæ, & Calvinianæ.

Cap. XI. Octauum caput idem probandi: quia parallela

Primæ Partis.

comparatio inter Martinum Lutherum Ecclesiæ reformatæ Authorem, & Franciscum Xauerium Ecclesiæ Romanæ Propagatorem, manifestè ostendit, Ecclesiam Romanam esse veram Christi Ecclesiam; Ecclesiam verò Lutheranam, & alias ex illa ortas, non esse nisi Synagogas Sathanæ.

Cap. XII. Nonum caput idem probandi: quia incredibile, & monstruosum est, quod Deus ad reformandam Ecclesiam elegerit Lutherum, Monachū apostatam, qui relicto Monasterio, habitu, & professione sua, ad vitam sæcularem reuersus, Monialem professam, à Monasterio abductam, sibi copulauit, & cum ea assiduè vixit; & Ioannem Calvinum, presbyterum ambitiosum, superbia, & maledicentia plenum, qui de nefando crimine cōuictus, & per sententiam Iudicis publicè damnatus, exurendus fuisset Nouioduni, nisi ob Episcopi preces pœna ignis commutata fuisset in supplicium virgarum.

Cap. XIII. Decimū caput idem probandi: quia euidentis est euidencia facti, Lutherū, & Calvinū, & alios Sectarios, qui ab Ecclesia Romana recesserunt, renouasse Hæreses à vera Christi Ecclesia damnatas, nimirum ab Ecclesia Romana intra quinque priora sæcula, quando etiam ex confessione Adversariorum vera Christi Ecclesia erat.

Cap. XIV. Vndecimum caput idem probandi: quia omnes Sectarij, qui sub specioso titulo *Reformationis* Fidem Ecclesiæ Romanæ impugnarunt, in crassissimos, & manifestos errores prolapsi sunt, quos eleganter describit Bellarminus in præfatione ad primum controuersiarum tomum.

Cap. XV. Vltimum caput probandi, solam Ecclesiam

Index.

Catholicam Romanam esse veram Christi Ecclesiam:
quia illi soli conveniunt notæ veræ Ecclesiæ, videlicet
quod sit *Visibilis, & conspicua*, quod sit *Vna, Sancta, Catho-*
lica, Apostolica, Sponsa Christi, Domus Dei, Columna;
& Firmamentum veritatis.







